

جلاء القلوب



مكتبة

الكتاب

(*) جلاء القلوب (*)

(*) رسالة النبي المحبوب (*)

(مخرج مكا تب عسكريه خواجه الرندن حافظ ابراهيم كترلربك)
(اثر يد ر)

(اشبهو رساله عاجزانه مرده مندرج اولان احكامك مأخذلى)

شرح مواقف

شرح مقاصد

شفاء شريف

شما ئل شريف

مواهب لدنية قسطلانى

مساخرات محى الدين عربى

روضه الاحباب

وبرده بو رساله نك غايت مختصر اولمى مطلوب اولديغندن
مأخذ لرنده ذكر اولنمديغى و جملة راويلر تمامه ذكر
اولنه مامشدر

VAIZ
H. Cemal Öğüt

Alasanyalı

Istanbul, Beşiktaş, Vişne zadesi

Şekirdek sokak No. 6

(*) جلاء القلوب (*)

في رسالة النبي المحبوب *

بسم الله الرحمن الرحيم

الحمد لله الملك القادر العليم . الذي بقدرته خلق كافة الالنام
وامرهم بالعبادات والطاعات في الليالي والايام . ونهاهم
عن دنس عبادة الاصنام . وعن لوث الكفر والشرك والاثام
وارشدهم بارسال الكتب والانبياء الفخام . المشيدين لاركان
الدين باكمل النظام . والصلاة والسلام على النبي الهاشمي المهام
الذي هدينا بالجمع الساطعة الى شرف الاسلام . وعلى آله
واصحابه الكرام . الفارقين بين الحق والباطل كالسيوف
الصرام . بعدنا حال رونق فراى مسند خلافت . ونير اعظم
برج سلطنت . حافظ حقوق رسالت . ناشر اسباب سعادت .
ناظم امور دين وملت . منبع منيع معدلت . باعث امن وامان
ملجأ اهل ايمان . خليفة دوران . پادشاه اسكندر توان .
سلطان ابن سلطان (عبد العزيز خان) افند من حضرت تلري
جناب رب مستعان الى آخر الزمان اريكة پيراي شوكت وسلطنت
بيورسون آمين . اويله برشهنشاه جهان قيمت كه (الملوك الملهمون)
حديث منيفي منطوقنجه تبعه شاهانه سنك از هر جهت ترقى
حال وسعادت مألري حقنده اسلافك نائل اوله مديني نيجه نيجه
آثار خيريه الهام قريحه ملوكانه اولنه كلديكي مثاوبو دفعه
دخي ملك وملتك ركن اعظمي بولنه ان عساكر شاهانه سنك

عقايد دينيه وفضائل نفسانيه لر ينك استكماليه
كله واحده منجيه به برقائدها صاريله رق جمله سنك يكدل
ويكوجود بولنلري چون رؤساي صنف جليل عسكري اوله جق
مكتب فنون حربييه شاهانه طلبه سي معتقدان اسلاميه ده
مقلد لكدن قورتيه رق علوم عقليه ونقليه ايله متجلى وفضائل
دينيه ودنيويه ايله متجلى اولميرينه دومي اليهم طلبه نك مكتبده
بولند قلري مدت ظرفنده كنديلرينه بهر سنه رمضان شريفده
عقايد دينيه وسير محمدى ونوا رنج انبيا وفقه شريفدن برر
رساله نك تدريس اولمسنه اراده اصايتعاده حضرت ملوكانه
شرفه علق ايتمش ووزير فاضل تحرير سرعسكر آصف تدبير
دولتو عطوفتو حسين دوني پاشا حضرت تلري نك امر عاليلري
اوزره تدريس اولنه جق رسائلك هر برينك جمع وتاليفي برر
ذاته احاله بيور مشلر . انجق حسن ظنلرينه بناء ني آخر زمان
وتمة دوران وجيب رحمن حضرت (محمد مصطفى) صلى الله
تعالى عليه وسلم افند من حضرت تلري نك دلائل نبوت وفضائل
ذاتيه وصفاتيه وغزوات دينيه ومعجزات باهره لرندن برر
نبذه جك جامع اولمق اوزره بر رساله نك جمع وتاليفي دخي
بوناعي كينه كعبضاعه لرينه حواله بيور مش هر نقدر
بو خصوصده سوز سويلك اقتدار ولياقت عاجزانه مزك
خارجنده بولنمش ايسده انقياد اولي الامر ودولت
وملك بر خدمنده بولنمق آرزو سيله متوكلا على الله ومتوسلا
لمعوانه رسول الله اشبو امر عسرك ايفاسنده مبادرت قلندي
ومنه العون والتوفيق



و یا خود کافه انس و جنه تبلیغ احکام الهیه ایتک اوزره
طرف الهمیدن مأمور اولان بر انساندر .

(مطلب ثانی) نبوتک امکانی شـونکله مثبتدر که بر مخلوق
ضعیف اولان انسان چالیشه رق کسب ایتدیکی کالات و یا خود
قوه جبریه واسطه سیله ابنای جنسی اولان نیچه اقوامه رئیس
اولوب ایتدیکی کبی قانونلر وضع و تأسیس ایتکه و قانونلرینک
نشر و انفاذینه متعدد مأمورلر نصب ایتکه و ایتدیکی وقت
مأمورین وقوانینک تبدیل و تجدیدینه مقتدر اوله بیلدیکنی
کور ییور و ایشیدیورز .

ایمدی فاعل مختار اولان جناب الله که هر شئیک خالق و مالک
حقیقه یسیدر . و هر دبله دیکنی یا یغنه و هر مراد ایتدیکنی اختیار
ایتکه قادره مطلقدر و امر نواهی الهیه سنی قوللرینه و تبلیغ ایتک
اوزره مراد ایتدیکنی بر انسانی مأمور ایده مزمی . نه محذور
واردر . هیچ بر محذور اولوب امر نبوت ممکن و بالفعل
دخی واقعدر . (مطلب ثالث) نبوتک بالفعل وقوعی تواتر
دلیلی ایله مثبتدر . (فائده) تواتر علم یقینی افاده ایلیمان
برد بیلدر . توانرک شرطی متواتر اولان نسبه لر محسوس
و مشاهداتدن اولقدردر . امور معقوله ده تواتر جاری دکلدر .
و برده امر متواترک هر کسک سمعیه و اصل اولسی شرط
دکلدر . (متواتر) برجاعتک خبر و برمسيله موجود اولدیغنه
حکم اولنان امر در که اول جماعتک کذب اوزرینه اتفاق
ایتلری محال اوله . مکله و مدینه یی واسکندر و نوشـروانی
کور مدیکمز حالده موجود اولدقلرینه حکم ایتکه کلهز کبی . که

* (اخطار مخصوص) *

اشهور ساله عاجزانه مز بر مقدمه و بش باب و بر خاتمه یی شاملدر

بسم الله الرحمن الرحيم

(مقدمه) الی مطلب اوزره ترتیب اولمشدر . برنجی مطلب
نبینک معنای لغوی و عرفیسی . مطلب ثانی نبوتک بر امر ممکن
اولدیغی . مطلب ثالث نبوتک بالفعل وقوعی . مطلب رابع
نبوتک لزومی . مطلب خامس نبوت موهبه الهیه اولوب
صنعت اولدیغی . مطلب سادس معجزه و شرائطی بیاندهدر .
(مطلب اول) (نبی) کله سی خبر معناسنه اولان (نبأ) کله سندن
مشتق اولوب انبیای کرام طرف الهمیدن خبر و یرد کلرندن
کنندیلرینه نبی تسمیه اولمشدر . و یا خود ارتفاع معناسنه اولان
(نبوت) کله سندن مأخوذ اولوب پیغمبران عظامک جناب
حق و قوللری عنده قدر لری عالی اولدیغی جهتله لفظ مزبور
ایله تسمیه اولمشدر . و یا خود طریق معناسنه اولان
(نبی) کله سندن مأخوذ اولوب انبیای ذیشان قوللرک جناب
حقه تقر بلرینه وسیله اولدقلری مناسبته کندولرینه (نبی)
تسمیه اولمشدر .

امام معنای عرفیسی اهل حق یعنی اهل ملته کوره (نبی) بر قومه

امور مذکوره تواتر دلیلی ایله ثابت اولدقلمرندن وجود لرینی
انکار ایدوب مکه و مدینه واسکندرونوشروان یوقدر بونلر
یلا ندر دیسانلره مجنون و یا خود معاند دیرلر . چونکه افکار
واخلاق و وطنلرینک اختلافله برابر برجاعت کوره رنک برطاقم
امورک موجود اولدیغنه اتفاق ایدوب خبر و بردکاری حالد
عقل جماعت مزبور نکه کذب اوزرینه اتفاقلرینی محال
کورور . و خبر و بردکاری امورک نفس الامرده ثابت
و واقع اولدقلرینه حکم ایدر . اشته بونک کبی ابوالبشر
حضرت آدم دن خاتم الانبیایه کانجیه قدر شوقدر بیک انبیای
ذیشان کوروب و نبوتلرینی تصدیق ایلیان اقوام مختلفه بی
کذبه حمل ایدرک انلریلا نجیدرلر . دنیایه بی کلامشدر
دیمک اثر جنت و حقاقت و یا خود عناد اولدیغنده شبهه وارمیدر .
اصلا شبهه اولیوب امر نبوتک بالفعل و قوعی علم الیقین ثابتدر .
(مطلب رابع) نبون انسانلر ایچون برامر لازم مدر یعنی
انسانلرک دنیوی و اخروی سعادت حاله نائل اولملری بی
وشریعتسز ممکن اوله مز . چونکه انسان امور معاشنده
یعنی بیه جک و ایجه جک و کیه جک و سائر حوائج ضروریه سنک
استحصالنده بهمه حال ابنای جنس سنک مشارکت و اختلاط
و معاو نلرینه محتاجدر .

مثلا برانسان تفرد ایدوب کندی باشنه یشامق مراد ایتسه
یا لکنز اولدیغنی حالده حوائج ضروریه سنی استحصال ایده میه
جکندده هیچ شبهه یوقدر البته ابنای جنس سندن بعضیسی
چفت سوروب اکین طوپلایه جق و کیمپسی اوکودوب اون

ایده جک ودها بونلرکی بز طوقویه جق دیکش دیکه جک
ایده یا په جق و سائر خدمتلری کوره جک کسه لر لازمدر .
بودرلو اجتماع ایدوب بری برلرینه معاونت ایدیلورسه اسباب
معاش حاصل اولوب یشامق ممکن اوله بیلور . اشته انسان
بالطبع مدیدر ید کلری شو اجتماع و تعاوندن عبارتدر .
بوراسی دخی بالبداهه معلومدر که فائده و مضرت ملاحظه
ایتمه رنک برایش یا یق و یا خود یا یشامق کار عاقل اولیوب بلکه
جنت اثریدر . بوسبیدن انسان ایچون لازم کلان اجتماع
و تعاونده هر بری عملی مقابلنده صاحبنه اعطا ایده جک برطاقم
عو ضلر لازمدر .

بودخی خنی دکلدر که بینلرنده جریان ایده جک اولان
معاملات و معاوضات خصوصلرنده دفع ظلم ایچون برقا نون
عادلک بولنمی لازم و ضروریدر . و او قانون عادل دخی
انبیای کرامک جناب حق طرفندن کتوروب خواص و عوامک
انقیاد ایتدکلری شریعتدر . خواص و عوامک انقیاد ایتدکلری
بویله برشریعت اولسه ایدی طبیعتده مرکوز اولان حرص
و طمع سببیه انسان بشقه سنک النده کوردیکی نعمت و دولتی
النندن آلمق ایستر . و اوتیه کی دخی و یرمیه جکندن بینلرنده
مضاربه و مقاتله بی منتج برنزاع حاصل اولور . و کیده کیده
بوهرج و مرج بتون انسانلره تعمم ایدرک امور معاش و معادک
مختل او نمی لازم کلور . اشته شونکته به مبنی خواص و عوامک
کندیسنه انقاد ایده جکلری بر پیغمبر ذیشانک وجودی لازم
و ضروریدر . و شبهه یوقدر که جلب منافع و دفع مضر خصوصلر

نده بئینک وجودی اعظم مصالح انساندر جناب کبریائک بویه
بر بیوک لطف و کرمنه تشکر ایمو بده انبیای ذیشانه عداوت
ایک و اینانماق نه بیوک حقاقت وجهالتدر و برده بر فیلسوفز
شویه عقلاوین کندیمر قانولر بیار و مصالح عبادی تسویه
ایدرز کتب سماوییه و انبیای کرامه احتیاجز بوقدر دیان
حد بفکرده ذره قدر اولسون عقل و فکر وارمیدر نه کرر
کندیلرینه شونی صورارز که ای فیلسوفلر رحم مادر دن
عالم اولدیغکز حالده می دوشدیکز یو خسه بیود کدنصکره
مکتب و مدرسه ده می تحصیل ایتدیکز رحم مادر ده مکتب
و مدرسه بولمیدیخی جهته بیود کدنصکره تحصیل ایتدیگکرده
هیچ شهیه بوقدر عجا انسانلری ابتدا مدینه آلهش دیران
واوقیوب یازمغی و صنایعی تعلیم ایلیان کیدر کتب سماوییه
وانبیای کرام دکمیدر

انسانلری تربیه ایدوب مدینه آلهش دیران کتب سماوییه
وانبیای کرام کلیدی هر ج و مر جدن قورتلو بده انسان
کره ارضه بوقدر ملیون نفوسه بالغ اوله بیلور می ایدی
هیئات . . . فرض ایدلم که بالغ اولسون بویه مدینت ایله یشامق
میسر اوله بیلور می ایدی نه ممکن . . . صیت نبی ایشتمیان
اقوام وحشیه ناک احوالی کتب توارینجده مطالعه اولنسه
زقاغلرده کی کو پکار دن دهادون بر حالده یشادقلری اکلاشیلور
چونکه کو پکار چکیشور لر ایدسه ده بری برلرینک اتلرینی یمنلر
اقوام وحشیه ایدسه دیری دیری یکدیگرینک اتلرینی یمنلر
افتخار ایدرلر یا میاملر و امر بقا وحشیلری کی بو آدملاک

همیسی دلی دکدرلر یا نه ایچون بر قانون عادل یا پوبده
مدینتله یشایه میورلر اشته ای فیلسوفلر مقدمات مذکورده دن
اکلاشلیغنه کوره جمله مزک اقتباس ایتدیگمز برشعله جک
مقداری علم انبیای ذیشانک میراث بر اقدقلری علومه دن
اولدیغنه شبهه قالمدی بولطف الهی به تشکر ایدوب کفران
نعمت ایتاملیدر

وبنه بونک کی انسان امور اخر و به سنده دخی کندی باشنه
اولدیغی حالده سعادت حاله نائل اوله مز چونکه جناب
خک وحدانیتینی و اجالا صفات کمالیه ایله متصف اولوب
صفات نقصانیه دن مبرا اولدیغی عقلا ادراک اید بونک ممکن
ایسه ده بر تفصیل ادراک اید بونک و برده عبادات و طاعات
کیفیتی و صحیح و فاسدینی و جناب کبریائک حلال و حرام قیلدیغی
اشیایی و سائر لوازم دینییه یی عقلا بونک قطعاً ممکن اوله میه جغی
در کار اولوب همه حال نقل لازمدر

نصل لازم اولسون که بر سوری سینک ایله بر عصانک مضر تارینی
دفعه مقتدر اوله میان نمرود ایله فرعون کی بر طاقم ظالم خائنلر
دعوی الوهینه قالدیشه رق مدنی اولان مملکتلرده بوقدر
خلقی ضلالت دوشوروب کندیلرینه طاپدیرمدیلر می بونلره
طاپان اقوام کندی عقلا بویه نیچون حتی بوله مدیلر ودها بومثللو
اولان اقوام جهله ناک کیمبسی اشته و کیمبسی بوزاشی به و کیمبسی
فرجه و کیمبسی اولواغا جلره و کیمبسیده رسوم و تصاویره ودها
سائر هیاکل عجیبه به طایه رق ضلالت و خسرانده قالمیلر می
بوقدر کتب سماوییه نازل اولمش و انبیاء ذیشان کله وب
واحدانیت الهیه یی تصدیق ایتدیرمک و انسانلری مدینه

و عبادات و اطاعت آتش در مقی چون فدای جان ایدر کجالشمش
ایکن بیه حال روی زمینده اقوام وحشیه و دینسز و مشرک و بت
پرست و آتش پرست و دها بونلر کبی حشرانک حد و پایانی
یوقدر . . . بورالردن دخی صرف نظر ایده لم . برمدنی بز
اللهی بیلورز و پیغمبرلره اینانورز و بویولده فدای
جان و جهن ایدرز دیه رک افتخار ایدانلردن پک چوغنک
احوالی معلومدر . که بری برلرینه اولان معاملاتیته مد نیت
شویله طور سون سباع وحشیه دن بیه دها بدتردرلر . و دینجه
اولان معاملاتیته دخی بت پرست و سائر دینسزلردن هیچ
برفرقلری یوقدر .

اشته ازان جله مد نیتک نه اولدیغنی بیلوبده انسان حر مطلق
اولدیغنی جهنله کندی باشنه براقیلوب فاعل مختار اولملی
واستدیکنی یا علیدر دیه رک ارخای عنان زنان ایدنلرک
یتشددکاری حشرات نیه یارار . . . و قنخی دینه خدمت
ایدزلر . . . و برده طهارت بدن اینکسزین طاملره طیقیلوبده
کندی اللریله یا بدقلری صور مختلفه عجزیه رکوع و سجده و دعا
و نیاز اینکی کتب سماویه می تعلیم ایتدی (نعوذ بالله) کتب
سماویه وقایه نسب و طهارت کامله ایله امر و عبادت اصنامدن
عبادت حقه داعیدر بویله شیلری اصلا تبحر ویز ایتمز .
و بومقوله شیلر بتون آثار جهالت اولدیغنده هیچ شبهه یوقدر .
اشته حق الانصاف نظر اولندقد، مقدمات مذکوره دن
اکلاشیلور که کتب سماویه و انبیای کرام اولقسزین سعادت
حاله نائل اولق ممکن دکلدز . (لطیفه) کونش بتون عالی

ضیادار ایدر اما شدتلی بلوط ایله احاطه اولنمدیغنی حالده
نه فائده سی اوله بیلور . عقل دخی مملکت بد نک هر بر جزئی
ضیادار ایدر انجق پرده ظلمت جهالتله مستر اولورسه
نه پیا بیلور . (تنبیه) اهل سنت و الجماعت مذهبه کوره
جناب حق فاعل مختار اولدیغندن کندیسنک اوزرینه هیچ
برشی واجب دکلدز . بو جهنله قوللرینی سعادت حاله ایصال
ایچون کتاب و نبی کوندرمک وجوب طریقله اولیوب انجق
بر لطف محض و فضل الهیدر . وجوب و لزوم تعبیرلری بزه
نسبتله در . (نکته) کتب سماویه و انبیای کرامک تعددنده
حکمت قرون و ادوار تجدد ایتدیکجه نوع بنی آدم آرتنه رق
مد نیتک ایلرولمسيله احتیاجات بشریه نک دخی تکثرایتسندن
و برده اخلاق و اطوار دکیشسه رک انسانلرک آره سنده حد
و پایانسز فناقلرک ظهور ایتسندن کتب سماویه نک تجددینه
و انبیای دیشانک تعددینه لزوم کورلمشدر .

نته کیم حضرت عیسی علیه السلام سمایه رفعتدن صکره
قوم یهودی نصاریه زیاده سیه مسلط اولوب محاربات کثیره
و انواع دیاس ایله نصارانک پک چوغنی محو و پریشان ایلدیلر
وقالانلری دخی طاعلره و مغاره لره قاچدیلر . صکره بتکرار
نصاری چوغالمغه یوز طوتجه کروه رهایین دعوای ریاسته
دوشه رک استدکاری کبی هر بری بردرلو انجیل شریفی تبدیل
و تحریف ایتلریله هر بر عجیب و غریب هیاکل آلله اتخاذ
اولنه رق و عیسی علیه السلام حقنده یا قشیمه جق صورتده

شهادت باهر البطلانه قائل اوله رق و عربلرك چوغی دین
طایمیب بته لره طایه رق او رته لغلک احوالی بتون بتون
فنا لشدیغندن جناب کبریا لطفا و تفضلا دنیوی و اخروی
الی بوم القیام کافه مصالح عبادی حاوی قرآن جمیل ایله نبی
آخر زمان و رحمت عالمیان و حبیب ذیشان (محمد علیه الصلاة
والسلام) افندمز حضرتلرینی کافه انس و جنک ارشادینه
مأمور ایدرک بعث و ارسال بیوردی . لطف و احسانه تشکر
ایدرز .

(مطلب خامس) نبوت جناب پروردگارک بر عطیة الهیه سی
اولوب صنعت دکدر .

نبوتک عطیة الهیه اولدیغی انبیای کرامک ارهاصات
و معجزاتی ایله مشهور . (ارهاصات) انبیای عظامک طوغدقلری
زماندن نبوتلری زمانه قدر و قوعبولان کرامات و معجزات
علیه لریدر .

(ارهاصات مهال) حضرت فخر عالم افندمزک طوغدیغی کجه
روی زمینده بولغان بتلرک باش اشاغی اولسی و محوسیلرک بیلک
سنه دنبر و یاقدقلری آتشک اول کجه سیونمسی ودها بونلره مماثل
کرامات و معجزات علیه لری کبی . که ولادت بحشده بیان اولنه جقدر
ورده حضرت مریم رضی الله عنها والده مزی قومی تضییق
ایدوب بوچو جغی کیمدن کتوردک سنک اناک و باباک فناکسه لر
دکل ایدیلر دبه رک ایذا و جفا ایتدکارنده حضرت مریم
چو جغه (عسی علیه السلام) اشارت ایتسی اوزرینه
قومی بز بشکده کی چو جغی نصل سویلدهم دینجه حضرت

عسی لسان فصیح ایله تکلمه باشلیوب (ای قوم تحقیر قاب
اللهک قولی یم سزک ظن ایتد بیککز کبی دکلم . جناب حق
تبلیغ احکام الهیه ایتک اوزره بکا کتاب ویردی . و نبی نبی
قیلدی . و هر قنغی بر محلمده بولنوردهم نبی مبارک قیلدی . و عمرم
اولد قجه بکا نماز و زکات و والدهمه اطاعت ایله امر بیوردی .
طوغدیغم و اولدیکم و اولدکدن صکره دیرلدیکم کونده جناب
کبریا نک بکا لطف و احسانی اولسون) بیورمسی کبی .

(معجزاته مهال) اشاغیده بر بحث مستقلده تفصیلا بیان
اولنه جغی و جهله حضرت فخر عالم افندمزک نبوته بشکده کی
چو جقلرک شهادت ایتسی وید شریفه سنده کی طاشلرک
تسبیح ایتسی و مغیباتدن خبر و برمسی و فصیحای عرب الک اقصر
برسورده شریفه سنک مثلنی کتورمه دن عاجز قالدقلری
قرآن کریم و اکثر انبیای کرامک احیای موتی ایتلری کبی .
نبوت صنعتدر موهیة الهیه دکدر . دیان فیلسوفلر عجب
ذکر اولغان ارهاصات و معجزاتی صنایعک قنغی قسمندن
عد ایدرلر . . . واه کیدی شاشقین حریفلر . بر پیغمبرک
طوغسمیله بتلرک باش اشاغی اولسی و محوسلرک اتشلرینک
سیونمسی و بشکده ایکن لسان فصیح ایله تکلم بیورمسی
وصبیانک نبی اولدیغنه شهادت ایتسی و طاشلرک تسبیحی ودها
بونلره مماثل اولان ارهاصات و معجزات نه و جهله صنعت اوله
بیلور . و بشکده کی چو جقلر نصل تحصیل ایده بیلدیلر .
ورده احیای موتی صنعت اولسه ایدی صنعت طب اولاق
لازم کله وردی . عجب انبیدن بشقه مزارده کی اولولری

دیرلدوب سو یلتک قنغی برطیبیک یاپه بیله جکی ایشدر .
هیئات هیئات . .

ورده نبوتک صنعت اولدیغنه قائل اولان فیلسوفلر بویله بر صنعت
محصیل ایدوبده رفاه حال ایله کچینه رک یشاسه زده عالمی
دینسر لکه تشویق ایتک ایچون خائب و خاسر اوله رق
سور و نسه لر اولزمی .

(تمثیل) نبوتک صنعت اولدیغنه قائل اوله رق خلقی دینسر لکه
تشویق ایتک بر همان چوپله سیل صوینک جریانی منع ایتک
کبدر . نه یوک حاقدر . .

(مطلب سادس) معجزه بیانده در . (معجزه) پیغمبرک
دعوی ایلیان ذاتک صدقنی اظهار ایدن شیدر . و معجزه نک
شرطلری بدیدر . برنجیسی نبینک اظهار ایلدیکی معجزه
کندی طرفندن اولوب بر فعل الهی اولمیدر . قرآن کریم
کی . ایکنجیسی معجز اولان فعل خارق عادت اولمیدر .

حیوانات و جاداتی سولیمک کی (۳) فعل مذکور معارضه
ایدوب مثلنی کتوزمکه هجج برکسه نک قدرتی اولما ملیدر
کچن مثاللر کی . (۴) فعل مذکور دعوی نبوت ایلیان ذاتک
یدنده ظاهر اولوب بشقه سندن صادر اولان فعل اولما ملیدر

(۵) فعل مذکور دعواسنه موافق اولمیدر . مثلاً بن شومیتی
احیا ایدرم دیوبده بشقه برخارق عاده کوسترسه صدق ثابت
اوله مز . (۶) فعل مذکور کندی تکیذ ایده جک بر فعل
اولما ملیدر . مثلاً بن شوقوشی سولیدرم دیوبده قوش بو آدم
دعواسنده کاذبدر دیسه پیغمبرک صدق معلوم اولمز . (۷)
فعل معجز دعوی نبوتدن اول اولوب مقارن اولمیدر .

مثلاً دعوی نبوت ایدر کد نصرکه بنم معجزه م برماه مقدم
کوسترمش اولدیغم فعل در دیسه دعواسنده صادق اولدیغنه
دلالت ایده میوب بتکرار فعل معجزک ایتایله مطالبه اولنور .
اندنصرکه عاجز قالورسه قطعاً کاذبدر .

(معجزه نک کیفیت حصولی) معجزه قادر مختار اولان جناب
فیاضک بر فعلی اولوب انسانلری مشاق داریندن قورتاروب
سعادت حاله ایصال ایتک اوزره کوندردیکی نبینک نبوتنی
تصدیق ایدرمک ایچون نبینک یدنده برط - اقم خوارق عاده
اولان افعالی اظهار ایتکه مقتدردر .

(اما معجزه نک عقلاً امکانی) اولاً معجزه عقلاً اوچ قسمدر .
بری (ترک) ایکنجیسی (قول) اوچنجیسی (فعل) در .
اما ترک ایله اولان معجزه مثلاً خلاف عادت اوله رق برخیلی
زمان معناد اولان ویمک و ایچمک و او یقودن کندی نفسنی
امساک ایتک کی . بونک سببی کدورات بشریه دن طاهره
اولان نفس انسانی عالم قدسه منجذب اولوب عالم مذکور
اشتغال ایله مواد بدنیه نک تحلیله دن فراغت ایدرک بدنه
محتاج اولما ملیدر . ننه کیم بوجالی تمامیه خسته اولان
کسه ده مشاهده ایدرز . چونکه خسته نک نفسی بر مرضه
مقاومله اشتغال ایتدیکندن مواد بدنیه نک تحلیله دن متمنع
اولوب ییه جک و ایچه جک و او یقودن بر درجه ده کسبلورکه
صحبتی هنگامنده اول مدتک نصفه ده لوازم مزبور بی ترک
ایده جک اولسه هلاک اولسی لازمکلور .

(اما معجزه قولیه) غیبدن خبر و یرمسی کی . بونکده سببی

نفسك عالم علوی به انجذابدن عالم مذکورده بولند ان صور
مختلفه نفسه متعقش اولوب نفسدن دخی قوه متخیله وحس
مشرکه انتقال ایدرك مغیباتدن خبر ویره بیلور.

(اما معجزه فعلیه) احیای موتی و جهاداتی سولتمك كبی که
صاحب معجزه ددن بشقه هیچ برکسه نك یا به بیله جکی ایش دکلدر.
بونك دخی سببی نفسك قوتندناشی اجرای بدیهه ده تصرف
ابتدییکی کبی . موا د عنصریه ده دخی تصرف ایده بیلمسیدر .

(اما معجزه نك پیغمبرك صدقنه دلالت اتمسی) جناب کبریا
عادت الهیه سنی اجرا ایدرك اظهار معجزه عقینده کورنلرك
ذهنلرنده پیغمبرك صادق اولدیغنه بر علم ضروری خلق ایتسیدر
واو علم ضرورینك حصولی شوسبیه مبنیدرکه جناب حقك
قدرت کامله سی کافه ممکناته شامل اولدیغی جهتله کاذبک
یدنده اظهار معجزه ایتك هر تقدیر عقلا ممکن ایدسه ده عاداتا
محال اولدیغی معلومدر . مثلاً برکسه بر قومه خطابا بن سمرک
نیکرم دیوبده بر بیوک طاعی بندن قلع ایدرك باشلری اوچنده
توقیف ایتدکنصکره اشته بنی تکذیب ایدرسه کز بو طاع
سمرک اوزر یکنزه دور یلوب هلاک اولورسه کز . و تصدیق
ابتدیکنز صورتده ینه محله رجوع ایدر دیسه وقوم مذکور
دخی ایمان ایتکی قصد ایتدکری حالده طاعك اوزا قلاشدیغی
وتکذیه قصد ایتدکری حالده طاعك یا قلاشدیغی کور یلورسه
بالضروره اول نبی دعواستنده صادق اولدیغی اکلا شیلوب ایمان
ایتك لازمکلور . چونکه کاذبدن بویله بر فعلك صادر اولیه جغنی
عادت الهیه ناطقدرد .

برنجی باب درت فصل اوزره در . برنجی فصل حضرت
فخر عالم صلی الله تعالی علیه وسلم افندمزن حضرتلرینك
نسب اظهاری بیانده در .

نبی آخر زمان و حبیب رحمان سید انبیای ذیشان صلی الله
تعالی علیه وسلم افندمزنك اسم شریفی (محمد) بن عبد الله
بن عبد المطلب بن هاشم بن عبد مناف بن قصی بن کلاب بن
مره بن کعب بن لوی بن غالب بن فهر بن مالک بن نضر کنعمان
بن خزیمه بن مدرکه بن الیاس بن مضر بن نزار بن معد
بن عدناندر . بورایه قدر سلسله نسبك منوال مزبوره اوزره
اولدیغنده اهل توار یخك اتفاق وار در .

انجق ایلر وسنده عدد اشخاصك تعیینده اختلاف واقع
اولدیغندن بیانندن صرف نظر اولتمسی انسب و اولی
کورلشدرد .

وحضرت آدمدن عبد الله قدر اولان اجداد کرامتك
هر تقدیر هبسی انبیای ذیشاندن دکلرایسه ده هیچ بریسی
نکاحسز واقع اولیوب حضرت آدمدن عبد الله قدر نور
نبوت محمدی نکاح صحیح اوزره کلا بد یکننده دخی
اتفاق وار در .

حضرت فخر عالم افندمزنك والدیه سی دخی شرف حسب
ونسب و عقل و عفت جهتله بتون مکه اهالیسنك
قبرلرینه فائق حضرت (آمنه) بنت وهب بن عبد منافدر که
نکاح صحیح ایه حضرت عبد الله وارلشدرد . * و اهل
توار یخك اتفاقله مثیدر که حضرت آمنه حمده علیه الصلاه

والسلامدن بشقه ارکک و دیشی هیچ بر ولده حامل
اولمامشدر . و عبدالمک دخی بشقه هیچ بر ارکک
وقیری اولمامشدر .

(ایکنجی فصل حضرت نحر عالم افندمک حلی و اول مدته
ظهور کلان غرائب علاماندن (بربنده جک بیاننده در)

جاذی الاخرانک او چنجی هفتقه سنده جعه کجه سی نور
محمدی حضرت عبدالمهدن حضرت آمنه به منتقل اولوب
تمام طغوز آی مدت انا رجنده قرار ایلدی . موثوق
الکلم اولان اهل توار یخ شو یله ضبط ایشلردر که حلی
کجه سنک صبا حنده روی زمینه ای لان بتلرباشی اشاغی
اولوب برخیلی زمان منکوس و معکوس اوله رق قالدیلر .
ورده رؤسای بت پرستانک تختلری منکوس اولوب
وکنیدیلرینک دخی دیلیری طویلوب اول کون اخشامه
قدر سوز سویلکه مقدر اولامیدیلر . و برده حضرت
آمنه سرور عالمه حامل اولار دن مقدم قوم قریش بر قاج
سنه لر قحط و غلایه مبتلا اولوب نه کنیدیلری ونه ده
حیوانلری طوینجه تفوی ایده منزل ایدی . حضرت آمنه
اول نور خدایه حامله اولنجیه جناب فیاض یغمور لر
یاغدیروب یک چوق بر کتله اولدی و عربلر و اول سنه به
دخی (سنه الفتح والابتهاج) تسمیه به ایتدیلر . و حضرت
آمنه دن شویله روایت ایدر که خاتونلرده ظهور ایدن
اغولق و شیشکینلک کبی حالات بنده ظهور ایتدیکندن

حامل اولدیغنی بیلزدم انجق حیضک انقطاعندن حامل
اولدیغنی سزر دم و حلمک یدنجی آینه نومه ایله بقظه
اره سنده ایکن بر نورانی ذات کلوب کیمه حامل اولدیغنی
بیلور میسین سؤالنه بیلیم جوانی و یردیکمه سن سید پیغمبران
نبی آخر زمانه حامله سین و طوغد یغی و قنده بوتعه و یدی
(اعینده بالوحد من شرکل حاسد) واسم شریفنی (محمد)
تسمیه ایله و طوغد قد نصکره احوالی صاقلوب کسمه به سویله
دینجه حامل اولدیغنه جزم و یقین حاصل اولدی . بیور مشدر .
(او چنجی فصل حضرت عالم افندمک اعضای شریفه سنک
تناسبی و جمال شریفی بیاننده در)

حضرت پیغمپرک مبارک بوی طوله قریب اورته اولوب
طول فاحش و قه یرو یوار لاق دکل ایدی . و روایت
صحیحیه ایله مثبتدر که حضرت پیغمپر هر قنخی بر طویل القامه
کسمنه ایله همراه اولسد اول کسمنه دن دها اوزون بوبلی
کور بنوایدی .

و بو کیفیت دخی رسول اکرمک معجزاتنددر که صورت
ظاهره جه بر فرد کندولرینه مساوی اولدیغنی کبی سیرت
و معناجه دخی معادل و مساوی اوله میه جغی مشعر در . و بدن
مبارک لری دخی حمیت ایله مختلط نورانی بیاض اولوب
کرچ کبی ساده بیاض و اسمر ده دکل ایدی . و مبارک
صاچلری قیویرجق ایله دوز مایینده اولوب زیاده قیویرجق
وده دوز دکل ایدی . و بدن شریفلری تام قمرارنده
اولوب زیاده اتاو و آرق دکل ایدی . و رأس شریفلرنده

اولان قیلار کثیر اولوب قولالارینک بومشاغنه دک واصل
ایدی . و مبارک کوزلرینک قاره سی بقیات سیاه
ویاض دخی برجزئی قزللق ایله مختلط نورانی بیاض ایدی که
کوزده مقبـول اولان کوزلک سیاهی بغایت سیاه و بیاضی
بر مقدار حرت ایله مخلوط غایت بیاض اولمقدور اول حرت
دخی شجاعت علامتیدر . و مبارک کوزلرینک دائره سی
کوزلکی ایله برابر کوچک اولوب یوک مائل ایدی . و مبارک
قاشلری تام و اینجه و ایکی یان طرفلرندن کوزلرینه دک
اوزون و مقوس و آره لری برجزئی مقدار آچیق اولوب
چاته دکل ایدی . (صلی الله تعالی علیه وسلم) خادم رسول الله
اباهریره رضی الله عنه حضرت تلمری وصف شریفلرنده
یوردرلرکه رسول الله یلرده کوزل هیج برنسه کومدم مبارک
واجه شریفنده اول قدر حسن و آن ولطافت و ملاحظت
وار ایدی کانه وجهه شریفنده کونش جریان ایدردی
و کولدیکی وقتده مبارک اون دیشلری کورینوب اینجودن
دها زیاده لمعان ایدردی . و حضرت علی کرم الله وجهه
حضرت تلمری نهایت وصفلرنده یوردرلرکه آسز بن کندیسنی
کورن کسه نک قلبنده بر مهابت عظیمه حاصل اولوردی .
و کندینی طانیوب معاشرت ایتد کدنصره اویله بر محبت کامله
حاصل اولوردی که اصلا باندن آیرلسنی استمز ایدی . و کندینی
وصف ایدنلر نه کندیسندن اول ونه ده صکره حضرت فخر عالم
کبی کوزل هیج برکسه یی کومدم دیر ایدی . صلی الله علیه وسلم .
(در دینی فصل فخر عالمک جسم شریفنک نظافتی و قوقوسنک

کوزلکی و مبارک ترینک کوزل قوقوسـی و اقدار دن بری
وسالم اولدیغی بیانده در)
خادم رسـول الله انس رضی الله عنه حضرت تلمردن سـندات
صحیحه ایله مرویدر که (رسول اللهک جسم شریفنک رایحه
طیبه سی کبی عمر مده هیج برمسک و عنبر و سائر نسنه قوقدم)
یوردمشدر . و اصحاب کرامک چوغندن منقولدر که حضرت
فخر عالم افندمز صاحبه ایتدی کسه نک الینه اویله بر رایحه
طیبه عارض اولوردی که بتون کون زائل اولزدی . و باشنی
او خشادیغی صی دخی حضرت فخر رسالتک ید شریفنک رایحه
طیبه سیله صبیان آره سنده تمیز ایدوب ایدوب بیلنوردی .
و سرور عالم افندمز حضرت تلمری حضرت انسک خانه
سعادتده اویویوب تلمدیکی حالده حضرت انسک والده سی
بر صرچه قاب ایله کلوب مبارک تلمرینی طویلاردی .
برد فعه سنده حضرت فخر رسالت تلمرینی طویلادیغنک
سببندن سؤل یوردیغنده و می الیها ام انس (باحیب کبریا
مبارک تلمر یکر ی بزم مسک و کل یاغی کبی اولان قوقولریمزک
ایچنه ظاملا دیرزده قوقولرک الک کوزلی اولور) جوانی و یردی .
و حضرت عالم افندمز بر طریقندن کچد کدنصره کندیلرینی تعقیب
ایدن هر کیم اولور ایسه اولسون حضرت فخر رسالتک
طریق مزبوردن مرور ایتدیکنی رایحه طیبه سندن بیلوردی .
و اول رایحه طیبه بالذات جسد شریفلرینک رایحه سی اولوب
قوقولونسملر استعمالندن عارض دکل ایدی . و برده حضرت
فخر رسالت صلی الله تعالی علیه وسلم افندمز دار اخرتی

تشریف فرنده حضرت علمیدن روایت صحیح ایلده منقولدر که
(غسلنده جسد شریف فرزندن چیقانی کورمک قصد ایتدم ده
عمرم ایچنده استشمام ایتدیکم بر رایحه طیبه منتشره دن بشقه
هیچ برنسته بوله مانجه یا حبیب الله حیات و ماتنده طیب اولدک
دیدم) بیورمشدر.

و ابوبکر الصدیق حضرت فخر عالم افندمرک دار آخرتی
تشریف فرنده جسد شریف فرین او پدوکنده (یارسول الله طبت حیا
و میتا) بیور دقلری سند صحیح ایلده مثبتدر. و بودخی حد
تواتره بالغ اولمشدر که حضرت فخر رسالت محتون یعنی سنتلی
و کوبی کسک اولدیغی حالدده طوغمشدر. صلی الله تعالی
علیه وسلم

(ایکنجی باب حضرت فخر رسالتک جامع اخلاق حمیده اولدیغی)
(بیاننده در. و بوباب اون فصل اوزره ترتیب اولمشدر)
(فصل اول حضرت فخر عالم افندمرک (حلمی) بیاننده در)
سند متصل ایلده حضرت عایشه صدیقه دن منقولدر که حضرت
فخر عالم هر قنغی ایکی امرده مخیر قیلنسه ایدی اثم اولدقده
اک قولایی اختیار ایدر ایدی و ائمه هر کس دن دها زیاده
قاچینور ایدی. و حضرت فخر عالم کندی نفس نفیس لری
ایچون هیچ بروقت برکسه دن انتقام المیوب انجق حقوق المیه
و حقوق عبادده طوقنهان کسه دلردن اتمقام آلور ایدی.
بیورمشدر) نته کیم احد غزاسنده وجه جیلی یاره لئوب
و رباعیه دیشلردن بری قیلدقده اصحاب کرامه بو حال
پرملال غایت آغر کلدیکندن (یارسول الله بو کفارت خاکسار

اوزر لینه عقوبت المیه نک نزولنی دعا ایتسه کز آ) دیو نیاز
ایتملرینه جواباً (بن طرف حقدن لعان اوله رق بعث اولندم
بلکه طریق حقه داعی و رحمت اوله رق بعث اولندم) (ارب
سن قومی هدایت ایلده که آنلر جمالتلری سببیلده بو ایشلری بیارل)
بیور دیار. اشته بوقصه دن حضرت فخر رسالتک نه درجه لرده
صاحب حسن خاق و کریم النفس و صبور و حلیم اولدیغی
مستبان اولور. چونکه جوابده اختیار سکوت ایتیرب عفو
ایتدی. و بلا نزولندن کندولرینی آجیرب و مرحمت ایدوب
هدایتله دعا ایتدکدن صکره جاهلدرلر دیو کندولری طرفندن
اعتذار ایلدی. و بونک کبی سنه هجریه نک دردیجی سنه سی
(ذات الرقاع) غزاسنده اصحاب کرام قوشلق او یقوسنده
یاتوب و حضرت فخر عالم دخی آیریمجه برمحمله قوشلق
او یقوسنده ایکن (غورث ابن الحارث) سل سیف ایدرک
باشی اوجنه کلوب حضرت رسالتک خطاباً (سنی بندن کیم
قورتارر) دیمسنه جوابا حضرت فخر عالم (الله) قوتارر
دینجه مهابت نیدن مرقومک اللری دتره یوب قلیجی دوشدی.
جناب فخر رسالت مرقومک الندن دوشان قلیجی آلوب سنی
بندن کیم قورتارر بیورنجه مرقوم بتون بتون شاشیروب
امان یارسل الله کرم بیوروب بنی عفو ایلده مواخذه ایلده دیمسی
اوزرینه حضرت فخر عالم مواخذه دن صرف نظرله عفو
بیوردی. صکره مرقوم شرف اسلامه نائلیتله قومنه
کلدیکنده (ای بنم قوم بن کافه ناسک خیر اوسی اولان ذاتک
یا نندن کلیورم) دیدی

و برده (تعمیم) طرفین سـ کسان کشتی علی الغفله حضرت
فخر رسالتی قتل ایتـک اوزره صبحا و قتی مکة مکرمه به
کیروب انجق موفق اوله میوب جله سی بردن طویلنجه حضور
رسالته چیقارلد قلرنده جله سنی آزاد ایدوب سبیلارینی تخلیه
بیوردی . و دهابومللو کفره قریش و منافقین قولاً فعلاً
اذا ایتدکارنده صبر و حلم ایلله معامله بیوردی . صلی الله
تعالی علیه وسلم .

(ایکنجی فصل حضرت فخر عالم افتد مزك جود و سخاوتی)
(بیاننده در)

حضرت فخر رسالتك جود و سخاوتی هیچ کسده ایشیدلماش
و کورلماش بدرجه عالیه ایدی که امتعه دنیو به دن اوله رق
کند و سندن برشی استنیلوبده (لا) دینك و قریب و لما مشدر .
ته کیم حضرت انسدن روایت اولمدیغی و جمله مشرکیندن
صفوان بن امیه حضرت رسالتدن عظیمه استد و کنده
بر او بی طولدیرر قیونلر کند و سنده احسان اولندقدن صکره
اوج دفعه ده اولق اوزره اوچبیک دخی دوه دخی احسان
بیوردی . و بردفمه دخی حضرت عباسه قالدیره میه جغی
قدرالتون احسان ایلدی . وینه بر محمدن حضور رسالتله
طقسان یک درهم کتورلدکده بر حصیر اوزرینه یا بدیروب
بالذات تقسیمه مباشرتله توکدنجه به قدر هیچ برسائلی رد ایتدی
و مبلغ مزبوری تماماً تقسیم ایتد صکره بر آدم کلوب
یا رسول الله بکا دخی بر مقدار ویرمکزی نیاز ایدرم دیمسی
اوزرینه حضرت رسالت (یا نمده برشی قالدی انجق بنم
اوزرینه دین اولق اوزره طلب ایتد و کک مقدار بر محمدن

استقراض ایلده انشاء الله بن تأدیه ایدرم) بیوردی . بونک
اوزرینه حضرت عمر افتد مزك (یا رسول الله قدر ایتکر اولیمان
شیئی جناب حق سزه تکلیف بیورما مشدر) سـ و زینی کربه
کوروب منفعل اولنجه انصاردن برذات یا رسول الله اتفاق
ایلله اتفاق ایلله جناب کبریانتک تقلیل ایتسندن فورقه دیمسیله سرور
عالم تبسم ایدوب وجه مبارکده آثار سرور و بشارت ظاهر
اولدی و (بن کرم ایلله امر اولندم بیودی

(اوچنجی فصل)

(اوچنجی فصل) حضرت فخر رسالتك شجاعتی بیاننده در)
شجاعتی دخی بر مرتبه عالیه ایدی که اول قدر شدتلی
مخاربه لره بالذات حاضر اولدی و هیسنده ثابته قدم اولوب هیچ
بر مخار به ده قاچمق و قریب و لما قدر بشقه کفارک مواجهه سندن
بیله تباعد ایتدی . حاله که کفارک شجاعتی بالذات
کند و سندن فرار ایلدیلر . ته کم (چین غز اسنده حکمه اهل
اسلامه بر پریشانیت طاری اولوب اصحاب کرامک جله سی
فرار ایلدیلر . انجق سرور عالمه اصلاً فتور کلیموب حیوانی
کفار اوزرینه سوجه هجوم ایدردی . و یاننده حضرت عباس
و ابوسفیان بشقه کسه اوامیوب حضرت عباس حیوانک
کیندن و ابوسفیان حضرتلری دخی رکابدن طوتوب سرعته
مانع اولمغه چالشد قلرنده حضرت فخر رسالت (انا انبی لا کذب
انا ابن عبد المطلب) بیوردیلر . و اول ائشاده حضرت فخر
عالمک امری اوزره حضرت عباس صوت بلند ایلله اصحاب کرامه
(یا المسمین) دیوندا ایدوب اصحاب کرام دخی (لیک لیک
جواب ویرملری اوزرینه حضرت عباس (فاقتلوا الکفار)

یونجه بتکرار جله سی مجتمع اولوب محاربه یه کیرش دیلر.
 واورالق حضرت رسالت حیوانندن اینوب و برآوچ چاقل
 طاشیله طپراق الوب (شاهت الوجوه) دیه رک کفار بد کر دارک
 یوزلرینه طوغری آتدی. اثر معجزه سی برکاتیلله جله سنک
 کوزلری طپراق ایله طولوب مقهور و منهزم اولدیله. اشته
 اول کونده سرور عالم افند من حضرتلری کی اظهار شجاعت
 ایش هیچ بر فرد بولندی. و یوک ک بی بدرغزا سنده
 دخی حضرت علی افند من دن منقولدر که (محاربه مشه اولوب
 کوزلر قزار دخی وقت کندیمی اکلام شویله که حضرت فخر عالم
 افند منک یانه التجا ایدوب کندیلر یله سپر لنوردم. اشته اول کونده
 کفار خاکساره حضرت فخر عالم دن دهایقین بر فرد یوغیدی
 وقوت و شجاعت دخی هر کسدن اشد ایدی) یور مشل درو (پدر)
 غزا سنده (ابی ابن خلف) ملعونی اسیر طریقه لوب تخلیص
 کریان ایچون فدیه و برر کن حضرت رسالت خطابا (بنم
 عودا سنده بر اعلا آتم واردر حبوباتک الک اعلا جنسیله یه بیلدیکی
 قدر هر کون بسیلورم اشته او حیوانک اوزرنده اولدیغم حالد
 سنی قتل ایده حکم) دیمنه جرابا حضرت فخر رسالت او حیوان
 اوزرنده اولدیغک حالد اشاء اه تعالی بن سنی قتل ایدرم
 یوردیلر. صکره (احد) غزاسی آچلد قدیه کافر من یوردیدیکی
 آتیه بنوب (حج) (صلی الله تعالی علیه وسلم) نه ده دربو کونکی کون بنم
 قلیجمدن قورتیلورسه بن هلاک اواهیم دیه رک خلط کلام ایتد نصکره
 حضرت فخر عالم نه ده اولدیغنی کورمسیله آنی سکر دوب رسول
 اللهم اوزینه هجوم ایدنجه بر طاق اصحاب کرام آرایه کیروب کافر

من یوک دفعنه قالشقم لرینک اوزرینه حضرت فخر رسالت
 اصحاب کرامه خطابا سز طاغیلکز و طریقی نخلیه ایدیکز
 دیو فرمان ایدرک هر کس بر طرفه چکلند نصکره (حارث)
 ابن الصمه) دن بر حربه الوب کافرک قارشوسنه چیقیدی
 و حربه بی صالایوب بویننه او رنجه قیتلی آتندن دوشوب
 کلب کی یواراندی. بر خیلی وقت مروند نصکره بر پارچه
 عقلی (باشنه کلوب (بنی محمد قتل ایلدی) دیو فریاد
 وفغان ایدرک کفره قریشه رجوع ایلدیکننده قومی یوقدرک
 ضرری یوقدر قورتیلور سین دیه رک ایتدکاری تسایه به جوابا
 (آه بنده اولان الم واضطراب بتون خلقه تقسیم اولنسه
 جله سنی هلاک ایدردی (لات و غزی) حقیچون کندیسند
 کوردیکم شجاعت و بصالتی هیچ برکسه ده کوردم و کندیسندن
 کذب ظهور ایتدیکندن سنی قتل ایدرم دیدیکی جهنله حربه
 ایله اورمقی دکل یوزمه توکورمش اولایدی. بنی قتل
 ایده جکندیه شبه یوغیدی) دیدی. و هکله دونشده (سرف)
 دنیلان محلد دار بوراه کتیدی (لعنه الله علیه) حضرت
 فخر عالم افند منزه اصلارا حت ویر میان کافر لردن
 بریده بوایدی

(در دخی فصل حضرت فخر عالم افند من حیاسی بیاننده در)
 حضرت فخر عالم صلی الله تعالی علیه وسلم افند من حیا جهنیه
 دخی هر کسدن زیاده ایدی. روایت صحیح ایله مرویدر که
 حضرت فخر رسالت مستوره و عقیقه اولان باکره قیز دن
 ده از یاده اوتانوردی. و بر امر کر به کورد کلرنده

کمال حجاب بندن جال تابنا کنده اثری ظاهر او کوردی .
 و او تاند یغندن کریه اولان بر نسته بی تصریح ایتیموب ایجابی
 حالنده تلویح و اشارت ایله بیان یورردی . و برکسه دن
 بر امر کریمه صدورینی ایشته کده اسمنی تصریح ایدوبده
 فلان کسه نك حال و شانی ندر که بوایشلری یا یورردی .
 بلکه عمومی افاده ایدر صیغه ایله بر طاقم اقوامك حال و شانلری
 ندر که شو مثلا و بر طاقم ایشلر یسار لر دیه رك نسی
 یورر لردی . انجق مضطر اولد قده بطریق الکنایه افاده
 یورر لردی . و سوقاق و چارشولرده دخی رفع صوت ایتز
 و کتولکه مقابل کتولك ایتزدی بلکه عفو و صفح ایله معامله
 یورر لردی . و کمال حجاب بندن دقتله برکسه نك یوزینه
 باقردی . و علماء یهوددن شرف اسلامی قبول ایلمان ابن سلام
 و تورات شریفه آشنا اولان عبده ابن عمرو بن العاص
 حضرت تارندن مضبوطدر که جناب حق حضرت فخر عالمی قرآن
 کریمده بواوصاف جمیله ایله وصف یور دقلری کبی تورات
 شریفده دخی وصف یور مشدر . و حضرت عایشه
 صدیقهدن مرویدر که (هیچ بروقتده حضرت فخر رسالتك
 عورت برلرینی کومدم) یور مشلردر . ایشته بودخی جانبینك
 کمال حیا سینه دلالت ایدر . صلی الله تعالی علیه وسلم .
 (ایشنجی فصل حضرت فخر عالم افند مزك حسن معاشرتی
 و آدابی بیانده در)
 حضرت فخر عالم افند مزهر کسی کویچ یوزله قارشولار
 و طلو دیل ایله معامله ایدر .

وهر کسك قلبنی تطیب ایدر و کندوسندن حاجت دیلیانلرک
 حاجتنی قضا ایدر . وهر کسك دعوتده اجابت ایدر . و ادنی
 قیمه سزیه اولسه هر کسك کتوردیکی هدیه بی قبول ایدر . و بر قاج
 مثیله مکافات ایدر . و تطیب قلوب ایچون اصحاب کرامیه
 ملاطفه ایدر . و فقیر و غنی و علیل هر کس ایله مصاحبت ایدر .
 و صبیحانی قوجاغنه الوب او خشار و اعتذار ایدر نك
 عذرینی قبول ایدر . و خسته لهر نقد اوراق اولسه دخی
 زیارت ایدر . وهر کسه سلام و برر و مصالحه ایدوب حال
 و خاطر لرینی صوردار و هیچ برکسه بی خوشلانمیدیغی لقب ایله
 چاغرمیوب بلکه کندولرینك اک زیاده خوشلانقلری القاب
 و اسمایله چاغرر و اصحاب و اهل بیتدن کندوسنی هر کیم
 چاغرر سه (های و هی) دیموب (لیک) دیه رك جواب
 ویرر و مجلس عالیلرینه هر نه در لو آدم کیتسه قبول ایدردی .
 وهر کسك حال و شاننه کوره اول قدر رعایت و حرمت ایدردی که
 اورعایت و حرمتی کورن فخر رسالتك بندن زیاده سوکیلموسی
 بوقدر دیوظن ایدردی . و اصحاب کرامی بری برلرندن
 تنفیر ایتیموب دائماً تألیف ایدردی . و افعال و اقوالده
 غلیظ دکل و چوق باغر مز و خفش سویلمز و کسه بی تعیب
 ایتز . و مدحده دخی مبالغه ایتزدی . انس حضرت تارندن
 منقولدر که (حضرت رسالتک اون سنه خدمت ایتدم بکا هیچ
 بروقت (اف) دیمدی . و یایدیغم ایشه شوایشی نیچون یایدک
 و ترک ایتدیکیم ایشه بونی نیچون یایدک دیمک واقع اولمدی)

بیورم شد. حبش پادشاهی ملک نجاشی حضرت فخر رسالت
بر قاج الحی کوندردیکنده فخر رسالت زیاده سوله حرمت
ورعایت ایدوب بالذات کندوسی خدمت لرینه قیام کوستردیکنده
اصحاب کرام یارسول الله مسافر لک خدمت لرینه بزکفایت
ایدرز نفس عزیز کره زجت ویر میکر دیملری اوزرینه
حضرت فخر عالم جوابنده (بنم اصحاب بونلرک ممکن لرینه
هجرت ایتد کلرنده بونلردن چوق حرمت ورعایت
کور دکلرندن ککندم مکافات ایتک استرم) بیوردیلر.
صلی الله تعالی علیه وسلم.

(التبجی فصل حضرت فخر عالم افندمرک شفقت و مرحتی بیانده در)
حضرت فخر رسالت جناب حقک براندیغی کافه مخلوقاته رؤف
ورحیم ایدی. ته کم صفوان ابن امیه دن منقولدرکه (حضرت
فخر عالم بنم الیوک دشمنم ایکن بکا ایتدیکی احسانی ایتدی.
وآردی آره سی کسلر عطا یاسنی کورنجه ال زیاده سوکیلیم
اولدی) دیمشدر. واعرایک بری عطیه استیه رک حضور
سعادت کلوب رسول کریم عطیه ویردکد نصکره اعرابی به
خطابا سکا احسان ایتدی سوال بیورد کلرنده اعرابی (لا احسنت
ولا اجملت) دیهرک جواب ویرنجه اصحاب کرام غضب ایدوب
تأدینه قالشملری اوزرینه حضرت فخر عالم کمال شفقت
و مرحتندن واز پکک اباشمیک دیهرک منع بیورقد نصکره
خانه سعادت کبروب و عطیه بی زیاده ایدوب تکرار اعرابی به
خطابا سکا مطلوبک مقداری احسان اولندی سی سوال
بیورد کلرنده اعرابی (اوت یارسول الله جناب حق سکا واهل

وعشیرتکه خیر کثیر ایله مکافات ایتسون دیو جواب ویرمی
اوزرینه فخر عالم افندمر (ای اعرابی سن بوندن اول دیدو کک
سوزدن اصحابک کو کلرنده بر غضب عظیم حاصل اولدی.
استر ایسه ک بو سوز یده انلرک یاننده سوله که سکا اولان
غضبلری کیتسون) بیوردیلر. اعرابی پک کونل یارسول الله
دیوب کتدی. وایرتسی کون حضور سعادت کلدیکنده رسول
کبریا اصحاب کرامه خطابا بواعرابینک دونکی سوبلدیکی سوزدن
منفعل اولدیکر. صکره عطیه سنی زیاده ایتدکد نصکره بزدن
راضی اولدی. واعرابی به خطابا اوله می اولدی سوال
بیورد کلرنده اعرابی (اوت یارسول الله جناب حق سکا واهل
وعشیرتکه خیر کثیر ایله مکافات بیورسون) دیدی. بونک اوزرینه
حضرت فخر عالم افندمر اصحاب کرامه خطاب ایدرک (ای
اصحاب بو وقعه شونک کبیر که بردوه صاحب طاریلوب
فرار ایلدکده وطوتا لیم دیهرک برجم غفیر ارقه سنه دوشد کلرنده
دوه دها زیاده اوککر. صاحبیده طوتلیه جغنی اکلا بنجه
بنم دوه می برا قیکر قار شمیک بنم اکا شفقت سزدن زیاده در
وحالی دها ابوییلورم دیر. ویردن بر بارچه اوت الوب دوه سنی
چاغیروب طوتار. اشته بونک کبی بن سزی کندی حالکره
براقه ایدم بواعرابی بی قتل ایدر دیکر و کفری سیمیه جهنمه
کیدر ایدی بیوردیلر. وکمال رحم و شفقتنه دلالت ایدلردن
بریده شودرکه کفار قریش کندولرینه درلو درلو اذواجفال
ایدرک تکذیب ایتد کلرنده جبریل امین کلوب یارسول الله جناب حق
سموات وارضین و جباله امر عالیکره اطاعتله امریوردی.

کفارک هر نه در لو هلاک اولمیرنی ایسترسه کز امر بیور یکر
دیدوکنده حضرت فخر عالم افندمز جبریل امینه خطاباً
(کفار قریشک مستحق اولدقلری ذابک تعجیلنی ایستسام
اومارمکه توبه واستغفار ایدر لده جناب کبریا قصه ورلری
عفو ایدر) بیور دیلر . صلی الله تعالی علیه وسلم

(بدنچی فصل فخر عالم افندمزک تواضعی بیانده در)

حضرت فخر عالم افندمز هر کس دن زیاده متواضع ایدی
اول درجه که جناب حق کندو لرینی نبی ملک و نبی عبد
اولمیرنده مخیر قیلدیغنده نبی عبد اولسنی اختیار ایلدی . و کمال
تواضعندن کندوسنه هیچ کسه نک قیام ایتدوکنی ایستمر
و بر فرده صاحباق وایاق واک او پدزمک شویله طورسون
مبارک الینی بیله او پدزم دی . و کسنه نک یاننده یان یانق
باغداش قورمق وایاقلرینی اوزاتمق کی حالات دخی
وقوعبولدی .

سندات متصلا ایلر (ابی امامه الباهلی) حضرت تیرندن
مضبوطدر که (برکون حضرت فخر عالم عصابه طیبانه رق
اصحاب کرامک مجلسلرینه داخل اولدقلرنده کندولرینه تعظیماً
اصحاب کرام قیام ایدنجه حضرت فخر عالم افندمز
خوشلانمیدیغندن) عجملرک بعضی بعضیسنه تعظیم ایدرک
قیام ایتدکلری کی بکا قیام ایتیکز . زیرا بن او یله بر عبد مک
کوله کی سفره سز و اطعمه نفیسه اولقسز بن اللهک ویردیکنندن
هر نه بولنورسه اوتوروب بیرم . و صندالیه وایمکلی دوشمه
اولقسز بن قوری طیراق اوزره اوتوریرم) بیور دیلر . و برکون

سرور کائناتک حضورینه بر آدم کلوب حضرت فخر عالمک
مها پندن قلبنه بر خوف طاری اوله رق وجودی دترمکه
باشلانجه نبی محترم کمال تواضعندنشاشی (ای کشی کندینه
صقندی و یروب قورقه زیر ابن سلطان دکلم بلکه قوری
پاصدرمه بیان برقرارینک او غلویم) دهرک مسافرک قلبنی تطیب
ایتدیلر . و برکون دخی ابوهریره حضرتلریله چارشویه چیقوب
برطون صاتون آلدقده صرافه برمقدار کموش ویره رک (شونی
طارت و طون صاحبنه آغروزیاده ویر) بیورمسی اوزرینه
صراف حضرت فخر عالمک عالیجناب اولدقلرینی آکلایه رق
مبارک الینی او یکه قالقمسیله افندمز الینی ویره یوب چکدی .
و بیور دیلر که (ال او یکه عجملرک عادتیدر که پادشاهلرینه بیارلر
بن پادشاه دکلم بلکه سزک کی بر آدم) اندنصرکه طونی آلدقده
ابوهریره کونورمسنی ایستدی ایسه ده حضرت فخر رسالت
(شیک صاحبی طاشمقلغه دها الیقدر) دهرک ویره یوب کندیسی
کونوردی . و حضرت فخر عالم افندمز خانه سعادت لرنده خدمت
ایدر وسیلر سپورر و برتیق اوزر به سنی یمار و دابه سنه باقار
کندیلری باغلیوب چوزر وارپه سنی صوینی ویرر و چارشودن
صاتون الدینی شیی کندیلری طاشیر و خدمتجیلریله برابر
سفره یه اوتوروب بمک بیردی . و بر مجلسی تشریف
ایتدکلرنده تصدرا یتیموب بوش بولدیغی بره اوتورر و عار
ایتیموب چاره بینر و کوجلوق و تلوحیوانه بیلندیکنده ارقه سنه
اصحابندن آدم آلوردی . و زیاده مدحدن خوشلانمیدیغندن
بن بر عبد بولنمدیغم جهته نصار انک عیسی علیه السلامی افراط
درجه ده مدح ایتدکلری کی بنی مدح ایتیک بلکه اللهک

قولى ورسولى دىيىكز) بيوررلردى . صلى الله تعالى عليه وسلم .
(مسئله) عبادت قصديله قوله سجده ايتك ككفر در چونكه
سجده دن دها بيوك بر عبادت اولديغندن قوله سجده ايديله نجه
جناب حق ايچون يره كيرمك لازمك اور بو ايسه ممكن دكلدر .
عبادت قصديله اولمز ايسه حرامدر . ركوع يعنى اكلك
كراحت تحريمدهدر . اتك وصحاق وياق اوپك ودها بومئلاو
تبصصات كلبه بخوس عادتيددر . مسن و علماء و صلحاء
ومشايع و امرا و اسخيا اولان ذواتك اللرى اوپمكده باس
بو قدر . انجق تركى اولى در . خصوصيله زمانمزه بولمان
برطاقم ذوات كنديلرى بيوك كوروب زيارتلىرى كيدن هر كيم
اولورسه اولسون اتمكچى كوركى كى اللرى اوزا تمقلغى
عادت ايتدكلرندن اللرى اوپوليوبده كبرلى قيرلسه پك
مناسب اولوردى . كينده قيام اولتمقلغى سون كسه لره قيام
ايتك ممنوعدر . قيامدن خوشالانميا كسه لره قيام ايتك
مكر وهدر . اخلاق حبيده ايله متصف اولان بيوكلره قيام
جا نذر در . سفردن كلانلره حسندر . اما حضرت فخر
عالم افندمرك كندوبه قيام اولمق واليك اوپولمى سندن نهى
بيورمى كندولرى نك توا ضعندن و امتك اهل ضلالت
تشبهلرى سىومد يكنندن افعال مزبوره نك عادت اولمامسى
ايچون واقع اولمشدر .

(سكزنجى فصل حضرت فخر عالمك عدل و امانت وعفى
وموزنده صادق اولسى بياندهدر .

حضرت فخر عالم ناسك اعلم و ارحمى اولديغى جهته هر كس دن
زياده عادل و امين و عفيف و صادق ايدى . واشبواوصاف جيله
سك درجه كالمده اولديغى مخالفلى دى معترف ايدىلر . و حتى

نبوتندن اول كندولرى نه (محمد الامين) نسيه ايدرلردى .
تسه كيم وقت جاهليتده كعبه مكر مه محترق اولوب بنا
تجديد اولنوركن قوم قريش حجر الاسودك موضع اصلپسند
وضعنى بر بيوك شرف و افتخار عد ايتدكلرندن خصوص
مزبورده قتاله مؤدى اوله جق در جهده منازعه و اختلاف
واقع اولوب نهايه الامر دفع نزاع ايچون حاضر اولانلردن
ماعد ايجلرى نه الك اول كيم كلورسه وضع ايتسند قرار و يرملرى
اوزرى نه حضرت فخرت رسالت آنسز بن چيقه كلى . قوم
قريش كندولرى كورنجه جله سى بردن اظهار ممنونيتله اشته
(محمد الامين) كلى همز كندولرى نك وضعنه راضى يزديدىلر .
بونك اوزرى نه حضرت فخر رسالت رداء مباركى دوشه يوب
حجر الاسودى رداء مبار كنه وضع ايتدك نصره هر رئيسك رداء
مبار كنك برد اوچندن طوملرى امر بيوروب كندولرى
دخى اتندن طوته رق محلمنه وضع ايتدىلر . ودها بونك كى
امور معظمه ده نبوتندن اول كندولرى نك حكم نصب ايدرلر
ووپردىكى حكمه راضى اولورلردى . وال بيوك دشمنى اولان
ابوجهل بيله امين اولدقلىرى معترف اولوب حضرت رسالت خطاباً
(بى سنى تكذيب ايتيز صادق اولديغى كز هر كسك عندنده ثابتدر .
انجق كتورديكك قرآنى تكذيب ايدرز) ديرايدى (لعه الله
عليه) و برده (اخنس بن شريق) (كه يوم بدرده كافر اولديغى
حالده قتل اولمشدر) . بدر غزاسنده لعين مزبوره ملاقى
اولديغنده يا ابا الحكم (وقت جاهليتده ابوجهلك كنيه سى ايدى)
بوراده برى برىمرك سوزلرىنى ايشيده جك كسه بو قدر
محمدك حالندن بكا خبر و ير صادقيدر كاذميدر . سؤالنه جواباً

ابو جهم - ل والله محمد صادق قدر . و محمد هیچ بروقت بیان
سو یتام شد در دیدی
و ینه بونک کی قریش طرفندن (ابوسفیان بن حرب) ملک
روم (هر قل) که یانه کتدیکنده هر قل روم ای ابوسفیان
دعوی رسالتدن اول محمدی (علیه السلام) کذب ایله متهم
طوتاری ایدیکز دیوسوال ایلدیکنده ابوسفیان (لا) دیدی .
و برده حضرت فخر عالمک بیوک دشمنلرندن (نضر بن حارث)
کافری اکابرقریشه خطاباً محمد (علیه السلام) چوجقلغندن
قرق یاشنه قدر ایچیکزده اکامین واکطوغری برکسه ایدی .
شمدی یاشتی کمال بولوب صاچی اغارمغه باشلدیغنی
کوردیککزدده و سزه کتوردیکی شیئی که (قرآن کریم و دین اسلامدر
کتوردیککنده سا حر در دیمکه قالقشدیکز و الله محمد صادق قدر
ساحر دکلدردیدی . اشته اک بیوک فضل و کمال دشمنلرک
اقراره مجبور اولدقلری شیدر) کافر مزبور بدرغراسنده
اسیرطوتیلوب وقعه نک عقیبنده حضرت فخر عالمک امریله
حصرت علی افندمز قتل ایتلشد .
و برده کتب نوار یخده بیان اولندیغنی و جهله ملوک عجمدن
پرویز (زمان سلطنتنده ایانی تقسیم ایدوب روزکاراسدیکی
کون او یومق بلوطلی کونده اولامق یغمور یاغدیغنی کونده
ایچکی ایچون آهنگ ایتک کونشلی کونده دخی مصالح عباد
ایله مشغول اولمیدر) دیدی . بیچاره عجملر ظلم ایچکنده
یشادقلرندن آره لقدمه برجزئی ضیا کوردکلرنده کوزلری
آچیلوب سسلرینی عیوقه چیقاره رق نوشروان عادل و خسرو
پرویزوکی عادل پادشاهلرمز واردردیه رک صیت و شهرتلرینی
بتون دنیا به اعلان ایتکه چالیشورلر . آفرین نه کوزل تقسیم

عجبا امتداد اوزره برقاج کونلر روزکار اسمک لازم کلسه
ویا خود برقاج آیلر هوا بلوطلی اولوب یغمور یاغسه ایدی
پرویزنه ایله مشغول اوله جق ایدی . واهالی حاللرینی کیمه
عرض ایده جکلرایدی . اما حضرت فخر رسالت هر کوننی اوج
جزئه تقسیم ایدوب برجزننده تحصیل رضای رحمن .
و برجزننده مصالح اهل بیت . و برجزننده دخی مصالح عباد ایله
مشغول اولور لردی . صلی الله تعالی علیه وسلم .
(طقوزنجی فصل حضرت فخر عالم افند مزک زهد و تقوای
و دنیا به عدم میلی بیاندده در .)
جناب فخر رسالت دار آخرتی تشریفلرینه قدر فقر و فاقه یی
اختیار ایله عنادن اعراض بیوردیلر . اول درجه که اهل بیتک
نفقه سیچون (درعی) بریهودیده رهن اوله رق قالمش اولدیغنی
حالده آخرتی تشریف بیوردیلر . حالبوکه (یارب آل
محمدک رزقنی اولیه جک مقداری ایله) دهرک دعا ایدرلرایدی .
سندات متصله ایله مرویدر که حضرت عایشه صدیقه (رسول
اکرم دار آخرتی تشریف ایدنجیه دک بری بری آرنجه اوج
کون اتمک ایله قارننی طویو رماشدر . حالبوکه جناب جقدن
دیلیه ایدی خاطر و خیاله کلمیه جک قدر احسان اولنوردی)
بیورمشدر . و روایت اخرا ده (نبی محترم میراث اوله رق التون
و کوش و قیون و دوه دن هیچ برشی براقدی) بیورمشدر .
و عمرو بن حارثک روایتنده آلات حرب و دلدل و صدقه اولمق
اوزره وقف ایتدیکی برپارچه طپراقدن ماعدا هیچ برشی ترک
ایتامشدر . و حضرت عایشه صدیقه نک روایتنده (حضرت
فخر عالم وفات ایلدی حالبوکه خانه سعادتده یارم اولچک آریه دن

ماعدادی حیانتک بیه جکی هجج برشی قالمدی (واقع اولمشدر .
 وروایت اخر اسنده (بز آل محمد ایکن واقع او لوردی که بر آی
 مقداری آتش یاقز ایدک بلکه خرما و صو ایله کچینور ایدک)
 بیورمشدر . و عبدالرحمن بن عوف حضرت تزلزلدن منقولدر که
 وفاته قدر حضرت فخر رسالت و اهل بیتک ارپه اتمکندن
 بیله قارنلری طویمادی (بیورمشدر . و حضرت انسدن روایت
 اولندیغی وجهله رسول اکرم اکابرک بیدکاری کبی یوک سفره
 اوزرنده بک پیامشدر . بلکه فقر اولرنده بولنان عادی سفره
 اوزرنده برلردی . و سفره سنده معده یه اشته اویره جک ترشی و هضم
 طعامه سبب اولان شیلر و بورك و کباب ایدلمش قیون کبی اطعمه
 نفیسه بولمزدی . و عایشه صدیقه دن روایت اولندیغی اوزره
 حضرت فخر عالمک او بودقلری یتاغک ایچی خرما لیقندن
 طلوع دباغت ایدلمش بردری ایدی . و حضرت حفصه دن روایت
 اولمشدر که (بنم حجره مده رسول اکرمک یتاغی یوکدن
 طوقومه بر کلیم ایدی . ایکی قات ایدردکده انک اوزرنده
 او یوردی . براقشام استراحت ایتمسچون کندیلرینک خبری
 اولمقسزین درت قات ایتمش ایدک . ایرتسی صباح رسول اکرم
 (اخشام بکااصل یتاق یابدیکز) دیوسوال بیورمسی اوزرینه
 (درت قات ایتدک یا رسول الله) دیه رک جواب و بر دیکمده
 رسول کبری یا حضرت تازی (بو استراحت بنی کجه نمازندن منع
 ایده جکی ملحوظ اولمغین اسکی حالته رد ایتلمسکز) دیوامر
 و بردی (بیورمشدر . و بودخی روایت صحیحه ایله ثابت
 اولمشدر که حضرت فخر عالم افندمز یاتدیغی وقتده یانلرینه
 تأثیر ایلوبده استراحت ایتامسی ایچون خرما دالار بیله لیقندن
 یا پیلان سریر اوزرینه یا توب او یور لر ایدی


(تنبیه) معلوم اوله که ادله سبیله برابر کتب مفصله ده بیان
 اولندیغی اوزره جمیع کائناتک نور محمدیدن خلق اولندیغه
 اهل سنت و الجماعت مذهب مستقیمنده بولنان کافه اکابرک
 اتفاقلری اولدیغی و حضرت فخر عالم افندمزک دنیوی و اخروی
 بتون عالمه رحمت الهیه اوله رق بعث اولندیغی (وما ارسلناک
 الا رحمة للعالمین) نص جلیلی ایله ثابت اولدیغی جهته جمیع
 کائناتک کندولرینه محتساج اولدیغی اهل اذعان کوره شبهه
 کوتورر شی دکلدر . بوکا بناء حضرت فخر عالم افندمزک
 شان عالیلرینه موجب نقیصه اولدیغندن کندولرینک فقری
 یعنی لوازم دنیویه یه اولان احتیاجلرینک ضروری اولدیغی
 اعتقاد ایتک خطای عظیمدر . بلکه حضرت فخر عالم افندمزک
 فقری زهد و تقوا سند ناشی کندیلرینک اختیار بیله اولدیغی
 اعتقاد ایتک واجبدر . چونکه عقل ایچون طریق بر در .
 حضرت فخر عالم افندمزک کافه عالمه رحمت اولدیغی و کندیلرینک
 وجودی سببیله دنیا نیک خلق اولندیغی اهل اسلامجه محقق
 اولدیغندن احتیاجلرینک ضروری اولدیغی نه وجهله تصور
 اولنه بیلور . و برده عایشه صدیقه رضی الله عنها حضرت تزلزلدن
 روایت اولندیغی وجهله جناب فخر رسالت مشارالیه به خطابا
 (یا عایشه بطحای مکه نک بنم ایچون آلتون اولمسی بخیر براقیله رق
 بکا طرف الهییدن عرض اولندقدده دیدمکه یارب العالمین بن
 بودرجه غنایی ایستمام بلکه برکون آج و برکون طوق اولمقلغی
 ایسترم که آج اولدیغم کونده سکا تضرع و نیاز ایدیم و طوق
 اولدیغم کونده سکا حمد و ثنای ایدیم) بیورمشدر . اشته
 بو حدیث شریفک دخی مدعا مزی تأیید ایده جکی شبهه سزدر .

وینه عایشه صدیقه والده من بیورمشدرکه (طوبیجیه قدر هیچ
بر وقت جوف نبی ذیشان طولمدی . و هیچ برکسه به حالندن
شکایت ایتدی . و بونکله برابر فقر و فاقه کندیلرینه غنادن
دها زیاده محبتلی ایدی . و هر قدر بتون کجه آج اوله رق
یا تور ایدیه ده او آجاق کوندز طوته جخی صیامه مانع اولمز
ایدی . حالبوکه جناب حقندن دیلیه ایدی یریوزینک خزینه لری
و ثناری کندیلرینه اعطا و احسان اولنوردی . و کندیلرینک
بو حالنی کوردیکمه آجید یغندن حالنه آغلار و آجیغنی تسکین
ایتک ایچون اللرم ایله مبارک قارننی اوخشار ایدم . و یار سول الله
سکا جانم فدا اولسون دنیادن قوت و آزیق اوله جق مقدار
واصل اولسه ایدیکز دیدیکمه بکا جواب اوله رق (یا عایشه
بنم ایله دنیا نکه نه مناسبتی واردر . اولوالعزم رسول کرامدن
بولسان اخوانم بوندن زیاده بلا لره صبر و تحمل ایله حاللری
اوزرینه یورویهرک جناب حقه واصل اولوب مرجع و مأبلی
اکرام و ثواب جزیللری انعام اولندی . بوجهته امر معیشتده
مترقه اوله رق درجه صبرده اخواندن دون قالمق خصوصنده
نقسمک حیا ایتدیکنی بولیورم . و اخلاء و اخوانه لاحق اولمقدن
بکا دها سوکیلو هیچ برشی یوقدر) بیوردی . (صلی الله
تعالی علیه وسلم)

(اوتجی فصل حضرت فخر عالم افند منک خوف و انقیادی
و عبادتی بیانده در

جناب فخر رسالتک اللهم دن خوف و انقیادی و عبادت و طاعتی
جناب حتی بیلدیکنی مقدار اوزره ایدی . شویله که حضرت فخر عالم
افند من شدا اند احوال آخرتی لایقیله بیلدیکندن اصلا راحت
ایده میوب عاقبت امری دوشونه رک دنا محزون ایدی . اولسیدن

حضرت فخر عالم افند من امت مرحومه سنه خطاباً (ای امت
و اصحابم جناب حقک اسم شریفنه قسم ایدرمکه بنم بیلدیکنی
سنیلسه ایدیکز دنیا ده پک آز کولر و پک چوق اغلر ایدیکز .
و یتاقلرده نساء ایله تلذذ ایده من ایدیکز . و سلسلریکزک
چیقدیغنی قدر جناب حقه تضرع و استغاثه ایدرک قیر و طاعلره
چیقار ایدیکز) بیورمشدر . و سندن متصل ایله عبدالله بن
الشخیخ حضرتلرندن شویله روایت اولمشدرکه (برکون رسول
اکرم حضرتلرینک زیارتلرینه کتدیگمه نماز قیلار ایدی
حالبوکه حزین حزین اعلمه سندن اتشه قاینان چولمکه کی
کبی صدر شریفلرنده برایتلی وار ایدی) بیورمشدر .
و حضرت عایشه صدیقه والده من دخی (حضرت فخر رسالت
نماز قیلار ایکن کمال خوف و خشیتندن ایچی چولمک کبی
قایناردی) بیورمشدر . و برده (ابن هاله) حضرتلری
بیورمشدرکه (رسول اکرم شدا اند احوال آخرتی کمالیه
بیلدیکندن هر وقت محزون و دنا دوشورور و اصلا راحت
ایده من ایدی) . و امام مسلم حضرتلرینک روایتده واقع
اولمشدرکه جناب بیغمبری (تحقیقاً بن جناب کبریا حضرتلرینه
کونده یوز کره استغفار ایدرم) بیورمشدر . و جناب حقه
عبادتلری دخی اولدرجه ده چوق ایدی که کثرت قیامندن
مبارک ایاقلری شیشرایدی . و اصحاب کرام حضرتلرینک
حضرت فخر رسالتیه زیاده محبت و شفقتلری اولدیغندن
بر دفعه مقام نیازده کندیلرینه خطاباً (یار رسول الله سن کبیر
وصغیر کنه اهلردن محفوظ و معصوم و حبیب رب العالمین ایکن



نفس نفیس گزنی چون بوقدر زجت و مشقت ویره یورسکر (جناب حقك دید کلرینه جواب اوله رق حضرت فخر عالم)
 بکا اولان الطاف جلیله سی اوزرینه بن بر عبد شکور
 اولیه یعمی) بیور دیلر . و کبار اصحابدن (عوف بن مالک)
 حضرت تارندن مرویدر که (بر کجه سرور عالم افندمز ایله
 بر لکده بولندم . بر مقدار استراحت بیور دقدن صکره قالقوب
 فم سعادت لرینه مسواک سوردی . بعده ابدست الدی .
 و نمازه شروع ایدنجه کندیلرینه متابعت ایتدم . حضرت
 فخر رسالت فاتحه شریفه یی اوقیوب سوره بقره یه باشلادی .
 و هر قنخی بر رحت آیتنه کلدکجه وقف ایلوب جناب حقك
 رحتنی نیاز ایدر ایدی . و هر قنخی بر عذاب آیتنه کلدکجه
 بنه وقف ایلوب عقوبت الهیه دن استعاذه ایدردی .
 قیام لرینی تکمیل بیور دقدن صکره رکوع ایددی . و رکوعنده
 قیامی مقدار اکلنوب (سبحان ذی الجبروت و الملکوت و الکبریا)
 الفاظ شریفه سیله تسبیح ایدردی . و منوال مزبور اوزره
 سجده ده دخی اکلنوب تسبیح ایتدکن صکره ایکنجی رکعت
 قیام ایدنجه سوره آل عمران اوقوددی . و هکذا سایر رکعت لرنده
 دخی صره سیله بیوک سوره لر دن برینی تلاوتله قیام و رکوع
 و سجده لر ده یک چوق اکلنوب رک نماز قیلدی) بیور مشدر .
 و علی رضی الله عنه افندمز حضرت لر ییوره مشدر که (رسول اکرم
 حضرت لرینه کندیلرینک سنت شریفه سندن صور دیغمده)
 (معرفه الله بنم رأس مالم . و عقل اصل دینم . و محبت
 الهیه اساسم . و شوق الهی مرکبم . و ذکر الله انیسم .

و جناب حقك کمال اعتماد خزینهم . و حزن رفیقهم . و علم
 سلاحم . و قضا و بلا یه صبر و داو سبب رفعتهم . و جناب
 حقك هر ویر دیکنه رضا غنیمتم . و عجز فخرم . و زهد
 و تقوی صنعتهم . و یقین قوت قلبم . و صدق شفیعهم .
 و طاعت کفایتهم . و جهاد طبیعتهم . و سرور و صفای قلبم
 نمازده در .) بیوردی . و حدیث آخر ده (ثمره فواءدم
 ربك ذکرنده در . و هر حالده غم و کدرم اتم ایچوندر .
 و شوقم ربم تعالی و تقدس حضرت لرینه در) واقع اولمشدر .
 صدق رسول الله . و سنت سنیله سنك بویله اولدیغی
 صائلمسی ممکن اولمیان اثار جلیله سیله مثبتدر . صلی الله
 تعالی علیه وسلم . و نفعنا بشفاعته الجلیله یوم الکدر و الالم)
 آمین

(اوچنجی باب حضرت فخر رسالت صلی الله تعالی علیه وسلم)
 (افندمزك نبوتلرینك اثباتی بیاننده در . و اشبویاب درت)
 (فصل اوزره ترتیب اولمشدر . فصل اول)
 (دخی اوچ نوع اوزره ترتیب اولمشدر)

(نوع اول دلیل عقلی ایله نبوتلرینك اثباتی بیاننده در)
 خاتم الانبیا (محمد) مصطفی صلی الله تعالی علیه وسلم افندمز حضرت لر یی
 دعوای نبوت ایتدی . و ید شریفه سنده يك چوق معجزات ظهور
 ایلدی . و مقدمه ده معجزه بحشده بیان اولندیغی وجهله دعوای
 نبوت ایدوب اظهار معجزه ایلان هر بر ذات اکرم (نبی) در .
 امدی حضرت فخر عالم محمد مصطفی صلی الله تعالی علیه وسلم

افندمزدخی نبیدر . اما صغرائك شقی اولی یعنی دعوای نبوت ایتیمی اولدرجه ده . متواتر در که قطعاً محسوس و مشاهداتدن فرقی اولم . وب هیچ بر وجهله انکاره بحال یوقدر . و اما شق ثانی یعنی اظهار معجزات ایتیمی دخی اول درجه ده توانرایله ثابت اولمشدر که اصلی یوقدر دیمک اورتته کونده کی کونشی انکار ایتیمک کیدر

(نوع ثانی اعظم معجزات باهر البرهان اولان قرآن)

عظیم الشان بیاننده در)

قرآن عظیم الشانک معجز اولمسی شود دلیل ایله مبتدر که فصحا و بلغادن کندوسنه معارضه اولنمق طلب اولندی حالبوکه حین نزولندن بوآنه دکین هیچ بر فرد آفریده معارضه سنه قادر اوله مدیغندن معجز اولدیغی کونش کی آشکاردر . اما صغرائك بیانی یعنی کندوسنه معارضه اولنمق طلب اولندیغی توانر دلیل ایله مبتدر . و تحدی و معارضه طلب اولندیغنه دائر (فأتوا بحديث مثله فأتوا بسورة من مثله فأتوا بعشر سور مثله مفريات) ودها بومثلاویک چوق آیات جلیله وارددر . و بو آیات جلیله نك جمله سی فصحا و بلغای عرب حاضر اولدقلری حالده تکرار بتکرار ملاء ناسک ایچنده قرائت اولندیغی دخی متواتردر . و الا آن قرائت اولنمقده در

اما کبرائک بیانی دین مبین اسلامک صابلقدن دها زیاده خصمائی وار ایکن قرآن کریمه معارضه اولنوبده بر اقصر سورة شریفه سمک مثلی کتورلمش اولسیدی توانرایده جکنده اصلا شبهه یوقدر . حالبوکه توانر دکل خبر آحادیه

وقوعبولما مشدر . و وقوعه و اواق احتمالی ییله یوقدر . اما نتیجه نك لزومی یعنی معجز اولمسی مقدمه ده حقیقت معجزه و شسراطی بیاننده مرور ایلدی . قرآن کریمک اعجازی الی وجهه اوزره واقعدر (برنجپسی) قرآن کریمک ایجازیله برابر بایغ اولماسیدر . ته کیم (ولکم فی القصص حیوة) آیت جلیله سی قلت حروفیهله برابر معانی کثیره یی مشتمل و فصاحت و بلاغتک درجه علیاسنده واقع اولمشدر . شوبله که فصحا ی عربک بوآیت جلیله به نظیره اولمق قصیدیه سویلدکلری (القتل اننی للقتل) قوللرینه یدی جهته فضل و رجحانی در کاردر .

(برنجپسی) انلرک قوللرینه نك معناسنه مناظر اولان (فی القصص حیوة) عبارته لطیفه سنده تنوین اعتبار اولندیغی حالده اون بر و اولندیغی حالده اون عدد حروف ملفوظه یی مشتملدر (ف ل ق ص الف ص ح ی الف ت ن) (حالبوکه انلرک قوللری اون درت عدد حروف ملفوظه یی مشتمل اولدیغی ظاهردر (٢) قرآن کریم مطلوبی صراحة مفیددر . انلرک عبارته سنده ایسه افاده سی مطلوب اولان حیاتی تصریح یوقدر . (٣) حیوة لفظ شیریفنده واقع اولان تنوین تعظیم ایچون اولدیغی حالده ایت جلیله نك معنای منینی (سزک ایچون حکم قصاصده حیات عظیمه وارددر) دیمک اولدیغندن وقت جاهلیتده برکشی ایچون برجاعتی قتل ایتیمک عادت قبیحه سندن منع ایتدیکی مستفاد اولور . نوعیت ایچون اولدیغی حالده معنای لطیفی (سزک ایچون قصاصده برنوع

حیات وارد در که قتل او انه جق و قتل ایدہ جک کسہ لریچون
 حاصلدر) دیک اولور . چونکہ فعل قتلہ قلی قصد ایلین
 کسہ قصاص اولنه جغنی دوش-وندیکی حالده واز کچوب
 کندیس-ی قصاصدن صاحبیده قتلدن قورتلمش اولور . اما
 قومک قوللارندن بو ایکی معنائک اکلا شلیه-جغنی ظاهر در .
 (٤) مطلقا قصاص حیاتہ سبب اولدیغنی جهتلہ آیت جلیله نک
 مواد قصاصدن هر برینه مطرد اولمسیدر . لکن قومک
 قوللارنده لفظ قتل مطلق ذکر اولندیغندن ظلماً اولان قتلہ
 دخی احتمالی وارد در . بو ایسه ننی قتلہ وحیاتہ سبب
 اولمیه جغندن بشقه عکسنه داعی اولدیغنی دخی اشکاردر .
 (٥) آیت جلیله نک تکرار دن خالی اولمسیدر . اما قومک
 قوللارنده لفظ قتل ایکی دفعه ذکر اولندیغندن عیوب کلامدن
 صایه-لان تکراری مشتملدر . (٦) آیت جلیله نک تقدیر
 محذوفدن مستغنی اولمسیدر . حالبوکه قومک قوللارنده (انفی)
 کلمه سی اسم تفضیل اولدیغندن مفضل علیہی اولان (من ترکہ)
 لفظی تقدیر اولمق لازمدر . (٧) آیت جلیله نک صنایع
 بدیعیه دن صنعت مطابقی مشتمل اولمسیدر و آرانندیغنی حالده
 دها بشقه نکات و مرایای مشتمل اولدیغنی ظاهر اولور . هله
 الفاظ شریفه سنده اولان سلاست جای اشتباه دکلددر . والله
 معنای منینی دخی اول قدر لطیف و حکم المیه یی مشتملدر که
 قصاصی انکار و تقبیح ایلین فاجر لره طایر لسه کافه
 عباد اللہک کسب حیات ایدہ جکی شہیدن وارسته در . اشته
 بونک کبی قوم عرب فصاحت و بلاغتک ذروه علیاسنه واصل

اولش ایکن قرآن کریم نازل اولغه باشلیجه فصحا و بلغادن
 یک چوغی منلی کتور مکدن عاجز اولدقلرینی اقرار و اعتراف
 ایدرک کیمسی ایمان کتوروب سعادت دارینه نائل اولدیلر .
 و کیمسک بلیه ریاستلرندن طولایی یراسه قوشی کبی کوزلری
 قاشوب نه ایدہ جکلرینی شاشردقلرندن اول ضیای منیر عالم
 صلی الله تعالی علیه وسلم افندمره عداوت ایدوب درلودر لو
 حقارتلره قالشیدیئر . و بعضیلری دخی بیوک و اوزون اولان
 سور شریفه یه نظیره کتورمکه هیچ عقللری کسمدیکنندن
 قالشیده میوب انجق ریاستلرینه ک وقایه سیچون اقوام
 جهله یی قاندر مق اوزره قیصه سورده لره نظیره کتورمکه
 قالشیدیئر ایسه ده رسوای عام اولملرندن بشقه هیچ
 بر فائده یی مفید اولمدی . نته کیم سورده نازعات و سورده
 قارعه و سورده فیله عند لرنده نظیره اوله رق کتوردکلری
 بر طاقم اقاویل باطله سخیفه کبی (١) (والزارعات زرعاً .
 والخاصدات حصدا . والذاریات قمحا . والطاحنات
 طحنا . والخافرات حفرا . والثاردات ثردا . واللاقات
 لقما . لقد فضلتهم علی اهل الوبر . و ما سبقکم اهل المدر)
 (٢) القیل ما القیل، و ما دریک ما القیل له ذنب و ثیل و مشفر
 طویل و ان ذالک من خلق ربنا القلیل) (٣) (الم ترکیف
 فعل ربک بالحبلی اخرج منها نسمة تسعی من بین سراسیف
 و احشی) بوسوزلرک قرآن جلیله نظیره اولمسی شویله
 طوسون نه در جهده سخیف و قلب و هذیان اولدیغنی ادنی
 ملاحظه ایله معلوم اولور . تفصیله حاجت یوقدر . قرآن

عظیم الشانك وجوه اعجازندن (ایکجی وجه) اولدرکه
قرآن کریمك الفاظ و حروفی عربی و نظم و نثر لرنده مستعمل
کلام جنسندن اولوب انجق فصاحت و بلاغته برابر نظم
غریب و اسلوب عجیب اوزره اولدیغندن فصاحتی عربک نظم
و نثر و خطبه و شعر و رجز و سجع جهتلریله سويلمش اولدقلری
سوزلرک هیچ برینه بکزه مامسیله کلام عرب جنسندن خارج
اولمیدر. اولسبدن عقول فصاحتی و بلیغی اولوب بتون بتون
پازار فکر لرنه کساد طاری اولدی. اولدرجه که
معارضه یه تصدی اید نلرک سوزلری ضیای شمسه نسبتله
بریلدز بوجکی کبی حیرت اعتباردن ساقط اولدی. نته کیم
(ابن مقفع) زماننک ال زیاده فصیح و بلیغی اولوب قرآن
جليله نظیره اولق اوزره (سور) عنوانی ویره رک مفصلا
برطالم سوزلر سويلمش ایدی. انجق برکون بر مکتبک
یانندن کچر ایکن صینک بری (وقیل یا ارض ابلعی ما نیک
و یا سماء اقلعی و غیض الماء و قضی الامر) آیت جليله سنی آخرینه
دک او قود یغنی ایشتمسیه آیت جليله نک جامع اولدیغی فصاحت
و بلاغت و حلاوتندن حیران و سرگردان اولوب یازمش
اولدیغی شیهلری اوآنده احراق بالنار ایتدکد نصکره
(بن شهادت ایدر مکسه بو کلام شریفه معارضه ایتک
طوق بشردن خار جدر. و بو کلام شریف بشر کلامی
دکلدر) دیدی. وینه بونک کبی فصاحت و بلاغته و عقل
و درایتده قوم قریشک سرآمدانندن (ولید ابن مغیره) خانی
برکون حضور رسالت کلوب یا محمد (صلی الله تعالی علیه وسلم)

بکابر مقدار قرآن او قود کلیه یم دید و کنده حضرت فخر
رسالت (ان الله یا امر یا لعدل والا حسان) آیت جليله سنی
آخرینه دک او قومسی اوزرینه (ولید) بردها او قومسی
رجا ایلوب سرور عالم دخی بردها تلاوت پیورنجه (ولید)
حیران اوله رق (والله بو کلامک اوله بر حسن و لطافتی
ولدت و حلاوتی وارددر که هیچ بر کلامه بکزه مزو بو مثللو
کلامی انسان سويلیه مز) دیدکد نصکره قومنک یا ننه
واروب کندولرینه خطابا (ای قوم قریش سزک ایچکرده
اشعار انس و جنی و سائر انواع کلامی بنیدن زیاده ییلن
یوقدر. والله محمدک سويلدیکی کلام هیچ بر شیه بکزه مز.
والله محمدک کلامنده اوله بر حلاوت وارددر که تعریف قبول
ایتمز. و تحقیق محمدک کلامی اوله بر کلام عالیدر که هیچ
بر شیه مغلوب اولمز) دیدی. و حتی قول علما و فصاحتان برطالم
اکبرد بمشردر که قرآن کریمک نزولنی ایشتمیه رک مصحف
ایچنده یازمش اولدیغی حالده برطاغ باشنده بولنسه حلاوت
و لطافتندن و اعجاز و فصاحت و بلاغته برابر اولقدرد
احکام کنیره بی جامع اولسندن کلام الهی اولوب بشرک
بویه برکتاب جلیل تألیفنه مقتدر اوله میه جغنی عقول سلیمه نک
قطعه شهادت ایده جکی شهید دن وارسته در.
وبرکون حضرت عمر افندمر مسجد شریفده او یورکن
لسان عربیه آشنا روم بطریق لرندن بری باشی اوجنه کلوب
کلمه شهادت کتور ایدی. حضرت عمر افندمر او یانوب
سیندن سوال ایلدکده بطریق جوابنده مملکتتمزده بولان

اسلام اسیر زدن بری (ومن يطع الله ورسوله ويخش الله
وبته فاولئك هم الفاضلون) آیت جلیله سنی او قور کن
ایشند یکمده حلاوت و لطافتی بنی مست و حیران ایلدی .
صکره معنای منیفنی تأمل ایلدیکمده ایجاز یله برابر احوال دنیا
و آخرتی مبین عیسی علیه السلامه انزال بیور بلان انجیل
شریفک تمام احکامنی جامع اولدیغی معلوم اولنجه ترك دیار
ایدوب شرف اسلامی قبول ایلدم) دیدی .
ودها بومثلا و قوعاتک حد و پایانی یوقدر انجق بور ساهه نک
حجمی متحمل اوله مدیغی مناسبتله تفصیلدن صرف نظر
اولنشد

قرآن کریمک وجوه ایجاز زدن (او چنجی وجه) اولدر که
انسان قرآن عظیمی نقدر چوق او قوسه و تکرار بتکرار دکلسه
کندینه اصلا فتور و ملال کلر . بلکه هر او قود یغنده
ودیکلد یکنده شوق و محبتی زیاده اولوب هر بر دفعه سنده
بشقه بشقه ذوق و صفار و انشراح درون حاصل اولور .
قرآن کریمدن غیری اولان کلام فصاحت و بلا غتمدن نقدر
عالی اولسه دخی تکراری فتور و ملالی موجب اولدیغنده
شک و شبهه یوقدر . و قرآن کریم ايله خلوتده دخی استلذاذ
اولنور . و صقندی و قتلرده کندیسيله دفع و حشت اید بلور
بر کوزل انیسدر .

کتب سائرده ايسه بوحلاوت بولمديغندن تشیط قلوبه باعث
اولمق ایچون فن موسیقی ایجاد ایتشلر ايسه ده ینه قرآن
کریمک لذت و حلاوتنه اصلا نسبت قبول ایتز . بوسیدن

حضرت فخر رسالت قرآن کریمک وصف جیلنی بیان
بیور دیغنده (قرآن کریم چوق او قونقله و اوزرندن زمان
یکمکه اسکیمز . و کند و سندن اوصانبله رق ترك اولنر .
و عجایب و غرائبی نهایتیه واروب توکنز . و قرآن کریم
فصلدر هزل دکدر . و عالم اولنر کندیسنه طوعزلر .
بیور مشدر

(در دنجی وجه) قرآن کریم قومک ییلد کلری و بیلد کلری
احوال ماضیه یی خبر ویردی . و حتی بیلد کلرینی تحقیق
ایتد کلرنده قرآن کریمک خبر ویردیکی کبی بولوب صحت
و صدقنی اکلار لردی . ته کیم اصحاب کهمک و حضرت
موسی ايله حضرت حضر علیهما السلامک و ذوالقرنینک
احوالندن و ایتلری ايله برابر قصص انبیا و قرون ماضیه دن
خبر ویردیکی کبی .

(بشنجی وجه) قرآن کریمک غیبدن خبر ویرمسیدر . ته کیم
قوم یهودک (جنه بزدن بشقه هیچ برکسه کیره میه جکدر
انجق بز کیره جکر) دید کلری سوزلر (فتمنوا الموت ان کنتم
صادقین و لن یتنوه ابدا بما قدمت ایدیههم) یعنی ای قوم یهود
اگر سز سوز کرده صادق ايسه کز اولمکزی تمنی اید یکر .
قوم مزبور ايسه کابلرینی تحریف و تبدیل ایتلری سیئيله کسب
ایتد کلری سیئاتد نطولاینی هیچ بروقت اولو ملرینی تمنی
ایتیه جکدر . آیت جلیله سیله رد بیور بلوب خبر ویرلدیکی
کبی واقع اولدی . که هیچ بریهودی اولومنی لسان ايله
تمنی و طلب ایتامش و ایتیه جکی دخی آشکاردر . والله اگر

قوم یهود دن بر فرد او لومنی تمی ایده جک اولسه ایدی
همان او آنده جانی چیقده جغنده هیچ شک و شبهه یو قدر
وبرده کفار قریبک معارضه ایده میه جکارنی (فان لم تفعلوا
وان تفعلوا) آیت جلیله سیمله خبر ویردیکی کی . فی الواقع
هیچ بر فرد آفریده قرآن کریمک بر اقصی سوره سنک مثلنی
کتوره مدی . وکتورمک دخی خارج امکاندر . و برده
(انا فتحنا لک فتحا مبینا) آیت جلیله سیمله مکه شهرینک فتحی
خبر ویردیکی کی واقع اولدی . و برده (الم غلبت الروم
فی ادنی الارض وهم من بعد غلبهم سیغلبون) آیت جلیله سی
رومک بحمه غالب اوله جغنی خبر ویردیکی کی واقع اولدی .
و برده (لقد خلین المسجد الحرام ان شاء الله آمین محلقین
رؤسکم ومقصرین لانتخافون) آیت جلیله سیدر که صحابه
کرامک امین اوله رق مسجد حرامه داخل اولماری خبر
ویردی . و طبقی خبر ویردیکی کی واقع اولدی . و برده
(واخری تحبونها نصر من الله وفتح قریب) آیت جلیله سیدر که
مکه مکرمه نیک فتحی خبر ویردیکی کی جناب حقل عون و عنایتله
فتح مکه میسر اولدی . و برده (قل للذین کفر واستغلبون)
آیت جلیله سیدر که خبر ویردیکی کی کفار خاکسار مغلوب
و منهزم اولدی . و برده (انا کفیناک المستهزئین) آیت
جلیله سیدر که خبر ویردیکی کی مکه ده پولسان مستهزایلی
جناب حق در لودر لوبلاره مبتلا ایدرک هلاک ایلدی .
و برده (والله یعصمک من الناس) آیت جلیله سیدر که تبشیر
یور دیغی وجهله واقع اولوب حضرت فخر رسالت یو قدر

کفار خاکسار ضرر ایرشدر مکه قصد ایتدیلر سده
موفق اوله میوب دار آخرتی تشریف یورنجیه قدر جناب
واجب الوجود حضر تکریمک حفظ و امانتده اولدی .
و برده (انا نحن نزلنا الذکر وانا له لحافظون) آیت
جلیله سیدر که وعد یورلدیغی کی قرآن کریم تحریف و زیاده
و نقصان قلمقدن محفوظ ربانی اولوب ملاحده و معطله
و قرامطه و سائر فرق ضاله دن هیچ بر فرد مبانی
و معانیسندن بر حرفک و اعرا بلرندن بر اعرا بک نخر پفته قادر
اوله مد یلر . و بوند نصکره دخی قادر اوله میه جقلری
بدیهیدر . ودها بو مثللو آیات جلیله یک چوقدر نته کیم کتب
تفسیر و سیرده مفصلا بیان اولمشدر .

(تنبيه) پروتستانر بو مثللو آیات جلیله نک امور غیبیه دن
خبر ویردکارنی تسلیم ایتیموب محمد (صلی الله علیه وسلم)
اصحابک قلبلرینی تسکین ایتک ایچون ظن غالب و فکر صائبیه
سویلمشدر و بو مثللو اقوال (حاشا) اصحاب عقولدن
هر وقت ایشیدلمشدر) دیرلر . انجق بوسوزلری ایکی وجهله
باطل اولدیغنده اصلا شبهه یو قدر (۱) کافه عقلا حضرت
فخر عالم افندمرک اعقل ناسدن اولدیغنی تسلیم ایتدکلری کی
نصاری عندنده دخی عقلا دن اولدیغنی مسلمدر . و حتی تألیف
ایتدکلری کتا بلرنده بیلر عاقل اولدیغنی اعتراف ایتشلردر
حالبوکه دعوی نبوت ایدن بر عاقلک حال و شانندن دکلدر که
فلان امر فلان مدته البته واقع اوله جقدر دیهرک دعوی
ایدوب کندی معتقدینه ذهن ایلر امر ایلر . و خصوصیه

کندینی تکذیب اینکه حریص و بریلان سویمسینی چار
چشم ایله منتظر اولان دشمنلری قار شوسنده بویله برامر
عظیمه قالمشقی ادنی عقلمده اولان بر آدمک بیلله حال و شانی
دکلدر . قنده قالدیکی اعقل ناسدن واقع اوله .

(۲) عقلا هر تقدیر بعض امورده عقلاری مقتضا سنجه سوز
سویلرلر و سو یلدکاری سوزلر بعضا صحیح اوله رق واقع
اولور و بعضا دخی خطا اوله رق واقع اولور . انجیق عادت
الهییه شومر کرده جریان ایتکده درکه دعوائی نبوتده کاذب
اولان بر مکسنه حوادث آیتدن بر حادنه خبر ویره رک جناب
حقه نسبت ایتسیله افترا ایلمسه خبر مزبور صحیح اوله رق
واقع اولوب البتده خطا و غلط اوله رق واقع اوله جغنده
اصلا شبهه یوقدر .

(التنبی وجه) قرآن کریمک طائفة عرب و علماء امدن هیچ
بر فردک ییلمدیکی و هیچ بر کتابک مشتمل اولمدیغی علوم اولین
و آخرینی یعنی کافه احکام امور دینییه و معاملات دنیویه
و اخرویه و اشراط ساعت و اهل اطاعت و یریه جک نعم
باقیه و عصات و مجرمینه ایدیه جک نعم ناریه و قصص انبیاء
و وقایع امم سالفه و اخبار غیبیه یی جامع بر کتاب جلیل الشان
و باهر البرهان اولمیدر .

اشته شود کر اولنان وجوه سته نک هر بری بر مجزیه اولدیغی
ظاهر در . قرآن کریم که وجوه سته مذکوره نک کافه سنی
جامعدر . مثلنی کتور مکه کیم قادر اوله بیلور . هییهات
هییهات . فصحا و بلغای عرب که سحر کی نظم و نثر و خطبه

و شعر سو ییلمکده هر بری بر جوهر یکدانه ایکن قرآن کریمک
نظم و تألیفه و حلاوت و لطافتنه و صحت مبانی و معانیسنه
و جامع علوم اولین و آخرین اولسنه و خصوصیات سائر سنه
واله و حیران اولوب و آنفا بیان اولمدیغی وجهله بر طاقی
سنه لرجه اوغراشوب عاقبت الامر عاجز قاله رق الک قیصه
اولان بر سوره جلیله سنه بیلله نظیره کتوره مدیلر . نرهده
قالدی که قرآن کریمک مثلنی کتوره لر . فصحا ی عرب عاجز
قالبجه اقوام سائر نک قرآن جلیله نظیره کتور ملری ممکن
و متصور اولمدیغی هر کسک مسلیدر . حالبوکه حضرت
فخر عالم افندمرامی اولوب هیچ مکتبه کتدی و کسه دن
برشی او قومدی . و مبارک الینه قلم المدی . و کتب سالفه
و تواریح مطالعه بیورمدی . و سحر تعلیم ایتدی . و شعر
دخی او قومدی . و سو یلدی . و بویله اولدیغی کفره
قریش یقیماً بیلورلردی . صکره سن شریقی قرقد بالغ
اولنجه طرف الهیدن خلعت نبوت و وحی منزل ایله تشریف
بیور بلوب حجج ساطعه و براهین قاطعه اقامه سیله دین حقه
دعوت ایتکده مباشرت بیور دیلر .

فصحا ی عرب و اقوام سائر شه شویله طورسون کافه انس
و جن بر محله جمع اولنوبده بری بر لرینه معاونت ایتسه لر بیلله
امر مزبورک ممکن اوله میه جفی در کاردر . ته کیم قرآن
جلیله (قل لن اجتمع الانس و الجن علی ان یا توا بمثل
هذا القرآن لا یأتون بمثله ولو کان بعضهم لبعض ظهیرا) آیت
نص قاطعه امر مذکورک محال اولدیغی بیان بیورلمشدر .

ادله مذکوره حقه زبانه را زلق اید و بده (بویله شیلر
اورته لخی قاندر مق ایچون سویلنشدن بویله شی اولماز)
دیوان کافرین و منافقین وار ایسه (فأ تو ابسورة من مثله)
نص جلیلی ایله باب معارضه یوم نداته قدر مفتوحدر
واشبو معجزه قرآنیه حضرت فخر عالم افندمرک کافه
معجزاتندن ال یوک بر معجزه باهره اولدیغی کبی انبیای
سالفه نك دخی کافه معجزات باهره لرندن اعظمدر . مثلا
حضرت عیسی علیه السلامک ال بیوک معجزه سی احیای
موتی ایله ائادن طوغمه کوز سزله کوزاچق ایدی حالبوکه قومنک
بو مثللو خوارق عادیه به طبعی یوق و بویله شیلره چالشمرلر
ایدی . بوسبیدن اصلا معارضه به تصدی ایندیله . معجزات
سائر دخی بونلره مقیسدنر . اما قوم قریشک ممارسه
فصاحت و بلاغته اولدرجه ده سعی بلیغی و ایدیدی که
ال زیاده مابه الافتخارلری کلام فصیح و بلیغ ایدی .
وحتی درجه عالییه ده بولنان قصائد و غزلیاتی لاجل التفخر
لوحه یا یوب تزین ایدرک بیت شریفه تعلیق ایدرلردی .
بونکه برابر قرآن کریم کلام عرب چنسدن ایکن ال اقصر
بر سورة شریفه سنه نظیره کتورمدن عاجز قالملری قرآن
کریمک اعظم کافه معجزات انبیای ذیشان اولدیغنه دخی
بر دلیل واضهدر .

(نوع ثالث قرآن کریمدن غیری وقوع بولان معجزات)

(باهره سی بیانددر)

حضرت فخر عالم افندمرک قرآن کریمدن غیری معجزات

باهره لری پک چوقددر . قصه معراج و انشقاق قر .
وجاداتک نطق و حرکتلری . و حیوانات و حشیده نك تکلم
و نبوتلرینه شهادت ایتلری . و موتی و صبیانک دخی نبی کریم
اولدیغنه شهادت ایتلری . و طعام قلیل ایله پک چوق خلق
اطعام بیوروب طیورمسی . و مبارک پرمقلری آره سندن
طلو صولرک چیقوب جریان ایتسی . و دعا سی برکاتیه
هردرلو خسته لک و امراضه مبتلا اولنلرک شفا یاب اوللری .
و معیادتدن خبر و یرمسی کبی . که امور مذکوره نك هربری
ادله سیله برابر کتب احادیث و سیر و تفاسیرده عریض و عمیق
بیان اولنشدنر .

والحاصل کتب مذکوره به مرا جمعه کوز جله تتبع اولنوب
عقل سلیم و فکر صحیح ایله تأمل اولنقدده حبیب اکرمک
معجزات باهره و کرامات علیه لری نك علوی و سفلی و صامت
و ناطق و ساکن و متحرک و مایع و جامد و سابق و لاحق
و غائب و حاضر و باطن و ظاهر و عاجل و آجل و بونلرک
غیری کافه عوالمه شامل اولدیغی ظاهر اولور . شویله که
اولین و آخرین مناقب علیه لری نك عد و احصای خصوصنده
حصر اوقات ایدوب کمال درجه بذل و سع و جهد ایتسه لری یله
عاجز قاله جقلری شبهه دن وارسته در . ته کیم امام بوصیری
حضر تلری بو نکته به اشارت ایدرک (طائفه نصارانک
عیسی علیه السلام حقه اطرا اید و بده شان الو هیته منافی
و بشریه یا قشمر صورته زعم باطللری اولان تثلیث ادعاسنی
ترک ایدرک مدح طریقیه حضرت فخر عالم افندمرک شان

عالم پرده هر نه ايله حکم اولنسه سزاوار اولديغنی بيان
بيورده شلردر (فلا ده) (نتیجه) قرآن کریمدن غیري
وقوعبولان معجزات باهره لرینک هربری منفرد اوله رق
هر نقدر متواتر دکل ایسه ده انجق قدر مشترک یعنی ثبوت
معجزه بلا شبهه متواتر اولديغنی جهتله اثبات نبوت محمدیه
خصوصنده بر دلائل کافی اولديغنی کون کبی آشکار در.

صلی الله تعالی علیه و سلم

(فصل ثانی) حضرت فخر عالم افندمرک نبوتندن اول
وصکره واقع اولان احوال شریفه و اخلاق عظیمه و احکام
حکیمه سی و شجعان عربک هجومنده وقوعبولان اقدام
و ثباتی ايله نبوتلرینک اثباتی بیاننده در.

(برنجی ماده) حضرت فخر عالم افندمرک طوغدقلری زماندن
دار آخرتی تشریف ایدنجه قدر مسمات دینیه و دنیویه
خصوصلرنده کنیدلرندن اصلا کذب صادر اولدی .
و اگر بر دفعه جک اولسون صادر اولدی دشمنلرینک
تشهیر ایده جکلرنده هیچ شبهه یوغیدی . حالبوکه دشمنلری
یله (محمد الامین) تسمیه ایدرلردی . و برده اصلا بر فعل قبیحی
ارتکاب ایتدی . و تبلیغ رسالت خصوصنده بیان اولنديغنی وجهله
انواع مشقتله دوچار اولوب بلافتور صبر و ثبات ایلدی
وصکره طرف الهیدن موفق اولوبده دشمنلرینه غلبه ایدرک
رتبه رفیعیه نائلیتله اموال و نفوسده انفاذ امر مقتدر اولجه
ذره قدر حالنی دکلشدر میوب اول عمرندن آخرینده دکل
سیرت واحده مرضیه اوزره استقامتده بولندی

(۲ ماده) اخلاق حمیده لری بخشید بیان اولنديغنی وجهله
حضرت فخر عالم افندمرک امتنه غایت چوق شفقت و مرحمتی
وار ایدی . و سخاوتی دخی هیچ بر فرد آفریده ده کورلماش
بر درجه عالیه ده ایدی . و حتی (ولا تبسطها کل البسط)
آیت جایله سیله عتاب اولندی ایدی . و برده زخارف
دنیویه به اصلا التفات و رغبتی یوق ایدی . حتی کفره
قریش دعوی نبوتدن فراغت ایتدرمک ایچون اموال کثیره
و زوجة حسنه و پادشاهلق عرض ایتدکلرنده قطعاً التفات
ایتمیوب ثابتقدم اولدی . و فقرا و مساکین ايله بولندقلری
حالده غایت متواضع ایدی .

(۳ ماده) حضرت فخر عالم افندمرک دنیوی و اخروی
نقیر و قطمیر کافه مصالح عبادی حاوی و حکمت عقله موافق
اوله رق تأسیس بیوردیغنی احکام حکیمه در که ادله سیله برابر
تفصیلی کتب فقهیه و کلامیه ده عریض و عمیق بیان اولمشدر .
(۴ ماده) زمان سعادتلرنده وقوعبولان بوقدر مخاریبات
کثیره نك هیچ برنده دشمنلرندن فرار ایتمیوب بلافتور هجوم
ایتمسیدر .

(نتیجه) اشبو ذکر اولنان مواد اربعه نك هربری منفرد اوله رق
هر نقدر نبوتنه دلالت ایتز ایسه ده انجق مجموعی انبیای
ذیشانندن بشقه هیچ بر فرد ده قطعاً و وقوعبولنديغنی جای
استباه دکلدر . بوسیدن حضرت فخر عالم افندمرکده اجتماعی
نبی کریم اولد قلرینه بر دلائل واضح و محدد . صلی الله
تعالی علیه و سلم

(فصل ثالث) حضرت فخر عالم افندمر ضلال و خسرا ند
 قالمش بر قومك ايچنده دعواي نبوت ايدرك تاسيس دين مبین
 ايتسيله نبوتلرينك اثباتي بياننده در
 حضرت فخر عالم افندمر دنيای تشریف پیور دقلرنده انسانلر
 بتون بتون حقدن عدول ايدرك بر طاقی بتلره طامق اوزره
 وسفك دماء ايله مألوف ایدیلر . مشرکین عرب کبی . او بر
 طاقی دخی دین تشبیه و صنعت تزویر و ترویج اکا ذیب کبی
 مفتریات اوزره ایدیلر . قوم یهود کبی . و بر طاقی دخی
 ایکی الله وارد در بری خالق خیر و دیکری خالق شر اعتقادی
 ايله نکاح محارم اوزره ایدیلر . قوم مجوس کبی . و بر طاقی
 دخی اب ايله ام و تثلیث اعتقاد باطلی اوزره ایدیلر . قوم
 نصاری کبی .

اشته حضرت فخر عالم بویله بحران کفر ایچنده قالمش کتاب
 و حکمتسز بر طاقم اقوام ضاله اراسنده دعواي نبوت ایدوب
 (بن مکارم اخلاقی اتمام وقوه علمیه و عملیه ده ناسی اکمال و شرف
 ایمان و اعمال صالحه ايله عالمی تنویر ایتک اوزره کتاب منیر
 و حکمت باهره ايله طرف حقدن سزه کوندردلم) پیوردی .
 و طبق یسور دقلری کبی اصلاح بین ايدرك ناسی عبادت
 اصنامدن و از یکپروب قوه علمیه و عملیه ايله نفوس بشریه بی
 اکمال ایلدی . و جناب کبریا حضرتلری کندوسمنه وعد
 پیور دینی کبی دین مبین اسلامی دخی بتون ادیان باطله
 اوزره غالب قیلدی . بوسیدن ادیان زائغه و مقالات فاسده
 مضحک اولوب، بسبتون قلب اولدقلری میدانه چپقه رق

شموس توحید و اقرار تنزیه اقطار آفاقه اشراق ایلدی . عجا
 بی ذیشانندن بشقه بویله بر عظیم دعوايه قالدیشوبده حکمدار
 و اهالی یعنی کافه ناسی علمنی اوله رق تکفیر ايله دین حقه دعوت
 ایتک قنغی بر یکیدک ایشیدر . خصوصیه زمان بدو بتده هر
 ایشی سیف جلادتنه حواله ایدن مشرکین عرب آره سنده
 بویله بر دعواي عظیمیه قالدیشوب میدان معرکده چیتق
 پیغمبردن بشقه بر کسمه نك کاریمیدر . هیاهات هیاهات .
 انصاف ایدوب دوشونمایدردده حماقت وجهالت یوانی ترک
 ايله شرف اسلامی قبول ایتیدر

(نتیجه) نفوس بشریه بی اکمال و امراض قلبیه معالجه
 ایتسکدن بشقه نینک هیچ بر معناسی اولدینی و حضرت فخر
 عالم صلی الله تعالی علیه وسلم افندمر حضرتلرینک قلوب
 مرضایه معالجه و ظلماتی ازاله ایتک خصوصنده دعوتی تأثیر
 ایلوب امر مذکور ی کاهو حقه اتمام و اکمال ابتدکی جهته
 نبی کریم اولدیغنده اصلا شک و شبهه یوقدر . و برده
 یوقار و دنیرو بحث اولدینی و جهله ماهیت نبوت حضرت
 فخر عالم افندمر زده حاصل اولدینی کبی هیچ بر نییسه وقوع
 بولمامش اولدیغندن حضرت فخر عالم افندمرک افضل انبیای
 کرام اولدیغنده دخی اصلا شبهه یوقدر . واشبو مدعا مرزی
 اثبات ایده جک ادله عقلیه و نقلیه پک چوق ایسه ده تطو بلدن
 احتراز ایا لکز درت دلیل ايله اکتفا اولندی .

(دلیل اول) جناب واجب الوجود حضرتلری انبیای سالفه
 حضراتی اوصاف چپله ايله وصف پیور دقلدن صکره فخر

عالم افندمرز حضرتلرینه خطاباً (اولئك الذين هدى الله
فبهدىهم اقتده) آیت جلیله سـ میله کافه انبیای سالفه نك اثر
وسیرت لرینه اقتدا ایتمکله مأمور یوردی . بوجهتله کافه انبیانك
حسن سیرت لرینی اتیان ایتمک کـندولری اوزرینه واجب
اولدیغندن مشار الیهم حضرتانك جمیع محاسن اخلاق
وسیرت لرینی ادا واکمال ایلدیکنده شبهه یوقدر . والا تارك امر
ربانی اولسی لازم کور . بوا یسه بالبداهه محالدر . (نتیجه)
سرور عالم افندمرز حضرتلری کافه انبیای سالفه کرامت
خصال حمیده لرینی ادا واکمال ایتدیکی ثابت اولنجه مشار الیهم
حضراتك هر برنده متفرقاً بولنان خصال جلیله نك کافه سی
سرور عالم افندمرزده مجتمع اولسی لازم کور . بودخی جمیع انبیای
ذیشان دن افضل اولسنی اقتضا ایدیه کی واضح و آشکار در .
(دلیل ثانی) جناب واجب الوجود حضرتلری امت مرحومه
محمدیه یه خطاباً (کنتم خیرامة اخرجت للناس) آیت
جلیله سـ میله کافه امدن خیرلی و افضل اولدقلرینی بیان یوردی .
وبر امتك دیکر بر امتدن خیرلو و افضل اولسی امور دینییه ده
کمال لری جهتله اولدیغی و بر امتك امور دینییه ده کمالی دخی
پیغمبر لرینك کمالله اولدیغی قطعاً جای اشتباه دکدر .
(نتیجه) آیت جلیله مذکور حضرت فخر عالم افندمرزك
کافه انبیای ذیشان حضرتانك افضل اولدیغی غایت واضح
بر صورتده بیان ایلدی .

(دلیل ثالث) کافه انبیای ذیشان حضرتانك روی زمیندن
تشریف یورملریله معجزات باهره و شرایع زاهره و کتب

مقدسـه جلیله و سائر آثار جلیله لری کلیاً محو و مندرس اولدی .
اما حضرت فخر رسالت صلی الله تعالی علیه وسلم افندمرزك
معجزات باهره و شریعت مطهره سی و کتاب جلیلی اولان قرآن
مبین و سائر آثار جلیله سی اصلاً و قطعاً زائل اولیوب الا آن
باقی و یوم قیامت قدر دخی باقی قاله جغنده شبهه یوقدر .
(اما معجزات باهره سـ نك بقاسی) کافه انبیای کرام
کندولرندن صکره کله جك اولان پیغمبر ذیشان املرینه
تبشـ یرواتباع ابله وصیت یوردرلری . انجق سرور عالم
افندمرز (مان محمد ابا احد من رجالکم و لکن رسول الله
وخاتم النبیین) آیت جلیله سی مقتضاستجه کندیلرندن صکره
هیچ بر پیغمبرك کلیه جکی و کندیسنك (خاتم النبیین) اولدیغی
خبر و یردی . و فی الواقع خبر و یردی کی واقع اولدی که
یک اوچیوز شوقدر سنه دنبرو آیت جلیله مذکور هر برده
تلاوت اولندی . والا آن تلاوت اولمقده در . و یوم ندامته
دکین تلاوت اولنه جغنده اصلاً شبهه یوقدر . اشته آیت
جلیله مزبور بزه نسبتله غیبدن خبر و یردی کی جهتله بر معجزه
باهره اولدیغی کون کی ظاهر در . و اشته بوم معجزه باهره به
اولوقـ دنبرو معارضه ایدن هیچ بر فرد ظهور ایتدی .
ومن عند الله موید اوله رق هیچ بر فرد دعوی نبوت ایدیه مدی .
وبوندن صکره دخی ظهور ایدیه بیتمک احتمالی بیله یوقدر . (صدق
من نطق) اما شریعت مطهره سـ نك و کتاب جلیله نك بقاسی
اوضح و اضحاتنددر .

(نتیجه) اشته دلیل مذکور دخی حضرت فخر عالم افندمرزك

کافه انبیادن افضل اولدقلرینه دلالت ایدیه چکی وارسته قید
اِشتباهدر .

(دلیل رابع) حضرت فخر عالم افندمرک توحید پزدان
و عبادت دجن خصوصنده وقوع ولان دعوتی اکثر بلاد
ومالکه واصل اولدی . و نیجه نیجه . یلیونلرجه اهالی شرف
اسلامی قبول ایلدی . و کوندن کونه کسب تزیاید ایتکده در .
(زادهم الله الی یوم القیام)

(نتیجه) اهل دنیاک حضرت فخر عالم افندمرک دعوتیه
اتفاقعلری ائم سائرته نک انبیای سالفه حضراتک دعوتیه
واقع اولان اتفقاعلرندن ده اکل اولدیغی جهته حضرت
فخر عالم افندمرک افضل کافه انبیای ذیشان اولدقلری لازم
کلوب مطلوب ثابت اولور . صلی الله تعالی علیه وسلم
(تنبیه) حضرت فخر عالم افندمرک سائر انبیای عظام
حضراتی اوزرینه تفضیل اولمسنندن انبیای مشار الیه
حضراتک حق عالمیلمرنده تبلیغ احکام الهیه و یا خود
خصوصات سائرته ده (حاشا) قصورلری وارد دیهرک
برصوه اعتقادده بولنوبده اساله لسان اولمسون . زیرا جناب
حقه ایمان ایتک وصغیر و کبیر کنهالردن معصوم و محفوظ
اولق و بذل وسع و طاقت ایدرک تبلیغ رسالت ایتک وفدای
جان جهان ایدرک خلق دینه دعوت ایتک خصوص صلرنده
جمع انبیای عظام علیهم السلام حضراتی مساوی اولوب
خصوصات مزبورده ده هیچ بر پیغمبر دیگرینک اوزرینه
تفضیل اولنق قطعاً جائز اولدیغندن مشار الیه حضرتک

حق عالیرنده شان نبوتلرینه خلل و نقیصه بی مشعر اوله رق
دیل اوزا تمق کفر اولدیغنده هیچ شبهه یو قدر .

(نعوذ بالله تعالی) و ذکر اولنان امورده جمیع انبیای عظام
حضراتک مساوی اولملری ادله مذکوره ایله (ولقد فضلنا
بعض النبیین علی بعض) آیت جلیله سی مقتضاسنجه حضرت
فخر عالم افندمرک جهات سائرته جه کافه انبیای کرامک
افضلی اولمسنده مانع اوله مر . صلی الله تعالی علیه وآله
و علی جمیع الانبیاء والمرسلین .

(فصل رابع) انبیای متقدمینک خبر و برملریله سرور عالم
افندمرک نبوتلرینک اثباتی یساننده در

حضرت موسی و حضرت عیسی علیهما السلام تورات و انجیلده
و بینهما ده تشریف بیوران پیغمبران عظام حضراتی
کنیدلرینه نازل اولان کتب مقدسه ده نبی آخر زمان
و رحمت عالمیان حضرت محمد علیه صلوات الرحمن افندمر
حضرتلرینک خلعت نبوتله تشریف بیوره جقلرینی خبر
و یردیلر . و جای اشتباه دکدر که انبیای کرامک خبر
و یردکلری کافه امور ثابت و واقعدر . امدی حضرت فخر
عالم افندمرک نبی کریم اولدیغی ظاهر اولوب مطلوب ثابت
اولور .

اما صغرائک بیانی (الذین یثبعون الرسول النبی الامی الذی
بجدونه مکتوبا عندهم فی التوراة والانجیل بأمرهم بالمعروف
و نهیهم عن المنکر الایة) آیت جلیله سیله واجله علماء یهود
و نصارادن شرف اسلامی قبول ایلان قووات کرامک خبر

ویرملریله و تورات و انجیلک شهادتلیله ثابتدر . و اما کبری
اهل ادیان کوره قضایای مسئله دندر .

(تنبیه) اشبهو فصل اوج نوع اوزره بناء اولنوب نوع اول
ادله تورات پساننده در .

توراتک کتاب اولندن اون التبی فصلنده واقع اولمشدر که
(حضرت هاجر حضرت ابراهیمک زوجہ سی سارہ دن
قاچنجه ملائکہ کرامدن بری سور یولنده اولان قیوده
یتشوب کندوسنه خطاباً) یا هاجر نره دن کلپور سین و زہبه
کیده جکسین) سوآله جواباً سارہ دن قاچدم دیسی اوزرینه
(ملک یا هاجر سن کیر و دونوب سارہ به کیت و کندوسنه
اطاعت و انقیاد ایلہ زیر جناب الله یقیینده صابلیه جق
درجه ده سنک ذریتنی تکثیر ایدہ جکدر . و سن حاملسین .
و حضرت اسماعیلی طوغوره جقسین . زیرا جناب الله سنک
چکدیکنک جقای ایشمدی و سنک اوغلک جمیع ناسک قره
العینی اولہ جقدر . وید اقتداری هرکسک فوقنده اولوب
هرکس کندوسنه خضوع ایلیمه جکدر . و امر و حکمی
دنیا ناک ال بیوک و معمور لرلنده نافذ اولہ جقدر) انتهى
ملخصاً و املاً

شوراسیده تاریخ آشنا اولنلرک رعنا معلوملریدر که حضرت
اسماعیل و اولاد صلبی دنیا ناک ال بیوک و معمور لرلنده
متصرف دکل ایدیلر . بویله اولنجه نص جلیل مذکورک
اشارتی حضرت اسماعیل علیه السلامک اعظم ذریتی بولنان
حضرت فخر عالم محمد مصطفی صلی الله تعالی علیه وسلم افندمن

حضرت تارینه مصروف اولدیغنه شبهه یوقدر . چونکه دین
اسلام جمع ادیانته غالب و دنیا ناک اکثر معمور لرلیمه منتشر
اولسبله امت مرحومه محمدیه مشارق و مغاربده حاکم اولدیلر .
و اشبهو امری قوم یهود خاخاملری دخی یلورلر انجیق عوامندن
مکتوم طوتار لر

و پنه (سفر تورات المثنی) ناک اون سکر نبی فصلنده موسی
علیه السلامه واقع اولان خطاب الهیه بی نقل صد دنده
(آیت ۱۷) و رب بکا دیدی که سویلد کلری معقولدر . (۱۸)
انلره قرنداشلرینک ارسندن سنک کبی بر پیغمبر قالدیریم .
و سوزلریمی آغزینده قویهیم . و اکا هر امر ایدہ جکلریمی انلره
سویلیه (۱۹) و اوله که هرکیم بنم آدم ایلہ سویلیه جکی
سوزلریمی دکلیمه جک اولورسه بن اندن طلب ایدہ جکم) واقع
اولمشدر . اشته عبارات مذکوره ایلہ تبشیر اولنان پیغمبر
ذیشانندن مراد فخر عالم (محمد مصطفی) علیه الصلوٰۃ
و السلام افندمن حضرتلری اولدیغی غایت واضح و آشکاردر .
چونکه حضرت موسی علیه السلامدن صکره کلان پیغمبران
ذیشانک کافه سی بنی اسرائیلدن ایدیلر . و اک صکره کلان
دخی حضرت عیسی علیه السلام ایدی . و توراتده سفر
التکوینک اون التبی فصلنده بنی اسرائیلک قرنداشلری بنی
اسماعیل یعنی قوم عرب اولدیغی مسطوردر . بوجهتله بنی
اسرائیلک قرنداشلری اوغللرندن پیغمبر لکله دنیا بی تشریف
یورمش حضرت فخر عالم افندمن دن غیر هیچ بر فردده
وقوعبولماش اولدیغندن کتاب هر بورده کلمی تبشیر

اولئسان پیغمبر ایشان (محمد) علیه صلوات الرحمن افندمز
 حضرت تری اولدیغی اصحاب اذعانہ کورہ غایت واضحدر .
 اما قوم یہود آیات مزبورہ دہ کلمسی تبشیر اولئان پیغمبردن مراد
 حضرت (یوشع) علیہ السلام اولدیغی زعم وادعا ایدرلر
 انجیق بوزعلاری برقاج وجهلہ فاسددر . (۱) یوشع حضرت تری
 نفس بنی اسرائیلنددر . یوخسہ بنی اسرائیلک قرنداشری
 اولان بنی اسمعیلدن دکلدر . بوجہنہلہ کندیلرینک مراد
 اولئہ میہ جنی ظاہر در . (۲) کلام مزبورہ (سنک کبی
 بر پیغمبر قالدیریم) دینلشددر حالبوکہ حضرت یوشع وعبسی
 علیہما السلامدن ماعداساثرانیای بنی اسرائیلک هیچ بریسی
 حضرت موسی کبی اولدقلری سفر تورات المثنی نک اوتوز
 در دنجی فصلندہ (آیت ۱۰ و آرتق اسرائیلدہ موسی کبی
 پیغمبر قالدی کہ رب انی روبرو ییلش اولہ) کلامیلہ بیان
 اولمشدر . بونکلہ برابر سفر یوشعک برنجی فصلندہ (واولدی کہ
 ربک قولی موسانک وفا تندن صکرہ رب موسی نک خدمتکاری
 نون اوغلی یوشعہ سویلیوب دیدی کہ) کلامیلہ حضرت یوشع
 موسی علیہ السلامک خادمی اولدیغی وینہ فصل مزبورہ
 (قولم موسی جہلہ سکاکمزلدیغی توراتہ کورہ ایشایہ سین .
 آندن نہ صاغہ نہ صولہ صاپہ سین) کلامیلہ دنجی وضع دین
 وشریعت خصوصندہ استقلالی اویایوب بلیکہ موسی علیہ
 السلامک کتاب وشریعتنی مؤید اولدیغی بیان اولندیغندن
 حضرت موسی کبی اولہ میہ جنی وکتاب مزبورہ پیغمبر لکلہ
 کلمسی تبشیر اولئان ذات مشارالیه یوشع حضرت تری نک مراد

اولئہ میہ جنی ظاہر اولور . (۳) (وسوزلریمی آغزینہ
 قویہیم واکا ہر امرایدہ جکلریمی انلرہ س-ویلیہ) کلامی ہمہ
 حال بر حکم جدیدک وقوع واستقلالنی وش-سرایع ماضیک
 منسوخ اولسنی اقتضا ایدہ جکندن حضرت یوشع وسائرانیای
 بنی اسرائیلدن هیچ بریسنک مراد اولئہ میہ جنی غایت واضح
 وآشکار در .
 طائفہ نصاری دنجی توراتدہ ذکر اولئان ذاتدن مراد عبسی
 علیہ السلام حضرت تری نک اولدیغی زعم وادعا ایدرلر .
 انجیق انلرک دنجی زعم وادعالری برقاج وجهلہ فاسددر . (۱)
 عبسی علیہ السلام والدہ سی طرفندن نفس بنی اسرائیلدن
 اولوب اولاد عربدن اولدیغی ہر کسک معلومی وانلرک دنجی
 مسلیدر . (۲) باباسی جہنیلہ دنجی نہ بنی اسرائیلدن ونہ دہ
 اولاد عربدن اولیوب بلیکہ سبب وجودی جناب قادر وقیومک
 (کن) امریلہ نفخہ جبریل امین اولدیغی وبوسبیدن کندیسنک
 شرف وشانتی اعلان ایچ-ون (کلمہ اللہ) و (روح اللہ) القاب
 جلیلہ لری ایلہ تسمیہ اولندیغی ہر کسک معلومیدر . (۳)
 عبارتہ مزبورہ دہ موسی علیہ السلام خطاباً سنک
 کبی بر پیغمبر قالدیریم دینلشددر کہ مخلوق وانسان دیمکدر .
 بوجہنہلہ نصاری عبسی علیہ السلامک مراد اولندیغنی ادعا
 ابتدکلری حالدہ کندوسنہ اسناد الوہیتدن وازیکوب حضرت
 موسی کبی مخلوق وانسان وکتاب حق ایلہ طرف الہیدن بعث
 اولنش بر پیغمبر اولدیغنی اعتراف واقرار ایتلری لازم کلور .
 بویاسہ کندی اعتقاد لرنجہ کافر اولملرینی اقتضا ایدر .

(نتیجه) حضرت فخر عالم افند من بنو اسرائیل که فرزند اشتری
بولنان اولاد عربدن اولدیغی ومظهر آیات ومعجزات ومستقلا
صاحب کتاب و واضع دین وشریعت اولمقدده موسی علیه
السلام کی اولدیغی وجیمع شریع ماضیه بی نسخ ایلدیکی
وصایمقدن دها زیاده امتلر کندوسنه تابع اولدقلری جهته
تورانه پیغمبر لکله کلمسی تبشیر اولنان ذات انجق نبی آخر زمان
(محمد) مصطفی صلی الله تعالی علیه وسلم افند من ایدوکی غایت
واضح صورتده ظاهر اولوب مطلوب ثابت اولدی
وینه توراتک بشنجی کابندن اوتوز اوچنجی فصلنده واقع
اولمقدرکه آیت (۲) و دیدیکه رب سینادک کلدی . وانلره ساعیرده
تجلی ایلدی . فاران طاغندن اشراق ایلدی . ومقدسلرک
الوفلریله کلدی) انتهى (سینادن کلدی) کلامندن مراد جناب
واجب الوجود حضرت تیرینک موسی علیه السلامه وحی یوردیغی
کتاب ایلله دین حق وتوحید یارینک ظهور یدر . (ساعیر) شام
طاغلرندن برینک اسمیدر . ایلدی (ساعیرده تجلی ایلدی)
کلامندن مراد حضرت عیسی علیه السلامک ظهور ایتسیدر .
(فاران) عمالقه ملو کندن برینک اسمی اولوب ارض حجازه
مالک اولمسی جهته پادشاهک اسمیله قطعه مزبوره به تسمیه
اولمقدر . ایلدی (فاران طاغندن اشراق ایلدی) کلامندن
مراد حضرت رسالتپناه افند منک ظهور ایتسیدر .
ومقدسلرک الوفلریله کلدی) کلامندن مراد کندیلرینک معین
وظهر و یار غارلی اولان اصحاب کرام علیهم رضوان الملائک
السلام حضرت ایدر که هیچ بروقت یانندن ایرلما دیلر .

(نتیجه) اشد بو کلام دخی مدعای ناید ایلوب مطلوبک
نبوتی اقتضا ایدر . وینه تورانه (اشعیا) علیه السلامه
نسبت اولنان کتابک قرق ایکنجی باندده واقع اولمقدر که
(آیت ۱۱) بریه و آنده اولان شهرلر اوازیغی قالد رسونلر
وقیدار ساکن اولدیغی کوپلر و قیاده متمکنلر ایرلاسونلر
وطاغلرک باشندن هایقرسونلر (۱۲) ربه تجید ایدوب
آطه لرده جیدینی سویلسونلر)
کلاملری دخی مدعای ناید ایلده جکندده شبهه یوقدر . چونکه
(قیدار) حضرت اسماعیل علیه السلامک اوغلی وعربک جد
اعلا سیدروساکن اولدیغی محل (فاران) بریه سی یعنی ارض
حجازدر . بوجهته له کلام مذکورک اشارتی ارض حجازده
موقف حجاج ومحل تکبیر وتهلیل اولان جبل عرفاتده حجاج
مسلمینک احوالی مبین اولدیغنده شک وشبهه یوقدر .
وینه کتاب مزبورک اوتوز ایکنجی باندده (بریه یمشلو
تارلایه دونه . ویمشلو تارلا اورمان صایله . اوزمان پربرده
حکم ساکن اوله . وعدالت یمشلو تارلاده مکان طوته .
وعدالتک عملی سلام اوله . وعدالتک نتیجه سی ابدأ آسوده لک
وامینلک اوله .) واقع اولمقدر که ارض حجازک شریعت
مطهره احدیله ایلله کسب معموریت ایلله جکنی بیاندن عبارت
اولدیغی ظاهر در . وینه کتاب مزبورک اوتوز در دنجی
باندده برطاقم ظلمه وآزغونلرک هلاک اوله جقه لری بیان
اولندقدن صکره بشنجی باندده (آیت ۱) بونک ایچون چول
وقیریری سونیه . بریه ابتهاج ایدوب کل کی چیچکلنه .

(۲) زیاده سیه چپکلتوب اینهاج ایله دینلشدر که سرور
عالم اقدمزك تشریفله ارض حجازك کسب عمران ایده جکینه
اشارتدر .

وینه باب مزبورده (آیت ۷) و سراب کوله دونه و صوسر
برلرده صوطمرلی اوله (۸) آنده بر اولویول و برس-بیل
اوله جقدر که اکامقدس یول دینیه . اورادن ناپاکلر یعنی
کافرلر یکمیهلر . کندولری ایچ-ون اوله یولجیلر ابلهلر دخی
صایبهلر) دینلشدر که ظهور دین محمدیدنبیری اراضی مقدسه
حجازده صوبر که لری و حوضلر و قیول احداث اولنه رق هر
جهنله کسب معموریت ایتدیکی و مقدس یول دخی انجیق طریق
حج شریف اولدیغی و اورادن یکمک یالکز اهل اسلامه
مخصوص اولوب کفره فجره نك یکم مدیکی جهنله نك معلومیدر .
بوجهنله کلام مزبور دخی انجیق فخر رسالت اقدمز
حضرتلرینک پیغمبرلکه تشریف بیوره جقلربنی تأیید
ایده جکی وارسته قید اشتباهدر . چونکه حضرت عیسی
علیه السلام ظهور ایتدیکی بمالك من القديم معبود اولدیغی
و کلام مزبورده بیان اولسان اوصافك اورالرده بولمادیغی
کتب نوارینجده معلوم و غایت مشهوردر . ودها بومثللو ادله
تورات ایله سائر کتب مقدسه ده پک چوق واقع اولمشدر انجیق
نطویلدن احترازاً جمله سنک تحیرندن صرف نظر اولندی .
(نوع ثانی شواهد انجیل بیاننده در)

بوحناینبالری یازدیغی انجیلاک اون دردنبی بایسنده عیسی
علیه السلام دن نقل ایله دیر که (آیت ۱۵) اگر بنی س-ور

ایسه کز وصیتلربی حفظ ایلیکز . (۱۶) و بن بابایه
بالواریم و اوسره برغیری تسلیمی و بره که دائماً سزکله طورده
(۱۷) اول روح الحق که آنی دنیا قب-ول ایده مز . زیرا
آنی کوزمز و ییلز . اما سز آنی ییلور سکز . زیرا یانکزده
طوردر . و ایچکزده اوله جقدر . (۲۶) اما تسلیمی یعنی روح
القدس که آنی بابام بنم آدم ایله کوندره جکدر . اوسره هرشی
اوکرده جکدر . و سزه سویلدیکم نسنه لک کافه سنی خاطرکزه
کتوره جکدر . (۳۰) بن آرتق سزکله چوق سویلشمام زیرا
بودنیانک سلطانی کاییدر . و بنده آنک برنسنه سی یوقدر) اتمی
(فائده)

انجیل مزبورک ترجمه سنده واقع اولان (تسلیمی) لفظی
عربی نسخهلرنده (فارقایط) و یونانی انجیلارک بعضیسنده
(پارا قلیطوس) و بعضیسنده (پارا کلتیس) و ترکی انجیلارک
بعضیسنده (تسلیمی) و بعضیسنده (معزی) و (روح الحق)
لفظلری ایله واقع اولمشدر . و لفظ مزبورک معناسنده قوم
نصاری اختلاف ایایوب برطاقی (احد) و (حامد) و برطاقی
(مخلص) و (تسلیمی) لفظلریله ترجمه ایتشلردر .

(آیات مزبور نك شرحی)

اولا مشوراسی معلوم اوله که اونالتجی آیتده واقع اولان
(رغیری) لفظی بهمه حال ایکی ذاتک وجودنی اقتضا ایدر . زیرا
مغایرت انجیق ایکی ش-یئک یکدیگرینه نسنه ثابت اولور .
ایندی اول ایکی ذاتک بریسی حضرت مسیحک کندیسی
اولدیغی ش-بهه سزدر . چونکه انک زماننده خارجه

کنند پسندن بشقه بر تسلیجی اولدیغی جله نك معلوم و مسلیدر .
 بوکاء بناءا تقدیر کلام (بندن غیری) دیمک اولور .
 ایمدی قوم نصاری بوغیری دیدیکندن مراد (روح القدس)
 در ديه جک اولور لر ایسه کندی عقیده لری اقتصا سنجه
 (اقایم ثلثه) بیننده اولان اتحاد و مساواتی ابطال ایله مغایرتی
 اثبات ایلمک . و (مسیح) (روح القدس) ک غیری و روح القدس
 دخی مسیحک غیری اولدیغی اقرار ایتملری لازم کلور . بو ایسه
 کندی اعتقاد لر نجه کندیلرینک کفرینی اقتصا ایدر . بوق
 تأویلہ قالقیشوبده بوسوزی سویلیان مسیحک جهت ناسوئیدر .
 و مغایرت دخی اکا نسبتله در . لاهوتنک اصلا مدخلی بوقدر .
 ديه جک اولور لر ایسه بوضورتده دخی لاهوت ایله ناسوتک
 اتحاد لرینی ابطال ایله مسیحی الوهیتدن عزل ایتملری لازم
 کلور . بودخی کندی اعتقاد فاسده لرینک خلا فیدر .
 (نتیجه) بهمه حال نصارانک کندی مذهب لری اقتصا سنجه
 آیت مزبورده ده کی غیردن روح القدس مراد اولنه بهمه جخی
 جهتله آیت مزبورده نك معناسی (سزه بندن غیری بر پیغمبر
 کوندره) دیمک اولدیغی کوئش کی اشکار در . و (دائماً سز کاه
 طوره) کلامی کوندریلان پیغمبر ذیشانک بقای شریعتلرینه
 اشارت در . یعنی انک شرع شریفی اصلا نسخ اولنیموب بوم
 قیامتہ دکین باقی قاله جقدردیمکدر . و اون بدنی آیتده کی
 (روح الحق) اطلاق درجه علیهاده روحانی مشرب اولدقلرینی
 بیان و در کاه حقه کمال قریتلرینی عیان ایتمک ایچوندر .
 و (دنیا آنی قبول ایده مز زیرا انی کور مز یلمز) دینلمکدن

مقصود و مراد نور نبوتلری و کمالات باطنیه روحانیه لری جمیع
 پیغمبران کرام حضراتنک روش و سیرت لری اولدیغی کبی عیون
 کفره فجره دن مستور و پنهاندر دیمکدر . و (اما سز آنی
 ییلور سکز) دینلمکدن مراد انی کوروب بيلمک بصیرت قلبیه لری
 آچیق اولان اهل ایمانک نصیبی اولدیغی بیاندرد . و (زیرا
 یانکرده در و ایچکرده اوله جقدرد) دینلمکدن مراد کندیسی
 عالم بالایه روان اولوب قدوم و بعثتی نبشیریور دقلری ذات
 عالیقدرک نور نبوت و چراغ رسالتلرینک اهالی ارض
 اهل زنده فروزان اولوب لمعان ایده جکنی بیان و عیان ایتمکدر .
 و اما مرقوملره خطاب صیغه سیله (کور سکز ییلور سکز)
 دیمسی غائی حاضر منزلته تنزیل ایله مراد اولاد و اعقابیدر .
 و بو کونا خطاب اصلا موجب شک و ارباب اوله مز زیرا
 (مرقس) علامات قیامتی تعداد و بیان صره سنده کندولرینه
 خطاباً (۴۴) اول کونلرده اول مصیبتدن صکره کونش
 قراکلی اوله . و آی کندی آیدینلغی و یرمیه . (۲۵) و کوا
 یوزینک یلدزلری دوشه . و کوا کلرده اولان قوت صار صیله
 ۴۹ و سسز دخی بویله قچانکه بونسنه لک واقع اولدیغی
 کور در سکز ییلک که یقین و قیولرده در) ديه رک نقل و حکابه
 ایشدرد . حالبوکه مرقوملرک ذکر اولسان امور دن هیچ
 برینی کور مدکلری و حالا سموات و ارضین اسکی حاللری اوزره
 قالوب امور مذکور نك بوندن صکره واقع اوله جخی هر کسک
 معلومیدر . و (بنم ادم ایله کوندره جکدر) دیمک معناسی
 بن نصل که رسول الله و نبی الله تسبیحه اولنور ايسهم اول ذات

عالم قدر دخی بو عنوان جلیل ایلله تسبیحه اولنده جقدردر . و (او
سزده هر شیئی او کرده جکدر . و سزده سو یلدی بکم نسبه لک
کافه سنی خاطر کزه کتوره جکدر) یعنی اول ذات عالم قدرک
کتاب جلیلی واحادیث نبویه سی دنیوی و اخروی نفیر و قطمیر
محتاج اولدیغکنز ا- کلامی بیان ایده جکدر . و (آرتق بن
سزکده سو یلشمام . زیرا بودنیانک سلطانی کلیور) یعنی
کندیلرینک سمایه عروج اتیسی قریب اولدیغنی بیان و بعد
سلطان جهان حبیب رحمانک کله جکنی اعلا ندر . و (بنده
انک برنسینه سی یوقدر) یعنی جناب مسیح علیه السلام نبی
اسرائیلدن و حبیب رحمن حضرت محمد علیه السلام اولاد
عربدن اولدیغنی جهته اره لرنده علاقه صوریه اولما مسیله
برابر سرور عالم افندمر کتاب مستقل و شریعت مستقله
صاحبی اولمق حسیله جناب مسیحیه تعلق و احتیاج جملری
اولدیغنی بیاندردر .

(استطراد) انجیلارده واقع اولان (اب) لفظی محرف اوله رق
واقع اولوب کتب نصاراده جناب کبری یا حضرتلرینه اطلاق
اولمشدردر . چونکه لفظ مزبور نبی اسرا یل قتنده مقام
تعظیمده کثیر الاستعمال اولدیغندن متعلمین استفاده علم ایچون
معلملرینه اطلاق ایدر لر . بوسه بیدن من القدیم قوم یهود
و نصارانک سوء فهم و تریسه سز لکلی جهته (بزاللهک
او غلاری بز واللّه یا بایزدردر) دیر لر نهوذ بالله و تعالی الله
عما یقول الظالمون علواً کبیراً

وینه انجیل مزبورک اوان بشتی باینده (آیت ۲۶) اما

تسلیمی که آنی سزده بابادن کوندره جکم یعنی حقیقت روحی که
بابادن صادر اولور . کلدیکی زمان او بنم ایچون شهادت ایلله
(۲۷) و سز دخی شهادت ایده سز . دینلشدردر که حضرت
فخر عالم افندمر جناب مسیحک نبوت و پیغمبر لکنه و یهود
و نصارانک حق عالم لرنده و والدیه محترمه لری حقنده اسناد
و افترا ایتد ککری هر درلو قبیحات و فتنالقدردن بری و مزه
اولدقلرینه (قال انی عبد الله آتانی الکتاب و جعلنی نبیاً و جعلنی
میسارکالا یته) و (وما قتلوه و ما صلبوه و لکن شبه لهم)
(و اذ کرفی الکتاب مریم اذ انتبذت من اهلها مکانا شمرقیا
الایه) ودها بونلره مماثل آیات جلیله صمدانیه ایلله شهادت
ایلدیکی عامه نک معلومه یدر

واون التنبی باینده (۷) اما بن سزده حق سو یلرم سزده فائده
لیدر که بن کیدهیم . زیرا اکر بن کتمز ایسهیم تسلیمی سزده
کلیه جکدر . اما اکر کیدر سم بن انی سزده کوندرهیم (دیو
یازمشدر (سزده فائده لیدر که بن کیدهیم) کلامنک معناسی
یعنی بنم سمایه رفع یورلدیغم سزک حق کزده بر فائده عظیمه در .
شوجهته که سزک بکا اولان کمال محبتکز افتراقزد نطولابی
برقائدها تزیاید ایدر ده جناب حقه کمال سوز و کداز ایلله عبادت
ایدر سکر و درجات عالیه نائل اولور سکر . و وصیتلریمی
کوز لجه حفظ ایدر و نشر و اشاعه ایدر سکر ده اولاد
واحقادیکز چار چشم انتظار ایلله نبی آخر زمان و سرور
جهانه منتظر اولوب ایمان ایدر لر و ازهر جهت سعادت
حاله نائل اولور لر دیمکدر . حقیقت حالده دخی ایشک بویه

اولدینغی عامه نك معلومیدرکه پك چوق کتبشارس سرور عالم
افندم نك ظهورینه منتظر اولوب بلا تردد ایمان ایتدکری
کتب توارنجدده مصر حدر.

و (زیرا اکبر بن کتمز ایسه م تسلیجی سزه کلیه جکدر) کلامی
شریعت مستقله واحکام مختلفه صاحب لری اوله رق ایکی
پیغمبرک بر زمانده اجتماع ایتلری ممکن اوله میه جغه اشارتدر.
(تیجه) حضرت عیسی علیه السلام دن صکره معجزات باهره
ایله مؤید اوله رق خلق توحید باری به دعوت ایدر و سیر
واخلاقی انبیای سالفه نك سیر و اخلاقه مطابق اوله رق
سرور جهان و نبی آخر زمان (حضرت محمد مصطفی)
صلی الله تعالی علیه و سلم افندم حضرت نلرندن غیری هیچ
بر ذات ظه ور ایتامش و با صره اهل جهان اصلا انك
مثل و نظیرین کور و مامش و خلقت آدم نبری کندیلرینه نك
دین و شریعتی کبی کمال سرعتله شرق و غربه منتشر اولدینغی
کبی هیچ بر دین و شریعت منتشر اوله مدیغنه دن وید
شمر یقه سنده صایمقدن ده زیاده معجزات باهره ظهور
ایلدیکندن انجیلده کله جکی تبشیر اولنان پیغمبر نصارانك زعم
ایتدکری کبی (روح المقدس) و یا خود حالا ظه ور ایتامش
بر پیغمبر اولوق احتماله قطعاً محل قائموب انجیق بزم هادی
و شقیعمر و نور دیده و جائمز سرور عالم و سید بنی آدم حضرت
(محمد المصطفی) علیه من الصلوات از کبها افندم حضرت لری
اولدینغی کونشدن دها واضح و آشکاردر.

(اما اگر کیدرسه م بن آنی سزه کوندویم) کلامی یعنی

جناب حق دن سرعت ارسالنی دجا و نیاز ایده یم دیمکدر.
(فائده) نقل اولنان کلاملرده (کیده یم) و (کتمز ایسه م)
(و کیدرسه م) تعبیر لری قرآن کریمده (و ما قتلوه یهینا بل
رفعه الله الیه) آیت جلیلله سیله خبر ویرلدیکی کبی حضرت
عیسی علیه السلام ک آما و سالما سمایه رفع یور لمرینه دلیل
جلی اولوب قوم یهود خائلرینه مفر یا تنه قاپیله رق نصاری
ساده دلانك صلب و قتل اولندیغنه اعتقاد ایتدکری اصلا
شایان سمع و اعتبار اولدینغی وارسته قید اشتباهدر.

و بقده باب مزبورده (۸) و اوکلدیکی زمان دنیایی کنه ایچون
و عدالت ایچون و حکم ایچون الزام ایلیه (۹) کنه ایچون
زیرا بکا اینانمز ل (۱۰) عدالت ایچون زیر ابن بابامه کیدرم و سز
بنی آرتق کورمه جکسکز (۱۱) حکم ایچون زیر ابودنیانك
سلطانی مدان اولمشدر. کلام لری واقع اولمشدر. اما
سکرنجی کلامك معناسی یعنی جناب فخر رسالت کفار
خاکساری ایتدکری کنه لردن ناشی قولاً و فعلاً خبط و اسکات
وقفه و تدمیر ایده جکدر و عدالت واحکام حکیمه الهیه ایله
جهانی اقناع ایله نظام و بره جکدر دیمکدر. و فی الواقع خبر
ویردیکی کبی از هر جهت کفره فجریه غالب اولدقلری
و عدالتله جهانی طولدیروب بر باغ کلزاره د و ندر دیکی کتب
توارنخ و سیرده مفصلاً بیان اولندیغی هر کسك معلومیدر.
(زیر ابن بابامه کیدرم الی آخره) یعنی آما و سالما جناب
حق اراده الهیه سی اولان سمایه رفع اولنورمده آرتق بنی
کوره هر سکزدیمکدر.

حكم ايجون زيرا بو دنيانك سـلطاني مدان اولمشـدر) يعني
واجب الوجود حضرتلرينه شرك ايدلمشـدر وحق عاليلرنده
كونا كون كفر لسويلمشـدر . وياخود سيدالانبياءك كفار
خاكسار دن چكمش اولديغي اذا وجفاري غيب طريقيه خبر
وبرمشـدر . وياخود بوسـوزلار دن اله كچهرك درلودرلو
تغير و تحريفه تصادف ايتـدكلر دن ولايقهـله نقل وترجه
ايديله مدكلر دن بويله جه مهم اوله رق يازيلوب قالمشـدر .
وينه باب ۱۲ مر بورده (آيت ۱۲ سـسزه دخی سويليه حكم
چوق وار اما سزحالا انلري كوتورمكه قادر دكلسكز) يعني
بندن صكره كله جك اولان پيغمبر ديشانك كافة اوصاف جيله
وشريعت مصطفىويه سني تفصيلا سـسزه بيان ايديه جك اولسه
ايدم امي بولنديغكز جهتهـله انكلايه ميه جغكزي ييلديكمدن
بومقدار ايله اكتفا ايلدم . (۱۳) اما اول حق روي سـسزه
كلديكي زمان اوسـسزي هر حقه ارشاد ايليه . زيرا او
كندودن سويليه جكدرد . اما هر نه ايشيدرسه آني سويليه .
وسـسزه كله جك نسنه لردن خبر ويره (۱۴) اوبني تعزير ايليه
زيرا بـتكيدن آله حق وسـسزه ييلديره جكدرد) واقع اولمشـدر .
(شرح) اما (اوسـسزي هر حقه ارشاد ايليه) كلامك
مفهومـوي يعني نبي آخر زمان امت مرحومه سـنك دنيـوي
واخروي محتاج اولدقلى هر نه كه وار ايسه كنديلرينه احسن
وجهله بيان ايدرك طريق سـداده ارشاد ايله سعادت حاله
ابصال ايديه جكدرد ديمكدر . و (زيرا او كندودن سـويليه
جكدرد . اما هر نه ايشيدرسه آني سويليه) كلامك مالى

يعني (وما ينطق عن الهوى . ان هو الا وحي يوحى) آيت
جليله سـنك منطوق منيى اوزره هواى نفسـنه اويه رق
عقلنه نه كلورسه سويلمز بلكه جناب واجب الوجود حضرتلري
كندوسنه هر نه كه وحي والهـام ايدرسه آني تبليغ ايديه جكدرد .
(وسـسزه كله جك نسنه لردن خبر ويره) يعني قيامت علامتـلريني
وجنت ايله جهنمك احوالى وحضور ربانيسـده واقع اوله حق
حساب ومكافات ومجازاتى ودها بولردن بشقه برطاقـم امور
غيبهـي خبر ويره جكدرد . فى الواقع امور مذكوره قرآن
كريمده بيان وتفصيل يورلدغي كبي هـيچ بر كايده بيان اولنديغي
يوقدر . (اوبني تعزير ايليهـه) يعني بنم وجودم نفخه جبريل
ايله حاصل اولوب قوم يـهـودك ايتـدكلري مفتر يا تـدن برى
اولديغم وطرف الهيدن بعث اولمش پيغمبر بولنديغم ومـجـزات
باهره ايله تأييد وتشـريف اولنديغم و صلب و قتل اولمـيـوب
معزز ومكرم اوله رق سـمايه رفع يـيـورلدغي حقهـده حسن
شهادت ايديه جكدرد . اشتهـاي اولى الالباب قرآن جليلك مواضع
متعدده سنده وخصوصيله سورة مريمـه جناب مسيحك حق
عاليلرنده هر جهتهـله حسن شهادت بيورلمش اولديغي طوائف
نصارانك معلوملري ايكن قرآن كريمك انكارينه قالشـدقلى
حالىـده عيسى عليه السلامك پيغمبر لـكنى وسـاـرا و صاف
جمله سني دخی انكار ايتلري وبوجهتهـله دخی كافر اولمارى لازم
كلزمى . بوكاده شبهه وارميدرد . جناب حق عقل وانصاف
احسان ايليه . (زيرا بـتكيدن آله حق وسـسزه ييلديره جكدرد)
يعني احكام ربانيه بكاجبريل امين واسطه سـيله كوندربلوب بن

نصل آندن تلقی واخذ ایدرک سسزه تبلیغ ایدیورد دم ایسه
حضرت محمد علیه الصلوٰۃ والسلام حضرتلری دخی آندن تلقی
ایدرک سسزه بیان و تبلیغ بیوره جقدر.
(تمه) قرآن کریمده (واذ قال عیسیٰ ابن مریم یا بنی اسرائیل
انی رسول الله الیکم مصداقا لما بین یدی من التورایه و مبشرا
برسول یأتی من بعدی اسمہ احمد) آیت جلیله سسیله انجیلده
(احمد) اسم شریفیه واقع اولدیغی خبر ویرلشددر حالبوکه
انجیلده کی (پارا قلیط) لفظی وکیل و معزی و معین و شافع
معنارینه کلام یکی جهته قرآن کریمک بیانده مطابق دکادر
دیه رک طائفة نصاری اعتراض ایدرلر. انجیق کندیلرینه برقاچ
وجهله جواب ویرر و اعتراضلرینی دفع ایدرلر. (برنجی
جواب) عیسی علیه السلامک لسانی عبرانی اولوب یونانی
اولدیغی عامه ناسک معلومیدر و انجیلک عبرانی نسخه سنک
اصلا وجودی اولمادیغی بوندن صکره اثبات اولنه جقدر.
بو جهته عبرانی لسانندن یونانی به ترجمه ایدرلرک دقتسز
و درایتسز لکلرندن و علم لغته آشنا اولدقلرندن سهو و غفله
تبدیل و تحریف ایتشدرلر. و بومقوله تحریفاتک سلفا و خلفا
کندیلرندن پک چوق و قوع بولدیغی کدی علماسنک اقرارلرله
ثابت اولدیغی بر بحث مستقلده بیان اولنه جقدر. (۲) قرآن
کریم عیسی علیه السلامک کندیسى خبر ویردیکنی بیان ایدیور.
یوخسه یوحنا جنابلرینک یازدیغی تاریخده بویله واقع اولشددر
دیور. بوجهته جناب مسیحک (احمد) اسم شریفیه خبر
ویرمش اولدیغی یوحناک ذکر ایتدیکندن غیرى برکلام

نبویلری اولمق احتمال قویدر. چونکه جناب مسیحک تکلم
بیوردقلری کلام نبویلرینک جمله سی موجود اولان انجیلارده
یا زلماش اولدیغی و نصارا نك دخی خلافتی دعوايه مجالری
اولدیغی یوحنا انجیلینک نهایتنده کی فصلنده (۲۵) و عیسی نك
ایتدوکی چوق غیرى نسنه لر دخی وارا کر برر برر یازمش
اولسه لر ایدی تخمینم بوکه یازیله جق کتابلر دنیا به صیغه مرلر
ایدی آمین) کلام بی ما آندن کونش کی ظاهر در.
(۳) اشمه جواب نائیده تقدیر اولنان بشارت اخری قرن
نائیده ترک و ابطال ایتدکاری انجیلارده موجود اولدیغی دخی
براحتمال قویدر. و نسخه سی موجود اولان اناجیل متروکه لرینک
بعضیلرنده حالا بالفعل واقعدر. اشته ازان جمله ۱۸۵۰
و ۱۸۵۴ سنه میلادیه سننده طبع اولنان (برنابا) انجیلنده
جناب مسیحدن نقل ایله بشارت مرز بوره شو مآلده واقع
اولمشدر (ای برنابا معلومک اوله که بن هر تقدیر ناسک
اعتقادات فاسد لرندن بری ایسه مده انجیق ناسک بعضیلری
بنم حقه مده کفته کو ایدرک عیسی الله و ابن الله در دیدکارینی
جناب الله کر به کور دیکندن مشیت الهیه سی یوم قیامتده
شیاطینک بنم اوزریمه کولمالرینی و بنی استهزا ایتمالرینی
اقتضا ایلیوب مقتضای لطف و رحمتیه دنیاده ضحک و استهزا
یهودانک موتی سببیه اولمسی و هر شخصک بنم صلب
اولندیغی ظن ایتمسی استحسان ایلدی. لیکن بواهانت
و استهزا (محمد رسول الله) کانجیه قدر باقی قالور. حضرت
محمد علیه السلام دنیا به کنبه بو غلط اوزرینه هر بر مؤمنه

تنبيه ایدر وناسك قبله نندن بوش بهه قاعقار (انتهى .
باقیکز ای اولی الالباب بشارت مرز بوره نه بیوک و آچیق
بر مرده در . اما طائفه نصاری (بزبونی قبول ایتیمیز بزم
تلم مرز اتفاق آرا ایله بوانجیلی رد ایتشلدرد) دیر لر سه ده
ایشلرینه بر امدیغندن رد و ترک ایتدکاری و بیدل و محرف
اولدقلری کندی اقرار لر یله مثبت و بیهن اولدیغی جهته انلرک
رد و قبوللری اصلا شایان استماع و اعتبار دکلدرد .

(استطراذ) انجیل مرز نور اناجیل قدیمه دن اولوب قرن ثانی
و ثانیات کابلرنده بولندیغی جهته سرور کائنات حضرت محمد
مصطفیانک ظهور نندن برقاج یوز سنه اول یازلدیغی محققدر .
و بویله براهری برقاج یوز سنه لر وقوعندن اول الهام سنر خبر
و بر مک هیچ برکسه نک بد اقتدارنده اولدیغی جهته بشارت
مرز بوره عیسی علیه السلام کلامی اولدیغنده اصلا شبهه
یوقدر . یوق زعم ایدر لر سه که نبوت محمدیه نک ظهور نندن
صکره علمای اسلامیه دن بری تبیدیل و تحریف ایتشدر .
جوابنده دینلور که علمای اسلامیه نصارانک معتبر و مقبوللری
اولان انا جیل اربعه لرینه بیله اصلا التفات ایتدکلی هر
کسک معلومیدر . قنده قالدیکه (برنابا) انجیلنه التفات
ایدوب تحریف ایلسونلرده او تحریف بتون ایادی نصاراده
موجود اولان برنابا انجیلنک بتون نسخهلرینه سرایت و تأثیر
ایلسون هیجات . الله عقلا ویره . و علمای اسلامیه نک بومقوله
تحریفه نه احتیاجلری وارددر .

اصل لغت اولان لغت عبرانی بدن قطع نظر ایتسه ک بیله

پارا قلیط و پارا کلیطوس لفظلری وکیل و معزی و شافع
معنارینه کلدیکی و معانی مرز بوره حضرت فخر عالم افند مرزده
کماله بولندیغی و کندیلرینه اطلاقی بلا شبهه صادق اولدیغی
جهته یوحنا نک انجیلنده تشریفی تبشیر اولنان ذات محترم
انجیق حضرت محمد علیه الصاوة والسلام افند مرز اولوب
بوخسه پاو لوسک کتاب اعمالنک باب ثانیسنده یوم دارده
عیسی علیه السلام شاکردانه نازل اولدیغی دعوی اولنان
(روح) اولدیغی اون درت دلیل ایله اثبات اولمشدر

{ برنجی دلیل } میلادک قرن ثانیسنده بولنان نصارادن
بعضیلری ظهور نبوت محمدیه دن اول انجیلده کلمه سی خبر
و بریلان { پارا قلیط } لفظنه مصادق اولدقلرینی دعوی ایتدیلر *
{ منتس } مسیحی کبی که وقتنک الزیاده متقیسی و صاحب
ریاضتی اولوب ۱۷۷ سنه میلادیه سی قریبنده آسیای صغیره
دعوی نبوت ایدرک عیسی علیه السلام تبشیر ایتدوی
پارا قلیط بنم دیدی . و کندیسنه پک چوق کسه لر تابع اولدیغی
۱۸۴۸ سنه میلادیه سنده اردو لسانده طبع اولنان { ولیم میور }
تاریخنده مسطور در *

اشته بودله دن عیسی علیه السلام دن صکره ده بر پیغمبرک
کلمی نصارانک منتظرلری اولدیغی اکلا شیلور *

و حتی بو مدعای نصارانک بیوکارندن عصر سعادتده پک
چوق ذواتک شرف اسلامی قبول ایتلری غایت واضح بر صورتده
تأیید ایدر . اشته از آن جله حبش پادشاهی ملک نجاشی به
نامه سعادت واصل اولدقده (اشهد بالله انه للنبی الذی ینظره

اهل الكتاب (بيوردي . يعنى اشهبو بكا واصل اولان نامه
سعادت اهل كتابك منتظر لرى اولان نبى ذیشانك اولديغنه
شهادت ايدرم ديمكدر .

و مکتوبك جوابنده (اشهد انك رسول الله صادقاً ومصداقاً
وقد بايعتك وبايعت ابن عمك اى جعفر بن ابى طالب واسلمت
على يديه لله رب العالمين) ديهرك يازوب شرف اسلامى قبول
ايتديكنى حضرت رسالته بيان ايلدى . و برده قبض طائفه سنك
پادشاهى ملك مصر (مقوقس) حضرت فخر رسالتك نامه
سعادته جواب اوله رق (لمحمد بن عبدالله من المقوقس عظيم
القبض سلام عليك اما بعد فقد قرأت كتابك وفهممت ما ذكرت
فيه وما تدعو اليه وقد علمت ان نبياً قد بقى وقد كنت اظن انه
يخرج بالشام وقد اكرمت رسولك) ديهرك يازوب هر نقدر
محبت جاه و سلطنت سبيله ايمان ايتدى ايسه ده سرور عالم
افندمرك پيغمبر كنكى اقرار ايلدى . اشته بو پادشاهلرك
ايكيسيمده نصرانى ايديلر . و حضرت فخر عالم افندمرك
نبوتلرك ابتدارنده واسلامك بدايت ظهوريله غايت مضطرب
اوله رق اطراف واكنافه هجرت ايتدكلرى بز زمانده كه
مشار اليهمانك سلطنت وشوكت دنيويه لرى بر كمال بولنديغنى
جهتله اصلاً بر قورقوا تما الى بيله يوق ايدى . بو حال ايله
برابر نبوت محمد به نبى اقرار و تصديق ايتلرى انجیلده كلمسى
تبشير اولنان پيغمبر حضرت فخر عالم افندمرك اولديغنى كونش
كى ميدانده در . و ينه بونك كى علمای نصارادن (چارود ابن
العلاء) جماعتيله برابر حضور رسول الله كاوب سرور عالم

افندمركه خطاباً (والله لقد جئت بالحق) ونطقت بالصدق
والذى بعثك بالحق نبياً لقد وجدت وصفك فى الانجيل وبشر
بك ابن البتول (يعنى عيسى) فطول التحية لك والشكر لمن
اكرمك لا اثر بعد عين ولا شك بعد يقين مديك فانا اشهد
ان لا اله الا الله وانك محمد رسول الله) ديهرك كمال تعظيم
واحترام ايله رسالتنى تصديق وايمان ايتدى . و اندن صكر .
جماعتى دخى ايمان ايتديلر . اشته بوندن دخى اهل كتابك جناب
مسيحون غبرى بريغمبر ذيشانه منتظر اولدكلرى و اول ذات
اكرم دخى حضرت محمد عليه الصلوة والسلام افندمرك اولديغنى
غايت واضح بر صورتده ثابت اولور .

ودها بونلركى علمای يهود و نصارادن حد و حساب سز ذوات
شرف اسلامى قبول و تورات و انجیلده مبشر اولديغنى بيان
ايتدكلرى كتب توارينجده مسطور اولديغنى جمله نك معلوميدر .
والا آن مسلمان اولمقده بولنلرك تصديق و اقرار لرى جاى

اشتباه و انكار اولميوب بلكه موجب انتباه و اقرار در
(ايكنجى دليل) اوله عيسى عليه السلام (بنى سور ايسه كز
وصيتلر بى حفظ ايديكز) بيوردي آندن صكره پارا قله طك
كلاه جكنى خبر و بردى . ايدى ابتدا تنبيه ايتسندن مقصودى
سويليه جكى سوزلرك غايت اهميتلى و سامعينك رعايت و قبوللرى
واجب اولديغنى بيلدر مكددر . بو جهتله پارا قله طدن مرادى
يوم دارده نزولى دعوى اولنان روح اوليدى حوار بونك
استبعاد ايتيه چكلرى معلوم و متيقن اولديغنه دن بوتنبهده نه
حاجت قالوردى . و عبث اولمزمى ايدى . بلكه حقيقت حال

شود که جناب مسیح علیه السلام نور نبوتله بمشیر اولان
آخر زمان نبیسی ملت مسیحیه دن پک چوق کسه لک انکار
ایده جکاری معلوم نبویلری اولدیغندن اولافقره مرزبوره
ایله کلامنی تأکید ایلیوب بعده کله جکی خبر ووردی.

(اوچنجی دلیل) نصارانک اعتقاد فاسد لر نجه نازل اولان
روح اب ایله مطلقاً متحد و لا هوتنه نظراً اتحاد حقیقی ایله
ابن ایله دخی متحددر. بوجهته روح حقنده عیسایان غیر
برپاراقلیط اولدیغنی نصل دعوی ایده بیلورلر. و مغایرت نه
وجهله ممکن اوله بیلور. اما تبشیر اولنان نبی اکرمک حق
عالیله بلا تکلف صادق اوله جفی شبهه دن وارسته در.

(دردنجی دلیل) پاراقلیطک معناسی اولان وکالت و شفاعت
خواص نبوتدن اولوب الله ایله متحد اولان روحک خواصندن
اولدیغنی جهته مذکور معنارک روح اوزرینه صادق اوله
میه جقلری درکاردر. اما نبی مبشرک حق عالیله نده صادق
اوله جقلری غایت واضحدر.

(بشنجی دلیل) عیسی علیه السلام (بنم سسزه سو یلدیکم
نسنه لری اوسسزک خاطر کزه کتوره جکدر) بیوردی.
حالبوکه حواریون جناب مسیحک بیوردقلمنی اونودوبده
نوم داده نازل اولان روح خاطر لرینه کتوردیکی عهد
جدیدک هیچ برکابده ثابت و واقع اولما مشدر

(التمحی دلیل) جناب مسیح قومنه خطاباً (بن سسزه واقع
اولزدن اول خبر ویردم که حتی واقع اولدقده ایمان ایده سز)
بیوردی. اشته بوکلام دخی تبشیر اولنان ذاندن مراد روح

اولدیغنه دلالت ایدر. چونکه حواریون روحدن استفاضه
ابتدکاری سببیدن ایمان ایتمه لری مظنون دکل ایدی که حتی
تأکیدک تکرارینه حاجت قاله. و بویله برکلام فضول و بی
لزومی سویلک هیچ بر حکیم عاقلک شاندن دکلدر. نره ده
قالدی که ربی عظیم الشاندن بویله برکلام صادر اوله. اما
کلام مزبور ایله نبی مبشر مراد اولدقده تأکید صدقده
ایراد اولنان کلام محور لایقنده اولسه یله برابر دفعه ثانیده
تأکید اولدیغنی حسب یله غایت مستحسن اوله جفی دخی
آشکاردر.

(بدنجی جواب) جناب مسیح علیه السلام (اوبنم ایچون
شهادت ایده جکدر) بیوردی. حالبوکه اول روح عیسی
علیه السلام حقنده هیچ برکسده شهادت ایتدی. چونکه
تلامیدی جناب مسیحی لایقیله بیلدکلرندن شهادته اصلا
احتیاج لری اولماسی مناسبتله انلرک یاننده شهادتک هیچ
برفانده سی یوقدر. و شهادته محتاج اولان منکرینک یانلرنده
دخی شهادت ایتدیکی بیاندن مستغنیدر. اما نبی مبشر
حضرت محمد علیه السلام جناب مسیحک حق عالیله نده احسن
وجهله شهادت ایدوب انواع کفر و ضلالت اشدی اولان
دعوی الوهیتدن و والدۀ محترمه لرینک نهمت زنادن بری
اولدقلمی و ازهر جهت صادق اولدقلمی قرآن کریمک
مواضع متعدده سنده واقع اولدقندن بشقه نجه احادیث نبویه
ایله دخی بیان بیورلشدر.

(سکرنجی جواب) جناب مسیح علیه السلام (وسسزدخی

Y. Islam	Y. Islam
Kayıt No.	Konu No.

HAZIR HAZIR GEMAL UGUT
No.

شهادت ایده سز زيرا سز ایتدادن بنم ایله سکر) بیورم شد.
بو کلامی دخی دلالت ظاهره ایله دلالت ایدر که حواریونک
شهادتی پارا قلیطک شهادتندن بشقه برش-شهادتدر. ایددی
کلمسی تیشیر اولنان دانندن روح نازل مراد اولنسه ایدی
کندیسنک شهادت مستقله سی اولدیغی آنفا بیان اولندیغندن
شهادت لک آره لر زنده مغایرت بولغاق لازم کلوردی. و بونک
دخی بطلانی ظاهر در.

(طه وزنجی جواب) جناب مسیح علیه السلام (واکربن کتمز
ایسه م پارا قلیط سزه کلمیه جکدر اما اگر کیدرس-هم بن آنی
سزه کوندريم) بیورم سیله پارا قلیطک کلمسی کنیدیسنک کتمسینه
تعلیق ایلدی. اول روح ایسه شاگردانک بلاد اسرائیلیه یه
ارسالی زمانده حضور مسیحده نزولی ادعا اولنم شد. بوجه تله
روحک نزولی جناب مسیحک کتمسینه مشروط اولندیغندن
پارا قلیطدن مراد نازل اولان روح اولدیغی ظاهر در.
بلکه پارا قلیطدن مراد جناب مسیحک زمان صعو دندن
اول حواریونک کنیدیسنندن مستفیض اولدقلری و کلمسی
جناب مسیحک کتمسینه موقوف بر شخص اولدیغی شبهه
کتورر شی دکلدر. و اول دخی جناب مسیحدن صکره
کلان حضرت محمد مصطفی صلی الله تعالی علیه وسلم
افندمزد

(اونجی دلیل) جناب مسیح علیه السلام (پارا قلیط عالمی
توبیح والزام ایده جکدر) بیوردی که بو کلامی حضرت
فخر عالم افندمزد حق عالیرنده بر ارض جلی منزله سنده

اولدیغی آش-کار در. چونکه حضرت فخر عالم افندمزد
بتون عالمی و خصوصیه حضرت عیسی علیه السلامه ایمان
ایمان قوم یهودی توبیح ایتدیکنی غایت الحق معاندلردن
بشقه کسه انکار دکل شبهه یله ایتمز* اما نزولی دعوی
اولنان روح هیچ برکسه نک اصول وقاعده سی اوزرینه عالمی
توبیح ایلدی صحیح اولدیغندن مراد اولنه میه جفی غایت
واضح در. و روحک نزولندن صکره حواریونکدخی منصبلری
توبیح اولمرب بلکه ملتی وعظ و نصیحتله دعوت ایتدکلری
تاریخ آشنا اولمربک معلومیدر

(اون برنجی دلیل) جناب مسیح (اما کنه ایچون زيرا بکایمان
ایتدیلر) بیوردی. اشته بو کلامی دلالت ایدر که پارا قلیط
عیسی علیه السلامی منکر اولنلر اوزرینه ظاهر وغالب
اوله رق مشار الیه ایمان ایتدکلری ایچون توبیح والزام
ایده جکدر. حالبوکه نازل اولان روح توبیح ایدرک ناس
اوزرینه ظاهر وغالب اولدی

(اون ایکنجی دلیل) جناب مسیح علیه السلام (بنم س-سزه
سویلیه جکم دها چوق سوزلر واردر انجی شمدیکی حالده
سز ایلری کتورمکه قادر دکل سکر) بیوردی. اشته بو کلام
نزولی دعوی اولنان روحک مراد اولنمسنه قطعاً منافیدر.
زیرا روح احکام مسیح اوزرینه هیچ بر حکم زیاده ایتدی.
چونکه اهل تثلیثک زعم باطلالرینه کوره روح نازل اولدقده
تأیید عقیده باطله سنه و بتون عالمی دعوت ایتمکه امر ایتدی
ایدی. ایددی جناب مسیحک زمان عروجنه قدر

کنندیس-نک کلام لرندن غیری نصاریه قنخی بر امر و حکم
حاصل اولوب زیاده قلندی * اوت اوروح کندیلرینه
نازل اولدیغنی اعتقاد ایتدکاری زمانده سفر خر و جک یکرمی
باینده مذکور اولان احکام عشره نک بعضی سندن غیر کانه
احکام تورانی اسقاط ایتدیلر. و جمع محرماتی تحلیل ایتدیلر.
عجبا حلنه قادر اوله مدقلمی سوزلر بومی ایدی. پک اعلا
قادر اولدیلر. والا آن کور یور زک مباح اعتقاد ایدرک
خنزیراتی یورلر. و همده یورطی کونلرنده. و تورانک
اعظم احکامندن اولان جمعه ایتسی کونه تعظیم ایتک
حکمی اسقاط ایدیورلر * و سنت اوایورلر * و دعا بوملاو
امور شرعیه موسویه نک اسقاطنه قادر اولوب هیچ برنی
طایفه ورلر. و بونک کوچ برشی اولیوب کندولرنجه فایت
قولای اولدیغنی میدانده در. آفرین مقدس (پاولوس)
مرادینه نائل اولدک. استدیگکی نصارانک باشلرینه چوق
ایشلر چیه قاردک. فقط یانه جغک یری دوشونه مدک.
فی الواقع پروتستان علماس-نک اعتراف ایتدکاری کبی جناب
مسیحک صعودی زمانده قدر ضعف ایمان و ضعف قوتلرندن
ناشی زیاده احکامی قبول ایتک و سم و طاقتلرندن خارج ایدی.
اشته مقدمات مسروده دن ظاهر اولدی که پاراقلیطدن
مراد شریعت عیسویه نسبتله کندی شریعتنده احکام زیاده
قلندر و مکلفین ضعیفاء اوزره حلی کوچلشور برنی زیشاندر.
واول دخی حضرت محمد مصطفی صلی الله تعالی علیه وسلم
افندمرک اولدیغنی اظهر من الشمسدر. (اون اوچنخی دلیل)

جناب مسیح عایه السلام (پاراقلیط کندی عندندن برشی
سویلز بلکه هراشتدیگنی سویله جکدر) بیوردی. اشته
بو کلامندن اکلاش-یلور که پاراقلیط نبوتله بعث اولندقد
کندیسنی بنی اسرائیل تکذیب ایده جکدر ده جناب مسیح
کندیسنک هرجهتله صادق اولوب وحی الهیدن غیر هیچ
برشی سو-ویله جکنی بیان و تقریر ایتکه محتاج اولدی. اما
نزولی دعوی اولنان روح حقنده اصلا تکذیبه مجال یوقدر.
و بونکله برابر نصاری اعتقادینه کوره اول روح عین اللهدر.
بو جهتله (کندی عندندن برشی سویلز بلکه هراشتدیگنی
سویله جکدر) دینک نه معناسی واردر. ایدی پاراقلیطک
مصدقی انجق حضرت محمد صلی الله تعالی علیه وسلم
افندمردر. چونکه حق عالی-لرند مطنه تکذیب واردر.
و کندی عین الله اولیوب بلکه بشردر. و جناب واجب الوجود
حضرتلری (وما یطق عن الهوی ان هو الا وحی یوحی)
(وان اتبع الا ما یوحی الی) و (قل ما یكون لی ان ابذل من تلقاء
نفسی ان اتبع الا ما یوحی الی) آیات جلیله سیله کندی جانبندن
سویلیوب انجق جناب حقک کندیسنه وحی ایتدیگی احکامی
بیان و تبلیغ ایلدیگنی تصدیق و اعلان ایلدی. (اون دردنجی
دلیل) جناب مسیح عایه السلام پاراقلیط حقنده (بنده کیدن
آله حق و سسزه یلدیر جکدر) بیوردی. اشته بو کلامنک
دخی روح اوزرینه صادق اوله میه جخی ظاهر در. زیرا
اهل تشیه کوره روح قدیم و غیر مخلوق و قادر مطلقدر
انتظار اولنه جقی هیچ برکالی اولیوب بلکه جمیع کمالانی بالفعل

حاصلدر . بوسیدن کلمی تبشیر اولنان ذاتک البته انتظار
اولنه حق کلماتی اولق لازمدر . واشبو کلام سابق کله جک
اولان پیغمبرک شریعت مسیحی تابع اوله جغنی ایهام ایلدیکندن
(بابانک هر نه سی وار ایسه بخدر . بونک ایچون بنکییدن
آله جقدر دیدم) کلامیله ایهام مزبوری دفع ایلدی . یعنی
من کان لله کان الله له کلام مشهوری مفاد نجه جناب حقندن
پاراقلیطه هر نه حاصل اولور سه کویا بندن حاصل اولمشدر
بونک ایچون بنکییدن آله جقدر دیدم

(تنبيه) پروتستان فرقه سی اشبو تبشیر حقنده بس وجهله
شبهه ابراد ایدرلر وزعم فاسد لرنجه اهل اسلامی تغلیط
ایتمک چالبشورلر . انجق کتور دکلی دیلار او هام
و خیالات قیلندن اولوب اور مجک یوه سندن دها کوشک
اولدقلری کندیلرینک مسلملری اولان سوز لر له مثبت و مبرهندر .
(برنجی شبهه) اشبو عبارده واقع اولان پاراقلیط لفظی
اقنوم نالندن عبارت اولان روح القدس و روح الحق لفظلریله
تفسیر اولندیغی حالده پاراقلیط ایله حضرت محمد (صلی الله
تعالی علیه وسلم) نصل مراد اولنه بیلور دیرلر . و پروتستان
علماسندن میزان الحق صاحبی تألیفاتنده (روح الله و روح
القدس و روح الحق و روح الصدق و روح فم الله)
لفظلرینک بر معنایه اولدقلرینی ادعا ایلیوب ۱۸۵۰ سنه
میلادیه سنده طبع اولنان (مفتاح الاسرار) نام کتابنک نسخه
فارسیه سنک الی اوج ضحیفه سنده (تورات و انجیلده واقع
اولان روح الله و روح القدس لفظلری بر معنایه لابسدر) دیمشدر .

(حل الاشکال فی جواب کشف الاسرار) نام کتابنده
(تورات و انجیلده کی مسائل حقنده شـ عور و ادراکی اولان
کسه روح القدس و روح الحق و روح فم الله و غیرلرینک
روح الله معناسنه استعمال اولدقلرینی بیلور بونک ایچون
اثبات ایتمی ضروری کوردم) دیمشدر . (جواب) اشبو
شبهه لرینه ایکی وجهله جواب ویریلور . (اولا) پاراقلیط
لفظیله نزولی دعوی اولنان روح مراد اولنه مدیغی کی اقنوم
ثالثک دخی قطعاً مراد اولنه میه جغنی آنفاسرد و اتیان اولنان
اون درت دلیلدن کونش کی ظاهر در .
تفصیله حاجت یوقدر . (ثالثا) بو حریفک دعواسنک صحت
و فسادندن قطع نظر ایتمک و زعم فاسدینه کوره بومقامده
اولان الفاظک ترا دفنی تسلیم ایتمک بیه تورات و انجیلک
هر بر موضعنده الفاظ مزبور نه نک اقنوم ثالث معناسنه
استعمال اولندیغی انکار ایدر و کندی قولنه مطابق اوله رق
(تورات و انجیلده کی مسائل حقنده شعور و ادراکی اولان
کسه روح الحق و روح القدس و غیرلرینک بک چوق برلده
اقنوم ثالثک غریبه استعمال اولدقلرینی بیلور) دیر
و دعواسنک فاسد اولدیغی مبدانه چیه قاربزر . ته کیم
(حزقیال) پیغمبرک معجزه ایله احیا بیوردیغی جماعته خطابا
او توزیدی بک بشنی و التسنی آیتنده (ه) رب الله بو کوکلمه
بو یله دیدی اشته بن ایچیکزه روحی ادخال ایدیم و دیر یله سز .
۶ و اوزر بکزه سکرلر قوبوب سزی ات ایله قابلا ییم و سزی
دری ایله اورته ییم و ایچیکزه روحی قویه ییم و دیر یله سز و یله سز که

رب بن ايم) واقع اولمشدر . اشته بو ايكي آيتده روح نفس
ناطقه معناسنه اولوب نصاراك زعم فاسد لرينه كوره عين
اللهدن عبارت اولان اقنوم ثالث معناسنه اولمديغي بصيرت
قايله لري كور اوليا نلره كوشن كي ظاهر در . ويوحناك
رساله اولاسنده (۱) اي سو كيولر هر روحه اينانميكز اما
روحلري اللهدنميدر . ديوتجربه ايلك زيرا دنياه چوق
يلانجي بيغمبرلر كلدي . (۲) اللهك روحني بوندن بيلورسكز
هر روحكه عيسى مسيحك جسد ده كلد بكننه اعتراف ايدر
اللهندر * ۶ اما بنز اللهدن اينز الهی بيان بزي ديكلر
اللهدن اوليان بزي ديكلر حقك روحني وضلائك روحني
بوندن بيلورز) واقع اولمشدر . اشته عبارده مز بوره نك
ايكنجي والتنجي آيتلرنده كي روح الحق واعظ صادق وروح
الضلال واعظ مضل معناسنه استعمال اولنوب اقنوم ثالث
معناسنه اولمديغي غايت واضحدر .

(نتيجه) لفظين مز بورينك واعظ حق وصادق معناسنه
استعمال اولمديغي يوحناك رساله سندن اكلا شلديغي جهته
پارا قلبط لفظنك روح الحق وروح القدس لفظلريله تفسير
اولنمسي قطعاً بزم استدلالره ضرر وير ميردب سرور عالم
افتد مزك حق عاليلرنده واعظ صادق اطلاق شبهه سزدر
(عبرت) باقيكز اي اولي الالباب پروتستانتلرك اعلم علماسي
صابيلان حريف نه درجه لرده جاهل ومعا نددر كه كندى
كابلرنده اولان لفظلرك معنالرينه واستعمالا تنه ييله آشنا اوله ميردب
او هام وخیالاته تابع اوله رق بر طاقم سفسطه لره قالمش .

(تمثيل) قنبورك برينه سوال ايتمشلركه كندى قنبورينك
طوغر لمسنى مي استرسين يوخسه هر كسك قنبور اولسنى مي .
جوابنده ديمشكه هر كسك قنبور اولسنى استرم كه بكا
كولوب اكلندكلري كي بندي كنديلرينه كواوب اكلنم .
اشته بو حريفده دين حق قبول ايده ميردب حسدن نه يابه جفني
شاشيره رق عالمي دينس سزلكه ترغيب وتشويق ايتكه
چالشمش . دردينه يانسون . (ايكنجي شبهه) جمع مخاطب
ضميريله يعنى (سزوكم) لفظلريله خطاب اولانلر حواريون
ايديلر . بوجهته پار اقايله كندى عصر لرنده ظهور ايتك
لازم كلور ايدى . حالبوكه حضرت محمد عليه الصلوة والسلام
كندى عصر لرنده ظهور ايتيوب بلكه برقاج يوز سنه صكره
ظهور ايدى . (جواب) اشبو اعتراض اور مجك
يوهسي قدر بييله قوتلي دكلدر . زيرا بو اعتراضك منشئ
وقت خطابه حاضر اولان كسه لر ضمير خطاب ايله مراد
اولملري لازمدر ديمكدن عبارتدر . حالبوكه بونك هر بر
موضعده ضرورى ولازم اولمديغي ميدانده در . كور لازمي كه
(متى) نك انجیل سندن يكرمى التجي بابنك التمش در دنجي آيتده
جناب مسيح رؤساي كهنه وشيوخ وجمعه خطاباً (اما سزه
ديرم كه بوندن صكره آدم او غلنك قدرتك صاغنده اوتورديغي
وكوكك بلوطلري اوزرنده كلد بكني كوره جكسكز) ديمشدر .
اشته بو خطاب ايله مخاطب اولانلر طپراق آلتنه كي ره لي
يك سكز يوز سنه بي متجاوز اولدى . حالبوكه جناب مسيحك
سماك بلوطلري اوزرینه كلد بكني كورمديلر . وينه متى

انجیلنک بکرمی دردنجی باندده علامات قیامتی تعداد و بیان
 صر سنده (۲۹) و نیزجه اول کونلرک مصیبتدن صکره
 کونش قراکلق اوله وای کندی ضیاسنی ویریه و یلدزل
 کوکدن دوشه لر و کوکلرک قوتلری صارصیلر ۳۳ سر دخی
 بویه قچانکه بوجهلر سنه لری کورر سکر یلک که یقین و قپورده در)
 واقع اولشدر . اشته بو خطاب ایله مخاطب اولانلر دخی بیک
 طقوز یوز سنه به قریب اولیور . حالبوکه حالا کونش وای
 و یلدزل و کوکلر اسکی حالنده طوره یورلر . و مرقسک بکرمی
 التنجی باندده دخی بونک عینی واقع اولدیغی یوقار و ده بیان
 اولندی . ودها بومثالو خطابلری معنی غایی حاضر منزله سنه
 تنزیل ایدرک مجاز طریقله یک چوق واقع اولدیغی هر کسک
 معلومیدر . (نتیجه) بو خطاب ایله مخاطب اولانلرک کندیوری
 مراد اولنمیوب بلکه مجاز طریقله جناب مسیحک نزولنه
 یتیشه جک اولان اولاد و احفادی مراد اولندیغی کبی مانحن
 فیهمزده دخی خطابک معنای حقیقیسی مراد اولنمیوب بلکه
 بارا قلیطک وقت ظهورنده بولنلردر . بویه شیلر اصلا
 موجب شبهه اوله مرز . آفرین پروتستانتلر . نه کوزل اکلا
 یشکر وار . نه کوزل قواعده یورسکر . صاقین سه سزه نظر
 اصابت ایتسون . افسونچیلره کندیگری اوقو دیکر .
 (اوچنجی شبهه) پارا قلیط حقهده (عالم آنی کورمرز و بیملر
 اما سز آنی بیلور سکر) واقع اولشدر . حالبوکه عالم
 حضرت محمدی (علیه الصلوٰۃ والسلام) کوردیلر و یلدیلر .
 بو صورتده بشارت مرز یوره ایله نصل مراد اولنه بیلور .

(جواب) اشته و اعتراض دخی قلت تدبر و کندی کابلریشک
 مال و تأویلاتی اکلاماملرندن نشئت ایتشدر . چونکه
 بو تولده بزه نسبتله آنلرک احتیاجی یک چوق زیاده در . زیرا
 نصار انک زعم فاسد لینه کوره روح القدس عین اللهدر .
 حالبوکه عالم حضرت فخر عالم افندمرزی بیلد کلرینه نسبتله
 جناب اللهی دها زیاده بیلورلر . بوجهلرک تأویله قالدیشوبده
 معرفتدن مراد معرفت حقیقه کامله در دیملری چاره سزدر .
 بوصو رتده قول مرز بورک حضرت فخر عالم افندمرک حق
 عالیرنده صادق اوله جعنده اصلا شک و شبهه یوقدر .
 و یوقار و ده بیان اولندیغی وجهله کلام مرز بورک تأویلی
 (عالم آنی معرفت حقیقه کامله ایله بیلرلر) دیمکدر .
 و کورمک دخی بیملک معناسنده در . بونک ایچون جناب مسیح
 ایکنی جملده اما سز آنی بیلور سکر یوروب (کورر سکر)
 دیمدی . یوق اگر کورمک باش کوزیله کورمک معناسنده حل
 اولنورسه قول مرز بور دهکی (کورمرلر) لفظیله نفی اولنان
 رؤیت متی انجیلنک اون دردنجی باندده (۱۳) آنک ایچون
 مثالر ایله س-ویلرم زیرا کورر ایکن کورمرلر وایشیدر ایکن
 ایشتمزلر واکلامزلر ۱۴ و آنلرده اشیعیا نیک پیغمبرلکی اتمام
 اولنور چون دیدی که ایشدیر سکر اما اکلامز سکر باقار سکر
 اما کورده مرز سکر) عبارته سنده واقع اولان معنایه حل اولنوب
 رؤیت کامله مراد اولنور . بو صورتده دخی بزم استدلاله
 اصلا خلل ویریه چکی ایضاح و بیاندن مستغنیدر . و اشته
 ایکی معنا و بونلرک امثالی هر تقدیر معانی مجازیله ایتسه لرده انجیق

کثرت استعمال کردن حقیقت عرفیه حکمیده در . وجناب
 مسیح کلامی رنده وقوعی پک چوقدر . اشته متی انجیلک
 اون برنجی باینده (۲۷) و اوغلی بابا دن غیری کیمسه ییلمز و بابایی
 دخی کسه بیلمز الا اوغل و اول کسه که اکا اوغل کشف ایتک استیه .
 و یوحنانک یدنجی باینده (۲۸) بنی کوندون حقدرد که آنی سز
 ییلمز سکر) وینه انجیل مز بورک سکرنجی باینده (۱۹) ایدی
 آنرا اکا دیدیلر که باباک قنده در عیسی جواب ویردی که سز
 نه بنی نه بابایی ییلور سکر اگر بنی ییلسه ایدیکز بابایی دخی
 ییلور دیکز ۵۵ و سز آنی (یعنی الهی) ییلمدیکز اما بن
 آنی ییلورم) و اون یدنجی باینده (۲۵) ای عادل بابا دنیاسنی
 ییلمدی اما بن سنی ییلدم) و اون دردنجی باینده (۷) اگر
 سز بنی بیلمش اولسه ایدیکز بابایی دخی بیلمش اولور دیکز)
 واقع اولمشدر . اشته بواقوالده کی معرفت ایله مراد معرفت
 کامله در . و رویت ایله مراد معرفتدر . و اگر بویه اولسه ایدی
 بواقوالک قطعاً صحیح اولیه جغنده شبهه یوقدر . زیرا
 جناب مسیحی عوام ناس دخی ییلور لردی . قنده قالدی که
 روسای یهود و کهنه و شیوخ و حواریون ییلمه لر . و برده
 باش کوزیله یو عالمده الهی کورمک اهل تثنیه کوره دخی
 متمنعدر . (نتیجه) بواقوال ضلری دخی صاچه اولدینگی
 اکلا شیلوب رویت هر قنغی معنایه حل اولنور سه اولنسون
 استدلالره قطعاً منافی اوله میه جغی ظاهر در .
 (دردنجی شبهه) پاراقلیط حقنده (انه مقیم عندکم و ثابت
 فیکم) یعنی پاراقلیط سزک یا نکرده مقیم و سزده ثابتدر .

واقع اولمشدر . اشته بوقولدن اکلا شیلور که خطاب وقتنده
 پاراقلیط حواریونک یاننده مقیم و انلرک ایچنده ثابت ایش .
 بوضو رنده بشارت مز بوره ایله حضرت محمد (صلی الله تعالی
 علیه وسلم) نصل مراد اولنه ییلور (جواب) اشته بوعبارده
 بیک سکر یوز اون التی و ۱۸۲۵ سنه میلادیه سننده عربی
 نسخه لر نه (لانه مستقر معکم و سیکون فیکم) یعنی سزکله
 مستقر و ایچکرده اوله جقدر و بیک سکر یوز ایش سنه سننده
 طبع اولنان عربی نسخه سننده (ماکت معکم و سیکون فیکم) یعنی
 سزکله طور و ایچکرده اولور . و بیک سکر یوز بکر می
 سنه سننده طبع اولنان ترکی نسخه سننده (زیرا یا نکرده طور
 و ایچکرده اوله جقدر) تعبیر یله واقع اولمشدر . اشته
 عیبارده لرندن غایت واضح بر صورتده ظاهراً اولدی که
 (ثابت فیکم) عیبارده سننده واقع اولان ثبوتدن مراد ثبوت
 استقبالیدر . یعنی کله جکده ثابت اوله جقدر دیمکدر .
 بوجهتله اعتراضلرینک غایت ضعیف و واهی اولدینگی اکلا
 شیلور . و برده (مقیم عندکم) عیبارده سی الان ایچکرده
 مقیمدر دیمک اولسه ایدی (بن بابایه یا الوارهیم و اوسره بر
 غیری تسلیجی کوندرد) و برده (اگر بن کتمز ایسه م تسلیجی
 سزه کلمه جکدر) و برده (و حالا بن سزه واقع اولمزدن اول
 سو یلدم تا کیم واقع اولدینگی زمان اینانه سز) کلاملرینه منافی
 اولمق لازم کلور . بوا یسه باطلدر . بوجهتله (ثابت فیکم)
 عیبارده سی کی چاره سز معنای استقباله حل اولنوب کله جکده
 سزک یا نکرده مقیم اوله جقدر دیمک اولدینگی ظاهر اولور .

و بشارت مرزوره حضرت فخر عالم افند مرزك حق عاليه لرند
صادق اوله جغنده اصلا شك وشبهه قالمز. و بوملاو
استقبالده واقع اوله حق امور متيقنه خصوصنده حال و ماضی
صیغه لريله تعبیر ایتك كتب عهد عتیق و جدیدك يك چوق
برلنده واقعدر. كورلمزنی كه (حزقیال) پیغمبر یا جوج ايله
مأجوجك خروج ایده جیگرینی و جبال اس سر ایلله وصولرنده
هلاک اوله جق لرینی خبر ویردکن صکره اوتوز طقوزنجی
باینده (۸) اشته کلدی و اولدی رب الله دیدی انك خصوصنده
سویلدیكم کون بودر) دیه رك یا جوج ايله مأجوجك خروج لری
بر امر متیقن و شبهه سز اولدیغندن زمان مسـتقبلده واقع
اوله جق بر امری ماضی صیغه سـیله بیان ایلشـدر. برده
شوراسنه دقت اولغیدر كه (اشته کلدی و اولدی) تعبیر
اولمشدر. حالبوكه حزقیال ك خبری ایکییمك درتیهـوز الی
سنه بی متجاوز اولدی و حالا یا جوج ايله مأجوجك ظهور لری
وقوعبولدی
و یوحنا انجیلنك بشنخی باینده (۲۵) حقا حقا سـمزه دیرهكه
ساعت کلیور و آرتق حاضردر كه اولور اللهك اوغلنك
آوازینی ایشیده لر و ایشیدنلر دیری اوله لر) واقع اولمشدر.
اشته بوکا دخی دقت اولنسون كه یوم قیامتك وقوعی محقق
و مجزوم اولدیغندن (ساعت کلیور و آرتق حاضردر) دینمشدر.
حالبوكه خبر ویریله لی بیک سکر یوز شو قدر سنه بی متجاوز
اولدی و حالا قیامت قویمادی ونه زمان اوله جغنی دخی هلاک
صاحبندن غیری هیچ برکسه نك معلومی ذکدر.

(بشنخی شبهه) کتاب اعمالك برنجی باینده (۴) و آنلر ایلله جمع
اولوب آنلره یوردی كه اور شلیمدن کتمبلر اماكه بایانك بندن
ایشیدیکر وعده سـنه منتظر اوله لر. ۵ زیرا یوحنا صوا ايله
وافترلدی اما سـمراز کونلر دن صکره روح القدس ايله
وافترلنده سـمراز. واقع اولمشدر. اشته بو عباره دن اكلا
شیلور كه پارا قلیط یوم دارده نازل اولان روحدر.
(جواب) اوله کتاب اعمالك صاحب و مؤلفی اولان پاولوس
طائفه نصاری ای احکام عـشـمه تورانك بعضی سندن ماعدا
کافه احکام دینیـه دن واز کـوره رك و خیر براتی و محرمات
سائره بی حلالدر دیه رك وسـمتسـمز و طهارتسـمز براقه رق
و الحاصل بتون بتون اعتقاد لرینی افساد ایدرك حیـوانات
سورنسی کبی قاپوب صالیورن خائن دین بریهودی اولدیغنی
کندی کابـندن اكلا شیلدیغنی مطالعه ایدنلرك معلوملری
اولدیغنی جهنله انك سوز لرینه اصلا اعتماد و اعتبار ایتك هیچ
بر عاقلك حال و شانتدن ذکدر. (ثانیاً) کلمسی تبشیر اولنان
پارا قلیط ايله نزولی دعوی اولنان روح مراد اولمق سندسـمز
و شاهدسـمز بر قوری دعوا در بوئی کیم دیکار و کیم قبول ایدر.
و قوری بر دعوی اولدیغنی شویله طورسون بلکه یوقاروده ذکر
و بیان اولنان اون درت دایلدنناشی روحك مراد اولمقی
غلط صریح اولدیغنده اصلا شبهه یوقدر
(تنبيه)
اشـبو پارا قلیط مسئله سی یا لکر مؤلف رابع اولان یوحناك
انجیلنده یاز یلوب متی و مرقس و لوقا ك انجیللرنده یاز لما مشدر.

وانلرك بومسئله يي يازما ملرنده درت احتمال واردر . (۱) مني
ومرقس ولوقا بوسوزلر يا جناب مسيحيك كلاملى اولديغنى
وكنديسنه افترا اولنديغنى بيلدىلرده كتابلرينه يازماديلر . (۲)
ويا خود جناب مسيحيك كلاملى اولديغنى بيلدرك قصد اترك
ايدوب يازماديلر . (۳) ويا خود بوسوزلى اولدن ايشيده
ميوب خبر آله مدقلىرندن يازماديلر . (۴) ويا خود اولدن
ايشيدىلرده صكره اونودوب خاطر لرندن چيقديغندن يازماديلر .
ايمىدى برنجى احتمال كوره يوحنا نك يلا نجي ومفتري اولمى
واناجيل ثلثه صاحبلىرىك بوماده يه شهادت ايتلى لازمكلور
ايكنجى احتمال كوره متى ومرقس ولوقا نك انجيله ودين
عيسويه خباتلك ايتش اولدقلى اكلا شيلور .
اوچنجى احتمال كوره جاهل وتنبيل اولدقلى واحكام دين
مسيحي بيلمكلى مپدا نه چيقار .
در دنجى احتمال كوره امور دينيه اعتنا ودقلى اولديغنى
وحاققه موصوف اولوب اهل يتسز اولدقلى اكلا شيلور .
اشنه اهل انصاف اولانلردقت ايتسوزلر كه بويله مذبذب
ويكديكر نك ديد كلرندن خبرلى اوليان مجهول الاحوال
برطابق حريفلك بلان ويا كلش يازدقلى تاريخلره كتاب الله
نظريه باقيله رق اساس دين اتخاذا ايتك قننى بر عاقلك حال
وشايدر .
(اعتراض) طائفه نصارى ديه جك اولور لايسته كه اناجيل
ننه صاحبلى يوحنا نك بومسئله يي يازديغنى بيلدىلرندن
تكرار وعبت اولماق ايجون يازماديلر

(جواب) يوحنا نك يازديغى تاريخ جله سندن صكره اولديغى
هر كسك معلومى وكنديلىرىك دنجى مسلميدر .
وبرده تكرار وعبت اولان سوزلر انجيللرك دردنده دنجى
صايلقدن ده ازياده در .
تكرار وعبت اولان سوزلر چيقاريله جوق اولسه عجب اكنديلىرينه
نه قالوردى
(ديكر اعتراض) يوحنا نك انجيلنده يازيلان پارا قلىطدن
مراد حضرت محمد (عليه الصلوة والسلام) اولديغنه علمى
اسلاميه ذاهب اولوب طوغرى اولديغنى تصديق ايله نصارى
عليه نه حجت اوله رق ابراد ايدرل
بوصورتنده يوحنا نك روايات سائر سنى دنجى تصديق وقبول
ايتلى لازمكلور .
(جواب) بر كشي برقاج سوزنده صادق اولمغله جميع اقوالنك
صادق طوغرى اولمى و بر روايتنك تصديق وقبول
اولمى سندن جميع رواياتنك تصديق وقبول اولمى لازم
كلديكى هر كسك معلوم ومستلى بشيدر .
وعلمى اسلاميه نك اول سوزلى تصديق وقبول ايتلى محضا
(واذ قال عيسى ابن مريم يا بنى اسرائيل انى رسول الله اليكم
مصدقا لما بين يدى من التوريه ومبشرا برسول بائى من بعد
اسمه احمد) آيت جليله سنك مفهومه موافق ومطابق اولديغى
جهتله در . يوخسه يوحنا نك نقل وروايت ايتديكندن طولايى
تصديق وقبول ايتامش لردر . ودها بومثلاو ادله كتابيه يي
نقل وروايت ايتلى تورات وانجيل ديدكلى محرفات

و غلطات ايله مملو و طولو اولان تاريخلره صحيح و كتاب الله نظريه باقهرق نقل و روايت ايتكى اصلا قبول ايتزلر . انجق نقل اولنان سوزلر مجرد يهود و نصاري كنديلرينك مقبول و مسلملى اولان سوزلر ايله الزام و اسكات ايتك ايجوندور . يوخسه نبى آخر زمان محمد مصطفائك الا آن باقى و ثابت اولان معجزات باهره سى نبوتلرينك اثباتى خصوصنه ازهر جهت كافى اولديغى معجزه بختنده بيان اولنان ادله قاطعه دن كوش كى ظاهر در . اثبات نبوتلرى بانبده بومثللو ادله كتابيه قطعا احتياجز يوقدر .

(نوع ثالث) كتب مقدسه نك احوالى بيانده اولوب واشبو نوع درت مطلب اوزره ترتيب اولنوب برنجى مطلب كتب مزبور نك تقسيم و تعدادى بيانده در

معلوم اوله كه اهل كتاب كتب سماويه بى ايكي قسمه تقسيم ايدوب بر قسم نك جناب مسيحدن اول كلان انباى كرام واسطه سايه كنديلرينده و اصل اولديغى و بر قسم نك دخی جناب مسيحدن صكره الهام ايله يازلديغى دعوى ايدرلر . و قسم اوله (عهد عتيق) و قسم ثانى به (عهد جديد) تسميه ايدرلر . واشبو ايكي قسمك هر برينى دخی ايكي قسمه تقسيم ايدوب بر قسم نك صحتنه جمهور قدمات مسيحيه اتفاق و بر قسم نك دخی صحت و عدم صحتنه اختلاف ايتشلردور .

عهد عتيقدن برنجى قسم اوتوز سكر عدد كتابدر . (۱) سفر التكوين (۲) سفر الخروج (۳) سفر الاخبار (۴) سفر العدد (۵) سفر الاستثناء در .

واشبو كتب خسه نك مجموعه عبرانى لساننده تعليم و شريعت معناسنه اولان (تورات) اطلاق اولنور .

و بعضاً مجاز طريقه عهد عتيقك مجموعه دخی توات اطلاق اولنور (۶) كتاب يوشع بن نون (۷) كتاب القضاة (۸) كتاب راعوث (۹) سفر صموئيل الاول (۱۰) سفر صموئيل الثانى (۱۱) سفر الملوك الاول (۱۲) سفر الملوك الثانى (۱۳) سفر اول اخبار ايام (۱۴) سفر ثانى اخبار ايام (۱۵) سفر اول عزرا (۱۶) سفر ثانى عزرا و بوكا كتاب نحميا دخی تسميه اولنور (۱۷) كتاب ايوب (۱۸) زبور (۱۹) امثال سليمان (۲۰) كتاب الجامعه (۲۱) كتاب نشيد الانشاد (۲۲) كتاب اشعيا (۲۳) كتاب ارميا (۲۴) مراثى ارميا (۲۵) كتاب حزقيال (۲۶) كتاب دانيال (۲۷) كتاب هوشع (۲۸) كتاب يوشع (۲۹) كتاب عاموص (۳۰) كتاب عوبديا (۳۱) كتاب يونان (۳۲) كتاب ميخا (۳۳) كتاب ناحوم (۳۴) كتاب حيقوق (۳۵) كتاب صفونيا (۳۶) كتاب حجى (۳۷) كتاب زكريا (۳۸) كتاب ملاخيادور . كه ملاخيا پيغمبر ميلاد مسيح عليه السلام دن در تيوز بكرمى سنه مقدارى مقد در .

واشبو اوتوز سكر عدد كتاب قدمات مسيحيه عندنده مسلم و مقبولدر . انجق اسامى يلموسى عليه السلامه نسبت اولنان كتب خسه ايله يوشع بن نون و كتاب القضاة تسليم و قبول ايلوب سائر لى طائيرلر . و بونلر يدرنده بولنان تورات نسخهلر قوم يهودك يدرنده بولنان نسخهلره مخالفدر .

واما عهد عتيق دن قسم ثاني طقوز عدد كتابدر . (۱) كتاب استير
(۲) كتاب باروح (۳) دانيال كتابدن برجزء (۴) كتاب
طويا (۵) كتاب يهوديت (۶) كتاب وزدم (۷) كتاب
ايكلير ياستيكس (۸) كتاب المقامين الاول (۹) كتاب المقامين
الثاني در .

واما عهد جديدك قسم اولي يكرمي عدد كتابدر . (۱) انجيل
متي (۲) انجيل مرقس (۳) انجيل لوقا (۴) انجيل
يوحنادر . واشبو درت عدد كتابه انجيل اربعه اسميه
اولنور . وانجيل اطلاق بو درت كتابه مخصوص اولوب
انجق بطريق المجاز بعضاً عهد جديدك مجموع كتابرينه
اطلاق اولنور .

واشبو لفظ لسان يونانیده بشارت وتعليم معنا سنه اولان
(انكليون) لفظندن تعريب اولمشدر .
(۵) كتاب اعمال حواريين . واون اوچي دخی پاولوسك
اوتيه برويه كوندريش اولديغي رساله لری در .
(۱۹) پطريسك رساله اولاسي (۲۰) بعض فقره لرندن
غيري يوحنا نك رساله اولاسي در .

واما عهد جديدك قسم ثاني سي يدي عدد كتاب ايله يوحنا نك
رساله اولاسك بعض فقره لريد . (۱) پاولوسك عبراني لره
كوندر ديكي رساله در (۲) پطريسك رساله ثانيه سيدر (۷)
يوحنا نك رساله ثانيه سيدر (۴) يوحنا نك رساله ثانيه سيدر
(۵) رساله يعقوب (۶) رساله يهوذا (۷) مشاهدات
يوحنا در .

اشته تقرير بر عز يوردن نصاراتك دها بدايت وقرن اولنده دين
وكتابلرنجه . اولان فساداتي معلوم اولنجه بوندن صكره دخی
معلوم اوله كه ۳۴۵ سنه ميلاديه سنه قسطنطين قرالك
امريله كتب مشكوكك نك احوالي تحقيق قى ضمننده (نئس)
بلده سنه علمای نصارادن مركب بر مجلس منعقد اولوب كتب
مذ كوره حقننده مشاوره و تحقيق ايتد كدن صكره يالكز
كتاب يهوديتك واجب التسليم اولديغنه حكم اولنوب كتب
مختلفه سائر علي حالها شك اوزرينه ابقا اولمشدر .
تته كيم بوماده جبر و مك كتاب يهوديت اوزرينه يازديغي
مقدمه سندن اكلا شيلور . واندن صكره {۳۶۴} سنه سنه
(لوديسيا مجلسي) اسميله مسمي بردها مجلس منعقد اولوب
بو مجلسك علماسيده مجلس اول علماسك كتاب يهوديت حقننده
اولان حكم وقرار لرني حالي اوزره ابقا وانلرك حكم لری
اوزرينه دها يدي عدد كتاب زياده ايليوب واجب التسليم
قيلديلر .

واو كتابلرك برنجبيسي كتاب استير (۲) رساله يعقوب (۳)
پطريسك رساله ثانيه سي (۴) و (۵) يوحنا نك رساله
ثانيه وثالثه سي (۶) رساله يهوذا (۷) پاولوسك عبراني لره
كوندر ديكي رساله در . واشبو حكم لرني رساله عامه ايله
تأ كيد ايله وب مشاهدات يوحنا ايكي بيله مجلسده خارج
ومشكوك اوله رق براقلدی

واندن صكره دخی مجلس كار تهيج . اسميله مسمي اوچبوز
طقسان يدي تاريخنده بردها مجلس منعقد اولوب و بو مجلسده

نصاری پیسنده فضل و کمال ایلله مشتهر (اکستاین) نام عالم
و علمای مشهوره لرندن یوز یکریمی الی کسنه موجود بولوب
اولکی عقد اولنان ایکی مجلسک ویردکلری حکم و قرارلرینی
حالی اوزره بر اقدقدن بشقه یدی عدد کتاب دهها ضم
و علاوه ایلوب واجب التسلیم قیلدیلر (۱) وزدم (۲)
کتاب طوییا (۳) کتاب باروخ (۴) کتاب ایکلیزیاستیکس
(۵) و (۶) کتاب المقایین (۷) کتاب مشاهدات یوحنا در .
انجق یو مجلس اهل البسی باروخ علیه السلام ارمیا علیه السلام
نائب و خلیفه سی منزله سنده اولدیغنه نظراً کتاب باروخی
کتاب ارمیا دن بر جزء منزله سنده اعتبار ایلوب فهرست اسماء
کتبده مستقلاً یازمدیلر . و اندن صکره مجلس ترلو و مجلس
فلورانس و مجلس ترنت اسملریله هسمی دهها اوج مجلس منعقد
اولوب یو مجلس اهل البسیده { کار تهجج } مجلسنک حکم و قرارلرینی
حالی اوزره ابقا ایلدیلر . انجق صکره کی ایکی مجلس کتاب
باروخک اسمی اسماء کتبهده مستقلاً یازمغه قرار ویردیلر .

(خلاصه)

محالس مزبوره بیان اولنان منوال اوزره عقد اولدقدن صکره
قرن اول و ثانیده مشکوک و مردور اولان کتابلر جمهور
مسیحیین عندلرنده مسلم و مقول اولدیلر . واشبو حال
تابیک ایکیز سنه میلادیه سنه قدر باقی قالوب صکره
پروستان فرقه سی ظهور ایلدکده کتاب باروخ و کتاب
طوییا و کتاب یهودیت و کتاب وزدم و کتاب ایکلیزیاستیکس

و مقاییک ایکی کتابی حقهده سلفلرینک حکملرینه راضی اولوب
اشبو کتاب واجب الرد و مسلم دکدر دیدیلر .
و کتاب استیرک بعض بابلرنده سلفلرینک حکملرینی رد و بعضلرنده
دخی قبول ایلدیلر .


چونکه بو کتاب اون الی بادن عبارت اولوب پروتستانلر
کتابک اولندن طقوز باب و او تنجی بادن اوج آیت واجب
التسلیم و باقی قلان الی باب واجب الرد در دیدیلر . و بوانکار
ورد خصوصنده الی وجه ایلله تمسک ایتشلردر .

(۱) بو کتابلر فی الاصل عبرانی و چالیدی لسانلری اوزره اولوب
حالبو که شمعی او کتابلر بو لسانلر اوزره اوله رق موجود
دکدر .

(۲) طائفة یهود کتب مزبوره نک الهامی اولدیغنی تسلیم
ایتزلر (۳) جمیع مسیحیین بو کتابلری تسلیم ایتامشلردر
(۴) جیروم بو کتابلرک مسائل دینییه نک تقریر و اثباتی
خصوصنده کافی اولدیغنی بیان ایتشدر .

(۵) کلوس تصریح ایتشدر که بو کتابلر او قونور انجق
هر محلهده او قونمز (۶) یوس بیس نام راهب کتاب رابعک
یکرمی ایکنجی باینده کتب مذ کوره نک و خصوصیه کتاب مقایین
ثانیینک محرف اولدقلرینی تصریح ایتشدر .

(عبرت) شو تعداد اولنان وجوهدن وجه اول و ثانی
و سادس اسلاف نصارانک دینسزلکلرینی نه صورته اثبات ایتشدر که
انلردن بیکلرجه نفوس نسخه اصلیه لری مفقود و ترجمه لری
عند الیهود محرف و مردود اولان کتابلرک و خصوصیه کتاب



مقابله ثانیة واجب التسلیم اولدیغنه اجماع و اتفاق ایتشلدرد .
مخالفة لربك اوزرینه بویه بر اجماع و اتفاق لربك نه اعتباری
اوله یلور . و قتوليك فرقه سی ایسه اسلافنه تبعاً الا ن
کتب مزبورده بی تسلیم ایتکده در .
مطلب ثانی اهل کتابك عندنده کتب عهد عتیق و جدیددن
هیچ بر کتابه سند متصل بولمادیغی بیاننده در
معلوم اوله که بر کتابك واجب التسلیم و القبول اوله رق کتاب
سماوی اولمی شو کتاب فلان پیغمبر واسطه سیله یازیلوب
اصلاً تغییر و تبدیل اولمقسزین سند متصل ایله بزه واصل
اولشدر دهرک دلیل تام ایله اثبات اولمی لازمدر . یوخسه
مجرد ظن و وهم ایله صاحب الهام اولان بر شخصه استناد
ایتک کتاب مزبورک مصنفی اولدیغنی اثباتده کافی اوله مز .
و کذلک برویاخود برقاج فرقه نك ادعای مجرد لری دخی کتابك
مقدس اولدیغنی اثباتده کافی اوله مز . کورلمزی که کتاب
مشاهدان و سفر صغیر للتکوین و کتاب المعراج و کتاب الاسرار
و کتاب تسمت و کتاب الاقرار موسی علیه السلامه و کذلک کتاب
عزرائک سفر رابعی عزرا علیه السلامه و اشعیانک کتاب معراج
و کتاب مشاهداتی اشعیا علیه السلامه و ارمیانک کتاب مشهورندن
غیری بر کتاب ارمیا علیه السلامه و بر طاقم الفاظ و کلمات
حقوق علیه السلامه و بر طاقم زبور لری دخی سلیمان علیه السلامه
و عهد جدیدک کتب مذکوره مشهوره سندن غیری یتش
عدی متجاوز کتابلر جناب مسیح و حضرت مریم و حواریون
و تابعلرینه منسوب ایکن ییله شمدیکی حالده مسیحیون بو کتابلری

اصلاً طائیوب اکاذیب مصنوعه دن اولدقلرینی ادعا
ایتکده درلر . و اشهر دعوالرنده کرک و قتولیک و پروتستان
کلیسالی متفقدرلر . کذلک عزرائک سفر ثالثی عزرا یه منسوب
و کرک کلیسا سنجه عهد عتیقندن جزء واجب التسیم بر کتاب
مقدس ایکن قتولیک و پروتستان کلیسالی قولنجده اولدخی
اکاذیب مصنوعه دندر . و یوقاروده بیان اولندیغنی کبی
کتاب باروخ و کتاب طویا و کتاب یهودیت و کتاب وزدم و کتاب
ایکلیر یاستیکیس و مقابله نك ایکی کتابی و کتاب استیردن بر جزو
قتولیک مذهبنده واجب التسلیم و پروتستان مذهبنده واجب
الرددر . اشته بو حالده کتب مسیحیه دن بر کتابك بر نبی یه
و حواریونندن برینه مجرد استناد ایله آنک واجب التسلیم کتاب
الهامی اولدیغنی اعتقاد ایدمه جکمز کبی طائفة نصارانک
ادعای مجرد لری باعث اعتقاد اوله میوب بلکه شروط سابقه بی
شامل اولان دلیل لازم و ضروریدر . بونک ایچوندر که
علمای اسلامیه طرفندن فحول علمای نصاران کتب
مقدسه لرینک صحته دائر هر نه زمان سند متصل طلب اولمش
ایسه طلب اولنان دلیلک ایتانه قادر اوله ما مشلردر .
و اثنای مباحثه ده بیان عذر ایدرک بزم عندمز ده سبب فقدان
سند اوچیز اون سنه قدر مسیحیون اوزره واقع اولان
فتن و مصائبدر دیرلر . و علمای اسلامیه طرفندن آنلرک کتب
اسنادی هر نه زمان تفتیش و تفحص اولمش ایسه مجرد
ظن اوزرینه تکلم و بعض قرینه لره تمسک ایتدکلرندن ایچنده ظن
و تخمیندن بشقه برشی کورمک ممکن اوله ما مشدر . حالبوکه

آنفا بیان او لندیخی و جهله باب اسناد ده ظن و تخمین مفید
دکدر ماده که دلیل شافی و سند متصل آیان ایده میورل
آرتق بزه بویاده تورات وانجیل تسمیه ایتدکری تاربخلرک
کتب مقدسه دن اولدقلرینی منع بکرد ایله منع ایتک کفایت
ایلیوب دایل کتورمک انلرک وظیفه سیدر . قطعاً بزم (مسلمانلرک)
وظیفه مزدکل ایسه ده کنیدلرینه ایوجه قناعت حاصل
اولق ایچون علی طریق التبرع بر مقدار مباحثه به ابتدار
اولنور . انجق کتب مزبورده دن کافه سنک سنلرینی بیان
ایتک موجب لال اوله جغندن یا لکز بعضی سنک سنلرینی تذکار
و ایراد اولنور .

والآن یدلرنده موجود اولان تورات وانجیل کتب مقدسه دن
اولیوب بلیکه مؤلفلرینک اسم و شهر تلمی نام معلوم و صحیح
و سقیم تمیزینه غیر مقتدر بر طاقم کسه لک تألیفلری
اولدیخی اکلا شیلور .

(مطلب ثالث) اهل کتابک عندنده موجود اولان تورات
حضرت موسی علیه السلامک تصنیفی و کدوسنه نازل اولان
تورات شریف اولدیغنه دلیل اولق اوزره ذکر و تعداد
اولنان امور بیانده در

(امر اول) حضرت موسی علیه السلام نسخه توراتی یازوب
احبار یهوده و سائر کبرای بنی اسرائیله تسلیم ایلدی . و نسخه
مزبوره نک شهادت صندوقه سنه و ضوله امر محافظه سنه
اهتمام اولمسنی و هریدی سنه ده برکریه بیرام کونده چیقار یلوب
قرائت اولنه رق احکام مندرجه سنک بنی اسرائیله ایشتمدیرلرینی

وصیت بیوردی . و طبقه اولی حضرت موسی نک وصیتی
اوزره تابتقدم اولدیلمر . و صکره طبقه مزبوره منقرض اولنجه
بنی اسرائیلک حالی متغیر اولوب داود علیه السلامک زمان
سلطنتنه قدر بعض کره مرند اولورلر و بعض کره دخی
دین موسی بی قبول ایدرلردی
و مشار الیه داود علیه السلامک و سلیمان علیه السلامک زمان
سلطنتلرنده حاللری کوزلشوب ایمانی قبول ایتدیلر ایدی .
انجق انقلابات مزبوره دن طولایی صندوقیه وضع اولنان
تورات شریف نسخه سی ضایع اولدی . و اشبو نسخه نک
سلیمان علیه السلامک سلطنتندن اول ضایع اولدیغی معلوم
ایسه ده قنغی تاریخده ضایع اولدیغی ونره ده قالدیغی
بیله مامشدر

زیرا سفر الملوك الثالثک سکزنجی فصلنده (آیت ۹ و تابوته
نسنه یوق ایدی ایکی طاش لوحه لردن خیری که آنلری موسی
حوریده قودی چنانکه رب بنی اسرائیل ایله مصر دیارندن
چیقدقلری زمانده معاهده ایلدی) واقع اولان کلامک
شهادتیه سلیمان علیه السلامک زمانده صندوق شهادت
آچیلدقده احکام عشره بی حاوی اولان ایکی لوحه دن خیری
برشی بولمادیغی ثابتدر . و سلیمان علیه السلامک و فاتندن
صکره حکومت اسرائیله ایکی قسمة منقسم اولوب اسباطک
اونی برطرفده و ایکسی دیگر طرفده قاله رق اسباط عشره
(یوربعام) نام ذات سلطان اولوب اولوب سلطنت اسرائیله
ودیکر سبطه سلیمان علیه السلامک اوغلی (رحبعام) حاکم

اوله رق سلطنت یهودا تسمیه اولمشدر . وایکی سلطنتک
آره سنده کفر وارتداد شیو عبولمشدر . چونکه (یوربعام
سریر سلطنته جلوس ایدنجیه مرتد اولوب واسباط عشره
دخی آکا تبعیله مرتد اولدیلر . وایکی-وزاللی سنه کفر
وارتداد اوزره قالدیلر . بعده جناب حق کندیلری اوزرینه
سوریه لولری مسلط ایلیوب کینی اسیر و کیمسینی ممالک سائریه
تبعید ایتیش اولملریله مملکتلرنده انجق بر فرقه قلیله قالوب
وبونلردخی عبده اوئان ایله اختلاط ایدرک بری برلندن
قیز آلوب وبردکلرندن ذریتلرینه ساحری تسمیه اولمش .
بوسبدن یوربعامک ابتدای سلطنتندن سلطنت اسراییلیه نك
انقراضنه قدر اسباط عشره نك تورادتن علاقهلری کسلش
وآره لرند تورات شریف عنقاکی براسم بی مسمی قالمشدر .
اشته اسباط عشره نك حالی بونهوال اوزره در . و سلطنت
یهودانك حائنه کلجه سلیمان علیه السلامک وفاتندن اوچیوز
یتیش ایکی سنه مرورینه قدر یهودا سلطنتنک تختنه جلوس
ایدن حکمدارلر یکر می کشیدن عبارت ومرتدلی مؤمنلرندن
زیاده ایدی . و (رحبعام) که زماننده دخی بتپرستلک
شیو عبوله رق هر براغاجک التنه بر صنم وضعیله عبادت
اولنوردی . و (آحازیا) نام حکمدارک زمان سلطنتنده
بیت المقدسک قیولری قیاتدر یلوب بتلری ایچون قدس شریفک
هر طرفنده عبادتخانه لری ایتیش . و انک زمان سلطنتندن
اول قدس شریف ایله بیت المقدس و حکمدارک سرایی بری
حکومت مصریه و دیگرلری مرتد اولان حکومت اسراییلیه

طرفلرندن ایکی دفعه تسلط اولنوب زیاده سیله نهب و غارت
اولمشدر . و بعده (منشا) نام پادشاهک زماننده کتدیکجه
کفر و ضلال کسب شدت ایدرک خلقک پک چوغی بت پرست
اولمش و بیت المقدسک حوالیسنده اصنامه مخصوص مذبحلر
یا ییلوب منشانک معبود اتخاذ ایتدیکی صنم بیت مقدسه وضع
اولمشدر . کذلک منشانک اوغلی (آمون) نك زماننده
دخی کفر و ضلالجه حال یهود بومرکزده ایدی . صکره
آمونک اوغلی یوشیا سریر سلطنته جلوس ایدنجیه تائب و مستغفر
اولوب کندیس و ارکان حکومتی کفر و ضلالک رسوم
وعاداتی هدم ایله ملت موسویه نك ترویججه کمال درجه سعی
واهتمام ایتدیلر . انجق ابتدای سلطنتندن اونیدی سنه مرورینه
قدر تورات شریف نسخه سنی نه بر کیمسه کوردی ونه ده
ایشتیدی . مؤخرأ اون سکرنجی سنه ده بیت مقدسه تورات
نسخه سنک بولندیغی (حلقیا) نام کاهک طرفندن ادعا
اولنوب و نسخه مزبوریه بی (شافات) نام کاتبه و یروب اول
دخی مشار الیه یوشیا به قرائت ایتیش . و سفرملوک ثانی نك
یکرمی ایکنجی و اخبار ایامک سفر ثانی سنک اوتوز دردیجی
بابلرنده مصر ح اولدیغی وجهله مشار الیه یوشیا نسخه
مذکوره نك احکام مندرجه سنی ایشیدنججه بی اسراییلک
عصیان و طغیاننه یقاسنی بیرتهرق کمال درجه ده حزن و اسف
اظهار ایتمشدر . انجق مادامکه آحازیا نك زمان سلطنتندن
اول بیت مقدس ایکی دفعه یغما اولندی . و صکره دخی بیتخانه به
تحویل ایله هر کون بوکا مخصوص اولان خدمه و کهنه کوروب

چیمقدده اولدقلری و یوشیا ایله و کلاسی و رعایانک کافه سی
کمال سعی و اجتهاد ایله شریعت موسوی به اتباع ایتکده
بولندقلری حالدده سلطنت یوشیانک اون بدیجی سنه سنه قدر
تورات نسخه سنک بولاردن هیچ بریسی طرفندن نه کورلمش
ونه ده ایشیدلمش اولدیغنه نظر آنه نسخه مذکوره به ونه ده
حلقیانک قولنه اصلا اعتبار اولنه مز . و صحیح غیر صحیح
آغزیدن آغزه ایشتمش اولدیغی روایاتی جمع و ترتیب ایدرک موسی
علیه السلامه نسبت ایشدر . و بونکله اوغرا شمسی پادشاه
وقت اولان یوشیا ایلله ارکان دولتک شریعت موسویه حقنده
کمال توجهلری کورلمسندن نشئت ایشدر . و بو مثالو
اکاذیب و مفتریات ترویج دین ایتک و اعتبار بولمق ایچون
متأخرین یهود ایلله قدما ی مسیحیه نزدنده برعادت مستمره
وبلکه مستحبات دینیه لرندندر . (قبجهم الله) و فرض محال
اوله رق نسخه مذکوره اصل تورات نسخه سی اولدیغی فرض
اولنسه بیلله مشار الیه یوشیا برحیات اولدقجه یالکز اون اوچ
سنه قدر دستور العمل اتخاذ اولنشدر . و مشار الیه ک وفاتندن
صکره (یا هو حاد) تخت سلطنته جلوس ایتسیله مرید اولوب
اشاعه کفر و ضلال ایلدی . و کندیسنک اوزرینه ملک مصر مسلط
اولوب اسیر ایدرک قراندشنی سریر سلطنته اقعداد ایلدی .
و اول دخی باباسی و عیسی کی مرید اولوب (بخت نصر)
نی اسیر ایلدن پک چوق کسه لر ایلله برابر کندیسنی اسیر ویت مقدس
و حکمدارک خزینه سنی یغما و عیسی سریر سلطنته اقعداد
ایلدی و اول دخی قرنداشی اوغلی کی مرید اولدی

(نتیجه) اشته سو حالره کسب اطلاع اولندقدده توراتک
تواتر و سند متصلی یوشیانک زمانندن اول منقطع اولدیغی
جای اشتباه دکلدر . و کندی زماننده حلقیانک معرفتیه
بولندیغی دعوی اولنان نسخه به اصلا اعتماد اولنه مدقندن
بشقه کندیسیه تواتر ثابت اوله مز . و بونکله برابر انجیق
اون اوچ سنه کندیسیه عمل اولوب آندن صکره نسخه
مز بوره نه اولدیغی و نرده قالدیغی اصلا معلوم اوله مامشدر .
بوجهتله ظاهر حاله باقلدقدده یوشیانک اولادی آره سنه کفر
وارداد عودت ایتدیکندن بخت النصرک حادثه سمندن اول
نسخه مذکوره محو اولمش اولدیغی آشکاردر
(ایکنجی امر) بخت النصرک تخت سلطنته اقعداد ایش اولدیغی
حکمدارک بخت نصره عاصی اولوب اظهار طغیان ایتدیکندن
بخت نصر کندیسنی اسیر ایدوب ابتدا اولاد و عیالی کوزی
اوکنده بوغاز لدقدقدن و کندیسنک ایکی کوزینه میل چکوب
بوقاغی ایلله بابلله کوندردکن و بیت مقدس ایلله قدس شریفده
بولنان حکومت سرانی و کبرانک قوناقلرینی و سائر بالمله بیوت
و ابنیه بی یاقوب ییقدقدن و قدسک حصارینی خاک ایلله یکسان
ایتدیکدن و بنی اسرائیلک سائر قبیله لرینی طوتوب تخت اسارت
و مملوکیته آلدقدن صکره اوراسنی باغچوان و چغچی مقوله لرینک
اسکانیه اعمار ایلدی
اشته بو حال بخت نصرک ایکنجی حادثه سی اولوب ایشو
حادثه ده تورات ایلله وقعه مذکوره دن اول تصنیف اولنش
اولان بالمله کتب عهد عتیقک صفحه عالمدن قالدیر لیدیغی

کندی تاریخ‌نیزده مفصلاً بیان اولندیغی و جهله اهل کتاب
عندنده دخی امور مسلمنددر

(اوچنخی امر) اهل کتابك ز عنجه عزرا علیه السلام الهام
ایله عهد عتیقی بردها یازدقدن صکره بودخی دیگر بروقه
فجیعهده معدوم اولدیغی (مقایین) کتاب اولنك باب اولنده
مذکور اولان مقالات ایله ثابتدر . و مقالات مزبور نك
خلاصه سی (فرنك حکمدارلرندن (انتیکوس) نام کسه
قدس شریفی ضبط و تسخیر ایلدیکی انشاده هر برطرفدن
عهد عتیق نسخه لری جمع ایتدیروب کاملاً یا قدرمش . و هر
کیمک یاننده تورات نسخه سی بولندیغی و یا خود تورات شریفك
احکامی اجرا ایتدیکی کورلدی ایسه اول کسه نك قتل
و اعدامی امر ایتشددر . و بویابده ده از یاده شدت
ایایوب تعیین ایلدیکی مأمورین مخصوصه واسطه سیله کیفیت
هرآی باشنده تفتیش و تحقیق اولنه رق هر کیمده تورات بولنور
و یا خود احکام شرعیه دن برینك اجرا سنه رعایت ایلدیکی
تین ایدرسه او مثلاً کسه لك حقارنده قتل ایله مجازات اولنور
واله کچن تورات نسخه لری دخی محو اید بلور دی)
مأکندهدر .

بولندنصکره یهودی (یوسف) تاریخیه سائر تواریخ یهودیه
مفصلاً بیان اولدیغی و جهله اشبهو حادثه میلاد عیادن
یوز التمش برسنه مقدم ظهور ایدوب اوچ بچق سنه حال
بوموال اوزره مرور ایتمش و عزرائلک یازدیغی نسخه لك
کافه سی منعدم اولشددر . و قنولك علماسندن (جان ملتر)

نام کسنه عزرائلک واسطه سیله توراتك روایات صحیحه سی
ظاهره حقیقتمش ایسهده بودخی (انتیکوس) وقعه سنه
ضایع اولشددر . و بولندنصکره کتب مذکور نك صدقنه
دائر حضرت مسیح ایله حواریونك شهادت لرندن ماعدابرشی
قالمدیغنی بیان ایتشددر .

انجق عهد عتیق و عهد جدید کابلرینك الفاظی تواتر ایله اثبات
اولنه ایوب مصنف لرینه متسلسلاً سند متصل بولنه مدیغی و اهل
دیانت طرفندن ایشلرینه او یغون کلان مسائلک تأییدی
و یا خود اعتراضات وارده نك دفعی ایچون کتب مزبوره ده
هر درلو تحریفاتك وقوعی درجه ثبوت و بداهته وارمش
اولدیغیندن کتب مزبوره ده علمیه احتیاجه صالح
اوله جق آیات و فقراتك وجودینه قائل اولمق ممکن اوله میه جخی
شبهه سزدر .

(در دنجی امر) بو وقعه اندنصکره فرنك حکمدارلری طرفلرندن
یهودی لر اوزرینه ده ابرچوق مصائب و بلیات ایقاع اولوب
عزرا علیه السلامك منقولاتیه حد و حسابیه کلمه نسخه لر ضایع
اولشددر .

از جمله بالاده بیان اولندیغی و تفصیلاتی یوسفك تاریخیه
سائر تواریخیه بیان اولندیغی و جهله روم حکمدارلرندن
یتسوس نام حکمدار عروج عبسانك اوتوز اوچنخی سنه سنه
قدس شریف ایله حواله سنه مسئولی او لوب یهود یلردن
آصوب کسك و آج براقوب آتشد یا ققله و قوعبولان
وفیاتك مقداری برملیون یوز یک نفوسه بالغ اولمش و تمش یک

نفری دخی اسیر ایدیلرک شوراده بوراده صاتلش اولدیغندن
بشقه برچوق نفوس دخی اقطار بلادیهودیه ده تلف
اولمشدر .

(بشنجی امر) جمهور اهل کتاب دیرلرکه اخبار ایامدن
سفر اول و ثانی یحیی و ذکر یا علیهما السلام اعانه لریله
عزرا علیه السلام تألیف ایتشددر . و فی الواقع بو کتابلر
انبیای ثلاثه مشار الیه تمصیف لریدر . انجیق اولاد بنیامین
حقنه کی سفر اولک بدنجی و سکرنجی بابلرنده اولان کلاملری
بری برینه متناقضدر . کذلک بویانده تورات مشهوره
ایکی جهتله مخالفت ایلش لردر که بری اسملرنده و دیگر
عدد لرنده در . زیرا بدنجی بادن بنیامینک اوغللری اوچ
کسه و سکرنجی بادن بش کسه و توراتدن دخی اون کسه
اولدقنری اکلا شیلور . و علمای اهل کتاب سفر اولده کی
کلامک غلط اولدیغنه اتفاق ایتش لرددر . و غلط وقوعنک
سببنی بیان صد دنده (عزرا علیه السلام اولاد ایله احفادی
فرق و تمیز ایده مامسندن و مأخذ نقل اتخاذ ایتش اولدیغی
اوراقک ناقصی اولمسندن بو وجهله غلط ایتشددر) دیدیلر .
و معلومدر که ذکر اولنان شو اوچنجی احکام توراته تابعدرلر .
امدی اگر تورات موسی شو تورات مشهور اولیدی اشبو
نبیلر اول توراته مخالفست ایتزلر و غلط دخی دوشمنزلر و عزرا
علیه السلام دخی توراتی ترک ایله اوراق ناقصیه اعتماد ایلز
ایدی . کذلک آنلرک زعملرینه کوره عزرائلک الهام ایله
صکره دن یازدیغی تورات شو تورات مشهور اولیدی عزرائلک

اول توراته مخالفت ایتسی ممکن اوله مزدی
(نتیجه) مقدمات مسروده دن معلوم اولدی که اشبو تورات
مشهورنه موسی علیه السلام ارسال اولنان تورات ونه ده
عزرائلک یازدیغی تورات اولیوب بلکه یهودیلرک آره سنده
مشهور اولان قصص و روایاتدن عبارت صحیح و سقیم
تمیز اولمیه رقی یهود خا خا ملرینک یازلش اولدقنری
بر مجموعه در .
(النجی امر) برکسنه کتاب حزقیالک قر ق بشنجی و قر ق
النجی بابلرینی سفر العددک اوتوز سکر و اوتوز طقوزنجی بابلریله
مقابله ایلسه احکامده آچقندن تخالف بولور . حالبو که
حزقیال علیه السلام توراته تابع ایدی . اگر زمانده کی تورات
اشبو تورات مشهورک عینی اولیدی احکام تخالف ایتز
ایدی . اشته جمله اختلافاتدن اوله رقی توراتک مواضع
متعدد سنده واقعدر که (اولاد بابالرک کاهلریله اوچ بطنه
قدر مؤآخذ اولورلر) . و کتاب حزقیالک اون سکرنجی
بابنده بکرنجی آیتنده واقعدر که (خطا ایدن نفس هلاک اولور
اولاد بابانک و بابا اولادینک کاهنی یو کلنمز عادلک عدلی
و منافقک نفاق کنیدی اوزرینه در) اشته بو کلامدن معلوم
اولدی که برکیمسه آخرک کاهیله مؤآخذ اولنمز . و صواب
اولان دخی بودر .
تسه کیم قرآن جلبلده (ولاتزر وازرة و زر اخری)
واقع اولمشدر .
(بدنجی امر) برکسه زبور و کتاب نحمیا و کتاب ارمیا بی

و کتاب حزقیالی مطالعده ایسه یقیناً جزم ایدر که اصول
تصنیف زمان سابقه دخی زمانزده معتبر اولان اصوله
موافقدر . شویله که مصنف اولان کسسه کندی نفسنک
حالاتی و کوردیکی معاملاتی یازمق مراد ایدیکی حالده
بر صورتده یازار که کتابنه نظر ایلیانلر مؤلف کندی نفسنک
حالاتی و کوردیکی معالای یازدیغنی فهم ایدرلر . حالبوکه
بوحال توراتک هیچ بر موضعهندن اکلا شلیوب بلکه عباره سی
شهادت ایدر که توراتک کاتب و مؤلفی حضرت موسانک
غیری بر کسه در که یهودیلر آره سنده مشتهر اولان روایات
وقصصی جمع ایلمشدر . و یازدیغی اقوالک آره سنی
تمیز ایدر که کندی زعمه کوره قول خدا اولنلری
(الله دیدی) و قول موسی اولنلری (موسی دیدی)
جهله لرینک آلتنه درج ایلمش . و جمیع مواضعنده حضرت
موسی علیه السلامی غائب صیغه سیله ذکر ایلمشدر . ایددی
اگر تورات موسی علیه السلامک تصنیفاتندن اولیدی متکلم
صیغه سی زیاده اعتباری موجب اولدیغندن هیچ اولمز ایسه
کندی نفسندن برقاج موضعهده متکلم صیغه سیله تعبیر ایدردی .
حالبوکه توراتک هیچ بر موضعهنده موسی علیه السلامدن
کتابه اوله رق متکلم صیغه سی واقع اولماشدر . اشته ظاهر
حالتک شهادتی بو مرکز ده اولدیغندن خلافتنه دلیل قوی
کتورلدیکه شهادت مزبوره مقبولدر .

هر کیم خلافتی ادعا ایدر ایسه دلیل کتوروب بیان
ایتمسی لازمه کلور .

(سکرنجی امر) تورات دیدکاری تاریخده پیغمبران عظام
علیههم السلام افندیلمر حضرت ایدیلان افتراآت ایله تاریخ
مزبور موسی علیه السلامک واکا تابع اولان انبیای کرامدن
برینک تصنیفی اولمق شویله طور سون بلکه هیچ بره و منک
قبول ایده چکی شی اولیوب عادتا بریت پرست کتابی اولدیغنی
بیان ایده چکدر .

وانبیای کرام حضرت ایدیلان افتراآت نقل اینمکلکی
هر نقدر استکراه ایدر و مشار الیه حق عالیلرنده بومثالو
کفریاتی اعتقاد اینمکدن یوز یک لسان ایله تبری ایدر ایسه
کده انجیق پروتستان کفره سی کندی کابلرینه واقف اولمیان
عوام ناسی تغلیط ایدرک بر طاقم هذیانات باطله ایله شبهه یه
دوشورمکه چالشد قلرندن و حضرت فخر رسالتک حق
عالیلرنده دخی زیاده سیله اطالنه لسان ایدوب و حبه بی قبه
ایتمکه جسارت ابتدکاری جهته کنندی لرینک کفریاتی میدانه
چیتار می ایچون جناب واجب الوجود حضرتلرینه
استعاذه ایدرک بر مقدارینی نقل ایتمکه مجبوریت کلدی .

(ومن الله العصمة والتوفيق) (۱) آدم علیه السلامک
قصه سی یدیلرنده مشهور اولوب سفر تکوینک فصل نالنده
مستور در . و انلرک اعتقاد فاسد لر نجه آدم علیه السلام
قصدا کاه ایشلیوب و جناب حق توبه ایله امر یور دیغنده
ذنبنه معترف اولمدی و آخر حیاتنه قدر توبه سی ثابت
اولمدی . پروتستان علماسندن (ولیم اسمت) ۱۸۴۸ تاریخ
میلادیه سنده هندستان طرفنده طبع ایدر دیک (طریق اولیا)

نام کتابک بکرمی اوچنجی صحیفه سنده (تأسف اولنور که
آدمک (علیه السلام) توبه سی ثابت اولدی وکاهی ایچون
الله هیچ برکرهاستغفار ایتدی) دیمشدر . (نعوذ بالله تعالی)
بوقصه نیک یلان اولدیغی عقلاً و انقلاً ثابت و محققدر تفصیل

و بیانه اصلاً حاجت یوقدر

(۲) سفر تکوینک طقوزنجی بابنده اون سکرنجی آیتندن
بکرمی بشنجی آیتنه قدر حضرت نوح علیه السلام
حق عالیرنده شوماً آله برافترا یازلمشدر . که (کبدن
چیقان نو حک او غلاری سام و کنعانک باباسی حام و یافث
اولوب نوح (علیه السلام) اکجیلکه و باغچیلغه باشلادی
و شراب ایچوب مست اوله رق چادرینک ایچنده آچیق
یاند یغندن کنعانک باباسی حام عورت یرینی کوروب طیشاری
چقیدیغنده قرنداشلرینه خبر ویردی . و نوح (علیه السلام)
اویا نوب و سر خوشلقدن آیمیلجه کو چک او غلنک نه یایدیغنی
اکلابوب کنعان ملعون اولسون و قرنداشلرینک قو لرینه قول
اولسون دیدی (نعوذ بالله تعالی) اشته بوسوزلرنده
نوح علیه السلام شارب خرو سر خوش اولوب و عریان
اولدیغنده صراحت وارددر . (حاشا و کلا) شوکا تعجب
اولنور که باباسنک عورت یرینه نظر ایتکلکه کاهکار اولان
حام اولوب لعنت ایله معاقب اولان و باباسنک کاهیه مؤأخنده
اولنان او غلی کنعان اولاش . بوایسه عدل و حقانیتک
خلافیدر . تته کیم کتاب حزقیالک اون سکرنجی بابنده
(خطا ایلیان نفس هلاک اولور و اوغل بابانک و بابا او غلک کاهی

یوکلنز و عادالک عدلی و منافقک نفاق کندی اوز رینه در)
واقع اولمشدر . و قرآن جلیلده دخی هیچ برکسمنه یه
دیگرینک کاهی تحمیل اولنمه یه جخی (ولا تزر وازرة وزر
اخری) آیت جلیله سیله بیان ییورلمشدر . و حکمت عقل
دخی بونی اقتضا ایده جکنده شبهه یوقدر

(۳) طریق اولیا دیدکلری مزخر فانک اون سکرنجی
صحیفه سنده حضرت ابراهیم علیه السلام حالتی بیان
صدرنده حضرت ابراهیم (علیه السلام) بت پرستلرک آره
سندده ییو یوب اکثر عمری انلرک ایچنده کچد یکندن و ابوینی
آله حق بیلدکلرندن یتیم یاشنه قدر اولان حالی معلوم
اولمیوب جناب حق کندیسنه ظاهر اولمدقجه بتلره طایعسی
محملمدر . صکره جناب حق ظاهر اولوب کندیسنی انای
عالم آره سندن انتخاب ایله عبدخاصی قبلدی) واقع اولمشدر .
اشته بوهدن یانلرندن اکلا شیلورکه ابوالانبیا اولان حضرت
ابراهیم علیه السلام حق عالیرنده ظن فاسدلی یتیم
یاشنه قدر بت پرست اولوب صکره پیغمبر اولمشدر .
(نعوذ بالله تعالی) چونکه آنلرک اصول باطله لر نجه انبیای
کرام نبوتلرند نصکره بیله عبادت اصنام مدن معصوم
اولمیوب قنده قالدیکه نبوتلرندن اول معصوم اولملری
شرط اوله . و مشار الیهک نبوتند نصکره اولان حالی
سفر تکوینک اون ایکنجی بابنده واقع اولمشدر که ابراهیم
(علیه السلام) شهر مصره یاقلا شنجه زوجه سی سارا
حضرتلرینه خطاباً سن زیاده کوز لسن سنی مصر لیلر

کوردکلرنده بو ابراهيمك زوجہ سیدر ديه رك بنی اولدیروب
سنی آلیقورلر . بوجه سته کرم ایلیوب بن ابراهيمك قیز
قورداشییم دیملیسین که سنك سبیکه بکا خیر ومنفعت حاصل
اوله وسنك اجلندن جانم حیاته قاله (دینلشدیر .
اشته بو باطل سوزلرندن اکلا شلد یغنه کوره (نعوذ بالله)
ابراهيم عليه السلام کذب ایلمش . وسبب کذبى یا لکر
قورقو اولیوب بلکه منفعت ذاتیه ملاحظه سیله برابر در .
وهمده منفعت ذاتیه افاده ده تقدیم اولندیغی جهتله دها اقوادر .
واون بشنجی واون التجی آیتلرنده (مصره دخوللرنده
فرعون مصرک وکلاسی سارایی کوردکلرنده فرعونه نسا
ایدوب وحضرت ساره فرعون مصرک سراینه آلندی
وبوسبیدن ابراهيم چوق احسانلر ایلدی) مفادی اوزره
تصریح اولندیغی وجهله ابراهيم عليه السلامك منفعت
ذاتیه سی حاصل اولدی . ومع هذا قتلدن قورقمسی مجرد
بروهمدن عبارت ایدی . وخصوصیه تصریح
ابتدکاری کبی ابراهيم عليه السلام حضرت ساره یی ترک
ایتمکه راضی اولجه قورقمک هیچ بروجهی یوق ایدی .
ای اولی الالباب نظر انصاف ایله باقیکر هیچ بر عقل تجویز
ایدی که ابراهيم عليه السلام عیالک ایا دی اغیاره ترک
ونسلمنه راضی اولسون ومخالفت ومدافعه ایتمسون .
(نعوذ بالله) کوزکوره اهل وعیالک ترکده ادنی درجه ده
غیرتی اولان برآدم بیله راضی اولمز نره ده قالدی که حضرت
ابراهيم کبی صاحب غیرت وحیت برذات عالیشان منفعت

ذاتیه سنك ملاحظه سی وجانک هلاکندن قورقمسی سببیه
مدافعه ومقالله ایتمکسزین اهل یتیمی یداغیاره تسلیم ایتمکه
راضی اوله . بونک کذب صریح وبتهان اولدیغنده هیچ شبهه
یوقدر . (سودالله وجوههم) (۴) ینه مزخرفات
مزبورده نک ۹۲ و ۹۳) صحیفه لر نده (ابراهيم هاجری نکاح
ایتمده کاهکار اولماسی ممکن اوله مز زبرا انجیلده یازیلان
مسیحک) بدآدن خلق ایلیان جناب کبریا کندیلرینی ارکک
ودیشی اوله رق خلق ایلمشدر .
وبوسبیدن کشی انا وباباسنی ترک ایدوب زوجسنه یل پیدشور
وایکسی جسد واحد او لورلر (قولنی پک اعلی ییلودی)
واقع اولمشدر .
نه تحف مسخره لق . ابراهيم عليه السلام اولوالعزم
وشریعت مستقله صاحبی وعیسی علیه السلامدن برقاج یوز
سنه لر اول بعث اولمش برپیغمبر ذیشان ایکن وانجیلک یریو
زنده حالا هیچ بر اثری یوق ایکن عجب ابراهيم عليه السلام
حضرتلرینه حضرت عیسانک شریعتیه عامل اولق ندن
لازم کلیور ایمش . وبوشاشقین حریفک اعتراضی قانون
حاجت وعناد دن غیر قنغی بروظیفه یه تطبیق اولنه ییلور .
(۵) سفر تکوینک اون طقوزنجی بابنده اوتوزنجی آیتندن
اوتوز سکرنجی آیتنه قدر شو مألده یازلمشدر که (لوط علیه
السلام) صاغرده اوتورمغه خوف ایلدیکنندن اورادن
چی یقوب ایکی قزیله برابر طاغده برمغاره ده ساکن اولدیلر .
وبیوک قیز کوچک قیزه خطاباً بابا من اختیار اولدیغندن

ولایتندہ دخی بزى آله جق ارکک اولدیغندن اولاد ایدنک
ایچون کل بابامزه شراب ایچورهلم وانکله یاتهلم دیهرک کوچک
قیزی قاندروب وبایا لینه شراب ایچروب اول کیجه بیوک
قیز باباسنک قویننه کیروب یاتدی .

ولوطک (علیه السلام) نه یاتدیغندن ونه ده قالقد یغندن
خبری اولدی . وایرتسی کیجه منوال مزبور اوز ره کوچک قیزی
دخی یاتوب باباسنک اصلا خبری اولدی وقیزلرک ایکبسیده بابا لرندن
کبه قالوب بیوک-نک طوغوردیغی چوجغه مؤءاب تسمیه ایتدی
والی الان مؤءابیلرک باباسی اودر .

وکوچوکنک طوغوردیغی چوجغه عمون تسمیه ایتدی والی
الان عمونلرک باباسی اودر (انتهى)

وطریق اولیانک ۱۲۸ صحیفه سنده بو حالی نقل ایلدکن
صکره دیمشدرکه (لوطک) علیه السلام) حالنه اغلامق
لایقدر . و بز (یعنی پروتستانلر) تأسف ایلیوب ونفسه
اوزینه خوف وخشیت ایتدکن صکره لوطک (علیه السلام)
حالنه تجب ایدرز . اومیدرکه سادومک جیح شرورندن
پاکدامن اوله رق قالدی . حالبوکه طریق حقه سلوککنده
قوی وبلده مزبوره نک جیح نجاساتندن بری ایدی .

انجق طاغه چیققدن صکره کندیسنک اوزینه فسق غلبه
ایلدی . بویله برذاته فسق غلبه ایدنجه آرتق بلده ده
ومغاره ده فسقدن کیم امین اوله بیلور) انتهى مرخر فاته .
بز اهل اسلام اولادیرز که دلیل عقلی وقرآن کریمک
شهادتیه وآنلرک مسلملری اولان پسطریسک رساله ثانیه
سندن باب ثانیدنده لوط علیه السلام بار وصالح اولدیغنه

شهادت ایدرک مدح ایتسیله بوقصه کاذبه نک مقربا تندن
اولدیغنه اصلا شبهه یوقدر . وثانیاً شونی دیرز که زنا ایله
تولد ایلیان مؤءاب وعمونی جناب حق قتل ایتسوب کندی
اعتقاد فاسدلرنجه اوریانک زوجہ سیله داود علیه السلامک زنا
ایتسندن طوغان چوجفی قتل ایلدی . دیمک اولیورکه
بو شاشقینلرک عنندنه بشقه سنک زوجہ سیله زنا ایتک کندی
قیز لریله زنا ایتکدن دها اشددر . وبونکله برابر مؤءاب ایله
عمون اللهک مقبول قوللری اولدیلر . اما مؤءاب کندی
کتابلرینک شهادتیه عوبیدک باباسیدر . وعوبید دخی
داود علیه السلامک جدیدرکه والدہ سنک اسمی راعوث در .
وراعوث دخی اولاد مؤابدن اولدیغی جهته مؤایه در .
وهمدہ داوود وسلیمان وعیسی علیهم السلامک جداتنددر .
واهل کتابک زعملرینه کوره داوود وسلیمان علیهما السلام
ابن اللهدرلر . وعیسی علیه السلام خرسیتیانلرک زعم فاسدلرینه
کوره اللهک (حاشا) بریچک اوغلیدر وهمدہ اللهدر .

واما عمون متانک انجیلندن برنجی بابده تصریح اولندیغنه کوره
رحب-عام بن سلیمان عیسی علیه السلامک اجدادنددر .
ورحبعامک والدہ سی ایسه سفرملوک اولک اون در دنجی
بابنده تصریح اولندیغی وجهله اولاد عموندن اولوب عمونیه در .
ایمدی بودخی انلرک زعملرینه کوره اللهک بریچک اوغلنک
وبلیکه اللهک جداتنددر . بوجهته ولد زنا دیدکلری
مؤءاب ایله عمونک دها زیاده نه شرفلری اوله بیلورکه مؤءابک
بعض قیزلری انلرک زعملرینه کوره اللهک اوغلارینک وبلکه

اللهك يوك والده لری اولدی . وعمونكدخی بعض قیزلری
انلرك زعلرینه كوره اللهك بریجك اوغلنك و بلكه اللهك
يوك والده سی اولدی . و برده شوراسی جای دقتدرکه
بو ایکی يوك والده لك اعتباریله عیسی علیه السلامك نسبی
مؤاب وعمونه واصل اولنجیه مشار الیهك مؤابی وعمونی
اولسی لازم كلور . حاله بوكه سفر تورات المثنی نك یكرمی
او چنجی باندیه (۳) عمونی ومؤابی اولان كمسه ربك جماعتیه
كیریمیه . اوتجی دهرده اولسه بیله ایدار بك جماعتیه كیریمیه ل)
عباره سنده تصریح اولندیغی وجهله مؤابی وعمونی اولان
كمسه نك جماعت ربیه داخل اولسی ممکن دكل ایكن عیسی
علیه السلام نه وجهله جماعت ربیه داخل اولدی . وهمده
اوجاعتك رئیس سی اولدی . و بلكه انلرك زعلرینه كوره
اللهك بریجك اوغلی اولدی . اما دیه جك اولور لر ایسه
كه نسبك اعتباری بابا لر جهتیله اولوب انار جهتیله
اولدیغندن عیسی علیه السلام عمونی ومؤابی اولمز . جوابنده
دیرزكه بوصورنده اسرائیلی داودی سلیمانی اولماسی لازم كلور .
زیرا جناب مسیحك حقهده اوصاف مزبوریهك حصولی والده سی
اعتباریله اولوب پدری اعتباریله دكلدر . و اوصاف مزبوریهك
عدم اعتباری حالنده مسیح موعود اولماسی لازم كلور .
و اوصاف مزبوریه ایله اتصافی والده سی طرفندن اعتبار
اولنوبده يوك والده لری اعتباریله مؤابی وعمونی اولماسی
ترجیح بلا مرجحدور . و اشبهو سوال راعوث اعتباریله داود
وسلیمان علیهما السلامه دخی وارد اولور . انجیق بوجمعهده

برسوزی اوزاتمی . وب اصل قصهیه رجوع ایدرك شونی
دیرزكه پروتستان علماسی حالنه اغلادق لری لوط علیه
السلام اصلا شك وشبهه اولمیه رق دلیل عقلی و قرآن كرمك
شهادتلیله بو افرادن بریدر . و كندیلرینك مسلمانی اولان
انجیلك شهادتیه دخی بار و صالح و قدیس در .
فسبحان الله تعالی نه جسارت ونه حماقتدرکه اكثر اوقاتده مخمور
اولان سرخوش و اراذل ناسدن بیله مثلی ایشیدلیان بویله
برحرکت شنیعه بی اویله برذات عالیقدر و پیغمبر ذیشان افتر
ایتمكدن قانچمور لر . حاله بوكه دائماً سرخوش . بلغه مبتلا اولان
كمسه لر شهادت ایدر لرك انسان سه سرخوشلغی حالنده كندی
قیزلرینی اجنبیلردن فرق وتمیز ایدر . و شرابك شدندن
كندی قیزلریله اجنبیلرك آره لرینی فرق وتمیزه اقتدار قالمیجه
سرخوش اولان كمسهده جماع ایتمكه دخی اقتدار قالمز . و اگر
دیدك لری کی شراب انسانی بو مرتبهیه كتمورسه ایدی یهودیلر
ایله خرسه تی انلرك حاللرینه چوق تأسف ایدر زكه انالری وقیر
لری وقیر قرنداش لری اوغلار ندن و بابا لر ندن و قرنداش لر ندن
نصل قورتیله ییلور لر . خصوصیه خرسه تی انلرك حالنه ده
زیاده تأسف ایتمکدرکه اكثر اوقاتده سه سرخوش كز لر .
وشو كا دخی تعجب اولنور که قدیس مشار الیه برنجی کیجه
بو حاله مبتلا اولدقدن صكره ایتسی کیجه دخی مبتلا اولدی
دیور لر . مكر شویله دنیلورسه كه اللهك اوغلاری و بلكه الله
(حاشا وكلا) بعض قیزلردن طوغق واللهك بریجك اوغلنك
سلسله نسبهده داخل اولق ایچون بویله برا مرجیب قضاء

الهي اوله رق واقع اولمشدر . نعوذ بالله تعالى . حاله بکه
آحاد ناسدن بيله بويله بر امر عجيب واقع اوله جق اولسه
ايدى کمال حزن والمدن يريوزى کندينه طار کلوب نه پايه
جغنى بيلمز . قنده قالدیکه بر پيغمبر ديشاندن بويله بر حالک
وقوعى تجويز اولنه . يک لسان ايله بويله بر افترا دن قاچينورز
نعوذ بالله تعالى

{ تنبيه }

تطويلدن احترازا بوندن صکره نقل اولنه جق افترا لک محملارى
بيان اولنه رق اجمالاً نقل اولنه جقدر . تفصيلاتى مراد ايليان
محملارينه مراجعت ايلسون
(٦) سفر تکوينک يکرمى التنبى ببنده يازلمشدر که اسحق عليه
السلام جراره ده ساکن اولدقده زوجه سى غایت کوزل
اولديغندن قتل اولنماق ايچون باباسى کي يلان سويليوب
سؤال ايدنلره قير قيرداشمدر ديمش .

وطريق اوليانک ١٦٨ صيفه سنده اسحق عليه السلامک
يلان سويليسى سبيله (نعوذ بالله) ايماننک زوالنى بيان
ايلدکن صکره تأسف ايدوب اغلاقلرينى دخی بيان ايلش .
دردينه يانسون وارسون اغلاسون . بويله رذيل اعتقاد ده
بولنانلرى الله هيچ بروقت کولدر مسون .

(٧) سفر تکوينک يکرمى بشنچى ببنده يازلمشدر که (بروقت
يعقوب (عليه السلام) آش پيشورر ايکن ييولق قيرداشسى
اولان عيس آو دن يورغون کلوب پيشورر يلان طعامدن
کنديسنه ويرمى يعقوبدن تيار ايلدکده يعقوب بکا بکورتیک

(يعنى ييولک) حقی صات آندن صکره ويره يم ديمسى
اوزرينه عيس جوابنده اشته اوله جکم بکا يکورتیک فائده سى
بوقدر . دينجه يعقوب عيس ايتمى تکليف ايليوب اولدنى عيس
ايدرک بکورتينى صا تدى) انتهى

اشته باقىکراى اولى الالباب شو شاشيقن حريفلرک اعتقادلرينه که
اسحق عليه السلامک ييولک اوغلى عيسک دياتنى اويليوب
منصب نبوتک استحقاقنه سبب اولان بکورتينى برپارچه
اتمک ايله مر جک شور باسنه صا تمش . و برده يعقوب
عليه السلامک اصلا شفقت و مرحتى اويليوب قيرداشنىک
بلا عوض قارنى طيور مامش . (حاشا وکلا) بونک دخی
افترا اولديغى کون کي آشکاردر . بونى ادنى درجه ده اولوب
ديانتنى طائیان آحاد ناسدن برکسنه بيله قبول ايتن قنده قالدیکه
بر پيغمبر ديشان قبول ايليه

(٨) سفر تکوينک يکرمى يدنچى ببنده طول و دراز برقصه
کاذبه يازلمشدر که خلاصه سى (يعقوب (عليه السلام) منفعت
ذايته سيچون اوچ دفعه يلان سويلش . و بن سنک ييولک
اوغلاک عيسم ديه رک باباسى اسحق عليه السلامک آلدادوب
کنديسنه دعا ايتدرمش . و اشبوخده اسحق عليه السلامک
کوزلرى کورمديکندن کندوسنه تأثير ايلديکى کي (حاشا وکلا)
الله تعالى حضرت لرينه دخی تأثير ايلش . چونکه اسحق عليه السلام
عن صميم القلب عيسه دعا ايليوب يعقوبه دعا ايتدى .
انجق دعا ايتديکى وقت او غلارنى فرق و تميز ايدمه مدیكى
کي جناب حق دخی اجابت وقتنده فرق ايدمه ميوب عيسک

حقننده اید یلان دعایی یعقوب علیه السلام حقننده قبول
ایلمش (انتهی)

اشته بونک دخی صرف یلان اولدیغی ادنی ملاحظه ایله
معلوم اولور . تقریر و بیانیه اصلا حاجت یوقدر انجق مقامه
مناسب بر حکایه ایراد اولور . شویله که (بانوا) فرقه سندن
بر فاجر لعین اشکچینک برندن کند یسنک آغیر آتی ایچون براز
اوت استد یکنده اشکچی و پرما مش . اول فاجر دخی
طار یلوب (اگر ویرمز ایسه کین بواخشام دعا ایدرمده سنک
اشکک اولور دیه رک چیقوب کلش . و او اخشام کند
آتی اولمش . صبا حلین حریف او یقودن او یانوب آتک
حالی کورنجه باشی صالایه رق ایوا . ایوا بزم تکریملرک
تکریمکی اوزرینه ملیونلر جه سنه لر کجی حالبو که بووقته قدر
آت ایله اشکک فرقه دکل ایمش که بن اشکک اولسنه دعا
ایلمش ایکن طوتوب آتمی اولدردی) دیمش

اشته تورانده نقل اولنان قصه کاذبه بعینه بونک کبیر .
اگر بنی اسرا یل انبیاسنک پدر لرنک دیاتلری بوهر کزده
وجناب حقک علمی دخی دید کلری کبی اولسه ایدی منکرین
ایچون شونی دیمک واردر که انبیای بنی اسرا یلک جناب حق
ایله اولان معاملاتی بویله حیل و خدعه اوزرینه اولجه جائز که
عیسی علیه السلام دخی خلق دینه دعوت ایتک اوزره
کند یسنه معجزات و کراماته اقتدار و یرلمسنی دعا ایلمش .
انجق جناب حق صدق و کذب تمیز ایده مدیکندن حضرت
عیسایه اقتدار و یروب کند یفسنک ربویتی ایچون دعا

ایلمش واللهم بغی وعصیان ایلمش اوله . بومللاو امور واهیة
باطله دن یوز ییک لسان ایله جناب حقه استعاذه ایدرز
(نهوز بالله)

(۹) سفر تکوینک یکر می طقوزنجی باندده اوزون اوزادی به
بر قصه کاذبه یاز لمشدر که خلاصه سی یعقوب علیه السلام
طایسنک قیزی راحیله تعشق ایدوب زوجه لکه آلمق ایچون
طایسنه یدی سنه چویانلق ایلمش و تکمیل مد تدن صکره
طایسی لابان دوکون یاپوب راحیلک یوک قیز قمرنداشی کوزلری
آغریقلی لیبانی زفاف ایتدردی . زفافک ابرتسی
کونی یعقوب طایسنه طاریلوب بن سکا را حیل ایچون یدی سنه
خدمت ایتمش ایکنی الدادوب لیبی ویردک دیمسی اوزرینه
طایسی بزم مملکتده یوک قیزی یرمز دن اول کو چکنی
ویرمک عادت اولمدیغندن بواشی یایدم . راحیلی دخی
آلمق استرسه کیدی سنه ده خدمت ایتک اوزره برهفته
قدر صبر ایله ده آتی دخی ویرهیم دیمش و هفته باشنده راحیلی دخی
ویرمش) . تنهی اشته بوقصه نک یلان اولدیغی میدانده اولمسی
شویله طور سون ایکی وجهله کندیلرینه اعتراض وارد اولور

(۱) یقوب علیه السلام لابانک خانه سنده ساکن اولدیغی
هتله قزلر بیک ایکیسنی دخی یوزلرندن و جسملرندن و سسلرندن
طایق لازم کلوردی . باخصوص که راحیله عاشق اولمسیله
برابر لیسانک کوزلرنده ضعف وار ایدی . اشته بورا سی
شاشیله جق بر حالدر که بتون کیجه بریتاقده یاندقلری حالده
نصل اولدی ده طایمیدی . (۲) مکره و مجبور اولمیه رق

کنیدی اختیار یله قیز قورنداش اوله رق ایکی قاری وقار یلرینک
ایکی عدد دخی جاریه لرینی نفسه تزویج ایلدی . حالبوکه مسیحیونه
کوره درت دکل ایکی قاری یله تزویج ایتک ممنوع اولدیغی جهته
(حاشا) یعقوب علیه السلام اولاد لری و اولاد لری نك اولاد لری
ولد زنا اولمق لازم کور . باقی کنزای اولی الالباب بو حریر لری
قاعده فاسده و اعتقادات باطله لرینه که اکثر انبیای نبی اسرائیلک
ولد زنا اولد قلرینه قائل اوله یورلر . (حاشا ثم حاشا) یوز ییک
لسان ایله تبری ایدرز اما بزجه (یعنی اهل اسلام اعتقادینه
کوره) بوقصه نك کذب و صدقندن قطع نظرله شرایع سابقه ده
ایکی قیز قورنداشک نکاح و احد تحتده اولسی جائز اولد یغندن
و انبیای سابقه مقدم و شریعت مستقله اصحابی بو لند قلری
جهته هیچ بریسی عیسی علیه السلام مؤخر اولان شریعتیه
مکلف اولد قلرندن ایکی قیز قورنداشک نکاح و احد تحتده
جمندن اصلا بر محذورک لازم کلیه جکی درکاردر
(۱۰) سفر تکوینک او توز در دخی بابنده مفصل بر مقاله
کاذبه یازمشد که اجمالی حضرت یعقوبک قزی (دینا)
ولایتک قیز لرینی کورمکه چیقدیغنده پادشاهک اوغلی
(شخیم بن حور) دینی کورنجه تعشق ایدوب یانه آله رق
جتماع ایتکله ذلیل و کنده سنه دلنواز قلر ایش . و قیز دخی
شخیمه علاقه ایش . بعده باباسی حوره حالی بیان
ایدوب نکاح ایله آلمسی رجا ایشی او ز رینه باباسی یعقوبک
اوغلارندن طلب ایلدیکنده سستسز آدم لره قیز ویرمک بزم
عادتزدکلدر دیو جواب ویرد کلرندن پادشاه اراده ایدوب

اوغلی و بتون اهالی سنت اولمشلر و قیزی دخی شخیم آلمش .
و اوچنجی کونده هر کس سنت آغریسه یله یا تورکن یعقوبک
اوغلارندن شمعون ایله لاوی قیز قورنداشلرینه زنا اولندیغندن
طو لانی قلچلرین آلوب اول شهمرک پادشاهیه برابر نقدر
ارککلری وار ایسه کافه سنی قتل ایشلر . و یعقوبک دیگر
اوغلاری شهمرک کافه اشیا سنی و حیواناتی یغما و قیز لرینی
وقار یلرینی اسیر ایشلر . انتهى اشته یونک اساسا
یلان اولدیغی برقاج و جهله آشکاردر .
(۱) یعقوب علیه السلام اوغلاری برکشیدن انتقام آماق
ایچون بر بلده اهل بیتک کافه ذکورینی قتل و اعدام و نسوان
و صبیانی اسیر و اموائی نهب و غارت ایدرک ظلم ایتک و یعقوب
علیه السلام بر پیغمبر ذیشان ایکن و قوعندن اول اوغلارینی
بویله بر حرکت شمعونه دن منع ایتامک و صکره کندیلرینی حکم
شمرع ایله قصاص ایتامک و نسوان و صبیانی و اشیا یی
مغصوبه یی رد ایتامک و قصاص ایله رده اقتداری یوق ایدیه
بومللو خونریز ظالم لری رفاقتی ترک ایدوب آبرلماق عقل و نقله
مخالف اولدیغنده اصلا شبهه یوقدر . (۲) بلده مزبوره
اهالیسی سنت اولمده دن طولانی خسته اولد قلری هر نقدر
فرض اولنسه یله یالکر ایکی کتشی پای تخت اولان بر بلده
نك کافه اهل بیتی نصل قتل ایده یلورلر . هیچ بویله برشیعی
قنغی عقل قبول ایده یلور . (حکایه) حریرک بری حنه
چالمق ایچون بچه نك برینه کیرهش . بروقتدن صکره صاحبی
پیشوب سن بو راده نه آرا یورسین دیه زک چیقیشجه حریر

جوانده شدتلی روزگار اسوب بنی بورایه آندی دیمی
اوزرینه صاحبی هایدی اویله اولسون یا بولخه لری کیم
قوپاردی دیوسه وئال ایلدیکنده حریف بن یره دوشمامک
ایچون خنسلره صارلدمده قوپدیلر دینجه صاحبی هایدی
بودخی دیدیکک کبی اولسون یا شوخنه لری چواله کیم طولدردی
دیه رک سوال ایتسی اوزرینه حریف پوصله یی شاشیروب بن
دخی بونی تفکر ایده یورم دیمش . اشته بو حریفلرک تورات
دیدکلری تاریخلرنده یازیلان یلانلر طبقی بونک کیدر .

(۱۱) سفر تکوینک اوتوز بشتی باندی یازلمشدر که یعقوبک
یوک اوغلی رویل باباسنک اوطه لغیله یاتمش و بنی اسرائیل
دخی بونی طومش اتمی . های کیدی اوتانم کافرلر
پیغمبر دیشانه بو قدر افترا ایتک لایقمیدر . هیچ اوورمی که
بر پیغمبر اولادی کندی باباسنک زوجه سنه زنا ایلیه و یعقوب
علیه السلام صاحب شریعت ایکن نه اوغلنه ونه ده زوجه سنه
حد زنایی اجرا ایتیه .

وسفر مزبورک اوتوز سکرنجی فصلنده بیان اولندیغنه کوره
یعقوب علیه السلام آخر حیاتنده بو اوغلنه خیرایله دعا ایلش
(نعوذ بالله تعالی) بویله بردنائی آحاد ناسدن الک ادنا و جاهل
برکسنه نک قبول ایتیه جکی بر حال اولمسی شویله طورسون
بالفرض بویله برفعل قبیح برکسنه نک اولادنن صادر اولسه
ابدی اولادینک قتلندن بشقه برشی ایله متسللی اوله میه جفی
درکار ایکن نه جسارت ونه حماقتدر که صاحب شریعت
اولان بر پیغمبر دیشانه بویله براهر قبیح افترا واسناد اولنه .

فسبحان الله العظيم

(۱۲) سفر تکوینک اوتوز سکرنجی باندی فصله برقصه
کاذبه یازلمشدر که اجمالی یعقوب علیه السلامک اوغلی یهودانک
کلینی طول قالدقده دیکر اوغلی اونانه تزویج ایله وفات ایدن
قرنداشنه اولاد یتمشدر مسنی امر ایلش . اوناندخی قرنداشنه
نسل یتمشدر مامک ایچون قادینک یاتمه کیردیکه یره انزال
ایتدیکندن ربک غضبه اوغرایوب هلاک اولش . ایکنجی
دفعه اوله رق قادین طول قالدقده قابن پدیری یهودا ایله
زنا ایلیوب حامله قالدق بری فارض و دیکری زارخ نامنده
ایکی چوجق طوغرمش . اتمی نه تحف مسخره لق .
اولا شوراسی شاشیمه جق شیدر که نکاح ایله آلنان طول
برقاری چوجق طوغرمقده وفات ایلان قوجه سنک اولسی
لازم کلیور ایش . (ثانیاً) شمعون ایله لاوی بر بلده اها لپسینی
قتل ایلش و یهودا کلینی ایله (حاشا) زنا ایلش ایکن قتل
اولمیوبده اونان عزل منی سببیله طرف حقندن قتل اولمش .
نه عجایب عدالت . . (ثالثاً) یعقوب علیه السلام اوغلی یهودا
ایله زانیه اولان قادینه حد زنایی اجرا ایتدکدن بشقه تکدیر
وتعزیر ییله ایتامش . و بوندن بشقه سفر مزبورک قرق
طقوزنجی باندی اکلاشلدیغنه وره یعقوب علیه السلام
روییل و شمعونی ولاوی یی کندیلرندن صادر اولان کناهلردن
طولایی ذم ایلیوب یهودایی ذم ایتیه وب سکووت ایلش
وزیاده سبیله مدح و ثنا ودعای کامل و سائر قرنداشلری
اوزرینه ترجیح ایلش . نه غرب یلان (رابعاً) متی انجیلنک

برنجی باینده تصریح اولندیغی وجهله حضرت داود و سایان
و عبسی علیهم السلام با جمعهم اولاد فارض سه لاله سینه
داخلدرلر.

(خامسا) کندی اعتقاد فاسد لرینک اقتضاسی اوزره اوریانک
زوجه سیله (حاشا وکلا) زنا اولنه رق حاصل اولان حضرت
داودک اوغلی طرف حقدن قتل اولنوبده زنا دن حاصل
اولان فارض ایله زارخ قتل اولنماش لیر. دیک او لیور که
بوقوم ضاله نک اعتقاد لرینجه اجنبی برکسه نک زوجه سیله زنا
ایتمک کندی اوغلنک زوجه سیله زنا ایتمکدن ده اشد ایش
ند غریب اعتقاد. نعوذ بالله تعالی

(۱۳) سفر خروجک اوتوز ایکنجی باینده برقصه کاذبه
یازلمشدر که خلاصه سی جماعت بنی اسرائیل حضرت موسی
علیه السلامک طاغده اکلندیکنی کوردکارندن حضرت
هارونک یا نه جمع اوایوب بزی مصردن اخراج ایلیان
موسایه نه اولدیغنی بیلمدیکر ایچون قالدی بزه دلیل اوله حق
آلهلریاب دیدکارنده هارون زینته داترا اولان آلتونلرینی
طلب ایلمی اوزرینه جله جماعت خاتونلرینک قولاقلرنده
بولنان کوپه لرینی اخراج ایلیوب وسائر زینتلرینی دخی هارونه
تسلیم ایتملرله هارون آنلری اریدوب ربوزاغی یاپدی
و دیدیلر که یا اسرائیل سنی مصردن چیقاران آلهلر بولندر.
و هارون بونی کورنجه اوکنده برمنج یا پمش و ایرتسی کون
دخی بیرام ایلمسنی امر ایدرک سلامت قربانلری کسیلوب بیرام
ایلمش) انتهى

اشته بو عباره لرنده تصریح اولندیغی وجهله هارون تگری
دیه رک بو زاغی یایوب طایدرمش و قربانلر کسه دیروب بیرام
ایتمدرمش. حالبوکه سفر خروجک در دنجی والتنجی ویکرمی
در دنجی و سفر عددک اون سکرنجی بابلرندن و مواضع سائر
سندن ظاهر و باهر اولدیغنه کوزه حضرت هارون موسی
علیه السلامک شریعتنه تابع بر پیغمبردر و همده سفر خروجی
مطالعده ایدنله ظاهر اولور که فرعونک مقابله سنده صدور
ایلیان معجزاتک اکثریسی حضرت هارونک یدنده ظاهر
اولمشدر.

نه تحف ونه ردیل اعتقاددر بوکه پیغمبر طایندقلری بذات
عالیقدره بت پرستک افرا ایتمشدر. (حاشا وکلا) حضرت
هارون موسی علیه السلامک وزیر و معینی اولدیغنده هیچ
شبهه یوقدر.

کندی تکابلرنده تصریح اولندیغی کی قرآن کریمده دخی
حضرت هارونک وزیر و معین اولدیغنی مصر حدر.
(۱۴) سفر خروجک ایکنجی باینده یازلمشدر که موسی علیه
السلام بیود که قرنداش لارینک ایشلرینی کورمک اوزره
چیقوب مصریلردن بری بر عبرانی بی ضرب ایتمدیکنی کورنجه
اطرافه باقوب کوره جک هیچ برکسه اولدیغنی کورمه سیله
مصری بی قتل ایدرک قوملغه صاقلادی) انتهى. اشته بوقصه
لرندن اکلشلدیغنه کوره موسی علیه السلام عبرانینک اقربالغی
سببیلله بغیر حق مصری بی قتل ایش. حالبوکه قرآن جلیلک
خبر ویردیکنی کی عبرانی حضرت موسادن استمداد ایدوب

بنی بوظالمک الندن قور تار دینجه موسی علیه السلام مصری بی،
 قاقیویر مسیله مصری دور یلوب هلاک اولمش . دیمک اولیورکه
 موسی علیه السلام مصرلی قبطی بی قصداً اولار میوب خطااً
 واقع اولمش . وکتاب فقهیه ده بیان اولندیغنه کوره برکسنه
 دیگرینه توقات ویاخود آلت جارحه دن معدود اولیان برشی
 ایله اورسه ویاخود محل هلاک اولیان بریره قاقیویرسه
 ومضروب ایله قاقیلان وفات ایتسه ضارب ایله قاقان کسنه لر
 قاتل اولملر .

(۱۵) سفر خروجک در دنجی باینده پک غریب برقصه کاذبه
 یازاشدرکه خلاصه سی موسی علیه السلام طرف الهیدن
 خلق دینه دعوت ایتکه مأمور بیورلقدده موسی علیه السلام
 یارب سن ییلور سین که اونه دنبروبن آغر لسانلی اولدیغم جهنله
 بووظیفه نک عهدده سندن کله مام دیمسی اوزرینه جناب حق
 یاموسی انسانک آغزینی و دل سیزی و صاغری و بصیری
 و کوری برادن کیمدر بن دگلی یم .

ایمدی وار بن سنک آغزک ایله اوله یم . و سویلیه جکک
 سوزلری سکا اوکرده یم بیورنجه موسی علیه السلام یارب
 بکا لطف ایله ده کیمک ایله کوندیر ایسه نک کوندیر دیمسی
 اوزرینه موسی علیه السلام ربک غضبی شدتلشدی)
 انتهی .

اشته بوفاجر لک اعتقاد باطلرینه کوره جناب حق موسی
 علیه السلام اعانه ایتکی وعد و مطمئن قیلش ایکن موسی
 علیه السلام (حاشا وکلا) منصب نبوتدن استعفا ایلش

و کندوسنک اوزرینه غضبی مشته اولمش . آفرین پس
 یهودیلر کافه پیغمبران عظامه درلو درلو افتار ایتک آز
 کلدی ده موسی علیه السلامی دخی منصب نبوتدن عزل
 ایتدیکز . هایکیدى اوتانمز عارلانمز کافرلر . انشاءالله
 جزای سزاگری کوره جکسکر

(۱۶) سفر الاعدادک یکر منجی باینده اولکیسندن دها
 اغرب برقصه کاذبه یازلمشدرکه جناب حق (حاشا)
 حضرت موسی و هرون علیهما السلامه خطاباً سزینی
 اسرائیلک حصه ورنده بنی تصدیق و تقدیس ایتدیکز ایچون آنلره
 هبه ایتدیکم ارض مقدسه یه بوجا غنله داخل اولیه جقکز .
 و سفر توراۃ المثناک اوتوز ایکنی باینده یازلمشدرکه جناب
 حق موسی علیه السلامه خطاباً (حاشا) یاموسی بو (عبریم)
 طاغنه مؤاب ولایتنده (اریحا) مقابله سنده اولان (نابو)
 طاغنه چیق . و بنی اسرائیله میراث ملیکی ایچون و بردیکم
 کنعان ولایتنه باق . و اوچیققدیغک طاغنه وفات ایله .
 و کندو قوملریکه ارنحال ایله . نتکم قرنداشک هرون
 (هور) طاغنده وفات ایدوب قومه ارنحال ایتشدر .

زیرا سزینی اسرائیل آره سنده قادس غوغاسنک صولری
 یاننده (صین) بریه سنده بکا عصیان ایتدیکز و بنی اسرائیل
 اره سنده بنی تقدیس ایتدیکز . ایمدی بنی اسرائیله ویردیکم
 ولایت فرشودن باقوب ایچنه کیره میه جکسین) انتهی .
 اشته بو عباره باطله لرنده تصریح اولندیغنه کوره موسی
 و هارون علیهما السلام (حاشا وکلا) جناب حق تصدیق

و تقدیس ایستادن عادی اولمش وارض مقدسه به کیره کدن
محروم قالمش.

ای حیث ملعونلر بویله ردیل اعتقاد ده بوندیغکز حالد
حضرت موسی به ایمانز وارد دیرک دعوا به قالمشیمکز
عادتا بت برست اولدیغکزی اعلان ایدیکز .

(۱۷) سفر حاکمک اون التبی باینده طول و دراز غایت
مبالغه لی برقصه کاذبه یازلمشدر که اجالی شمسون بنی (غزه)
ده بر فاجره قاری ایله زنا ایلش صکره شوراق وادیسند
(دلایلا) نامنده بر فاحشه به علاقه و عشق ایلیوب هر وقت
خانه سنده کیدوب کلیمده اولدیغندن و کندیسی غایت قوتلی
اولوب و فلسطین اهلایسندن صایسز آدم لرتلف ایلیوب
هیچ بروجه له ضبط اولمسی ممکن اولدیغندن فلسطین
اهلایسندن کبراسی فاحشه مزبور به یک چوق عطیه لر وعد
ایدرك شمسونك نه ایله باغلا نیلوب ضبط اولمسی ممکن اوله
یله جکنی کندیسندن سوال ایتسی امر ایلری اوزینه فاحشه
بونی کندیسندن سوال ایتش و شمسون اوچ دفعه یلان
سویلمش نهایتده کندیسی زیاده سیله تضییق ایدوب سنی
چوق سورم دیور سین حالبو که بکا اوچ دفعه در یلان
سویلیور سین دیمسی اوزینه شمسون طینه میروب فاحشه به
اسرارینی فاش ایدرك بنم باشمک صاحبی تراش ایدر لسه قوتم
زائل اولوب عادی بر آدم اولورم دینجه فاحشه به فلسطین
کبراسنه خبر و یروب و شمسونی دیزلنده اویودوب بربری
دعوت ایدرك شمسونك باشندن یدی طوتام قیل تراش ایتسیله

کندیسندن قوتی زائل اولوب فلسطینلور له اسیر اوامش
وکوزلری چیقاره رق زندانه آتمش . و صکره برکون فلسطین
اهلایسندن ذکور و انات صایسز حسابسز خلق غایت
بیوک برقوناغه تمیج ایدوب شمسونی کتورده رک اوینا تمش
اواناده شمسون قوناغک ایکی دیرکنی طوتوب صالایه رق
دویروب کندیسی واوراده بولنا نلرک جمله سنی بر فرد
قورتمکسزین هلاک ایلش) انتهى .

حالبو که سفر مزبورک اون اوچنچی و اون در دنجی بابلرنده
ورساله عبرانیه نك اون برنجی باینده شمسونك بی اولدیغنه
دلالت ایده جک متعدد آیتلر وارد . (فسبحان الله العظيم)
بونه بیوک افترا و هذیاندر که طرف حقندن مبعوث پیغمبر
اولان بر ذات محترم بو خبیثلرک غروایتد کاری کبی بغیر حق
برچوق نفوسی تلف و زناده صکره ینه برچوق نفوس ایله
برابر کندی نفسنی تلف ایدرك قاتلی قاتل اوله . ادنی
درجه ده دیانتی اولان بر آدم هیچ بویله بر هذیان ایتمه که
جسارت ایده مزایکن (حاشا) پیغمبر اولان بر ذات محترم
بومللو خبیثلری ارتکاب ایده ییلورمی . وار تکاب ایلیان
بر آدم پیغمبر اوله ییلورمی الله عقل و انصاف احسان ایلیه .
(۱۸) سفر صموئیل ثانی نك اون برنجی باینده بر قصه کاذبه
یازلمشدر که اجالی داود علیه السلام (اوری) نامنده
برکسندک زوجه سنی طامده غسل ایدرکن کوروب غایت
کوزل اولدیغندن آدم کوندروب قاری بی کتورده رک
(حاشا ثم حاشا) زنا ایلش . آند صکره قوجه سنی

مخاربه به کوندروب اوراده جيله ايله اعدام ايتديره رك
قاري يي تحت نكاحنه آلمش . وديكر يابلرنده دخی مشار
ايله حضرتلری ايله اوغلارینك حق عاليلرنده برطاقم
عزویات یازلمشدرکه هیچ بریسـنك اصل وفصلی یوقدر
جمله سی یلاندر . وحتی (ص) سورة جلیله سنك تفسیرنده
قاضی بیضاوی حضرتلری نقل ایدر که حضرت علی
رضی الله عنه افندمر (اهل قصصك نقل ایتدکری وجهله
حضرت داود علیه السلامه افترا ایدرک اورایی مخاربه به
کوندرویده تلف ایتدیره رك زوجہ سنی آلدی دیوهر کیم
سویلر ایسه یوز آلمش جمله ضرب ایدرم) بیور مشلردر .
وبومادهك صرف یلان وافترا اولدیغنی تفصلاً بیلک استیالر
(ص) سورة جلیله سنك تفسیرنده فخر الدین الرازی
حضرتلرینك بختلرینی مطالعه ایتسونلر .

(۱۹) سفر الملوک الثالثک اون برنجی بابنده غایت مفصل
برقصه کاذبه یازلمشدرکه مجملی حضرت سلیمان علیه السلام
طائفة نسوانه زیاده سیله محبت ایلیوب هر درلو قباثلدن
وطرف حقندن اختلاطی منع اولنان بت پرستلردن دخی
متعدد قاریلر آلهرق ونهایت عمرنده قاریلر کندیسنی
(حاشا وکلا) آزدیره رق اللهه عصیان ایلیوب بت پرست
اولمش وجناب حقك غضبنه اوغراشمش . اشته بوقصهك
دخی صرف یلانندن عبارت اولدیغنی ادنی بر ملا حظه ايله
معلوم اولور .

واشـبو ذکر اولنان حکایات کاذبه ومفترياتدن بشقه پیغمبران

گرام حضرتانی حقنده دهاک چوق عزویات ومفتريات
یازلمشدرکه عقول سلیمه اصحابك قبول ایده میه چکی شی
اولمسی شویله طور سون صیدان و مجا نینی ییله خیرتده
براقه جفی شبهه سـزدر . وبویله یلانلری لسانه آلویده
نقل ایتك هر نقدر مستکره ومنفور اهل اسلام ایسه ده
ضعفای امتك اعتقادات اسلامیه لرینی محافظه ایتك ایچون
جناب کبریا حضرتینه استعاذه ایدرک ویوز یک لسان ايله
بومتللو مفتريات وكفرياتی اعتقاد ایتکدن تبری ایدرک
بر مقدارینك نقلنه مجبوریت حاصل اولدی .
(نتیجه) شود کر اولنان سکر امر دن تورات دیدکری
تاریخ جناب موسی علیه السلام حضرتلرینه نازل اولان
تورات شریف وحضرت عزرائك صـکره دن یازدیغنی کتاب
اولیوب بلکه یت پرستلرک یاز دقلری برکتاب اولدیغنی
کونش کی ظاهر اولدی . هیچ اولور می که پیغمبران
گرام علیهم السلام حضرتانی عباداللهک ارشادی ایچون
طرف الهیدن مبعوث اولسونلرده بوکفرهك افترا ایتدکری
وجهله عمرلرینی رضای الهینك خلافتنده صرف واستهلاك
ایلسونلر . عجبا بونی قنغی بر عقل سلیم صاحبی تسلیم
ایده یلور نعوذ بالله تعالی . وبرده جای دقت شوراسیدر که
جناب حق پیغمبران عظام حضرتانه کوندردیکی کتب
مقدسه عباداللهک دینجه ودیاجه اولان احتیاجاتی بیان
ایتموده رذالتهن بشقه ذره قدر هیچ برفانده سی اولمایان
برطاقم عزویات وافتراآت ايله طوب طولو اوله بیلمه سی

نه وجهله تصور اولنه بيلور . عادی بره مؤرخك كندیسنه
استاد اولمسی قبول ایتمه چکی برطاقم هذیانات ایله طو لدریلان
اوراقی کتب مقدسه در دهرک جناب کبریا حضرت تهرینه عزو
ایتک نه یوک حاق و جسا رندر . عجا بونک فوقنده
دها بر حاق و بلاهت اوله بیلورمی . وشوراسیده جای تعجدرکه
انبیای کرام حضراتی افعال واقواننده مقتدابه ایکن یلان
سو یلک وزنا ایتک و سر خوش اولمق و حقسزیره قتل نفوس
ایتک ودها بومللا و افعال نامرضیه نک کندیلرندن صدوری
نه وجهله تصور اولنه بیلور . و مبشار الیهم حضراتی
بو کفره فجره نک دیدکاری کی (حاشا وکلا) اولمش اولسه لر
ابدی تبلیغ رسالت خصوصصنده کندیلرینه کیم امنیت ایده
بیلوبده کتوردکاری دین و شریعتی قبول ایدردی .
(اخطار) مؤرخین اسلامیه دن بعضیلری جاهل اولدقلری
حسبیه حقیقت حاله واقف اولیه رق و سویلدکلرینی معیار
شمر عشریقه و عقاید دینیة اسلامیه به تطبیق ایتکسزین
علی العمیا تورات دیدکاری تاریخدن کییمسی عینا و کییمسی
دخی نامه . قول برطاقم تاویلات بارده ایله تاویل ایدرک
انبیای ذیشان علیهم السلام حق عالیلرنده برطاقم ترهات
یازمشلردر . انجق مأخذلری بسبتون یلان واکا ذیبدن
عبارت اولد یغندن اصلا نظر اعتباره شایان اولیوب
مطالعهلری ییله جائز اولدیغی اخوان دینه اخطار اولنور .
(تنبيه)

خلاصه اوله رق ذکر اولنه جق عقیده اسلامیه دعوالرینک

ادله سیله تورات دیدکاری تاریخده پیغمبران کرام علیهم السلام
حضراتنه اید یلان افتر آتاک صرف یلان اولوب هیچ
برسنده مستند اولدیغی غایت واضح بر صورنده میدانه
چیمقه جغندن اودین خائلمی کفره بخره نک ردیه طول و دراز
اوغرا شمعندن صرف نظرله (عقلو اولنله سیوری سینک
ساز اولور عقلی اولمیانله طاول زورنا آز اولور) ضرب مثلی
مفاد نجه عقلو و اهل انصاف اولانلرک و جدا نلرینه احاله
ایدرک بو مقدار ایله اکتفا اولندی (ومن الله العصمة)
والتوفیق)

(پیغمبران عظام علیهم السلام افندیلریمزک حق عالیلرنده
اولان خلاصه عقیده اسلامیه) (۱) دعوی * پیغمبران عظام
علیهم السلام حضراتنک هر برامور و خصوصصنده صادق
اولملری لازم و واجب اولوب بونک ضدی یعنی کاذب
ویلائی اولملری محالدر .

(۲) دعوی * پیغمبران کرام علیهم السلام هر برایشلرنده
امین و طوغری اولوب حرام و یا خود مکروه اوله رق طرف
الهییدن نهی اولندقلری بر فعل قبیحی ارتکاب ایله خائن
اولملری محالدر . (۳) دعوی * پیغمبران کرام علیهم السلام
خقه تبلیغ ایتک او زره مأمور دیورلدقلری احکام الهیه بی
زره قدر زیاده و نقصانسنر تبلیغ ایلیوب هیچ برشیی
صاقلاملری محالدر .

(۴) دعوی * پیغمبران کرام علیهم السلام حضراتنک
حق عالیلرنده مراتب علیه نبویه لرینک نقصانده مؤدی اولمیان

اعراض بشریه ایلہ ابتلا اولملری جائز اولوب اصلًا بر محمد نور
 بوقدر . خسته اولمق واکامائل اولان احوال عارضه کبی .
 (اما برنجی دعوانک برهانی) انبیای ذیشان علیهم صلوات
 الرحمن حضراتی صادق اولیو بده کاذب اولسه لر جناب
 واجب الوجود حضرتلرینک خبرنده کذب واقع اولمق لازم
 کلوردی . بوايسه قطعاً محالدر . بوصورنده کافه انبیای
 کرام جیع اقوالنده صادق اولوب کندیلرندن صدور کذب
 محال اولمق لازم کلور . (اماملازمه نکی یانی) یعنی پیغمبران
 عظام صادق اولیو بده کاذب اولسه لر جناب حقک خبرنده
 کذبک لازم کلمسی شونک ایچوندركه جناب کبریا حضرتلری
 انبیای کرام حضراتنه معجزات باهره احسانیلہ نبوتلرینی
 تأیید و تصدیق ایتمسی (بنم قولم طرف عزتمدن سزه هر نه
 که خبر و بر ايسه صادقدر) دیمک حکمنده اولدیغندن
 پیغمبران کرام صادق اولمق قلمی حالده جناب حقک (حاشا)
 کاذب اولمسی لازم کلور . تعالی الله عن ذلك علوا کبیرا .
 (ایکنجی دعوانک برهانی) پیغمبران کرام علیهم السلام امین
 اولیوب طرف الهیدن حرام و یا خود مکروه قلمنان برفعلی
 ارتکاب ایلہ خیانتک ایتسه لر حرام و یا خود مکروه اولان
 نسنه لک بزم حقمرده طاعته منقلب اولمسی لازم کلور . بونک
 ايسه محالیتی کونش کبی ظاهر و هویدا در . (اماملازمه نکی
 یانی) یعنی پیغمبران کرام امین اولمق قلمی حالده حرام
 و مکروهک طاعته نمولنک لزومی شونک ایچوندركه جناب
 واجب الوجود حضرتلری انبیای کرامک افعال و اقوالنه

افتدا ایتکله انسانلره امر بیوردی . حالبو که جناب حق
 حرام و مکروه قیلدیغی نسنه لک ایشلمسینی تجویز ایلہ امر
 ایتدی عقلا و نقلا محالدر
 (اوچنجی دعوانک برهانی) پیغمبران کرام علیهم السلام
 تبلیغنه مأمور قیلند قلمی جیع احکامی تبلیغ ایتیبده کتمان
 ایلہ تجویز قصور ایتش اولسه لرینه خیانتک ایتلری لازم
 کلور . و بونک دخی محال اولدیغی آنقاییان اولندی
 (در دنجی دعوانک برهانی) یعنی پیغمبران کرامک اعراض
 بشریه ایلہ متصف اولملرینک جوازی اجرلرینی چوغالتمق
 و امور مذکورنک مشروع اولمق قلمی یانی ایتک و دنیا
 دنیه نکی عند الهمیده خست قدرینه تنبیه و امتلرینی متسلی
 قیلتمق ایچون طرف ربانیدن ابتلا ایلہ کندیلرنده بالفعل وقوع
 و مشاهده اولمسیله ثابتدر . و بومثلاو امور ایلہ ابتلا اولملری
 حاشا که شان عالیلرینه بر تقيصه ایرات ایلہ . بلکه طرف
 حقندن ابتلا اولمق قلمی بلیاته صبر ایلہ قدر عالیلرینک نه درجه لده
 اولدیغی عقول سلیمه اصحابنه ظاهرا و له جفی وارسته قید
 اشتباهدر . (صلی الله تعالی علی نبینا و علیهم اجمعین)
 (بشنجی بحث مختصر جه برقاج دلیل ایلہ عیسویلرک عهد عتیق
 و عهد جدیدک الهامی اولمق قلمی دعوا یه محالدری اولدیغی
 بیاننده در)
 علمای مسیحیه نکی مشهور مؤلفلرندن (هورن) نام ذات
 کتابک جلد ثانیسنندن ید بیوز طقسان سکرنجی صحیفه سنده
 (اکهارن) نام مؤلف الهام موسایی معترف اولمسان

المانيه علماسندن بريسيدر ديهرك صراحة ذكر و بيان
ايلد كدنصكره سكر يوز اون سكرنجي صحيفه سنده (علمادن
شلزوران وزورن ملرود اكر جديس) نام مؤلفر حضرت
موسى ايچون صاحب الهام اوليوب بلكه كندوسنه منسوب
اولان كتب خسته نك مجموعى او عصر ك روايات مشهوره سندن
ديمشلردر (فقره لرني تصريح ايتش واشبوز عم فاسد
الآن المانيا علماسي يينلرنده غايت شايع اولمشدر . وينه
كاتبك صحيفه مذكوره سنده (يوسيف) نام مؤلف وكذا علمانك
بكار محققيندن هر قومدن صكره كلانلر جناب موسانك سفر
الخليفه يي مدينه قاين آتاسنك خانه سنده اقامتى اثناسنده
رعى غنم ايدر كن يازديغنه قائل اولديلر) ديمشدر . فتولك
علماسندن (وارد) ۱۸۴۰ سنه ميلاديه سنده طبع ايتدرديكي
كاتبك اوتوز سكرنجي صحيفه سنده فاضل مشهور (لوطر) ك
كاتبك خلد ثالثدن قرقجي و قرق برنجي صحيفه لر نده (بز
موسايه منسوب اولان كابلردن اوقيوب دكلمز و آلره دخی تقلید
ايتمز زيرا حضرت موسى انجق طائفة يهوده پيغمبر اولمشدر
و آنك بزه برشيده علاقه و مناسبتى بوقدر) ديديكنى روايت
ايتمشدر . وينه لوطر بر بشقه كاتبنده (بز موسايى و توراتى
تسليم و قبول ايتمز زيرا موسى عيسايه عدوا كبردر) ديو
يازلمش اولديغى كى مواضع سائرده دخی (موسى جلاد
وخونريزلرك استاد كامليدر) و (موسايه منسوب اولان
احكام عشره نك مسيحيو نه هيچ علاقه و مناسبتى بوقدر .
و موسايه منسوب اولان احكام عشره يريوزندن قالدبر لملى كه

دينانك هر طرفنه يازلمش اولان بدعتلر زائل اولسون .
زيرا احكام عشره مذكوره باجمعها بدعتلرك منيعيدر)
ديمشدر . وكندوسنك شاكردى اولان (اسلى پيس)
نام كسنه دخی شوا احكام عشره بالمله كايسالرده تعليم اولنمز)
ديمش اولسنك اوزرينه (انتى نوميس) فرقه سى (شوباطل
اعتقادي تلمذ مذكور ك كابلرندن آلوب قبول ايدر ك
اعتقاده بر بشقه فرقه اولمشدر . زيرا آنلر كتاب توراتك
كلام الله اولديغنه اعتقاد ايتك لايق اولمديغندن بجهله اكر
بركسه زانى و يافاجرو يا خود بر بشقه كاهى مرتكب اولورسه
او كسنه البته فلاح و نجات يولنه كتمش اولور . و بر كسه
هر نقدر بحر عصيانه طالوب بلكه قهرينه دك واصل اولسه ده
مؤمن اولديغى حالده فوت اولسه ينه اول كسه روضه
سرور و صفاده در . اما افكار و اقوال و اطوار و مشوارى
موسايه منسوب اولان احكام عشره به تطبيق ايدن كسه لرك
علاقه و مناسبتلى موسانك ذرىتى اولان شيطانلره اولمش
اولورديرلر) ديمشدر انتهى . اشته پروتستان فرقه سنك
امام و مقتداسى و آنك تلمذ صاحب رشد و ذكاسى اولان
ذاتلرك حضرت موسى ايله تورات حقنده نه سو يلد كارينه
نظر ايتلير . بونلرك امام و مقتداسى حضرت موسايى
و توراتى انكار ايدوبده اطاله لسانه تصدى ايتدكارى
صورته احكام عشره به مخالف اوله رق جناب حقه شرك
قوشمق و بلره طامق و ابوينه تعظيم ايتامك و قومش و لرينه
اذا وجفا ايتك و خرسرلق و زنا و قتل نفوس ايتك و بلان

شهادتده بولنق وزكات و برمامك و خنز پراتى و سائر مردار
شيلرى ييك پروتستان مذهبنده بولانلرك اركان دينلرندن
اولور . زيرا احكام عيسويه تبعيت اينموبده بولنره ينا بيع
بدعت ديدكلرى صـ ورتده خلافتنى ايشلمكده كنديلرى دىنجه
مكلف اولورل . و فرقه مذكوره دن بعضيلرى موسى
(عليه السلام) بزم عندمزرده نبى اوليوب بلكه تاسيس
قواندينه مقتدر بر عاقل ذات ايدى . و بعضيلرى دىنى
(حضرت) موسى بزجه خرسىزلق ايدر بر آ دم ايدى
ديرل . و بومقوله خيىللك اصلاحي خصوصنده دعا
اولدقده انجيل بوحنادن اونجى بابنك (بندن اول
كلارك جلهسى خرسىز و حرامى ايديلر و لكن قيونلر آنلرى
ديكلمدى) ما لنده اولان سكرنجى آيتى حضرت موسى ايله
سائر انبياي نبى اسرائيله اشارتدر ديرل . ينه مقتداى
فرقه پروتستان اولان لوطر (رساله يعقوب حقنده خس
وخاشاك قيانندن اولوب كتب الهاميه دن معدود اوله مز)
ديدىكى كى اشبو حوار بوندن اولان يعقوب رساله سنك
بشنجى بابنده محرر اولان (ايچكزدن بريكز كيفسىز اولديغى
وقت كلبسانك شيوخنى دعوت ايلسون تاكه آنك اوزرينه
دعا ايلسونلروانى تدهين ايتسونلر) مفادنده اولان عبارته
كاتبك ايكنجى جلدنده اعتراض ايليوب (اكر رساله يعقوب
يعقوب ديدكلرى حوارينك ايسه بن مقام اعتراضده ديهيلورمكه
اشبو حوارى كنديلكندن بر حاكم شرعى تعيين و تخصيص
ايدمه مز . زيرا كندى عنندن حاكم شرعى بى تعيين و تحديد

ايتك منصب جليلى يالكز حضرت عيسايه مخصوصدر)
ديدى انتهى . اشته يعقوبه منسوب اولان رساله امام
مرقوم عننده الهامى دكلدر .
وكذلك حوار يونك كندى كنديلكندن تخصيص و تحديد
ايتكلرى احكام دىنى الهامى اوله مز . زيرا حوار يونك
تخصيص ايتكلرى احكام الهامى اولور سه امام مذكور
حكم شرعى بى تعيين و تخصيص ايتك منصبى يالكز حضرت
عيسايه مخصوص صدر قولى معناىز قالمق لازم كلور . و ينه
علمائى نصارا دن (كللى مى شيش) نام مؤلف حوار بوندن
متى و مرقسك تحريراتلرى بكدىكرينه مخالف و متناقض اولوب
بعضاً اتفاق ايتكلرى صورتده مومى اليهمانك قوللرى لوقانك
قولى اوزره ترجيح اولور) ديمشدر . اشته بوسوزدن
ايكى شى اكلا شيلور (اولكيسى) قصص موجوده دن هيچ
برقصدده اتفاق لفظى اولمديغندن مرقس و متانك محررانندن
بعض مواضعده اختلاف معنوى بولمسيذر . (ايكنجيسى)
اشبو اناجيل ثلثه يعنى متى و مرقس و لوقا انجيلار ينك قول
مذكوره نظراً الهامى اوله مامسيذر . زيرا الهامى اولمش
اولسه لر برنجى و ايكنجى انجيلك انجيل ثالث اوزرينه ترجيح
اولمسي لازم كلور بوايسه ترجيح بلا مرجحدر . و ينه اسناد بختنده
فاضل (نورتن) طرفندن تأليف اولنوب ۱۸۴۷ سنه
ميلاديه سنده (پوستن) نام بلده ده طبع اولان كتابدن
جلد اولك ديباجه سنده ديمشدر كه . نصارانك معتقدوسندلى
اولان (اكهارن) نام عالم كتابنده (موجود اولان

انا جلمزدن پك چوق اجزاده قدما هنك اشتبا هلى او لوب
حقيقت حالى فصل و تميز ايتكه مقتدر اوله ديلر (ديدكدن
صكره ديكر بر محله دخی . (صحت حالى تحقیقه استعدادلى
اوليان اناس بو انجیلار ك ظهورندن برى ز ياده و نقصان ايله
و بر لفظى مراد فنه تبديل ايله مشغول او لوب شو حال ايسه
شايد تعجب برشى دكلدر . زيرا تاريخ عيساك ظهورندبرو
احوال مسیحیه و مواعظه دائر اوله رق بولد قلرى عبارده لرى
علمرينه كوره ناسك تبديل ايله كلكلى عادت مقررده
اولوب شوعادت و قانون طبقه ثانیه و ثالثه دن دخی اختیار
واجرا اولمشدر . قرن ثانیه ايسه دين مسیحیه مخالف
كورينان مسئله لده توقف ايلدكلى مشهوردر . و علمای
و تأييدن (سلسوس) ك عيسويلر اعتراض ايله انجیلارنى
اونج درت كره و بلكه ده از ياده مفهوم و مزایایى تغير ايدجك
صورته تبديل ايتمشدر ديمسى آندن نشئت ايتمشدر (ديو
يازمش . و كلينس نام عالم دخی (قرن ثانی او آخرنده
خلق انجیلی تحريف ايتديلر و متى انجیلانك بشنچي باندن اون
برنجي آيت بعض نسخه ده (ملكوت السموات انلركدر)
و بعض نسخه ده (كامل اولديلر) و بعض نسخه ده دخی
(انلر بر مقام بولورلكه اوراده ملامت كورمز) عبارده ليله
يازمش اولمى بيان اولنان تحريفدن ايجاب ايتمشدر ديهرك
ذكر ايتمشدر (كلامريني اكهارتك روايتى وجهله نقل و ايراد
ايتدكدن صكره ينه فاضل مومى ايله نورتن (شورأى يالكرز
اكهارتك رأيدر ظن اولمسون . زيرا المانيا علمای يبنده

آنك كتابندن دهها مقبول هيج بر كتاب بوقدر . و اناجيل
خصوصه صنده المانيا متأخرين علماسندن پك چوغنك رأيلرى دخی
آنك رأينه موافقدر . و اناجيلك صحتى حقه صنده الزامى
مستلزم اولان امور دخی بويله در (ديمشدر . (انتهى عباده
نورتن جملا) . اشته انجیلانك حاميسى اولان نورتن اكهارتك
كلامنى نقل ايلدكدن صكره كندزعى اوزره رد ايتمش ايسه ده
مطالعہ سندن مستباز اوله جنى و جهله بويانده شايد قبول
اوله جنى برشى ايتان ابدى مديكندن بشقه كندوسى دخی شو
انجیلاردن يدى موضعك محرف اوله رق صكردن الحاق و علاوه
اولنديغنى و اصل انجيل صاحبلى بنك كلاملردن اولمى يغنى
اعتراف و اقرار ايتمشدر (برنجيسى) انجيل متادن برنجى
وايكنجى بابلر متانك تصنيفى اولمديغنى كتابك اللى او چنجى
صحيفه سنده مصر حدر . (ايكنجيسى) متى انجیلانك بكرمى
يدنجى باندن (يهوذا الاسخريوطى) قصه سنده دائر اولان
او چنجى آيتدن اونجى آيتسه قدر مندرج اولان آيتلر بيلان
صكره دن الحاق اولمش اولديغنى كتابك التمش او چنجى
صحيفه سنده محرر در . (او چنجى ينه باب مذكور دن اللى
ايكنجى و اللى او چنجى آيتلر الحاق ايتدندر . (در دنجيسى)
مرقس انجیلانك اون النجى بابك طقوزنجى آيتندن بكر منجى
آيتنه قدر اون ايكي آيتك الحاق ايتادن اولديغنى كتابك بشنچى
صحيفه سنده درج ايتمشدر . (بشنچيسى) لوقا انجیلانك بكرمى
ايكنجى بابك قرق او چنجى و قرق در دنجى آيتلر بنك دخی
ملحق ايتدن اولديغنى كتابك سكسان طقوزنجى

صحیفه سنده یازمیشدر . (التجیسی) یوحنا انجیلک
 بشنی باندن (انلر صوبک تحریک اولمسنه منتظر اولورلر
 زیرا حوضه آره صره ملکر اینوب صوبی تحریک ایدرلردی .
 بوصورتله صوتجریک اولمدیغنی متعاقب حوضه کیم اینزایسه
 کندوسنه نه درلو علت عارض اولمش ایسه آندن قورتلوب
 شقایاب اولورل ایدی) . آللرینی شامل اولان اوچنی
 ودردنی آتیرک دخی الحاقیاتدن اولدیغنی کتابک سکسان دردنی
 صحیفه سنده بیان ایشدر . (یدنچسی) ینه یوحنا انجیلک
 بکرمی بدنچ باندن بکرمی دردنی ویکرمی بشنی آتیرک
 ملحقاندن بولمادیغنی کتابک سکسان سکرزنی صحیفه سنده نصربج
 اولمشدر . اشته صاییلان بدی موضع نورتنک عندنده
 کلمات الهامیه دن اولیوب صکره دن الحاق اولمادیغنی صراحة
 بیان واعتراف ایشدر . وینه محقق موی الیه کتابک التمش
 برنی صحیفه سنده (لوقانک معجزات مسیح حقنده اولان
 روایتلرندن ایکسنه بلان قارشمش و یازان کاتب دخی اکا
 برطاقم مبالغه شاعرانه ضم وعلاوه ایلدیکندن شوزمانده
 بلاندن طوغری بی فرق وتمیز ایتک غایت متعسر بولمشدر)
 دیدی اتسی . عجبا بویله بلان ومبالغه شاعرانه قارشمش
 اولان کتابک نه صورتله الهامی اولمادیغنی دعوا ایدرلر .
 (نتیجه) المانیا متأخرین علماسندن یک چوغنک مقبول ومختاری
 اولان اکهارتک کلامندن بومقامده درت امر ظاهر اولمشدر .
 (امراول) انجیلک اصل نسخه سنک غایب اولمیشدر) (امر
 ثانی) شمدی موجود اولان انجیللرده هم روایات صاقه وهم

روایات کاذبه نك بولمیشدر (امر ثالث) انجیللرده تحریفک
 وقوعی تحقق ایتسی اوزرینه علمای وثیقیندن سلسوسک
 (خرس) تیمانلر قرن ثانی ده انجیللرینی مضامین ومزیایسی تغیر
 ایده جک صورتده اوچ درت دفعه و بلکه دهها زیاده تبدیل
 ایتدیلر) دیوبار بار باغردقده هیچ بر جواب آلهما مسیدر .
 (امر رابع) قرن ثانیک انتها و قرن ثالثک ابتدالزنده اشوموجود
 اولان انجیللر حقنده بر کونا اشارت بولنمیشدر
 (نتیجه کلام) اشوتقریر اولنان ادله دن غایت واضح صورتده
 ظاهر اولدی که ایادی نصاراده موجود اولان اناجیل
 اربعه نه جناب حقل عیسی علیه السلامه انزال یورمش
 اولدیغنی انجیل شسریفدر ونه ده حواریونک تألیفلریدر .
 بلکه مجهول الاسم برطاقم کسه لک تألیفلری اولدیغندن اصلا
 شایان اعتماد وامنیت دکدرلر . وبونکاه برابر کندیلرنده
 اوامر ونواهییدن واحوال آخرت وامور عبادته دائر هیچ
 برشی بولمادیغندن وعبارهلرنده تناقض وتکاذب وتخالف
 وغلطات صایلقدن دهها زیاده اولدیغندن مطالعه لری بیله
 تضییع اوقاتی موجبدر .
 (تنبیه) تورات الیه انجیلک حاوی اولدقلری تناقض وتکاذب
 وتخالف وغلطاتی وعبارهلرینک رکاکتنی واحوال سائرهلرینی
 تفصیلاً بیملک مراد ایدنلر مشاهیر علمای هنددن رحمة الله
 دهلوی حضرتلرینک (اظهار الحق) اسمیله بنام اولان کتاب
 مستطابنی وامام قرطبی حضرتلرینک رد نصاراسنی مطالعه
 یورسونلر .

(مطلب رابع) اهل كتابك عندنده موجود اولان انجيلدار قرآن كريم ده خبر و برلديكي وجهله عيسى عليه السلام حضرت تارينده جبريل امين واسطه سيله نازل اولان انجيل شريف اولديغنه دليل اولق اوزره ذكر وتعداد اولسان امور بيانده دور . واشبو مطلب بش بحث اوزرينه ترتيب اولنوب برنجي بحث انجيلك مؤلفلري بيانده در معلوم اوله كه انجيل شريف حضرت عيسى عليه السلامه طرف آكهيدن نازل اولان بر كتاب جليلك اسميدر . انجق حضرت عيسى عليه السلام مدت دعوتى اوچ سنه يه قريب آز بر وقت اولوب وكنديس سنه ايمان ايدن حواريون دخی پك آزمسه لردن عبارت اولمسه يله برابر اكثر يسك اوقيوب يازملرى دخی اولديغندن دين عيسى لايقيه تقرر ايدده ميوب وانجيل شريف دخی اطراف عالمه منتشر اوله مديغندن حضرت عيسى عليه السلام سمايه رفع بيورلمسه يله برابر انجيل شريف دخی مفقور وناياب اولمشدر .

اما طوائف نصارانك يذرنده بولنوب (اناجيل) اربعه تسميه اولنان واساس دين اتخاذايتدكلرى درت عدد كتاب قرآن كريمده ذكر اولنان وجبريل امين واسطه سيله انزال بيوريلان كتاب جليل اوليوب بلکه حضرت عيسى عليه السلام سمايه عروجندن برخيلى زمانلردن صكره تاريخ وسيرنوعندن اوله رق تأليف اولندقلرى نصارانك كنيسا تاريخلرنده مسطور در . و برنجي مؤلفلرينك اسمى (متى) اولوب نصارانك روايت ايتدكلرينه كوره كنديسى حواريوندن

اولديغندن بعض احباينك طلب وائتماس لربله عيسى عليه السلام سمايه عروجندن بر روايتده سكر وروايت اخراده اون ابكى سنه صكره عيسى عليه السلام ولدتنى مابين (ميلاد عيسى) ناميله بر كتاب تأليف ايلمش . وايكنجيسنك اسمى (مرقس) اولوب نصارانك روايتده كوره كنديسى حواريوندن اوليوب بلکه حواريون ايله كورشمش بر كسنه اولوب عيسى عليه السلام حقنده كنديلرندن ايشتديكى سوزلرى مابين بعض احباسنك رجاليه تاريخ عروجدن بكرمى سكر سنه صكره بر كتاب تأليف ايلمش . و اوچنجيسنك اسمى (اوقا) اولوب بودنى كنديلرينك روايتلرينه كوره حواريوندن اوليوب انجق بعضيسنه يتيشوب عيسى عليه السلام حقنده ايشيده ييلديكى سوزلرى تاريخ عروجدن اوتوز بر وعلى روايه اوتوز ابكى سنه صكره بر كتاب تأليف ايلمش . و در دنجيسنك اسمى (يوحنا) اولوب بودنى نصارانك زعم وروايت ايتدكلرينه كوره حواريوندن اوليوب تاريخ عروجدن على روايه قرق بش وعلى روايه التمش بش سنه صكره عيسى عليه السلام احوالى وسوزلردن بعضيسنى مابين بر تاريخ يازمش . اشته بو وجهله بونلرك احوالى معلوم اولنجه اناجيل اربعه ديدكلرى كتابلر اهل اسلام ايمان وتصديق ايتدكلرى كلام الله اولان انجيل شريف اولدقلرى كون كى آشكار در . وبونكه برابر كتب مذكور مك پك چوق برلرنده تناقض واصل واساسسن بر طاقم عزويات ويلانلر بولنديغى جهمله اساس دين اولق شويله طورسون اصلاشاين سمع واعتبار اولدقلرى

دخی مطالعه ایلیانلرک معلومیدر . و برده اناجیل اربعه
مذ کوره پک چوق اختلافات و تناقض واصل و اساسی
برطالع اکاذیب و مفتر یاتی شامل اولدقلرندن کتب مذ کوره
اساس دین اولمغه لیاقتلری دخی شویله طور سون تاریخ
وسیر دیه رک مطالعه اولملری بیه تغلیط اذهان و اوهام
و خیالاتدن بشقه هیچ بر فائده بی مفید اولدیغندن عبث ایله
اشتغالدر . و عوام ناس حقنده عادتاً برسم مهملکدر . و اناجیل
مزبوره حواریونک تألیقلری اولوب اولدیغنده علمای مسیحیه
پک چوق اختلافلر ایشلردر . اشته اختلافلرندن بر نبذه جک
بیان ایده لمده اهل انصاف اولنلر عبرت آسونلر

{ ایکنی بحث متانک انجیلی حقنده
اختلافات علمای مسیحیه بیاننده در }

انجیل متی خرسثیانلر عننده اناجیل اربعه نک اقدمی اولوب
حالبوکه ایادی نصار اده الان موجود اولان انجیل مومی
الیه تک تألیفی اولوب اصل نسخه سی تبدیل و تحریف
ایدل کدنکره ضایع اولدیغی نصارانک کار علماسنک سوز لریله
مبتدر .

شویله که کافه قدما ایله اکثر متأخرین عیسویه نک رأی
و اتفاقلری اوزره متانک انجیلی عبرانی العبارة اولوب مؤخر
بعض فرقه عیسویه تحریف و تغیر ایتلریله اصل نسخه سنک
بسمتون احما اولدیغی محققدر . ته کیم (انسائی کلویید
یابرتینکاه) نام کتابک اون طقوزنجی باینده واقع اولمشدر که
(عهد جدیدک بالجمله کتابلری یونان لسانی اوزره یازلمش

وانجیل متی ایله رساله عبرانی نک لسان عبرانی اوزره تألیف
اولمش اولدیغی دلائل قاطعه ایله مثبتدر (لاردنر) کلیاتنک
جلد نانیسنده یوز اون طقوزنجی صحیفه سننده (متی انجیلنی
لسان عبرانی اوزره یازوب بعده هر کس لیاقت و اقتدارینه
کوره کتاب مذ کوری ترجمه ایش اولدیغی (پی یس) یازمشدر
عباره سی مصر حدر . اشته (هر کس لیاقت و اقتدارینه
کوره ترجمه ایشدر) عبارته سی انجیل مذ کورک پک چوق
کسسه لر طرفندن صور متعدده متفارته اوزره ترجمه
اولدیغنه بر دلیل صریحدر . حالبوکه اسناد صحیح ایله ترجمه
وجوده نک مترجی بیانمکجه و بیلمکد نصکره دخی صاحب
الهام اولدیغی یقیناً معلوم اولدقجه ترجمه ایتدیکی کتاب
نصل کتب الهامیده دن صایاوبده اساس دین اوله یلور .

مترجک صاحب الهام اولمسی شویله طور سون کنیدنک حالاکیم
اولدیغی معلوم اولدیغندن موثوق الکام و معتمد علیه اولمسی
بیله مثبت دکدر . یند (لاردنر) کلیاتنک جلد نانیسنده
یوز یتمشنجی صحیفه سننده (پاولوس ایله بطروس دوم
دیارنده وعظ و نصایح ایله مشغول اولدقلری ائشاده متی دخی
لسان عبرانی اوزره یهودیلره انجیلی یازمش اولدیغی
علمای مسیحیه دن (ارنیوس) دن نقل بیان ایشدر .

ینه جلد مذ کورک بشیموز یتیش دردنجی صحیفه سننده دخی
بو بایده (ارجن) ک اوچ فقره سی اولوب مذ کور فقره لر
(یوسیف) دن نقل اولدیغی در میان ایشدر . مذ کور
فقره لرک برنجیسی (متی لسان عبرانی اوزره انجیلی مؤمن

اولان یهودیله اعطا ایلدی (ایکنجیسی) متی اولانجیلی
 یازوب عبرانیله ویردی . او جنجیسی (ابراهیم ایلده داود
 علیهما السلام کت نسندن موعود اولان ذاته منتظر بولسان
 عبرانیله ایچون متی انجیلنی یازدی) وینه لاردنر جلد رابعک
 طقسان بشنجی صحیفه سننده یوسیف (دن روایت ایلده) متی
 عبرانیله وعظ و نصیحتلرینی ایفا ایدوب دیکر بر مملکتده
 عزیمتی تصمیم ایلدیکی ائشاده عبرانیله کندلی لسانلری
 اوزده انجیلی یازوب اعطا ایلدی (دیمشدر . وکذاک
 جلد مذکور کوز سکسان یدنجی صحیفه سننده ابی فانیسن
 نقل ایلده) متی انجیلی لسان عبرانی اوزده یازمش اولدیغی
 مئلاو عهد جدیددا؛ تخریرنده لسان مذکور دی منفرداً
 استعمال ایلان متی اولدیغی اثبات ایتشدر . وکتاب مذکور
 مواضع عدیده سننده ده بونک کی چوق اثباتلر واقعدر .
 و (هورن) تفسیرینک جلد رابعنده دیمشدر که کافه علمای
 معتد مین واکثر متأخرینک رأیلرنجه اپی ییسک انجیل
 مذکور لسان عبرانی اوزده یازمشدر دیدوکی قول مختاردر .
 و برده انجیل مذکور قنغی لسان اوزده جمع و ترتیب
 اولدیغنه دائر بین المتأخرین بیوک منازعه و اختلافلر
 وقوعبولمش ایسه ده اقوال قدما ده انجیل فلسطین اهالیسنه
 مخصوص اولان لسان عبرانی اوزده یازادیغی مصرح
 اولدیغندن بواختلافک دفع وازاله سیچون قدماک متفق
 علیمی اولان (متی لسان عبرانی اوزده انجیلی یازمشدر)
 قولک حاکم حاسم عد اولمسی لازمه که جگنی (دوالی

وردچر دمیت) تفسیرنده یازمشدر . قالدی که نسخه عبرانیتهک
 فقدانته حضرت عیسا ک الوهیتنی انکارایدن (ایونه)
 فرقه سی سبب اولوب ایشو فرقه نسخه عبرانیته بی
 (سیریا) کتبخانه سنندن آلوب استدکلی کی بعد
 التحریف (بروشالم و قعه سنندن نصره . بسبتون
 وجودنی محو ایتدکلی و عندالبعض ناصریلر و یاخود
 دین عیسایه داخل اولان یهودیلر طرفندن نسخه مزبوره
 تحریف ایدلمش و ایونه فرقه سی طرفندن دخی برچوق
 فقره لرینک اسقاط ایدلمش اولدیغی (هنری و اسکات)
 تفسیرینک جا معلری طرفلرندن بالا طرف بسط و بیان
 اولمشدر .

ایندی اقوال مشروحه دن اکلا شلادیغی وجهله بالمله قدماک
 اتفاقله متانک انجیلی لسان عبرانی اوزده یازیلوب نسخه سی
 دخی (جیروم) ک زمانه قدر موجود و معمول بها اولدیغی
 و مترجمک ایسه اسمی بیلده حالایلنه مدیکی وکذاک وردچر دمیتک
 اقرارلی اوزده بوباید اولان قدماک اتفاقاً فصل دعوا به
 سند قوی و هورن دخی قدماک اتفاقه معرف اولمسیله برابر
 (غالباً متی انجیلنی هم عبرانی و همده یونانی لسانلری اوزده
 یازمشدر) دیمسی دایم سز بر دعوی مجرددن عبارت
 اولدیغندن اصلاً شایان اعتبار دکادر . و برده دردیغی
 قرنده (مانیکیز) فرقه سنک علمای بنا مندن اولان
 (فاستس) نام ذاتک ذهابنه کوره متایه نسبت اولنان انجیل
 کندوسنک تألیفی اولوب بلکه مجهول الاحوال برکسنهک

تألیفی اولدیغی و المانیالی پروفیسور نام عالم دخی انجیل مذکورک
کافه موادی اختراعی اولدیغندن الیوم کتاب مذکورک حقیقه
مسیحیلرک حسن اعتماد و اعتقاد لری اولدیغنی بیان ایلمش
اولدیغی و انجیل مذکور (مارسیونه) و (ایونه)
(یونی تیرین) و (الیفسبس) و (ایمس) فرقه لری
نزدنده مسلم ایسه ده بولردخی برنجی و ایکنجی بابلرینک زائد
و الحاقی اولدیغنی اعتقاد ایلدکلری مثلاً (نورتن) دخی
هم بابین مذکورینی و همده انجیل مزبورک اکثری محللرینی
رد و جرح ایتمش اولدیغنی هزی و اسکات تفسیری جامعلرینک
سوزلرندن صراحة اکلا شلور (تیحه) اشته مقدمات
مذکوره دن اکلا شیلدیغنه کوره عیسویلرک الک معزز و مکرم
و اساس دین طوطدقلری کتابک اورمچک یووه سی قدر قوتی
اولدیغنی کندیلرینک کبرای علماسنک اقرارلیله ثابت اولدیغنی
کون کبی ظاهر اولدی . آرتق بویله برکتابک کوسره جکی
یوله سلوک ایدنلرک نه درجه لرده کراه و ضال و مضل
و آجینه جق برحالده اولدقلرینی اهل عقل و انصافی اولنلر
دوشونسونلر . . . (او چنجی بحث یوحنایه نسبت اولسان
انجیلک احوالی بیاننده در) اشبو انجیل دخی یوحناک تألیفی
اولدیغنی طوائف نصاری برسنند قوی ایله اثباته مقتدر
اولدقلرندن بشقه ایراد اولنه جق اموردن انجیل مزبورک
مؤلفی موی ایله یوحنا اولدیغنی اثبات ایدر (برنجی امر)
انجیل مذکورک ظاهر سبک و عبارده سی یوحناک بالذات
مشاهداتی تحریر ایتماش اولسنده دلالت ایدر . و برشی که

کندیسنده ظاهر حال شاهد اوله خلا فنه دلیل قوی اقامه
اولند قجه نظر قبول و اعتباردن ساقط اوله مز . (امرثانی)
انجیل مزبورک یکرمی برنجی بابک (بو اول شاگرد درکه بوکا
شهادت ایدر و بونی یازدی و بزلردخی بیلورز که آنک شهادتی
حقدر) مأکنده اولان یکرمی دردنجی آیتنده یوحنایه ضمیر
غائب ارجاع اولنوب اصل کاتب کندیسنی صیغه متکلم ایله
یاد و تذکار ایلدیکلرندن انجیل یوحناک کاتبی یوحنا
اولیوب بشقه بریسی اولدیغنی ظاهر اولور . و شوحاله
نظراً انجیل مزبورک کاتبی هرکیم ایسه یوحناک واقف
اولدیغنی منقولاتی حذف و علاوه کبی تصرفات ایله محو
و اثبات ایدرک انجیل مزبوری یازمش اولدیغنی اکلا شیلور
(امرثالث) انجیل مزبور یوحناک تصنیفی اولوب اولدیغنه
دائر قرن ثانیده ظهور ایدن اختلاف و انکار ائنا سنده
یوحناک تلامیذندن (پو اطبارب) ک شاگردی
(ادیوس) بر حیات اولدیغنی حالده استادن تلمی
و حفظ ایلدیکی شلردن الک ادناسنک تصحیح روایاتده کمال
اعتنای اولقله برابر انجیل مزبورک مصنیفی یوحنا اولوب
اولدیغنی بختنده الزام منکرینه اصلاً تصدی ایتماش اولدیغندن
کندیسنک بویله برامر عظیمده سکوت ایتمی و بوکا دائر
هیج برکونا مسموعات و روایاتی بیان ایلماسی انجیل مزبورک
تصنیفی یوحنا اولدیغنی بسبتون ظلام اشتباهده براقه جنی
برامر آشکاردر . حالبو که طائفه و نیمدن (سلسه-وسا)
نام کسنده قرن ثانیده (مسیحیلر انجیللرینی اوج درت دفعه


وبلكه دهها زياده معانيسي مختل ومبدل اولور. صورته تبديل
وتحريف ابتدايلر) ديوبار بار ياغير ايدى. و (مانى كيز)
فرقه سـنـك اعظم علماسـنـدن (فاستس) نام كسـنـه دخی
قرن رابعده انجيلك دفعاتله تحريف اولديغنىك تحقق وثبوتندن
بجمله بوعهد جديد (يعنى انجيل) نه مسيح عليه السلامك
ونه ده حواريونك تأليفيدر بلكه بونى بمجهول الاسم بر آدم
تأليف ايليوب ناسك اعتبارنى جلب ايتك ايچون حواريونه
وانلرك رفيقارينه نسبت ايتش و برطاقم اغلاط وتناقضى
حاوى كابلر تأليفيله عيسويلى زياده سيلاه اينجه مشدر ديهرك
فريادىنى عبوقه چيقارر ايدى. بويله برامى عظيمده نه ايچون
اختيار سكوت ايدوبده جواب ويره مديلر. شبهه يوق كه
اثباته اقتدارلى يوق ايدى. بويله برامى مذبذبى نصل اثبات
ايدى يلاسونلر.

(دردنچى بحث بعض اختلافات انجيل بيانده در)

حضرت عيسى عليه السلامك نسبي بختنده متى ايله لوقانك
انجيللرى برى برلرينه التى جهتهله مغايردر (۱) متى انجيلنده
حضرت يوسف يعقوب عليه السلامك اوغلارندن اولديغنى
مصر حاً بيان ايتش ايكن (لوقا) نك انجيلنده يوسف
عليه السلام (هالى) نك اوغلى اولديغنى اكلا شيلور (۲)
ينه انجيل (متى) ده عيسى عليه السلام سليمان ابن داودك
اولادندن اولديغنى مصر ح ايكن لوقانك انجيلندن مشار اليه
حضرت تالرينك ناثان ابن داود اولادندن اولديغنى اكلا شيلور
(۳) متى نك انجيلنده جناب مسيحك كافه آباء واجدادى

حضرت داوددن بابل منفيلكى زمانته قدر بتون سلاطين
مشهوره دن اولديغنى مذكور ايكن لوقانك انجيلندن اجداد
مسيح ايچره داود ايله ناثانن بشقه نه بر پادشاه ونه ده
مشهور بر كسـنـه نك اولديغنى اكلا شيلور (۴) انجيل متى ده
(شتايل يوحنا نك اوغلى اولديغنى مذكور اولوب
حالبوكه انجيل لوقاده موى اليه شتايل (نيرى) نك اوغلى
اولديغنى مسطوردر.

(۵) انجيل متى دن بابل پادشاهنك اوغلنك اسمى (ريصا)
ايدوكى ذكر اولمشدر. حالبوكه بابل پادشاهنك اسمى
اولادى اخبار ايامدن سفر اولك اوچنچى ايانده تعداد
اولوب انلرك ايچنده ايسه اويله ايهود وريصا اسملرنده
كسـنـه يوقدر. اشته شو حال زياده سيلاه شايان استغرابدر.
ديك اوليكو كه بونلرك ايكيپسيده ياكلشدر (۶) حضرت
داودك عصرندن جناب مسيح كنجيه قدر پكن فامليار
انجيل متانك بيانته كوره يكرمى اتى ولوقانك بيانته كوره
قرق اولوب مسيح ايله داودك آره لرنده مرور ايدن
زمانك يك سنه مدت اولديغنه باقلا ديغنى حالده متانك بيانته
كوره هر بر فامليانك آره سى قرق ولوقانك بيانته يكرمى بش
سنه اولور. شو ايكي بيانك بيننده اولان اختلافات ايسه
ادنى تأمل ايله ظاهر اولديغندن علمائى مسيحيه بوايكي انجيلك
يوم اشتهار لرندن شمدى به قدر بومقـوله اختلافاتنى
توجيه و تأويل خصوصـنده حيرنده قالب عاقبه الامر
برطاقم توجيهات و تأويلات ركيكه به مجبور اولمشدر كه



سوقاق چو چقلرينه **ك**وستر اسنه قهقهه ايله كولر .
 بونك ايچون محققين علمای عيسويه دن (اكهارين) و (كپسرو
 هيس) و (ديوت) و (ديز) و (فرش) كې ذوات اختلافات
 مذكوره نك قابل تاويل اولدقلريني اعتراف واقرار ايتلريله
 برابر بوكتابلرك معني جهتييله دخی نيچه اختلافاتي شامل
 اولدقلريني بيان ايتشلردر .

(فائده) اختلافات مزبور ه دن اكلاشه يلدیغنه كوره . متانك
 تأليف ايتش اولديغی انجيل لوقانك زمانده مشهور و معتبر
 دكل ايتش چونكه معتبراواش اولسه ايدي لوقانك نسب
 مسیحی بيان صد دنده يازمش اولديغی ابحاث علمای مسیحیه بی
 تحبرده برافه حق صورتده متانك يازدیغنه مخالف اولمسی
 نوجمله تصور اولنه ييلور . و شـ و اختلافی ازاله ايچون
 لوقانك هيچ برنی قال و قلمه آلامسی نه معنایه حمل اولنه
 ييلور .

(نتیجه) بويله عرب صاچی كې قارمه قار يشق كتابلرك
 الهامی اولدقلريني تصديق ايدوبده ذره قدر كندوسنده
 شائبه اختلاف بولمیان و معجز اولديغی كون كې آشكار
 اولان قرآن كريمك كلام حق اولديغنه اينانيمانلرك حقهنده
 نه سويللی . .

الله عقل و انصاف احسان ايلسونده دوشونسلر سوزندن
 بشقه برشی ديه مير . چونكه بويله احق آدملرك حقنده
 هر نه سويلنسه درجه حقاقلريني بيان ايتك ممكن اوله مر .

(در دینی باب كفره قريشك حضرت فخر عالم واصحاب
 كرامنه ايتدكلری ايذا وجنا بيانده در . واشبو باب درت
 فصل اوزره ترتيب اولنوب برنجی فصل نبوتك برنجی سنه
 سفدن بشنجی سنه سنه قدر وقوع بولان احوالی اجمالاً بيان
 ايدو جكدردر)

حضرت فخر رسالت خلق دینه دعوت ايدوب اصنام
 باطله لرینه تعرض ايتزدن مقدم (ابولهب و كعب) كې برقاج
 ملعون دن ماعد اسی حضرت فخر رسالتك چوق تعرض
 ايتزلردی . صكره جناب حق مشركينك طوطدقلری مساك
 باطل و اصنام عاطله لرینی تعيب و آباء و اجدادينك كفر
 اوزرينه كيدوب جهنمه معذب اولدقلريني اخبار يورنجه
 و (فاصدع بما توءمروا عرض عن المشركين) آيت جليله سيله كه
 خلاصه معنای مینفی ای حبيم طرف عزتمدن مأمور
 يورلديغك امر دعوتی اظهار و مشركيندن اعراض ايله ديمكدر
 مأمور يورلديغی وجهله ناسی آشكار اوله رق دين حقه دعوت
 ايتككه باشلا نيجه كفره مرقومه عداوتلريني تشديد و اظهار
 ايدرك خاطر او خياله كلييه جك وار اذل ناسدن بشقه مكسنه
 نك قبول ايتيمه جكي درجه لرده حقارتلره قالشديلر . اشته
 ايتدكلری حقارتلردن برنبه نده جك بيان ايدو لم كه هر كس
 منصفانه وجدانسه مراجعت ايدوب ايشی محاكمه ايتسونده
 (سيف ايله دینه دعوت ايتك اولورمی بو قدر قان دوكتك يازق
 دكلیدر) كې برطاقم ياوه كولقلره فيلسوفان صانه رق اشكك
 ايتاملیدر . و دين اسلامك نه يولده تشكيل اولنوب وجوده
 كلدیكني اكلامیدر . حضرت عایشه صدیقهدن مرویدر كه

(ابولهب و عقبه) فاجر پیلدلی بر طاقم نجاستلر جمع ایدوب
حضرت فخر عالمک یولی اوزرینه دوکرلردی . حضرت
فخر عالم خانه سعادتندن چیقدیغنده غضب ایتیموب قول لین
ایله (یانی عبد مناف بونصل قومشولقدرد) دیر و دوکدکلی
نجاستلری یول اوزرندن دفع ایدردی . و برده حج موسمنده
خلقی ایمانه دعوت ایدوب (یا ایها الناس قولوا لا اله الا الله
تفلحوا یعنی کلمه منجیه توحیدی سویلیه رک ایمان کتوریکزکه
فلاح و ظفر بوله سکز) یوردقلرنده ابولهب خبیثی قومیه
برابر آردندن طاش آتہ رق و مکہ به کلنله خطاباً ای قوم
محمدن (علیه الصلوة والسلام) اعراض ایدیکز صقین انک
فتنه سیه مفتون اولیه سکزکه محمد (علیه الصلوة والسلام)
ساحر در . و کاه شاعر و کاهن و مجنوندر دیرک سید کائناته
جور و جفا ایدرلردی . حضرت فخر عالم افندمن کفار
خاکسارک بو اوضاع نا بچارلندن هر نفدر متأذی اولورلر
ایدیسه ده ینه صبر و حلم ایله معامله ییوروب امر دعوتده
ثبات کوسلردی . و حق جل و علا حضرتلری دخی کفار
قریشی تکذیب و حبیب ذیشاننی متسللی قیلار آیات جالبه
ارسال یوردی . سعید بن جبیر حضرتلرندن مرویدر که
حضرت فخر عالم افندمن خلقی آتہ کاره دینه دعوت یوروب
کفار قریشک اصنام باطله لینه تعرض ایتدکن صکره
حج موسمی یئتشدکده (ولید بن مغیره) خبیثی که قوم قریشک
اک عقللر و اک اختیارلری ایدی . رؤسای قریشی جمع
ایدوب (ای قوم موسم حج کادی . اطراف و اکنا فدن قبائل

عرب کلوب که به بی زیارت ایده جکر در . حالبوکه محمدک
(علیه السلام) صیت و شهرتی ایشتملردر . بهمه حال یاتنه
واروب سوزلرینی ایشیده جکر و کوکلرینه دخی میل و محبتی
دوشوب دین اسلامی قبول ایده جکلردر . صکره بزم ریاستمزلک
کیده جککنده هیچ شبهه یوقدر . ایدی بو خصوصده برفکر
و تدبیر ایتلیسکز . و محمدی (علیه السلام) برنسنه ایله مهم
قیلملیسکز که قبائل آنک سوزلرینی ایشتملرکنده میل ایتیموب
متنفر اوله لر . وجهله کز دخی متفق الکلم اولوب بشقه بشقه
سویلیوبده بری بریکزی تکذیب ایدرک سوزکرده تناقض
ایتملیسکز) دیدوکننده رؤسای قریش ملعون من بوره
خطاباً (یا ابا عبد الشمس سن برفکر و تدبیر ایله ده بزا کا
متابع ایدوب بالاتفاق انجق اوسوزی سویلیه لم) دیرینه
جواباً خبیث من بور (سز سویلیکرده نه یولده تدبیر ایده
جککزی اکلا به لم) دیمسی اوزرینه رؤسای قریش
(کاهندر دبه لم) دیدکلرنده ولید (والله محمد کاهن دکلدر
و سویلیدیکی سوزلر اصلا کاهن سوزلرینه بکره من . سز
بو یله دیسه کز حجاجک نظر دقتلرینی جلب ایتیش اولور سکز .
دینجه رؤسا (مجنوندر دبه لم) دیدکلرنده ولید (محمد مجنون
دکلدر . و سوزلری قطعاً مجنون سوزلرینه بکره من . و بوبله
بر مجنون کورلماش و ایشدلماشدر . بونک یلان اولدیغی
ادنی ملاحظه ایله معلوم اولور) جوابی اوزرینه رؤسا
(ساحر و یا خود شاعر در دبه لم) ولید ولید (والله محمد نه
ساحر و نه ده شاعر در . چونکه بز شعری پک کوزل ییلور ز

انجق محمدك سو بلبكي سوزلري هيج برعزك سويلكه قطعاً
اقدار من اولديغى كى شمدى به قدر دخی بويله فصیح و بلیغ
سوزلر سو بولمامشدر . و ساحر لری دخی ییلورز . اما
بو وادیده ادای کلام ایتملری هيج بر وقت وقوع بولمامشدر .
والله محمدك كلامنده اويله برحلاوت وارد که هر شینه غالب
اولور . و کندیسيله فصاحت و بلاغته هيج برکسه مقاومت
مقدردکلدر . و حسب و نسبك شرفی دخی هر کسك معلومیدر .
ایندی محمدك حقنده هر نه سويلر ايسه كیلانجی اولديغری
جمله سنك اكلايه جقلرنده شبهه بو قدر) جوانی و برنجه
رو سا (ای ابو عبد الشمس البته سن بو بایده برتد بیر ایدوبده
چاره سنی بولمبسن) دیهرك نیاز ایتدکلرنده و اید بر مقدار
تأمل ایتدکدن صکره (ای قوم حجاجه محمد ساحر لره بکزر .
چونکه کندیسنده بر طاقم سوزلر وارد که بابا و آ نای او غلدن
و قرندا شی قرندا شدن و اقربایی اقر پادن تفریق ایدر .
صقین کندیسيله کور شما لبسکر دیمکدن بشقه چاره بو قدر)
دیدى . عروة بن الز بیر عبد الله بن عمرو بن عاصدن کفره
قربشك حضرت پیغمبره ایتدکلری ایدنا و جفالردن قنغیسنك
دهاز یاده اولدیغنی سؤال ایلدیکنده عبد الله بن عمرو جو ابنده
بر کون اشراف قریش حجرده جمع اولوب (محمد بزه شتم
ایده بور و دینزی تعییب اید بور و جاعتمزی تفریق
ونکر بلرمزی سب اید بور . بونه عجیب و غریب بر حالدر که
بز سسمری چیقار میوب آنی کندی حاله براقیوز . بونك
بر چاره سنه باقلى بز) دیهرك سويلشور لکن سید عالم حرم

قبوسندن کیروب استلام رکن ایتدکدن صکره طوافه باشلادی .
ائشای طوافده آنلرک یانندن کچد یکنده لایق اولمیه جق
صورتده تعریضاته قالدیشوب اول قدر فناسوزلر سو بلبیلر که
اول سوزلرک اثر کرا هتنی جمال مبارکنده مشاهده ایلدم .
ایکنجی و او چنجی طوافنده دخی اول مقوله لایق سسز سوزلر
تفوه ایلدیلر . انجق او چنجی دفعه سسزنده حضرت فخر عالم
طوروب (ای معشر قریش سوزیمی دیکلیمکز . اول
ذات اجل و اعلى حضرتلرینه قسم ایدرمکه محمدك جانی آنك
قبضه قدرنده در . اگر ایمان ایتر ايسه کز سزی بوغازلرم .
صانورده سیکر که ایتدیکر نخبائتلر یانکره قاله جقدر)
پیور مسيله کفار قریشك بوغازلری صیقلش کبی اندا ملرینه
لرزه دو شهرک تملق ایتکه باشلادیلر . واک زیاده طعن
و تشیع ایلیمان کافرا یاغه قالقوب رفق و ملائمتله (بابا القاسم
کیرو دون ایشیکه باق سن بر جاهل آدم دکلسین بزه او بعه)
دیهرک غضب رسول اللهی تسکین ایتکه قالقشدی . حضرت
فخر عالم دخی کیرو دونوب طوافی اتمام ایلدی . ایرتسی کون
ینه کفره قریش محل مز بوره طوپلانوب مشاوره به
باشلادیلر . شویله که (دونکی کون محمد بو قدر طعن و تشیع
ایتدک انجق غضبه کلوبده بزه چیقیشمه قورقوسندن جمله مزك
دیلی طویلوب معارضه ایتکه قادر اوله مدق . بزه پایدیغی
ایش نه ایدی . اگر بوکون کندیسنی کوره جك اولور ايسه ك
نه پایه جغری ییلورز) دیرکن حضرت فخر رسالت قیودن
ظاهر اولوب طواف ایتکه باشلینجه کفره مز بوره غیظ

و غصب لرندن جمله سی بردن اوزرینه هجوم ایدوب (یا محمد بزم
تکر بلرمرکز حقه ده سوز سو یلیان سنی سین) دید کلرنده سرور
عالم افند مز اوت اوسوز لری سو یلیان بنم . و بوندن صکره
دخی سو بلیه حکم . پیور مسی اوزرینه ایچلرندن برکافر
آیلوب ردای شریفنک اتکندن طوته رق مبارک بوینونه
طولادی . و اول درجه چکدی که نفسی طوتیه یازدی
ابدی . حضرت ابا بکر الصدیق اورا ده بو لئوب بو حال
کور مسیله فریاد و فغان ایله آغلیه رق (ای جماعت قریش
بنم تکریم اللهدر . و بن سسزه ر بکزدن دلائل واضحه
کتوردم . دیان ذات اکرمی قتلی ایده جکسکز) پیور مسی
اوزرینه کفار خاکسار حضرت فخر عالمدن ال چکوب ابو بکره
هجوم ایتدیلر . و مبارک باشنی یار نجه یه قدر دو کدیلر .
جابر بن عبدالله حضرت تلرینک روایتنه کوره کفره قریش
کوندن کونه اهل ایمانک ترقیده اولدقلرینی کورنجه نه پایه جقلرینی
شاشیروب هر کون اجتماع ایدرک برردر لو افساد و تزویره
قالقشدقلری مثلاً برکون دخی ایچلرندن بر طاقی قالقوب
(ای قوم ایچکزده زیاده سحر و کهنات و شعر ییلن کیم
ایسه میدانه چیقسون آنی محمد کوندره لم که مباحنه
و معارضه ایلسون و کندوسنی بود عوادن دوندرسون)
دیملری اوزرینه (عتبه ابن ربیع) دید کلری خنزیر قالقدی .
قریش دخی آنی تنسب ایدوب کوندردیلر . کافر مزبور
حضرت فخر عالمک حضورینه کلدیکنده سوزده باشلابوب
(ای قرنداشم اوغلی سنک نسبک بر مرتبه ده عالیدر که

سن ییاورسن . انجق سن قومک آره سنده بر امر عظیمه
قالقشدک که جماعتک تفریقنه باعث اولدک . و قومک
معبود لینه طعن ایتدک . و آباء واجدادینک تکفیرینه
قائل اولدک . و بزی عرب میاندیه بر مرتبه رسوای ایتدک که
قریش آره سنده بر ساحر و کاهن پیدا اولمش که بابا و آنابی
اوغلدن تفریق ایدر دیو کسب شهرت ایتدک . بوا مره باعث
داعیه شهوت ایسه استدیکن قیزی سکا نکاح ایده لم . بوق
احتیاج و فقر ایسه سکا اولقد مال جمع ایده لکه جمله مزدن
زنکین اوله سین . و اگر بود عوادن مرادک بزه پادشاهلق
ایتمک ایسه سنی پادشاه انخاذایده لم . و اگر دفعنه قادر
اوله مدینک بر خواب و خیال ایسه سکا . عالجه ایده جک
بر طبیب حاذق کتوردم . و هر نه مصارف اولورسه
بزویره لم) دیهرک بر طاقم مقدمات باطله سندن صکره
سید رسل کافر مزبوره خطاباً (ای عتبه سوز یکی تمام
ایتدکی) سؤالنه جواباً خائن مزبور (تمام ایتدم) دیمسی
اوزرینه حضرت فخر عالم افند مز بسمله شریفه بی
کتورد کدنصکره سجده آیتنه قدر (فصلت) سوره
جلیله سنی اوقودی . و عتبه دخی اللربنی آرقه سنه قوبوب
تمام دقت ایله استماع ایلدی . بعده عتبه یه توجه ایدوب
(یا ابا الولید اشته ایشته بکنی ایشته دک . شمدی استدیکنک
یره کیت) پیوردیلر . کافر مزبور غوغون اشک کبی
قولاقلرینی صارقیده رق ما یوسا قومک یانلرینه کیدرکن
قوم والله عتبه نک کلپشی کیدیشنه بکره میور لونی متغیر

اولش دیدیلر . نهایی الامر عتبه یا نارینه وارد یغنده (ای
جماعت قریش بو بابده نافله یورغو نلق چکیمیز و الله محمددن
بر کلام ایشتمدم که هیچ بروقت مثلنی ایشتمامیشم . خدا
حقیقون اول کلامک شـ عروسـ و کهنـه هیچ مناسبـتی
یوقدر . ای گروه قریش بنم سـوزیمی دیکـیکـ محمد
اصـلا تعرض ایتیموب کندو حال اوز ره براقیکز . لات
وعزایه عین ایدرمکه محمدک کلامک شان عظیمی واردر .
اگر سائر قبائل عرب کندیسـنه غالب کاورسه سـوزدن
بو غائله بی دفع ایدوب قورتیلورسکز . واکر محمد آنره غالب
اولوب سلطنته ایریشورسه قرابتکز جهنمه قومک الک
سعادتلوسی اولورسکز) دیمسی اوزرینه قوم (ای ابو الواید
لات وعزایه عین ایدرز که محمد سـکا سحر ایتشد . دیملرینه
جواباً (عتبه) بن معقول و مناسب کوردیکیمی سوبلدم سـز
استدیکیمز کبی حرکت ایدیکز دیدی . بونک اوزرینه
کفره قریش تیقن ایتدیلر که مباحنه و معارضه ایله غلبه
ایدوبده رسول اکرمی دعواسـندن و بتلرینه طعن وتشیع
ایتمکدن و از چکورمک ممکن اوله میه جقدر . آندنصـکره
دها زیاده ایذا واضرا ده سعی ایتمکه قرار و یروب (محمدی
واصحابی هر نره ده بولور ایسه ک الیزدن کلان تعذیب
و تنکیلی ایتلی یز) دیدیلر . و دیدکلرینی اجرایه قالشیدیلر .
ته کیم عبدالله بن مسعود حضرت تلرندن منقولدر که برکون
سرور عالم افندمز حرم کعبه ده نماز قیلار ایکن ابو جهل
لـعین قریشـدن بر طاقم کفره ایله کلوب و اول حوالیده

بو غازلوب قارندن چیقان بردونه قانلی و نجاستلی مشیمه سی
طورر ایدی . لعین مزبور قومنه خطاباً (شو مشیمه بی
آلوبده محمد سجده یه وارد یغنده آرقه سنه هر کیم آتارسه
کندوسـنه احسان ایدرم) دیمسی اوزرینه (عقبه بن ابی
معیوط) ملعونی اول مشیمه بی آلوب حضرت فخر عالم افندمز
سجده یه وارنجه مبارک آرقه سنه آتدی . و حضرت فخر رسالت
اول موضع مبارک مشیمه نک دوشمسی استمد کلرندن سجده ده
توقف ایدوب قالمیدی . و اول ملعونلر دخی آرقه سی
اوستی یاتهرق قهقهه ایله کوللردی . ابن مسعود حضرت تلری
دیرکه او آرائق بن اوراده بولندم انجق کفره نک شرلرندن
خوف ایتدیکمدن هیچ برشی سو بلیه مدم . و حضرت فخر
عالم افندمز اول حال ایله سجده ده قالبوب تا کیم برکشـی
فاطمه الزهری حضرت تلرینی اول حالدن خبردار ایدرک کلوب
اول مشیمه بی مبارک آرقه سـندن بیابانه آتدی . حضرت
فخر رسالت نماز دن فارغ اولنجه مشرکـکـینک نمازه
ایندکلری حرم سـزلکدن طولابی مبارک اللرینی قالدیروب
اوج دفعه تکرار ایدرک (اللهم علیک بقریش) دیرک
اجالاً علیهلرینه دعا ایلدکدنصـکره تفصیل ایدوب (اللهم
علیک بابی جهل بن هشام وعقبه بن ربیع و شیبه ابن ربیع
وعقبه ابن ابی معیوط و ابی بن خلف و امینه بن خلف و عماره
بن الواید) یوردیلر . راوی ابن مسعود حضرت تلری
دیرکه (خدا حق ایچـون اول کون رسـول کبریا اسملرینی
تعداد ایدرک علیهلرینه دعا ایتدیکیمی کفره فجره نک جله سنک
بدر غراسـنده قتل اولندقلرینی و لاشه لرینک قبویه آتلدیغنی

کوردم . انجیق امینه بن خلفک جسم نایا کی پار چه لنوب
هر بر پارچه سی بر برده قالدی . و برده حضرت فخر عالم
افندیزی عیسی ابو طالب و یکار صحابه نک هر برینی کند بلربنک
قوم و عشیرتی حایه ایند کلرندن . کفره قریش
استد کلری کی ایندا وجفا اینکمه مفسندر اوله بیه جفاری
اکلام لریله بتون بتون ال چکم دیسه لرده بیان اولنان ایندا و اضرارک
دها ایلروسنه کچه میوب انجیق قوم و عشیرتی اولیان ضعفا
و غربای اهل ایمانه راست کلد کلری محله محمدک دینندن
واز یکوب لات و عزایه ایمان کتوریکز دهرک درلودرلو
ایندا وجفار ایدوب کی پیسنی آچلق و صومسزاق ایله حبس
ایدرک و کیسینک چیلای آرقه سنه زره کیدورب کونشده
طوته رق و کیسینی دخی شد تله ضرب ایدرک تعذیب و تنکیل
ایدرلردی . صبری آز اولانلردن بعضی صمیمی اولیه رق
دیل او جیسه رجوع ایندک دیمکله خلاص و بعضی سنک دین
اسلامه یقینی برکمال اولد یغندن و رتبه شهادتدن قاجم دقلرندن
بلا به صبر ایله ثابتقدم اولورلردی . تنه کیم بلال حبشی
حضرت نلری امینه بن خلفک کوله سی اولوب هرکون
کندوسنی بطحاه مکه به کتور وای سیهرو محمدک دینندن دون
ولات و عزایه ایمان کتور دهرک عریان ایدوب و سیمای
قومه یاتیروب قیز غین طاشلری قازنده و کوه سنه باصه رق
اذیت ایدودی . بلال حبشی حضرت نلری ایسه صبر و ثبات
ایدوب قطعاً سوزلرینه التفات اینمزو (احداً احداً) یعنی
واحد اولان جناب حق طیارم دیرایدی . برکون ابابکر الصدیق

حضرت نلری بلالک بو حال پرملانی کورنجه امینه نک یاتنه واروب
(بھی غدار اللهدن قورق بو بیچاره دن نه استرسین دیمسی
اوزرینه کافر مزبور ابابکر الصدیقه خطا باای ابو قحافه اوغلی
بلالی لات و عزادن آیروب محمدک دیننه تشویق ایندیکک جهته آتی
بو بلالره کرفتار ایلمان سنسین اگر مرحت ایده یورایسه کپاره سنی
صایوب قور تار . دیمسیله ابوبکر بو سوزی جاننه منت
ییلرک بلالی صاتون آلوب او آنده آزاد ایلدی . روایت
صحیح . ایله ابن عباس حضرت نلرندن و بنی مخزوم قبیله سی
وینسندن منقولدرکه کفار مکه عمار بن یاسری و یاباسنی و آناسی
سمیه بی و صهیبی و بلال و حبابی طوتوب هرکون بطحاه مکه به
ایلیده رک درلودرلو جور و جفار ایدرلردی . و برکون دخی
سمیه بی آیاقلرندن ایکی دوه به کروپ برچوق جفار ایندکدن
صکره کافرک بری بر حربه ایله اوروب شهید ایلدی .
و یاسری دخی برچوق تعذیب و تنکیل ایله شهید ایندیلر .
(ابتدا اسلامده مقتول اولنلر آنلر ایدی) اما عماره پک چوق
جبر و اکراه ایندکدن صکره دیل او جیله محمدک دینندن دوندم
دیدر دیلر . و بوخبر حضرت فخر رسالته واصل اولدقده
(حاشاکه عمار کافر اوله تحقیق بودرکه عمار باشند آیاغه
وارنجه ایمان ایله طوبطلودر و ایمان آنک هر طرفنه سرایت
اینشدر) بیوردیلر . و عمار رضی الله عنه حضرت نلری اول
ملعونلرک اللرندن خلاص اولنجه حضور سعاده کلوب کفار
خاکسارک ایند کلری جور و اعتسافلرندن شکایت ایدرک
آغلدی . سرور عالم افندمز دخی مبارک ایله عمارک کوزلری
یاشنی سیلوب تسلیه بیوردی .

ایکینجی فصل بشنچی سنه نك وقایع مشهوره سندن اصحاب
 کرامت حبشه جا بنده هجرت ایتدکلری بیسانده در
 نبوتك بشنچی سنه سنه قدر اهل اسلامك چكدکلری عن و مشاق
 بیان اولنان منوال اوزره واقع اولمسیله برابر دین مبین اسلام
 کسب عزت ایدرك ضیای شمس کی آفاقه منتشر اولمغه یوز
 طوندیغندن کفره بخره نك یراسه قوشی کی کوزلری قاشوب
 غیظ و غضبلرندن هر بری برکلب عقور کسبله رك اصحاب
 رسول الله تحمل اولنه میه حق درجه لرده ایدواضرارای
 حدندن آشوردقلرندن و آنلره نسبتله حالا اهل اسلام قلیل
 وحضرت فخر عالم افندمرنك امت مرحومه سی حقنده نفس
 نفیس عالملرندن دها زیاده شفقت ورأفتی اولدیغندن اول
 فاجرلرک شرلرندن تخلص ایتك اوزره اصحاب کرامتک
 هجرت ایتلرینه رخصت و یروب کندولرینه خطاباً (حبشه
 پادشاهی هر نقادر حالا دین نصاری اوزره ایسه ده مستقیم
 الاطوار برکیمسه اولوب کندو الکاسنده هیچ برکیمسه بر فرد
 ظلم ایتکه مقتدر دکلدر . جناب حق بزه سلامت و رفاه
 حال احسان ایدنجیه قدر سزدن هر کیم استر ایسه اورایه
 کیدوب ساکن اولسون) یور مسی اوزرینه نبوتك بشنچی
 سنه سی ماه رجبنده رجالدن اون ایکی ونسادن درت کشی
 کیز لوجه مکهدن چیقوب پیاده اوله رق دکز کارینه قدر
 کتدکدن صکره نصف دیناره برکی استیجار ایدوب حبشه
 دیارینه هجرتله ملک نجاشینک جوارنده امین وآسوده اولوب
 اسکان ایتدیلر . اورا ده بر مدت اقامتلرندن صکره اصلی

بوق اغوای شیطانیه دن ناشی برسبیه مبنی کفار مکه ایدوا
 واضرار دن ال چکوب صلحه قرار ویردکلری خبری
 مهاجرینه واصل اولمغه وطن اصایلری اولان مکه یه
 کلدیلر . بعده سبب مرز بورك اصلی اولمیوب اغوای شیطانی
 اولدیغنی طرف رسالتدن کفار یلدر لمسیله صلحدن رجوع
 ایدوب بتکرار ایدوا وجفایه قالشملری اوزرینه مهاجرینه نك
 مکده طور مغه هیچ بروجهله اقتدارلری اولدیغندن سرور
 عالمدن رخصت آلوب بتکرار حبشه دیارینه هجرت ایتدیلر .
 ورجال ونسادن دها برخیملی کسبله آنلره التحاق ایدوب
 کتدیلر . سرور عالم افندمرن مکده طور دقلری مدت ظرفنده
 حبشه دیارینه هجرت ایدنلر صبیاندن ماعدا رجالدن سکساندن
 زیاده یه ونسادن اون برعده بالغ اولدیلر . کفار مکه اصحاب
 کرامت هجرت ایتدکلرینه واقف اولدقلرنده شوکت اسلامیه نك
 اول حوالیده دخی کسب عزت ایده جکئی اکلاملریله بتون
 بتون چیلد یروب چارچابوق ملک نجاشی یه و وکلاسنه برچوق
 آغر هدیه لر ورشوتلر جمع و ترتیب ایله عمر و بن عاص و عماره
 بن الولیدی اول طرفه سوق و اعزام ایتدیلر . دیار حبشه
 کلدکلرنده ایتدا وکلایه ترتیب ایتدکلری رشوتلری تقدیم
 ایتدیلر . بعده حضور نجاشی یه داخل اولوب سجده
 و پرستش ایتدکدن صکره کتور دکلری هدایای عرض ایدرك
 نه ایچون کلدکلرینی افاده یه باشلیوب (بزم عیلمرمن اوغللرندن
 برچاعت آباء واجدادمرنک و سنک آباء واجدادینک دیننه مغایر
 بریکی دین پیدا ایدوب کندولرینک طومش اولدقلری دیندن

ماعدانقدر دینلر وار ایسه جله سنه مخالفته طعن و تشنیع
ایتدکلرندن کافه اهالی اتفاق ایدوب کندیلرینی بو افکاردن
واز کچورمک ایچون هر در لو تشبتهاته قالدیشلدی ایسه ده
برفانده بی مفید اولدقدن بشقه سزک جاعتکیزک آره سنه دخی
تفرقه دو شورمک اوزره بورا لره کلش اولدقلرندن آنلرک
بزه تسلیم اولملری جله اشرف قریش طرفلرندن رجا
اولنور) دیملری اوزرینه وکلای نجاشی آلمش اولدقلری
رشتولردن طولانی بونلری تصدیق ایدوب (اوت پادشاهمز
بو آدم لرتقه دن آدم لراولوب یلان سولزلر . وقوملرینک
احوالی بزدن دها ایوییلورلر . و برده بویله برطاقم ضعفا
ایچون بو قدر قبائل عرب و خصوصیه صناید قریش ایله
بوز شفق مسملک پولتیقه یه الویره میه جکندن مهاجرینک
بو آدم لره تسلیم اولملری عین صوابدر) دیهرک بنیاد دام
تزویره قالدشملریله ملک نجاشی حضرتلری غضبه کلوب
(خدا حقچون قورمش اولدیغکز دام تزویری قطعاً قبول
ایدهم . و برقوم که الکامه کلوب بکاصغمش اوله لر بن آنلری
دشمنلرینه تسلیم ایده م) مقال محقانه سیمه راشی ومرتشیملری
دسوا ی ایتدکدن صکره دین اسلامک نه یولده اولدیغنی
بالذات کندوسی تحقیق ایتک اوزره مهاجرین اسلامیه نک
حضورینه جلب اولملرینی اراده یوردی . خبر مذکور
مهاجرین اسلامیه به واصل اولجه جله سی بریره
جمع اولوب (پادشاه نه دیه لم ونه درلوج-واب
وبره لم خاطرینه خوش کله جک سوز لرمی سولیه لم

بوخسه واقع حالی طوغریجه می بیان ایده لم) دیهرک استشاره
ایتدکلرنده جعفر طیار رضی الله تعالی عنه حضرتلرینک (حقیقت
حالی طوغریجه بیان ایتدکدن دها اعلا هیچ برسوز اوله من)
بیورمی اوزرینه کافه سی قبول ایلیوب کندیسنی پیشوا
اتخاذ ایدرک حضور نجاشی یه چیققد قلرنده قاعده اسلامیه
اوزره سلام و بروب حبشیلرک عادتلری اوزره ملک نجاشی یه
سجده ایتدیه ندماسی مهاجرین مومی الیه خطاباً (ایچون
رسم تغطیمی اجرا ایتوب پادشاهه سجده ایتدیکز) دیملری
اوزرینه جعفر طیار رضی الله تعالی عنه حضرتلری جوابنده
(بز پیغمبرمزدن آلدیغمز تعلیماته بناءً جناب پروردکارمزدن
غیری یه سجده ایتیز) بیورنجه نجاشینک قلبنده برمهات
عظیمه حاصل اولوب مومی الیه خطاباً (ای مسافرلر مکهدن
کلان بو آدم لردیورلر که سز آباء واجدادیکیزک دینی ترک ایدوب
بزم و بهود دینه دخی کیرماششسکز ایمدی کندی دینکیزک
نه یولده اولدیغنی بکا خبرویریکز) بیور مسیمه جعفر طیار
حضرتلری جوابه تصدی ایدرک (ای پادشاه مقدا بزقریش
دیننده بوانوب برطاقم بتره طیار ایدک . حق تعالی حضرتلری
لطف و عنایت ایدوب بزه او یله بر پیغمبر کوندردی که آنک نسبی
و صدق و عفتی بزم معلومزد . و اول رسول خدا جناب حقک امریه
بزی تکرری یه طایفه و بر پیغمبر که دعوت بیوروب ادیان سائرهدن
منع ایلدی و بزه معروف ایله امر و منکردن نهی و نماز و صوم
وزکات و صله رحم و جمیع اخلاق حسنه ایله امر یوردی . و بزه
او یله بر تنزیل قرائت ایلدی که هیچ برنسه اکابرکه مز . و دلائل
واضح و معجزات باهره ایله اللهم رسولی و کتوردیکی دینک

حق اولدیغی معلوم اولوب نبوتی تصدیق ایله ایمان کتوردک .
 وقوم زک دین باطلاندن دوندک . قوم قریش ابدی اللهدن قورقوب
 بوسبدن بزه و پیغمبر مره پک چوق جور و ایدار ایتدیلر . بزم دخی
 آنلره مقاومت قدر تمز اولدیغندن و پیغمبر مره سنک مستقیم الاطوار
 اولدیغکی و ولایتکده هیچ برکسه نک بفرده ظلم ایدمه جکی
 بیلدیکندن سنی اختیار ایدوب حمایه کنده بولمق ایچون بزی
 بو طرقلره کوندردی (بیور دیغنده ملک نجاشی) پیغمبر یکره
 نازل اولان کلامدن سرزده بر مقدار و ارایسه بکا قرائت
 ایدیکزه دیکلیم) دیمسله جعفر طیار جوابنده اوت وارد
 دیوب (کهیمهص) سورة جلیله سندن بر مقدار تلاوت قرآن
 کریم ایدنجه ملک نجاشی اولقدر اغلادی که کوزلرینک یاشی محاسنی
 اوزره جریان ایلدی . و مجلسنده بولنوب صحف آچه رق دیکلیان
 نصاری علماسنک ریشلری دخی اولقدر اغلادیلر که اوزرلری
 و اوزرلرنده کی صحف کوز یاشنه غرق اولدی . بونک
 اوزرینه ملک نجاشی آغلیه رق حضورنده بولنانلره خطاباً
 (الله حقیچون بو کلام ایله عیسی علیه السلامه نازل اولان
 کلامک ایکسیده برچراغک نوریدر) بیور دقدنصکره عمرو
 بن عاص ایله عماره بن الولیده توجه ایدوب (والله بن آنلری هیچ
 برو جهله سنک الیکزه تسلیم ایدمه مام) بیور دیغنده عمرو ایله
 عماره (بولنر عیسی ابن مریم حقنده سکا مخالفدرل) دیهرک
 ینه افساده قالمشملری اوزرینه ملک نجاشی جعفر طیاره خطاباً
 (حضرت عیسی حقنده سنز نه دیر سکنر سؤالنه جواباً جعفر طیار
 (تکریمک بیور دیغنی دیرز) دیوب و (هو عبدالله ورسوله
 وکلمته القیهالمریم وروح منه الآية آیت جلیله سنی تلاوت

ایتمی اوزرینه ملک نجاشی ایله برچوب پارچه سی آله رق
 (ای گروه حبشه و قسیدسان و رهبانان شوبله بیلیمکزه انجیلده
 اولان کلام ایله بوذاتک او قودیغی کلامک آره لرنده شو چوب
 قدر تفاوت یوقدر) بیور دقدن صکره مها جرینه توجه
 ایدوب (ای مسافرلر سنک قدومکزه و سزی بورایه ارسال
 بیوران ذات اکرمه تشکر ایدرم . و جناب اللهک حق رسولی
 اولدیغنه دخی شهادت و ایمان ایدرم و انجیل شریفده وصفی
 کوردیکر و عیسی علیه السلامک تشریفلرینه اشارت بیوردیغی
 اول ذات اکرم یعنی حضرت محمد علیه الصلاة والسلام اولدیغنده
 اصلاً شبهه یوقدر . ای مسافرلر هر نره ده راحت ایدرسه کن صفای
 بال ایله اوتوریکر . بوندنصکره سنزیم قرنداشمسکنر . آه اگر شواغل
 ملک و سلطنت اولمیدی بن اول ذات اکرمک حضور
 سعادتنه واروب نعلیننی طوتار و مبارک اللرینه و ایاقلرینه
 آبدست صوینی دو کردم) بیوردی و قوم قریشک کوندردکری
 هدایایی ایلچیلرینه تسلیم کیره رد ایلدی . و ایلچیلر دخی
 مجلسندن چیقوب خائب و خاسر اوله رق دونوب کتدیلر .

{ اوچنچی فصل نبوتک النبی سنه سندن اون
 برنچی سنه سنه قدر اولان وقایعک اجمالی بیاتدهدر }

برکون ابو جهل لعین سرور کائناته پک چوق اذا وجفا
 ایدوب شتم ایلدیکنده سرور عالم تحمل ایدوب هیچ بر جواب
 ویرمدی . انجیق عبدالله ابن جدعانک جاریه سی بو حال
 کوروب کندیسنه آغز کلدیکندن عم رسول الله حمزه
 بن عبدالمطلب حضرتلری صید و شکاردن کلوب بیت
 شریفی طواف ایلدکدنصکره کیفیتی کندیسنه خبر و یروب

(بو کون ابو جهل سـنک قـرنـداشـک او غـلی مـحمـده (صـلـی اللـه تعالی علیہ وسلم) پک چوق جور و جفـار ایدوب شتم ایلدی . و محمد صبر ایدوب هیچ بر جواب ویرمدی) دیمسیله حضرت حزه غصبه کلوب ابو جهلک یانه کندی . و اول لعین قومیه بر مجلسده او تور رکن حضرت حزه کندوسنه خطاباً (بی ملعون سن قـرنـداشـم او غـلی مـحمـده اذا وجفا ایدرک شتم ایتشدین . حالو که بن آنک دینی اوز رهیم نه جـسـارتـله بوا دبـسـز لکـره قـالـقیـشـیـور سـین) دهرک تکدیر ایتدکدنصکره او موزنده کی یایی ایندیروب باشنه چاریمسیله ملعونک باشی یاریلوب کلب کی یوارلندقدنصکره قالدی . و قور قوسندن حضرت حزه به تواضع کوسـتـروب کوکلنی آلمغه چالشـدیـسه ده حضرت حزه اصـلا التفات ایتوب طوغریجه حضور سعادت کیدرک شرف اسلامی قبول ایلدی . حضرت فخر عالم افند مزعمک مسلمان اولسندن پک زیاده ممنون اولدی . و اهل اسلام دخی آنک مسلمان اولمسیله قوت بولدیله . بونک اوزرینه کفره قرایش حضرت حزه دن زیاده قور قدقلرندن عادت مالوفه لی اوزره حضرت فخر عالم افند مزه و اصحاب کرامنه اولکی کبی حقارت ایتکه جسارت ایده مز اولدیله .

و اول سننده حضرت عمر افند مز دخی شرف اسلام قبول ایلدی . و سبب اسلامی (انکم وما تعبدون من دون الله حصب جهنم انتم لها واردون) آیت جلیله سی نازل اولمجه

ابو جهل لعین خبر آلمسیله جماعت قریشک اورتته سننده ایامه قالدوب (ای جماعت قریش محمد (علیه السلام) سزک تکریرلرکزه سب ایدوب سـسـزی دخی سـفـیه عد ایده یور . و آیاه واجدادیکزک کفر اوزرینه کیدوب معبودلریله برابر جهنم آتشینک اوطونلری اولدقلرینی سـویـلـیـور . شـوـیـله ییلکز که محمدی (علیه السلام) هر کیم قتل ایده جک او لورسه یوز رأس اقریل و قره تو بلی دوه ویک و قیه مکوش ویرمک بونک بورچی اولسون) دینجه عمر ابن الخطاب (که حالا مسلمان اولماشدی) قیام ایدوب ابو جهله خطاباً (یا اباالحکم بو وعد ایتدیکنک شینه کفیماک واریدر) سؤالنه جواباً لعین مز بور پشین ویرهیم دینجه حضرت عمر لات و عزى حقیچون طوغری می سویلرسین دیمسیله ابو جهل لات و عزى حقیچون طوغری سـویـلـرم دیوب و حضرت عمری بیت کعبه به ککوتوروب بتلرینک اعظمی اولان هبلک قارشوسننده یمین ایدرک کندیسنی بوقضیه به شاهد طوتجه حضرت عمر قلیجی بویینه طاقوب و تیر و کانی الینه اله رق سرور عالمک قصدیه بوله روان اولدی . اثنای راهده نعیم بن عبداللهه تصادف ایدوب حضرت عمره نره به کیده جکنی سؤال ایلدیکنده عمر محمدی (علیه السلام) قتل ایتکه کیده یورم دینجه نعیم ای عمر فرضاً بوایش سنک الندن کله جک اولسه یله بنی هاشم و بنی عبدالمطلبدن نصل قورتیله ییلور سین دیمسیله عمر غصبه کلوب ای نعیم سـنک سوز کدن اکلا شلایغنه کوره محمدک دینه میل ایتشه بکیز یور سین .

اوله ایسه ابتدا سناک وجودینی قالدیره عده صکره ایشیه
 کیدهیم دیهرک نعیمه هجوم ایندنجده نعیم جانی قور تارمق
 ایچون ای عمر سکا بدن دها یقینی واردر که قیز قرنداشک
 ایله انشته ک مسلمان اولمشلردر دیدیکنده حضرت عمر آندن
 ال چکوب ای نعیم بوسه ووزیکک طوغری اولدیغنی نره دن
 بیلهیم سؤالنه جواباً نعیم آنلر سنک کسد یکنک حیوانک اتنی
 یئزلر دینجه حضرت عمر همشیره سنک خانه سنه متوجه
 اولوب قیویه واردیغنده برسدس ایشته یکندن براز طور وب
 دیکلدی . (که اول کون انشته سیله همشیره سی (طه)
 سوره جلیله سنی تعلم ایتمک اوزره (حباب ابن ارث)
 رضی الله تعالی عنه حضرت تلرینی خانه لینه دعوت ایشته لر
 ایدی .) صکره قیوی شدتلیجه چالدیغنده حضرت عمر
 اولدیغنی طابیدقلرندت حباب حضرت تلرینی و سوره
 مذکورده یی یازدقلری صحیفه لری بر محله کیز ایوب قیوی
 آچدی لر . حضرت عمر ایچرو کیرنجه (شوا ایشته دیکم صدا
 نه ایدی) سؤالنه جواباً بری بریمزله سویلشیوردق دیدیلر .
 بونک اوزرینه حضرت عمر قالقوب برقیون بوغاز لیه رق
 کباب ایتد کد نصکره یمکه چاغریغنده همشیره سیله انشته سی
 سعید حضرت تلری اجابت ایتموب بزبو کون طعام یمامکه
 نذر ایتیشزدیلری اوزرینه عمر مسلمان اولدقلرینی اکلا یوب
 هلاک ایتمک قصه دیله انشته سنک صاچلرندن طوندیغنده
 همشیره سی زوجنی قوتارمق اوزره حضرت عمره صار یلنجه
 عمر بریومروق اوروب همشیره سنک باشنی مجروح ایدرک

قانه بو یامسیله همشیره سی برکاره چکیلوب (ای عمر هوای
 نفسکه متابعت ایدرک بغیر حق بزه بو حقار تلری ایتکه نصل
 جسارت ایده بیله یورسین . سنی بو قدن وار ایدن اللهدن
 اوتانمور میسین . دوکک دکل اتلریمزی پارچه پارچه
 ایتسه ک بیله دین حقدن دونمک احتمالی یوقدر . باشمه
 اولان جریحه یه و ملامت کفریه تحمل ایده میوبده سید
 عالمدن ال چکرز می ظن ایده یورسین) دینجه حضرت عمره
 ندامت کلوب برکاره چکیله رک کمال خجالتله براز تفکر
 ایتد کد نصکره (اولجه او قود یغکز صحیفه یی کتورک کوریم)
 دیمسنه جواباً همشیره سی (بزم او قود یغیمز صحیفه قرآنیه در .
 جناب اللهک کلامیدر . رعایتسزلک ایده جکیکی بیلدیکمزدن
 سنک الینه ویره میز) دیدوکنده حضرت عمر رعایتسزلک
 ایتیه جکته یمین ابدنجه همشیره سی (قرآن کریمک و صفنده
 (لایمسه الا المطهرون) بیورلشدر . سن ایسه شرک
 نجاست ایله آلوده سین . صحیفه یی آلمق دیلد یکنک حالده
 اولاغسل ایتلمیسین) دیمسی اوزرینه حضرت عمر قالقوب
 غسل ایتد کد نصکره صحیفه یی الینه الهرق سوره جلیله یی
 تلاوت ایتکه باشه لایوب (له ما فی السموات و ما فی الارض
 الی آخره آیت جلیله سنی او قود یغنده) نه کوزل اللهدر
 اوکه بو قدر اشیایه مالکدر بزم ایسه (۱۵۰۰) آلهه من
 اولوب هیچ برنسنه مالک اولمقدن بشقه بزم اعانه مزه
 محتاجدر لر .) دید کد نصکره ینه تلاوته باشه لایوب (وان
 نجهر بالقول فانه یعلم السر و اخفی) آیت جلیله سنی

او قود یغنده آغلامغه باشلدی . و (الله لا اله الا هو له
الاسماء الحسنی) آیت جلیله سنی او قود یغنده تاب و توانی
کسیلنوب (بر الله که وصف جلیلی بویله اوله آندن غیر یه
عبادت اولنق لایق دکلدن) اشهد ان لا اله الا الله
واشهدان محمد رسول الله (دیمسیله حساب میدانه
چیقوب (مژده اولسون سکا یا عمر که دون کیجه حضرت پیغمبر
(اللهم اعز الاسلام بابی جهل ابن هشام او بعمر ابن الخطاب)
دیه رک دعا ایتشدی . سنک حقنده دعاسی مقبول اولمش)
دیدی . بونک اوزرینه حضرت عمر سرور عالم افندمرک خاکپاينه
یوز سورمک قصدیله حضرت حزه نک خانه سینه و اروب
قبوی چا لد یغنده اصحاب کرامدن بری باقوب حضرت
عمری مسلح کورد بکنندن احتیاط ایدرک قبوی آچیوب
سرور عالمه خبر ویرنجه حضرت حزه (یارسول الله امر
بیور یکر قبوی آچسونلر اکر عمر نیت خیر ایله کلیورسه مبارک
اولسون . شرنیتیه کلیورسه عون حق ایله کنندی قلیجیله
باشنی کسرم) دیمسی اوزرینه سرور عالم اراده بیور ووب
قبوی آچدیله . عمر رضی الله عنه حضرت نوری ایچرو کیرنجه
سرور عالم افندمرق قارشوسنه چیقوب عمرک بازولندن طوته رق
(یا عمر اکر صلحه کلدک ایسه سندن ال چکرم . و اکر جنک
ایتکه کلدک ایسه سنی هلاک ایدرم) بیور مسی اوزرینه
حضرت عمر کمال نجاتله یارسول الله صلحه کلدن (اشهد ان لا اله
الا الله وانک رسول الله) دیوب شرف اسلامی قبول ایدنجه
سرور عالم فرخندن تکبیر کتور مسیله جله اصحاب کرام عمرک

مسلمان اولدیغنی اکلا یوب سویند کارندن آنلردنخی صوت
بلند ایله تکبیر ایدرک مشارالیهی استقبال ایلدیله .
بونک اوزرینه بر مجلس انور کر ما کرم ایدلد کدنصکره حضرت
عمر افندمر کتور مسیله برا بر عدد صحابه قرقه بالغ اولدیغنه
مطلع اولمسیله (یارسول الله اربعین تمام اولدی . آرتق
ترک خلوت ایده لم . طاش و اغاجدن مصنوع بر طاقم
عاجز بتره آشکاره عبادت ایدیلورکن جله عالمک صانغی اولان
قادر ذوالجلال حضرت لرینه کیرنجه عبادت اولنق لایق دکلدن .
اراده بیوریلور ایسه بیت شریفه کیدوب آشکاره عبادت
ایده لم) دیهرک نیاز ایتسی رهین قبول بیولدقده طرف
رسالتدن کندیسی بدرقه طریق ایدیلرک کعبه مکرمه یه
عزیمت بیورلدی . حضرت عمر افندمره منتظراً بیت شریفده
تجمع ایتش اولان کفره قریش مشارالیهک معیتنده جماعت
اصحاب کرامی کورملریله سویند رک بری برلرینه خطاباً
(باقی کز عمر ابن الخطاب قر بانلق قیون سوریسی کبی مسلمانلری
طوپلامش کتوره یوردیه رک افتخار ایلدیله . انجق ابو جهل
لعین اهل اسلامک سکوتنی تحسین ایده مد بکنندن (ماوراک
یا ابن الخطاب) دیوسوالمک اوزرینه (اشهد ان لا اله الا الله
وان محمد رسول الله) جوابی آلمسیله نار حسد تاجانیکاهنه تأثیر
ایتد بکنندن بر آسرد چکه رک یورغون اشک کبی برکوشه یه
چکلدی . بعده حضرت عمر افندمر سئل سیف ایدرک
(ای جماعت قریش بنی بیلنلر بیلور . بیلمنلر وار ایسه اشته
بن عمر ابن الخطاب . الحمد لله تعالی شرف اسلامی قبول ایله

ضلالت کفر دن خلاص اولدم . اگر سزدخی شرف اسلامی قبول ایدر سه کز امر حیا بکم . قبول ایتیموبده اهل اسلامه تعرض ایتدیگکز حالده جمله کزی قلیجه حواله ایدرم) دهرک نطق بیورده سی اوزرینه کفره فجره خائب وخاسر اولدیلمر . واهل اسلام امام الانبیایه اقتدا ایدرک ایکی رکعت نماز قیلدیلمر . بونک اوزرینه سید عالم صلی الله علیه وسلم حضرت عمر افندمره (فاروق) اسمیه ایلدیلمر . رضی الله تعالی عنه کفار خاکسار قریش حضرت حمزه و حضرت عمر افندیلر مرک مسلمان اولمیرله زمره ناجیه اسلامیانک کونبکون تزايد وترقیده اولدقلرینی وزمره خاسره کفره نک رفته رفته تنافص ایتدکلرینی کورملریله نارحسد قلوب کفر آلود لرینی علو کیر ایدرک کلاب عقوره دوندروب سرور عالم افندمرک اهلاکنه قرا رویردیلمر . و ویردکاری قراری حامی زمره اهل ایمان عم رسول الله ابو طالب حضرت لرینه تبلیغ ایتک اوزره ابو جهل لعین کلوب (یا ابا طالب قرندا شکک اوغلی محمد) علیه السلام) اقوام عرب میانده بریکی دین احداث ایدوب آباء واجداد مرک کفر اوزرینه کیدوب معذب اولدقلرینی سویلیور . و آلهه مره سب و طعن ایده یور . بوجهته بزی اقوام عرب بینده رسوای و بدنام ایتدیکندن بزم آنی بو حال اوزره براقه مرک احتمالی یوقدر . یا قرندا شکک اوغانی بره تسلیم ایدرسین و یا خود برمله محار بهیه حاضر اولورسین) دیوب کتد کدنصکره ابو طالب سرور عالم افندمری دعوت ایدوب (ای نور دیدم حسده قریش اتفاق ایدرک سنک هلاکنه

قصد ایتد کلری جهته آلهه لرینه طعن و تشنیع ایتدکندن فراغت ایلسه ک تعرضلرندن رهایب اولورز . یوخسه شمدیکی حالده بزم یوقدر قبائل عرب ایله محاربه ایتکه اقتدار مز یوقدر) دهرک نصیحت پدرانه ایتسی اوزرینه سید عالم صلی الله تعالی علیه وسلم افندمر (ای بنم عم مشفق بنم هراشم اراده الهیه ایله اولد یغندن تهدیدات مشرکین ایله تبلیغ اوامر الهیه ایتدکن فراغت ایده مام . اگر بو خصوصده بکامعاونت ایده جک اولور سه ک کندی نفسکه ابولک ایتش اولورسین . و معاونت ایتدیکنک حالده بکاعون ربانی و تأییدات صمدانی کفایت ایدر) نطق همایونلری ابو طالبه تأثیر ایله بکاء ایدرک (ای نور عینم سن کندی ایشکه مشغول اول . و تبلیغ رسالتدن کیر و طورمه . بن صاغ اولدقجه عنده قریشک سکاظفر بولملری ممکن دکدر) دهرک تسلیه و بردکدن صکره بهادران بنی هاشم و بنی عبدالمطلبی جمع ایدوب صورت حالی بیان ایدرک محافظه جناب پیغمبری خصوصنده کندیلمرندن معاونت طلب ایلدیکنده ابولهبیدن ماعدا جمله سی موافقت ایدوب ابو طالبک سعادتخانه سنه اجتماع برله امر محافظه به سارعت کوسترملری اوزرینه ابو جهل لعین کافه قبائل قریشی جمع ایدوب فیما بعد بنی هاشم و بنی عبدالمطلبه اصلا الفت ایتامک و قیز آلوب و یرمامک و آتش و یرش ایتامک و هیچ بر امرده معاونت ایتامک و کندیلمرینی راست کلدکلری برده ضرب ایله حقارت ایتک اوزره عقده مقاوله ایدرک برقطعه عهدنامه یازوب جمله سنه اضا ایتدرد کدنصکره بیت شریفه تعلیق ایتدیلمر . بونک اوزرینه اهل ایمانک تضییقنه اهتمام ایدوب تحت محاصره به آلدیلر . و برایش ضمیمه چارشویه

چيقان اهل ايمان ايله اصلا آلاش و يرش ايتدكلرندن بشقه
جور و جفا ايدورلدي . و حتى موسم مجده هيچ بر فرده اذيت
ايتماك عادت قديمه لرندن ايكن طشردن كلان اهل قافله دن
برشي صاتون آله حق او لسه لر كفرة مز بوره مانع اولوب
غالي فياً تله كنديلري صاتون آلورلدي . معتبران مؤرخينك
بيانلرينه كوره كفرة قريشك بو حال ضلالت اشتماللري تمام
اوج سنه تمتد اولدي . مدت مز بوره ختامنده عهد نامه يي
يازان منصور ابن عكرمه ملعونتك الى قور يدي . و برده
حكمت حق ايله بر كوره قورد جغزي پيدا اولوب معلق اولان
عهد نامه غدارانه لر ينك ايچنده بولنان لفظه جلالدن ماعدا
يا زوريني ييدي . بواثناده كفرة قريشدن بش كسنه اهل
اسلامه ايتدكلري غدردن پشيمان اوله رق عهد نامه مذكورك
احكامني فسخ و الغا ايتك او زره اكابر قريشك مجلسلرينه
موا صلته ايچلرندن بري احكام مذكوره نك فسخ و الغا سنده
وقوع بوله حق محسناني تعداد ايتديكنده رفقاسي دخی تصديق
ايتلري اوزرينه ابو جهل لعين ياران بد كر دارلر يله برابر
بولره خصومت ايدرك تهو رانه رد ايله جواب و يرديلر .
او آراق ابو طالب حضر تلري دخی مجلس مز بوره كله رك
كفرة قريشه خطاباً (حق جل او على حضر تلري بر كوره
قورد جغزي حواله ايدوب سرك يازمش اولديغكز عهد نامه نك
لفظه جلالدن بشقه كلماتي يبه رك بوزمش اولديغني محمد بكا
خبر و بردي . اكر بو سوزنده صادق ايسه سزدخی انصاف
ايدوب فسخ و الغا ايتليسكز . و اكر كاذب ايسه سزه تسليم

ايديم استر سه كز هلاك ايديكز) بيورمسي اوزر ينه كفرة
قريش ابو طالبك اشبو سوزيني تحسسين ايدرك عهد نامه يي
ايتديروب آچد قلزنده سرور عالم افندمر ك طبق خبر و يرديكي
كي بولديلر . بونك اوزر ينه ابو جهل لعين و تبعه سي نجل
ورسواي اولملر يله برابر ينه ليج و عناد ايدرك عهد نامه يي بوز ماق
اوزر ينه مصر اولد قلزنده مذكور بش كسنه سل سيف ايدرك
(نحن براء من هذه الصيغة القاطعة الظالمه) ديه رك عهد نامه يي
پارچه ليوب نقض عهد ايتديلر . و بني هاشم و بني عبدالمطلب
كندي خانه لرنده اسكان ايله حرمت و رعايته بولنديلر .
بوني متعاقب نبوتك او نجي سنه سنه ابو طالب حضر تلري
ارتحال دار بقا ايلدي . و او چكون صكره خديجة الكبرى
رضي الله عنها حضر تلري دخی تشریف حر مسراي جنان
ايلدي . بري بريني متعاقب اشبو مصائبك وقوعي سرور عالم
افندمر ك باعث حزن قلب همايونلري او لديغني مناسبتله سنه
مر قومه يه (عام الحزن) تسميه بيورلدي . و ابو طالبك
وفاتيله اشراي قريش شملكلر ايتديلر . چونكه مشار اليهك
وفاتي كنديلر نجه بريوك مسرت اولدي . بونك اوزر ينه
مشار اليهك زمان حياتنده سرور عالم افندمره ايدمه مدكلري
اذا و جفارك اجر اسنه قالشديلر . و جور و جفاري حديني
آشد قده سيد عالم افندمر امر دعوتني ايفا ايدمه مديكجيه
معيت سعادت لرنده زيد ابن حارثه اولديغني حائده طائف بلده سنه
عزيمت بيورلدي . و اوراده اون كون قدر ساكن اولوب اشرافني
شرف اسلامه دعوت بيورديسه ده ايمانه استعدادلري اولديغندن

سید المرسلین استهزایه قال قیثوب ایچ-لرندن بری (یا محمد
(علیه السلام) حق تعالی سندن بشقه پیغمبر ایدیه جک برکسه
بوله مدیمی . و دیگر ی (یا محمد حق تعالی بنی آدمه پیغمبر کوندره
ایدی مکه و یا خود طائفدن برزنکین مکسنه بی اختیار ایدر دیده
طلب معاونت ایچون قبیله قبیله کرلمازدی . و بردهاسی
(اگر سن پیغمبر ایسه ک بن کعبه اور توسینی سرقت ایتش
اوله یم . و بردهاسی (اگر سن پیغمبر ایسه ک سکا تعظیماً
سوز سو یلمک لایق دکادر . و اگر پیغمبر دکل ایسه ک سکا
سوز سو یلمکه تنزل ایتام دیدی . و بونکله ده قناعت ایتوب
ارا ذل ناسی مسلط ایدرک سرور عالم افندمزه سب و دشنام
ایدر و طاش آتار لردی . و الحاصل طائفده کفره نک جور
و جفالزندن ماعدا برشی مشاهده اولنه مامسندن اورادن عودتله
(بطن نخله) دینیلان محله برکیجه ییتوت پیور لدقده صوت
بانده ایله تلاوت قرآن ایدیلرک نماز قیلارلر ایکن (نصیبین)
شهری جنیلرندن بدی نفر مکسنه تلاوت قرآن جلیلی ایشتملریله
مدهوش اولوب انسان شکله کبره رک حضور سعانه کلوب
شرف ایمانی قبول ایلدیلر . و قبیله لرینی دخی ایمانه دعوت
ایتمکه طرف رسالتدن مأمور قلندیلر . و اشبو قصه دن خبر
ویرن (واذ صرنا الیک نفرأ من الجن یسمعون القرآن
فلما حضروه قالوا انصتوا فلما قضی ولوا الی قومهم منذرین .
قالوا یا قومنا اناسمنا ککاباً انزل من بعد موسی مصداقاً لما بین یدیه
یهدی الی الحق و الی طریق مستقیم یا قومنا اجیبوا داعی الله
و آمنوبه یغفر لکم من ذنوبکم و یجرحکم من عذاب الیم .)

آیات جلیله سیدر . و اول پدی نفر مکسنه ایفای و جیبه
مأموریت ایدرک طوائف جنی ایمانه دعوت ایتد کلرنده
حضرت فخر عالم افندمزی کور مکسزین پک چوق مکسلر
شرف اسلامی قبول ایلدیلر . (استطراد) طوائف جن
سرور عالم افندمزی شرف ملاقاتنی آرزو ایتلری او زربنه
بطن نخله کیجه سندن اوج ماه مدت صکره برکیجه تخصیص
پیور یلوب مکه مکرمه قبر ستانده (شعب مجنون) نام موضعه
طوائف مزبوره اجتماع ایتد کلرنده سرور عالم افندمزی
عبدالله ابن مسعود حضرتلریله برابر محل مزبوری تشریف
پیور و بیعت رسول الله نازل اولدیلر . و سرور عالم
افندمزی ایچلرندن اون نفر مکسنه بی انتخاب ایدرک اصول
دینییه بی تعلیم پیور و کندیلرینی سائر لرینه تعلیم ایتمکه
مأمور قیلدیلر . ایرتسی کون بطن نخله دن حرکتله
مکه مکرمه به عزیمت پیور یلوب انجیق حسده قریش
سفهای طائفک ایتد کلری جور و جفای ایشد کلرندن کندیلری
دخی اولمکدن زیاده جور و جفا ایتک عزمنده بولند قلرینه
کسب اطلاع پیور لدیخی جهته مکه مکرمه به کید لمکدن
صرف نظرله جبل حرا بی تشریف پیور دیلر . و اصول
عرب اوزره قومشولری طرفندن استقبال اولنسی خصوصنده
رؤسای قریشک هر برینه خبر کوندردیسه ده هیچ بریسی
سمع و اصفا ایتوب رد ایله جواب و بر دیلر . انجیق (مطعم
بن عدی) به خبرک واصل اولمسیله قوم و قبیله سنی طویلایوب تجهیز
اسلحه به مسارعتله علی الصبح سرور عالم افندمزی استقبلنه

کيدرك کمال ديد به واحتشام ايله بيت الحرامه داخل اولوب
زيارت بيت الله ايله ادای صلاته نصکره خانه سعادت لرینه
واصل اولدی . ابوجهل لعین بو خالی کورنجه مطعمه
خطاباً (ای مطعم محمدک تابعی ميسين بو خسه دينه می ميل
ايلدک) ديدوکنده مطعم (اراذل ناسدن کندولرینی حفظ
وحياه ايتک استرم) دیدی . و مجمع قریشه واروب
(ای کروه قریش بن محمد (علیه السلام) عهد وامان
ویرمیشم اولمه که بریکز جور و جفا ایده سکر دیدی
وسوزنده دخی ثبات ایلدی .

{ در دخی فصل حبیب رحمن علیه صلوات المنان
افند من حضرت لرینک هجرت نبویه لری بیاننده در . }

حضرت فخر عالم افند من مواسم حج حاکولنده اشراف عرب
تصادف بیوردیقه ایفای وجیه رسالتله شرف اسلامه
دعوت ایتک معتاد کریمانه لری اولدیغی جهته له تاریخ بعثتک
اون برنجی سنه سی دخی زیارت بیت الله قصدیله خزر ج
قبیله سندن و مدینه منوره اهل بسندن الی کشی یه (عقبه)
نام محله تصادفله آیات جلیله قرآنیه تلاوت اولنهرق
شرف اسلامه دعوت اولندقلرنده مشارالیم آخر زمان
نبی سنیك ظهوری قریب اولدیغی علماء یهوددن پک چوق
دفعه لر ایشتمش اولدقلرندن جناب فخر رسالتک جمال
دلاراسنی کوره رک آیات جلیله قرآنیه بی استماع ایدنجه حضرت
فخر عالم افند منک نبی آخر زمان اولدقلرینی اکلا یوب بلا
توقف شرف اسلامی قبول ایلدیلر . بونک او زرينه

حضرت فخر عالم افند من کفره قریشدن مغیر الخاطر اولوب
مدینه منوره یه هجرت ایتک خصوصنده کندیلر یله مشاوره
بیوردقلرنده مشارالیم جوابنده (یارسول الله مدینه
اهل بسی اوس ايله خزر ج قبیله لرندن عبارت اولوب
آنچق آره لرند بر عداوت مستمره اولق حسیله بر لکده تشریف
بیوردیغی حالده اوس قبیله سنک عدم موافقتلری مظنون قوی
اولدیغندن شمدیلک بزیا لکزه کیده لمده اهلای مدینه یه
ایشتمکمز آیات قرآنیه بی تلاوتله بیان کیفیت ایدرک ملت بیضای
اسلامه ترغیب ایدر ایتک عنایت حق ايله کله جک سنه
بالجمله علمای اوس و خزر جک خاک پای سعادت کزه یوز سوره
جکلرینی و قبیله لرک آره سنده اولان نفاق و عداوتک مبدل
وفاق و مودت اوله جغنی امید ایدرز) دیلری ره بین قبول
بیور یله رق مدینه منوره یه عودتله مستند سعادت دارین اولنهر
تلاوت قرآن عظیم و تعداد محاسن اخلاق رسول کریم
ایدرک پک چوق کمسه لری مشتاق جمال رسول الله ایلدیلر .
ایرتسی سنه اکابر قبیله خزر جدن اون کشی و اکابر
اوسدن ایکی کشی مکّه مکرمه یه کله رک جناب اللهک
ورسول کریمک خلاف اراده لرنده بولنماق اوزره رسول
اکرمه بیعت ایتدیلر . بعده امر رسول الله ايله (مصعب بن عمیر)
رضی الله تعالی عنه حضرت لری مومی الیمه ترفیق اولنهرق
مدینه منوره یه عودتله تعلیم علوم دینی ایتدیلر . بر سنه
صکره مدینه اهل بسندن رجالدن یتیم و نسادن ایکی
کمسنه مکّه مکرمه یه کلوب شرف اسلامی قبول ايله بیعت
ایتدیلر . بونک اوزرینه حضرت جبریلک اشارتیه تحکیم

بنیاد اسلام اولفق ایچون قیلتینک اشرفندن اون ایکی
کشی به نقیبک رتبه جلیله سی ویرلد کده شیطان علیه
مایستحق کفار قریشی بو خبردن آگاه ایدرک (ای معشر
قریش اهلای مدینه محمد (علیه السلام) بیعت ایدوب
سزکله محاربه ایتک اوزره تهیمه اسباب ایتکده درل)
دیمسی اوزرینه کفار قریش خوف و تلاشه دوشه درک
مدینه لیلرک قافله لرینه کیدوب (ای قبیله اوس و خزرج
اشرافی بو آنه دکن آره مرزده اثر عداوت یوغیدی شمدی
سز محمد (علیه السلام) بیعت ایدرک بزمه محاربه ایتک
اوزره حاضر لمقده اولدیگری ایشدک بو خبر صحیح میدر
دکلمدر) دیه درک سوال ایتد کلرنده مدینه مشر کلرندن
برسی (بزم بویله شیدن خبر مرزو قدر) اگر بوماده دن
بزم خبر مرزو وار ایسه لات و عزى آتشنه یانه لم (جوابیله
تسلیمت و پردیسه ده قافله انصار مدینه منوره عودت
ایتد کلرنده بیعتلرینک مقارن صحت اولدیغی منتشر اولنج
حسده قریش بتون بتون کندیلرینی شاشیروب وار قوتلرینی
بازویه ویره درک بالاتفاق اصحاب کرامه هر درلو جور و جفا
ایتکه قالقشملری اوزرینه باشارت سرور عالم بلوک بلوک
اصحاب کرامی مدینه منوره به هجرت ایدوب اوراده
تشکیل جمعیت اسلامیه ایلدیلر سرور عالم افندمرک
نزد عالیلرنده ابا بکر الصدیق و علی ابن ابی طالب رضی الله
عنهما حاضر تلرندن غیرى هیچ بر صحابه قالمدی . بونک
اوزرینه کفره قریش اهل اسلام حقنده مدینه منوره نك

بر حصن رصین اولدیغی و هجرت نبویه نك وقوعی دخی
بر امر مسلم اولدیغی جهته ایلروده باشلرینه کله جک بلیه یی
درک و تیقن ایلد کلرندن اول شمع خدای سیوندرمک زعم
باطیله دارالندوه به تجمع ایلدیلر . و شیطان علیه اللغنه
دخی بر پیر سالخو رده قیافتنه کیره درک اول مجلسی مشومه
حاضر اولدی . کفره قریش کندیسنی طایفه کلرندن کیم
اولدیغی سوال ایلد کلر نده شیطان (بن نجد طرفندن
برکشی یم . سزک یوزلریکزک و قوقولریکزک کوزل
اولدیغی کوردیکمندن و نه مقصده مبنی بورایه تجمع ایتش
اولدیگری ییلدیکمندن سوزلریکزدن اقتباس ایتک اوزره
مجلس گزی آرزو ایدوب کلدیم اگر بنم بوراده بولنمادن
خوشلانمز ایسه کز کیده یم) دیمسی اوزرینه کفره قریش
بری برینه باقبشوب (بو آدم نجیدیلر . مکی دکلمدر .
بزه هیچ بر ضرری اولماز . وارسون اوتورسون)
دید کدنصکره سوزه باشلادیلر (آفرین قوم قریش .
نه کوزل مستشار مؤتمنه نائل اولدیلر . اذا کان الغراب
دلیل قوم سیهدیم الی دارالبوار . ضرب منلینک مفادنج
عاقبت لاشه مر دارلری خاک مذلتده سورینه درک روزی
غراب و کلاغ اولدی) شویله که محمد (علیه السلام)
اصحابی مدینه کی برانیتلی محله هجرتله اعوان و انصار
پیدا ایدرک تقویت بولدیلر . کندیسنی دخی یقین و قتده
اورایه کیدوب باشمز برفلاکت عظیمه چیقاره جغه نده
هیچ شبهه یوقدر . اعدی بونک بر چاره سریععه سینه

باقلم دید کلرنده ایچلرندن (ابوالختری بن هشام بدنام
دهن ناپاکک قحله محمدی (علیه السلام) برزندانه آتوب
قابولرینی محکم قبادقدنصره ییه جک و ایچه جکنی پنچره دن
وبروب هلاک او نجه یه قدر اورادن چیقارمیز) دهرک
بیان رأی ایلد یکنده پیرنجدی بو رأی تحسین ایتیوب
(محمدک (علیه السلام) قوم و قبيله سی ایشته کلرنده
آنی سزک یدیکزدن تخلیص ایدرلر . و بلکه بوایش
مقاتله عظیمه یه باعث اولوب سزیه غالب کلورلر)
دید کدنصره وجه ناپاکک (ابواسود بن ربیع) طرفه
چویردیکنده ابواسود (قبحه الله) فیما بعد ارض حازه
قبول اولغامق شرطیلد طرد و تبعید ایدلم) دیدیکنده شیخ
نجدی بونی دخی تحسین ایتیوب سز محمدک (علیه السلام)
نه ذات عالیقدر اولدیغنی ییلده مامشسکرکه هرقتنی برمحله
وار دیغنده جال دلارا و منطق جانفزا و اخلاق باصفاسنی
کورنلر البته کندیسنه مائل و حیران اولوب بیعت ایدرلر .
وصکره تجمع ایدوب سزک جله کزی قلجدن پکیره رک
محو و پریشان ایده جکلرنده هیچ شبهه یوقدر دید کدنصره
ملاعین کفره پیرنجدینک دخی ظهور نبوتدن مضطرب
اولدیغنی کورنجه (هر حیا بک ای پدر مشفق نه طوغری
سوزلر سویلمورسین) دهرک تعظیم و تکریم ایتدیلر .
بعده روی مردارین ابو جهل لعینه دوندروب سن بو باده
نه رأی ایدرسین) دید و کنده لعین مزبور (بکا قالور سه
هرقبيله دن بردلاور انتخاب اولوب جله سی بردن محمدک

(علیه السلام) اوزرینه هجوم ایدرک قتل ایدیلور سه
کافه قبائلک حصه لرینه برر قطره قان اصابت ایده جکندن
بنی عبدمناف قبائلک جله سیله مقاتله ایتککه قالقبشه میوب
بالضروره دیتنه راضی اولورلر بوجهته له دیتنی ویره رک
قورتلش اولورلر) دیو بیان رأی ایتسی اوزرینه شیخ
نجدی (اشته رأی صحیح بودر) دیوب تحسین ایدنجه
کفره مرقومه دخی قبول برله رأی مذکورک اجراسنه
قرار ویریلرک مجلس طاغلدی . و امر مزبورک تدارکاته
قالقشدیلر . و اشیو قرارک منوال مزبور اوزره واقع
اولدیغنی مبین (واذ بکربک الذین کفروا لیثبتوک او یقتلوک
او یخرجوک و یمکرون و یمکر الله و الله خیر الماکرین) آیت
جليله سیدر . بو قراری متعاقب جبریل امین نازل
اولوب (یا رسول الله کفار خاکسارک بو مثلاو برطاقم افکار
فاسده لری اولدیغنی جهته له (علام الغیوب) اولان
جناب کبریا حضرتلری بو کیجه یتا عکزده یا تمیوب
مدینه منوره یه هجرت ایتکزی اراده یوردیلر)
سیاقیله بیان حال ایلد یکنده سرور عالم افند مزعلی
کرم الله وجهه حضرتلرینی دعوت یی وروب
(یا علی جناب کبریائک اراده علیه سیله بو کیجه
مدینه منوره یه هجرت ایده جکم . بنده بولنان
برطاقم اماناتی صاحب لرینه تسلیم ایتک اوزره سنک
بوراده قالقلغک لازم کلد یکندن بو کیجه
بنم یتاغنده یا نه جقسین دیواراده و کفار خاکسارک

کدینه هیچ بر ضرر لری اولیه جغنی تأمین بیورمسی اوزرینه
اول شیر خدا جناب رسالت پناهک (ردای حضرمی) مبارکته
صاریله رق فراش خاصنده یاقوب سسرور عالم افندمرک
او غورنده فدای جان ابدی . رضی الله تعالی عنه .
کجه قرار مغه باشلا دقده اشقیای عربدن بر نیچه لعین بی حیا
واسع بر محله تجمع ایدرک اجرای مافی الضمیر قالفش دیلر .
انجق مهابت نبویه دن بردنبره هجوم ایتکه جسارت ایده مدکلری
جهنله سسرور عالم افندمرک او یوم سینه منتظر اولوب
وسعادتخانه لرندن قاچر مامق ایچون بتون اطراف تحت محاصره یه
آلدیلر . حضرت فخر عالم افندمرک با عز و الاله لال
سعادتخانه لرندن چیقوب (یسن) سوره منیفه سنی (وجعلنا
من بین ایدیهم سداً و من خلفهم سداً فاغشینا هم فهم
لا یصرون) آیت جلیله سنه قدر تلاوتله یردن بر آوج طپراق
آله زق ملاعین منخشد اوزرینه آتمسیله بحکمه الله تعالی
اعین کفره یه بر پرده ادبار چکیله رک سسرور عالم افندمرک آره لرندن
کچوب هیچ بریسی کوره مدی . و اشبوصا چیلان طپراق
هر کیمک باشنه اصابت ایتدیس غزوه بدر ده قتل اولنده رق
حصب نار بحیم قلندیلر . صباح تقرب ایلد کده شیطان علیه اللعنه
انسان صورتنه کیره رک مشرکینک سبب اجتماع لرینی سؤال ایدوب
محمد (علیه السلام) منتظر ز جوانی آلدیغنده بر آه سرد چکه رک
(ایواه باشکره صاچلمش اولان طپراغه باقیلور سه محمد
(علیه السلام) سسزی چیمکیه رک کچوب کتمشدر) دیمسی
اوزرینه هر بری باشنی یوقلا یوب طپراغه بولاشمش اولدیغنی بولدیله .

بونک اوزرینه باب سعادتک آره لغندن باقوب بر ذاتک
برد حضرمی به صاریله رق جامه خواب رسالت پناهیده او یودیغنی
کور دکلمرنده سسرور عالم افندمرک ظنبله جله سسی بردن
هجوم ایله ایچرویه کیردیلر . حضرت علی افندمرک کفارک
داخل اولدقلرینه واقف اوله رق یاقدن قالدیغنده ملاعین
کفره کمال تلاش ایله کندوسسندن حضرت فخر رسالتی
سواللرینه جوابا جناب مرتضی (صباحه قدر بتون اطراف
چوپره رک بکلدیگر ده شمعی اول حضرمی یه بندنی سوال
ایده یورسکر) دیدیکنده مشارالیهی بر مقدار توقیف ایتد کدنصکره
ابو لهبک رأیله صالیو یروب جناب فخر رسالتک تقبیش
وتفحصنه تشعیر ساق ایتدیلر . حضرت فخر عالم افندمرک
سعادتخانه لرندن چیققلرنده ابوبکر صدیقک خانه سنی
تشریف بیوردیلر . انجق جبل ثورده کی غارده اوچ کون
قدر اقامت اولتمق اقتضا ایده جکندن مشارالیه کوندزدن
حاضرلمش اولدیغنی لوازم سفریه وایکی رأس دوه یی
کتورمک و قولاغوزلق خدمتی ایتک اوزره (دئل)
قبیله سندن (عبدالله بن اریقط) ایله مقاوله اولندی .
وصدیق اکبرک آزادلو سسی عامر بن فهر دخی بهر کجه
بر مقدار سود کتورمک خدمتنه تعیین وعبدالله بن ابی بکر
حضرت لری دخی غایت جسور و عاقل ودانا اولدیغنی جهته
کوندزلی جمعیت کفاره کیدرک ایشیده ییلدیکی و قوعانی
کجه لری غاره کلوب خبر ویرمک خدمت مهمه سنه مأمور
قلندی . بعده رفاقت صدیق اکبرله مدینه منوره یه متوجه

حرکت ایدرك اول كچه جبل ثورده بر غاره . واصلت
اولندی . انجق اول غار سباع وحشیہ نك مسكن و مأوا سی
اولغله مشهور اولدیغندن صدیق اکبر (یار سول الله
بر لحظه جك بوراده توقف یوریکز ابتدا غاره بن کیره یم .
شاید بر ضرر لی شی واریسه و جود همایونکزه اصابت
ایتمسون) دیهرك استیذان ایدوب ایچرو کیدی . والریله
غارك هریرینی یوقلایوب دلیك بولدیغنی برلری کیمش اولدیغنی
اثوابی پارچه لیهرك طیقادی . انجق بریه-وك دلیك
قالوب اثوابیله طبقایه مدیغندن ایاغنك اوچکء سیله باصوب
ایچرویه یورك یار سول الله دیدی . واصل اول كچه
اوراده یاتوب صباح اولدقده سرور عالم افندمن صدیق
اکبری عریان کورنجه (یا ابا بکر سنك اثوابك نه اولدی)
سؤالنه جواباً (یار سول الله پارچه لیوبده دلیك بولدیغنی برلری
طیقادم) دیمسی اوزرینه سرور عالم افندمن خیر دعار
ایلدی . و صباح قدر صدیق اکبرك ایاغنی یی-لان
وعقر بلر عوقوب حالنی کیزلردی . انجق کمال اضطرار بندن
کوزلرینك یاشی سرور عالم افندمنك جهان شریفنه طاملا دیغندن
تسلیه ایدوب (یا ابا بکر محزون اولمه زیرا جناب کبریا
بزمه در) یوردی . و آنصکره جناب کبریا حضر تلری
دخی قلبنه صبر و سکینت و یروب یاره لرینك آجپسنی ایشتمز
اولدی . و حشرات مزبورده دخی اضرا ره قادر اوله مدیلر .
وبرده جناب کبریا حضر تلری حبیب اکر منك محافظه سیچون
اول كچه غارك قیوسی اوکنده بر مغی-لان اغاچی خلق

ایلدیکی کبی ایکی عدد کو کر جین دخی خلق ایدوب اول
مغیلان اغاچنده یووه یایدیلر . و برقاج یورطه پیدا ایدرك
نغمه ساز او لوب اعدای برکمر دارك داخل غار اولمینه
بر پرده چکدیلر . و بونی متعاقب اور مجملر کلوب باب
غارده آغلر و دائره لر کر و ب اعین اعدادن ستر ایلدیلر .
اش-بو وقعنهك صباحیسی فجیره قریش اینر سورمك فتنده
مشهور و متعارف اولان (کزربن علقمه یی استصحاب
ایدرك اللرنده قلیچلر و عصار ایللر ایزلرینی طوتوب جبل ثورده
وارد قلرنده قولاغوزلری اینری شاشیروب) اشته بورایه
قدر کملر در اما بوندنصکره نره یه با صدقلرینی بیلمیورم)
دیدی . و غارك یاننه وارد قلرنده (ای جماعت عرب سزك
مطلوبکز اولان کشت-یلر بو غاری تجاوز ایتملر در . واصل
آمال اولمق داعیه سنده ایسه کز غاره داخل اولمیسکز)
دیمسی اوزرینه خذله مر قومه غاره هجوم ایدنجه ذکر ی
سبقت ایدن کو کر جینلر اور کوب فرار ایلدیلر . و کو کر جینلر
یمور طلرینی و اورو مجملرک یووه لرینی کوردکلرنده اذهان
کفره تخدیش اولنوب قولاغوزك س-وزینه اعتماد ایتمهرك
اطراف غاری جستجویه باش-لا دیلر . مؤخرأ صنادید
قریشدن امنیه بن خلفك (ای قوم نافله یره زحمت ایدوبده
غاره کیر میکرز . زیرا میلاد محمد (علیه السلام) دن
قرق سنه اول قیوسنده اور مجملر پرده و کو کر جینلر یووه
پایان غارك ایچنده انسان بولمق ممکن و متصور دکلدیر .
اکر بورایه کیره ایلدیلر یورطه لرک قیرلمسی و پرده لرک

بوزاسی لازم کوردی (دیمسی او ززینه کفره فجره
خائب وخاسر اوله رق عودت ایدیلر . والحاصل غارمز یورده
اوج کیجه اقامت یورلدقد نصکره بر موجب مقاوله
عبدالله بن از یقط دوه لری کتوروب وعامر بن فهر دخی
کلوب دوه لک برینه سرور عالم افندمز له ابا بکر الصدیق
حضر تلی راکب اولوب وبرینه دخی عبدالله ایله عامر
راکب اوله رق سواحل جهتیه مدینه منوره یه طوغری
توجه یوردیلر . اول کون کیجه سیله برابر کیدیلوب ایرتسی
کونی قوشلق و قی تصادف اولان بریوک طاشک
کولکه سنده بر مقدار استراحت یورلدقد نصکره ینه یوله
روان اوله رق اول کیجه (قدید) نام محله ایرشد کلرنده
(ام معبد عاتکه بنت خالد خزائیه) نک خیمه سنه مسافر
اولدیلر . ام معبد کمال احترام ایله قارشولایوب
خدمت لرینه مسارعت ایلدی . انجیق قیونلرک رعیه
مشغوله اولوب اوزاجق محله بولندیغی جهته طعماک
تأخیردن طولانی بیان معذرت ایلدیکنده سرور عالم افندمز
خیمه سنک اطرافنه احاطه نظر یوروب برکوشده ییقیلوب
قالمش غایت آریق وضعیف برقیون کور مسیه ام معبددن
بالا سیدان قیونی اوکنه آله رق مبارک اللریله مسمه سنه یاپیشوب
(بسم الله الرحمن الرحیم اللهم بارک لها فی شاتها) یوردیغنده
قیون آیاقلرینی یایوب مملری سود ایله طوانجه مشار
الیهایه امر ایله برقاب کتورده رک سود صاغدی . واولقادر
کثرت اوزره سود ویردی که بالجمله حضار دفع غائله جوع

ایلدکد نصکره آینه موجوده دخی طولدیرلدی . واول
قیون سرور عالم افندمزک اثره مجزه سی برکاتیه صباح
واخشام صاغیله رق تمام اون سکر سنه دهایشایوب
عمر الفاروق رضی الله تعالی عنه حضرتلرینک زمان
خلافتنده وفات ایلدی . ام معبدک زوجی (ابو معبد
اکثم) خیمه یه کلدیکنده مشارالیه اوصاف نبویه و اخلاق
محمدیه یی نقل ایدنجه برککده هجرت ایدرک شرف اسلامی
قبول ایلدیلر . اشته بو وجهله کفار خا کسار ثنائ
وخاسر اوله رق مکهمیه عودت ایتدکلرنده ابو جهل لعین
صوت باند ایله ندا ایدوب (هرکیم محمدی) (علیه السلام)
یاخود صاحبی ابوبکری (رضی الله عنه) بولوب قتل ایدر
ویاخود اسیر اوله رق کتورده هر برینک دیتلری اولان
یوزرأس دوه احسان ایدرم) دهرک وعد ایتسی اوززینه
(سراقه ابن مالک) در عقب سلا حلوب آتته یینه رک سرور
عالم افندمز ی بولاق آرزو سیله یوله چیقیدی . وعادت
جاهایه اوزره تفاؤل ایدوب نائل امل اوله میه جغی اصابت
ایتمش ایسه ده اعتبار ایتوب کیجه سنی کوندزه قاته رق
آتی سوردی . عاقبه الامر سرور عالم افندمزک صدای
مبارکینی ایشیدوب براوق منزلی تقرب ایلدیکنده ابوبکر
حضر تلی دائماً اطرافه التفات یوردیغندن حاله واقف
اولنجه (یارسول الله قد خلقنا هذا الطلب) یعنی یارسول الله
بو طلب بزه لاحق اولدی . یوردقلرنده سید عالم افندمز
(لا تحزن ان الله معنا) کلام معجزیانه تسلیه یوردیسه ده

صديق اکبرک رسول اکرمه کمال شفقت و محبتی اولدیغندن
 کندوسنی ضبط ایدمه میوب بکاء ایدرک (یارسول الله یولنه
 جانم فدا اولسون بن کندی حالی دوشمنیورم . انجیق
 وجود همایونکزه برضرر کلامسنی استرم) دیمسی اوزرینه
 رسول اکرم (اللهم اکفناه عما شئت) نطق همایونیه دعا
 ایدنجه سراقه نك آتک آیاقلری دیزلرینه قدریره کومه ولدی .
 سراقه بو حالک اثر دعای جناب پیغمبری اولدیغنی امنالی
 دلالتیه استدلال ایدرک (امان یارسول الله سوء قصدیکزدن
 نادم اولدم خلاصم حقنده دعا ايله) دیهرک رجا و نیاز ایتسی
 اوزرینه سرور عالم افندمرک (اللهم ان کان صادقا
 فاطلق فرسه) دعاسی برکاتیه خلاص اولنجه شوکت
 اسلامیه نك کیدرک جهانگیر اوله جغنی اکلا دیغندن برقطعه
 امان نامه احسان یورلمسینی نیاز ایتکله عامربن فهر یازوب
 اعطا یورلمسی اوزرینه مع الممنونیه عودت واثای راهده
 مشرکیندن هر کیمه راست کلدیسه (جله یوللری تحری
 و تفحص ایتدم انجیق محمددن واصحابندن هیچ بر اثر بوله مادم
 نافله یورلمایکنز) دیهرک کیرویه چویرردی . وحنین
 غراسندن عودتنده سرور عالم افندمره ملاقات ایدوب
 امان نامه مزبور ی اراهه ایدرک شرف اسلامی قبول
 ایلدی . و برده (بریده بن الخصب الاسلمی) موعود اولان
 دوه لره نائل اولق آرزوسیه قوم و قبیله سندن یتیش نفر
 بهادری بالاستحاب سرور عالم افندمری تعقیب ایدرک
 یتشدیکی کجه مجلس سعادتلرینه حاضر اولوب رسول اکرمک

درجه کمالده اولان فصاحت و بلاغت و وجه مبارکنده
 لمعان ایدن نوری کور مسیله هدایت ربانیه یتیشوب رفقای
 موجوده سیله برابر شرف اسلامی قبول ایلدیله . و ابرتسی
 کون رسول اکرمک مساعده سنیه لرله (بریده اسلمی)
 باشنده کی صاریغی برمز راغه باغلیه رق اوکلرینه دوشوب
 علمدار رسول الله اولدی . خلاصه کلام ماه ربیع
 اولک غره سنده مکه مکر مه دن چیقوب ماه مزبورک اون
 ایکنجی یازر ابرتسی کونی عز و اقبال ايله مدینه منوره یه
 واصل اولدیله . واهالی مدینه (حره) نام موضعه
 قدر استقباله چیقوب کمال توقیر و احترام ايله مراسم استقبالی
 اجرابه مسارعت ایلدیله . و اورادن قالقوب هوالر
 غایت صیحاقل اولدیغندن مدینه منوره قرینده قبانای حیه سنده
 بنی عمرو بن عوف جماعتک اولرنده برقاج کونلر مسافرته
 استراحت یور دیله . علی ابن طالب کرم الله وجهه
 حضراتلری هجرت نبویه دنصکره اوچ کون دها مکه
 مکر مه ده اقامتله سپارش یوریلان امانتلری صاحب لرینه
 تسلیم ایدرک هجرت ایدوب سرور عالم افندمر
 قبانای حیه سنده ایکن یتیشوب کلدی . بعده سرور عالم
 افندمر بره وجب اراده الهیه مسجد قبانای سینه مسارعت
 یور دیله . واصحاب کرام ايله مجتمع اولوب اولاشکاره
 جماعتله نماز قیللری اشبو مسجد شریفده واقع اولمشدر .
 قباده برقاج کونلر استراحت یورلدق دنصکره مدینه منوره
 شهرینه داخل اولوب اقربای سیدالابرار اشرف بنی النجار

رکاب همایوننده یور و یه رک بنی سالم بن عوف جاعتنه
کلوب جمعه نمازی وقتی حلول ایلد کده یوز نفر اصحاب کرامه
امام اوله رق (دانونا) نام موضعه جمعه نمازینی قیلدیلر .
بعد اداء الصلاة یوله روان اولوب اشراف انصار ک
خانه لری او کندن پکرایکن مسافت سعادتلرینی نیاز ایدنلره
(بنم دوه مک زمامی دست تقدیره حواله اولندیغی جهته مأمور
اولدیغی محلدن برخطوه ایلر و پکه مزبوسیدن استدعای نزولله
کند و کزه زجت و یر میکز) دیه رک خاطر لرینی تطیب
بیورلردی . بونک اوزربنه (جدعا) نام دوه صاعنه
صولنه باقهرق کیدرکن مالک نجارک خانه سی یانه
کلدیکنده چوکدی . بر مقدار توقف ایتد کدنصره قالقوب
ابی ایوب انصاری رضی الله عنه حضرتلرینک قیوسی
او کنده چوکدی . تکرار اورادن دخی قالقوب
بنه اولکی چوکدی کی موضعه کله رک اوراده
چوکوب و بویینی اوزادوب یراوستنه قودی .
بعده سرور عالم افندمز (ان شاء الله هذا الحل) دیوب نازل
اولدی . و ابو ایوب انصاری حضرتلرینک خانه سنه
مسافر اولدی . و موضع مزبور (معاذ بن غفران)
انصاری حضرتلرینک زیر ترپیه سنده اولان (سهل
وسهیل) نام ایکی یتیم پدرلری عمرودن موروث بر محمل
ایدی . سرور عالم افندمز موضع مزبوری صاتون آلوب
اوراده مسجد شریف نبوی بناقلندی . (خلاصه)
سرور عالم افندمزک سن عالیلری قرقه بالغ اولدقه خلعت

نبوتله تشریف یور یله رق اوج سنه یه قریب مأموریت
جمله لرینی اظهار یتیموب خفیه خلق دین حقه دعوت بیوردیلر .
بعده علماً دعوت ایمانه مأمور اولوب اون سنه قدر یوقارودنبرو
بیان اولندیغی و جهله امر دعوتده اصلاً قصور یتیموب
غایت حکیمانه ادله عقلیه و نقلیه بسط و بیان و اظهار معجزات
باهره ایدرک طرف الهیدن امر اولندیغی کی آشکاره خلق
شرف ایمانه دعوت بیوردی . نبوتلرینک اوچنجی سنه سنده
دخی هجرتله مأمور بیور یلوب اون سنه قدر مدینه منوره ده
اقامته مأموریت جمله لرینی بتمامها ایفا ایدرک اعلائی کلمه الله
ایله دین مبین اسلامی اعزاز بیوردقن صکره التمش اوج
باشنده ایکن دار عقبایی تشریف بیوردیلر . (صلی الله علیه وسلم)
(استطراد) ای شمدی انصاف ایتلی مشرکین مکه
حضرت فخر عالم افندمزک حین صباوتندن نبوتی زمانه
قدر کندوسندن اصلاً کذب و غدر و خیانت و سائر او صاف
ذممه نک هیچ بریسی صدور ایتدیکنه جزم و یقینلری او لغله
(محمد الامین) تسمیه ایدرک اخلاق جمیله ایله موصوف اولدیغی
جمله سی معترف ایدیلر . و پک چوق معجزات باهره لرینی
عیناً مشاهده ایتدیلر . ازان جمله بری قرآن کریم و فرقان
مبیندر که کندولری فصاحت و بلاغته ممتاز عالم ایکن
براقصر سوره جمیله سنه نظیره کتور مدن جمله سی عاجز
قالدیلر . و پک چوغی دخی قول کلامی اولدیغی اعتراف
ایتدیلر . و هر بری عقل ناسدن و فطانت و درایتده بی نظیر
ایکن مجرد ریاست دنیویه لرینی وقایه ایتک ایچون عناداً

و استکباراً شرف ایمانی قبول ایتدکارندن بشقه کندولری
 دین حقّه دعوت ایلان بویله بر محبوب رب العالمین حضرتلرینه
 بوقدر حقارتلر و اذا و جفالتک لایقیمی ایدی . اون اوج
 سنه قدر ایشنی و کوچنی ترک ایدوبده کیجه کوندز فتنه و فساد
 چالشملغنی هیچ براهل انصاف قبول ایدرمی . و مجرد دین
 حق قبول ایتدکاری ایچون بوقدر خون بی کناهای ایتکاب ایتکه
 قالشملق یراش ورمی ایدی . حالبوکه حضرت فخر عالم
 افند مرزانیای سالفه کی هلا کلرینه دعا ایتش اولیدی
 تار و مار اوله جقلرنده اصلاً شبهه یوغیدی . بونکاه برابر کمال
 رحم و شفقتدن ناشی کندولرندن هر نه زمان حقارت
 کوردیسه اصلاح حاللرینه دعا ایدر و کندولری طرفندن
 جناب حقّه اعتذار ایدردی . عجباً خصمتک هلاکنه مقتدر
 ایکن بویله سنه لرحه حقارتلرینه صبر ایدرک اصلاح حاللرینه
 چالشملق پیغمبران عظامدن غیری قنغی برکسه نک یاپه ییله جکی
 ایشدر . هیهات هیهات . و اصلاحی قبول ایتیه جککاری جزما
 معلوم اولدقدن صکره بو مثلاًو ملاعینک وجود خبثات
 آلودلرینی یر یوزندن قالدردمقلغنی محکمه انصاف و عدالت
 تجویز ایتزمی . تجویز ایتسی شویله طورسون فرض عین
 کوره جککنده ییله قطعاً شبهه یوقدر (تمثیل) برخسته نک
 پار مغنی چور و یه رک معالجه قبول ایتوبده بتون وجودینه
 سرایت ایده جکنی بر طیب حاذق مشاهده ایلدکده اول پار مغنی
 کسمک طیب حاذقک مرتجسزلک و شفقتسزلکته و یریلورمی .
 خیر خیر . بلکه عین شفقت و مرحمتدر . و برده کلب عقور

وقورد و دها بو مثلاًو سباع و حشیه بر بلوک انسانلره و یا خود
 بر سوری قیونه هجوم ایتدکارنده کندولرینی هلاک ایتدکارکی
 عقل سلیم تحسین ایتزمی . البته ایدر . و برده منتظم
 بر باغ و بغچه نک ایچنده یان دیکلری پیدا اولدقده باغبان
 کامل اول دیکلری کسمزمی . مضر اولدقده لرینی تیقن
 ایتدیکی و باغ صاحبک امری منظم اولدیغی حالده چاره سز
 کسه جکدر . اشته بونک کی حضرت فخر عالم افند مرتز
 الهیدن جمیع امراضه معالجه ایدر بر طیب حاذق و انسانلرک
 هلاک ظاهری و معنویلرینه قصد ایدن کلاب عقور دن
 کندولرینی حافظ و باغ و جودلرینه ایصال خساروز یان
 ایدن دیکلری قلع ایدرک شرف ایمان و اخلاق حمیده
 شکوفه لریله تزیین ایتک اوزره مأمور یورلدیغی جهته اعضاء
 وجوددن چور و پر مغنی و جماعت روحانیه دن سباع و حشیه
 و اشجار مثمره ایچنده مضر دیکن مشابه سنده بولنان کفار
 خاکسارک وجود خبثات آلودلرینی روی زمیندن قالدردمی
 رحمة للعالمین اولسنده منافی اولورمی . حاشا بلکه عین رحمت
 اولدیغی کون کی ظاهر در . کافه عالمه مضرتلری درکار
 اولان بویله بر طاقم خمیثلرک وجودلرینی قالدیره رق باغ جهانی
 ازهار ایمان ایلله تزیین ایتدیکندن حبیب رب العالمین حقنده
 سفاک دماء ایدی دیمک یاقبشورمی . عجباً بویله سوزلر
 سوبلیان کسه لر باشلرینی اوکارینه اکوبده هیچ دوشونمزلمی .
 مدینتک برج اعلا سنه اعتلا ایتش صابیلان بر طاقم ملوک
 مجرد کبرلرینه طوقنان بعضی مواد دن طولا بی جهانیه اوله

و پرویده حد و حساب کز انسانلرک تار و مار اولمیرینه سبب
اولمیرمی و حالا او ایورلری . بولره حالا او نظرله باقیابوده
ایلائی کله الله ایله محافظه دین و ناموس ملی ایچون
بر طاقم اشقیانک اعدایله اصلاح احوال جهان ایدلره
اطالعه لسان ایمکلی عجب مدینتک قنغی مکتبنده او کربلر .
(مثل) پکینک قویروغی دائما دیک طور دینجی جهته
عورت یرلرینک مسیره گاه حیوانات اولدیغنه باقیابوده
قیونه تعرض ایدرک (سن پکید یرندن آتلار کن
بن سنک عورت یرلرینی کوردم) دیسی کی . بومللو
کسه لر دخی دین و دنیالرینک خراب و عرض و ناموسلرینک پایمال
کلاب اولدیغنه باقیابوده افعال الهیه و افعال نبویه به دخل
و تعرض ایلری نه بیوک حما قدر . نعوذ بالله تعالی
بشخی بابک مقدمه سی

قوم یهود و نصارانک کابلری بیان اولندیغی و جهله تبدیل
و تحریف اولمسندن ناشی انبیای سالفه کرامک حق عالیرنده
اطالعه لسان ایله بر طاقم افترا لره قالدقشدقلری آز کلوب کفر
و ضلالک درجه نه پایه سنه کیدرک و اوتانوب عار لیمغی ترک
ایدرک پروتستان کفره بفره سی عوام ناسی غلطه دوشورمک
خلیای باطلیلله دام تزویره سلوک برله سرور عالم افندمرک
حق عالیرنده بر طاقم تفوهاته قالدقبشوب (دین اسلام قوه
جبرییه و جهاد ایله نشر و اشاعه اولمش بر دیندر) دیدکلری
وامر جهادی بر طاقم تقریرات عجیبه و غریبه ایله یازه رق
نشر ایتدکلری و بونک منشی کفر و عناد صرف اولدیغی

جهتله جوابه شروع اولمزدن اول امور خسه تمهید اولنوب
ثانیاً بتوفیق تعالی جوابه تصدی اولنه جقدر (امر اول)
اهل دینه کوره یقیناً معلومدرک جناب الله کفر و عصیان
راضی اولیوب بغض ایدر و آخرتده بونلرک سببیه مجازات
ایدر . و بعضا دنیاده دخی کفار و عصانه عقاب ایلیوب گاه
عموما اغراق ایله کفار خا کساری تعذیب و تشکیل ایدر .
حضرت نوح علیه السلامک زمانده اهل سفینه دن غیری
کافه ذوی حیاتی اغراق ایلدیکی کی . و گاه خصوصاً
اغراق ایله تعذیب و تشکیل ایدر . حضرت موسی علیه السلامک
زمانده فرعون و اعوانی اغراق ایلدیکی کی . و بعضا
دخی سعادن کبریت و آتش یاغدییره رق و شهرلری آلت اوست
ایدرک کافرلری هلاک ایدر . لوط علیه السلامک زمانده
سادوم و عاموره و نوا حیلرنده بولنان کافرلری بو وجهله هلاک
ایلدیکی کی . و بعضا دخی کفار خا کساری امراض ایله
اهلاک ایدر اسدودیلری انواع بواسیر ایله هلاک ایلدیکی کی .
نته کیم سفر صموئیل اولک بشخی بابنده تصریح اولمشدر .
و بعض کره دخی انبیای کرام و توابعی واسطه سیله کفاری
هلاک ایدر . نته کیم امر ثانیده بیان اولنه جقدر . و بومللو
بعضا دخی عاصیلری هلاک ایدر . نته کیم سفر الاعدادک اون
التبی بابنده تصریح اولندیغی و جهله حضرت موسی
علیه السلامه مخالفقلری سببیه (قوراح) و (داثان)
و (ایبرم) ی و اولاد و عیال و اموال و ائقال و توابعلری
پر یوزی آچیله رق قعر زمینه ایصال ایله باتردقدنصکره

و عظیم آتش چیقوب دها ایکیوز الی کشی بی یوتدیغی کبی .
و اوتسی کونی آنلرک هلاک اولملرند نطولابی بنی اسراییل
حضرت موسی و هارون علیهم السلامه مخالفتری سببیه
غضب ربانی ایریشوب فجأة اون درت بیک یدیوز کشی
هلاک اولندیغی کبی . و سفر ملوک اولک التنجی بابنده
نصریح اولندیغی وجهله بیت شمسک آدمیری ربک تابوته
نظر ایسدکری ایچون کندیلرندن الی بیک یتش نفرینی
هلاک ایلدیکی کبی . و بعضا دخی ملک ارسالیله اهلاک ایدر .
ته کیم سفر عموئل ثانینک یکریمی درنجی بابنده بیان اولندیغی
وجهله داود علیه السلامک زمانده برکونده یتش بیک کشی
هلاک اولندیغی کبی . و بعضا دخی دنیاده کفار و عاصیلره
عقوبت اولغز . کورلمز می که طوائف نصارانک اعتقاد فاسد لر نجبه
حواریون حضرت عیسا دن ماعدا کافه انبیای کرامدن
دها افضلدرلر . و حواریونک قاتلاری دخی عصر نوح و لوط
و موسی علیهم السلامک زما نلرنده بولنسان کافرلردن دها
کتودرلر . حالبوکه مشرکیندن ملوک رومه غلبه ایلان
(نبرو) دیدکلی ظالم پطریس حواری بی و زوجه سنی
و پاولوسی و مسیحیوندن دها پک چوق مکسه لری انواع حقارتله
قتل ایتمش و کذلک کفره ساثره دخی حواریلری و تعوابعنی قتل
ایتمش ایکن بیله جناب حق سابقا بیان اولنان عقوباتدن هیچ
بریسبیه کندیلرینی هلاک ایتمدی (امرثانی) انبیای سالفه
کرام علیهم السلام حضرتانی حد و حساب به کاز کفار خاکسار
قتل ایلدیلر و اولاد و عیال لرینی اسیر و مال لرینی دخی یغما

ایلدیلر . امور مزبوره آنجق شریعت محمدیه به منحصر
دکلدور . ته کیم ایکی عهدک کتا بلرینی مطالعه ایلانلرک
معلوملریدر . و اشبه و مدمامری اثبات ایده جک ادله
پک چوق ایسه ده نطو یلدن احترازا نمونه اولق اوزره
بر مقدارینک ذکر یله اکتفا اولندی (برنجی دلیل) سفر
توراة المثنی (نک یکرمنجی فصلنده یازلمشدرکه) آیت ۱۰
بر شهری دوکک و مقاتله ایتک ایچون یناشدیغک زمان اول
آنی صلحه دعوت ایده سین (۱۱) و اوله که اکر سکا صلح
جوانی و یروب آچیلورسه ایچنده بولنسان جله قوم سکا
خراجکندار اولوب خدمت ایدر . (۱۲) و اکر سنک ایل
صلح ایتیه و بده جنک ایده جک اولور ایسه آنی محاصره
ایده سین . (۱۳) واللهم رب آنی سنک الله و یردیکی
زمان جله ارک کلرینی تیغ بران ایل قتل ایده سین .
(۱۴) انجق عورتلر و اوشاقلر و حیوانلر و شهرده
نه که وار ایسه جله غارتارینی کندوکه یغما لیه سین واللهم
رب سکا و یردیکی دشمنلرینک طویلغنی بیه سین .
(۱۵) بوا مملرک شهملرندن اولمیوب سندن پک ابراق
اولان جله شهرلره بویله ایده سین . (۱۶) نهایت بوقومک
شهرلرندن که اللهک رب سکا میراث ایچون و یرر برجانی
استخیا ایتیه سین یعنی دیری براقیه سین . (۱۷) بلکه
انلری اهلاک ایده سین حیثیلری امور یلری کنعانیلری
فریزیلری حویلری و یابوسیلری نیجه که اللهک رب سکا
امر ایلدی ایسه . (۱۸) تا کیم کندی الهلرینه ایتدکلی

جمله کریمانه کوره سزی ایتمکه او کرتیه لر والله کز ربك
 او زرينه گاه ايتبه سز . (انتهى) اشته بو عباره لر دن
 اكلالديغنه کوره جناب حق ذکر اولنان التي قبيله اها اليه سنك
 ار كك وديشي واطفالنك كسكين قليج ايله قتل اولمليرى
 وما عدا سنك حق نده دخی او لا صلحه دعوت اولمليرى
 و صلحي قبول ايتدكلى حالده اطاعت ايله جزیه ویرمليرى
 و قبول ايتدكلى حالده كنديليله محاربه اولوب حين
 ظفرده ار ككلىنك قتل اولمليرى ونسوان و صبيانك اسير
 وماللىنك يغما اولملىنى امر ايلش . وقبائل سته نك
 قريه لر دن بعيد اولان جمله قري اها اليه سنك دخی معامله مزبوره نك
 اجرا سنى امر ايلش اولديغى آشكار در (نتیجه) عباره
 مذ كوره ياكز اولديغى حالده كفره مرسومه نك تقريرات
 واهيد لینه جواب مسكت اولور . واشهبو جوابى آنلره
 مقابله ده سلفاً و خلفاً علمای اسلاميه نقل ايتشلر در .
 انجق پروتستانلر مخالفلىنك سوز لر نده بو جوابى كور مامش كى
 سكوت ايدر لر . واصلاتسليم و يا خود تأويل ايله
 هيچ بروقت جوابه تصدى ايتزلر . (خذ لهم الله)
 (ايكنجى دليل) سفر خرو جك يكرمى او چنجى بابنده
 يازلمشدر كه (آيت ۲۳ بنم ملائكه لرم سنك او كنه دوشوب
 سنى آمور يلك وحيثيلرك وفر يز يلك و كنعانيلرك و حويلرك
 و يابوسيلرك ولايتلر نه كوتور در و بن انلرى قيره جغم (۲۴)
 انلرك اهلر نه طاعيه سين و آنلره عبادت ايتيه سين وانلرك
 عملر نه كوره عمل ايتيه سين بلكه انلرى بالكليه بو زوب

بتلرنى بالتمام پاره ايه سين . انتهى (او چنجى دليل)
 ينه سفر مزبورك اونوز در دنجى بابنده امم سته حقنده
 يازلمشدر كه (۱۲) صقین كيره جكك ولايتك سا كنلرى
 ايله عهد كسميه سين تا كيم سنك حق نده طوزاق اولميه لر
 (۱۳) بالكليه مذبحلرنى ييقوب و بتلرنى پاره ليوب قورولرنى
 كسه سين . انتهى (در دنجى دليل) سفر اعدادك
 اونوز او چنجى فصلنده يازلمشدر كه (۵۱) بنى اسرائيله
 امر ايدوب ديكه اردنى كچوب كنعان ولايته كيرديككز
 زمان (۵۲) او ككز دن اول يرك جمله اها اليه سنى قووه سكر
 و آنلرك جمله صور تلرنى بوزه سكر و آنلرك جمله يو كسك
 يرلرنى ييقه سكر (۵۳) هر يرى ضبط ايدوب ايچنده ساكن
 اوله سكر (۵۵) و اكر ولايتك اها اليه سنى او ككز دن قوغز
 ايسه كز اوله كه آنلردن براقديكز آدملر كوزلر يكره ديكن
 و يانلر يكره مزراق اولور لر و ساكن اولديغكز برده سزه
 مضايقه وير لر (۵۴) و صكره آنلره ايتكه قصد ايتديكم شبنى
 سزه ايدر م . انتهى (بشنجى دليل) سفر خرو جك
 يكرمى ايكنجى بابنده يازلمشدر كه (آيت ۲۰ هر كيم الله دن
 غيرى بتلره عبادت ايدر وانلر ايچون قربان كسر ايسه قتل
 اولنسون) (اتنجى دليل) سفر تورات المشانك اون او چنجى
 فصلنده تصريح اولمشدر كه المهدن غيرى بريسك عبادته
 دعوت ايليان كسمه صاحب معجزات اولسه دخی قتل اولمى
 واجيدر . وكذلك بتلرك عبادته دعوت ايليان اقارب
 و اصدقادن اولسه دخی طاش ايله رجم اولمى واجيدر

و بر شهر و یا خود بر کوی اهالی سی بتلره عبادت ایلسه لر حیوانیه
برابر کافه سنک قتل اولمسی و مملکتلرینک و اموال و اشیا سنک
آتش ایله یا قلمسی و او یله جه خراب و بیاب اوله رق بر اقلسی
واجبدر . (یدنجی دلیل) سفر خروجک اوتوز ایکیجی
باینده یکریمی التجی آیتدن یکریمی طقوزنجی آیه قدر عبادت
عجل حقنده یازیلان کلاملرک خلاصه سی (حضرت موسی
علیه السلام مناجاتندن عودتنده بنی اسرائیلک بوزاغویه
طاقدقلری کورنجه غضبه کله رک محله نک قپوسنده طور و ب
بنی اسرائیله خطابا (هر کیم جناب حقک یولنده ثابتقدم
اولور سه بکا کلسون) دیو امری ورنجه لاوی او غلاری
حضرت موسانک یاننه طویلاندیلر . بونک اوزرینه حضرت
موسی کندولرینه خطابا (جناب حقک امری شـودر که
جهله کز قلیجیلر یکریمی طا قوب قپودن قپویه کز مرک بوزاغی به
طاقدقلری ایچون هر کس کندی قرنداشنی و یولداشنی قتل
ایلسون) امرینی ورنجه لاوی او غلاری دخی اشـبـوامری
قبول ایلیوب همان اول کون جها عتدن یکریمی اوچیک کشی
قتل ایلدیلر) انتهى (سه کزنجی دلیل) حضرت موسی
علیه السلام وفاتندنصکره حضرت یوشع تورانک احکام
مندرجه سیله عمل ایلیوب برقاج ملیون نفوس قتل ایلمشدر .
(طقوزنجی دلیل) سفر الملوک الثالثک اون سه کزنجی
فصلنده مفصلا بیان اولمشدر که محملى ایلیا علیه السلام
(بعل) دیدکلری بتک پیغمبرلکنی دعوی ایلیان در تیوز اللى
کشیی خط و الزام ایلد کدنصکره جهله سنی بوغازلدى .

(خلاصه کلام) حضرت عیسی علیه السلامک زمانه
کانبجیه قدر کافه انبیای بنی اسرائیل سل سیف ایدرک پک
شدتلو محاربه لر ایتشلر و حتی چوق دفعه لر قتل عام ایله مأمور
اولوب کفره نک نسوان و صبیاننی بیله برفرد بر اقلقسزین
قتل ایلمشـلردر . و محاربه لری دخی کتب تورانک تصدیق
ایتدیکی مصر ح بولندینی جهته یله جناب حقک امریله
اولدینی بالضروره اهل ادیانک مسلملریدر . خصوصیه
نسحک وجودینه قائل اولیان طوائف نصارانک مسلملری
اولدینی اظهر من الشمسدر . والا معتقدات دینیه لرنده
تناقض ایتلری لازمه کلدور . کتب تورانک تصدیق شـوبله
طورسون نصارانک او قوسقوجه مقدس پاولوسلری بیله
رساله عبرانیه سنک اون برنجی باینده انبیای سالفه نک محاربه لری
و قتل نفوس و تخریب بلدان ایتلری جناب حقک امریله
و ایمانلرینک قویله اولوب ظلم اولدینی تصدیق ایلمشدر .
بوصورتده نصارانک (دین اسلام قوه جبرییه و محاربات
کثیره ایله تشکیل اولمش بر دیندر) دینلری کندی کابلرینک
احکامندن بی خبر اولوب جهل و عناد دن نشئت ایتش
بر عارسزلق دکلمیدر . بو کاده شبهه وارمیدر . و بو وجهله
اولان اعتراضلری قانون مناظره نک قنغی ماده سه سنه تطبیق
اولته بیلور . . . آفرین پروتستانلر نه کوزل آوو قاتلق
نحصل ایتمشسکز . عجباً مسلمانلری کیمندیکز کبی احق
و جاهلی ظن ایده یورسکز . در دیکزه یانکز . (امر ثالث)
شریعت سابقه ده موجود اولان احکام علیه اصـلا تغیر

ایتمکسزین اولندن آخرینه قدر بعینها شریعت لاحقه ده
باقی قلمسی شرط دکلدر . بلکه مصالح و ازمان و مکلفینک
اختلافی حسبیه احکامک دخی اختلافی واقعدر . ته کیم
شرایع سابقه ده قیز قزداشک نکاحی جائز اولوب شریعت
موسویه ده حرام قلندی . و برده شریعت موسویه ده
هرقنغی بر سبیل اولور ایسه اولسون کشی قاریسی بو شامق
وقارینک دیکر بر قوجهیه وارمسی جائز ایکن شریعت
عیسویه ده انجق زنا سبیل طلاق جائز اولوب و مطلقه نک
زوج آخره نکاحی جائز اولدیغی کبی . و شریعت موسویه ده
بر چوق حیوانانک اکلی حرام اولوب شریعت عیسویه ده
انصارانک مقدسلی اولان پاولوسک ابا حه عامه فتواسیله حیوانات
نجسه نک اکلی جائز اولمشدر خنزیراتی کبی و برده شریعت موسویه ده
جعه ابرتسی کوننه تعظیم ایتک فرض و جزئیجه برایش ایله
مشغول اولنلرک قتلی واجب اولوب شریعت عیسویه ده
نسخ اولدیغی کبی . و برده ختان یعنی ذکرینک قلفه سنی
کسمک شرایع سابقه نک کافه سنده موجود اولوب و حتی
حضرت عیسانک سنت اولدیغی لوقانک انجیلندن ایکنجی بابک
یکرمی برنجی آیتنده مصرح ایکن بعد العروج ینه او مقدسلیرنک
امر یله نسخ اولدیغی کبی . و برده امر جهاد شریعت
موسویه ده غایت شدتلی بر طریق اوزره ثابت اولوب شریعت
عیسویه ده مشروعیتی قالمدیغی کبی . و شریعت عیسویه نک
ابتدالنده جهادک عدم مشروعیتی حضرت عیسیا ینه تابع
اولنلرک قلنددن ایدی . و حتی تابع اولنلریله کتب انصارانک

شهادتیه حضرت عیسی علیه السلامی یهودیلر طوطدقلری
و قتده بطریسدن ماعداد جله سی فرار ایتلر . و ایش
طار لاشدیغنده بطریس دخی مشار الیه ایمان ایتدیکنی انکار
ایتلش . دیک اواییور که عیسی علیه السلامک جهاد ایله
مأمور یورلما سی مجاهدینک قلندناشی ایش . یوخسه
مجاهدینک کثرتی اولیدی مأمور یور یله جغنده اصلا شبهه
یوخیدی . و بوکاده دلیل شودر که حضرت عیسی علیه السلام
بر یوزینه نازل اوله جغی و قتده دجال و عسکرینی قتل ایله جکی
(اسالمونیتی) اهلایسنه ارسال اولنلرک رساله ثابته نک باب
ثابته سنده و مشاهداتک اون برنجی بابنده کندی مقدسلیرنک
تصریحیدر (تنبیه) امر ثابته بیان اولدیغی وجهله کفر
و عصیان جهاب حقک رضاسی اولدیغی جهته امر نبوت
و وحیک حق اولدیغی اعتقاد ایلیانلرک امور مذکور
حقنده دلیل اوزاد و بده هیچ بر شریعت اوزره اعتراض
ایتملی جائز اوله من . چونکه افعال الهیه به اعتراض ایتک
جمع ادیانده کفر اولدیغی بیاندن مس تغیدر . پیغمبران
عظامک افعالی دخی جناب حقک امر و رضاسیله اولدیغی
کنندیلرینه انزال یوریلان کتابلرک تصدیق و شهادتیه ثابت
و محقق اولسی حسبیه افعال انبیایه اعتراض ایتک دخی کفر
مصریح اولدیغی جای اشتباه دکلدر . مثلا طوفان توحده
اهل سفینه دن ماعداد کافه ذی حیاتی اهلانک ایتک و عهد
لوطده سادوم و عاموره و نوحیلرینی اهلانک ایتک و انبیای
سالفه نک محاربه لرنده صاییسز و حسابسز انسانلرک اتلاف

واهللك ايدلسي (حاشا وكلا) ظلمدر ديك كبي . انجق
مجد وزنديق اولانلر بوه مللو اموره دخل وتعرض ايدرلر .
آنلر ايسه صنوف انسانيه دن معدود اولمى قلى جهته
كنديلر بله بحث وجداله قالمشمايز بلكه بزم بختمز الوهيتي
اقرار وامر نبوتى تصديق ايليو بده كفر وضلالتده قالان يهود
ونصارى ايله در . (امر رابع) پروتستان علماسى كذب
اوزرينه اتفاق ايدرلر دين اسلامك سيف ايله نشر اولنديغى
ادعا ايدرلر حالبوكه كنديلرينك افعالى اقوالى تكذيب ايدر
چونكه كنديلرى واهل تشايدن اولان سلفلى (عاذالله)
برقومه مسلط اولمى قلرنده بسبتون مخالفلىرىك محوينه
جاليشورلر . اشته كندى علماسىك تاريخلرندن بعض
حالىرى نقل ايله لمده اهل انصاف اولنلر عبرت آلسونلر
وسيف ايله شايع اولان دين اسلاميدريوخسه كنديلرينك
مذاهب باطله ريميدره كس اكلاسون .

(طوائف نصارانك قوم يهوده واقع اولان تسلطلى)
پروتستان علماسندن (دفتريكت) نام كشيپشك انگليزلسانى اوزره
تأليف اينمش اولديغى كتابى ينه پروتستان علماسندن (مريك) نام
كشيپشك لسان فارسى اوزره ترجمه ايدوب ۱۸۴۶ سنه ميلاديه
و ۱۲۶۴ سنه هجرية سنده (ادن برغ) شهرنده طبع
ايندريدكى (كشف الآثار فى قصص بنى اسرائيل) نام
كتابك ۲۷ صفحه سنده ديوركه (تقريباً سنه هجرية دن
اوچيوز سنه مقدم اولان بيوك قسطنطين قرال يهوديلرك
قولاقلىرىك كسلسيله اقاليم مختلفه يه نفى اولملىرىنى امر ايلدى .

وصكره قرون مسيحيه دن قرن خامسده ملوك رومى قرالى
يهوديلرك محل امنيتى وهر طرفدن كلوب محل استراحتلىرى
بولنان اسكندريه شهرندن اخراج ايدلملىرى وعبادتخانه لرينك
ييقلمسى وعبادتلرندن منع اولملىرىنى وشهادتلىرىك قبول
اولمامسى وماندن برشىء وصيت ايدنه ك وصيتك قبول
اولمامسى امر ايلدى . بونك اوزرينه احكام مزبورنه ك
بر مقدار تخفيف ويا خود عفو اولمى اميدى يهوديلر طرفندن
ظاهر اولمجه جميع ماللىرىنى يغما وپك چوق كسه لى قتل
ايلدى) ويكرى سكرنجى صحيفه سنده ديمشدركه (انطيوخ)
بلده سنىك يهوديلرى مغلوب اولوب اسير اولدقد نصكره
بر طاقى قتل اولندى و بر طاقك دنى اعضالى كسلدى .
وباقيلى نفى اولندى . و ملوك رومى قرالى كافه ممالكنده
بومسكىلره انواع ظلم ايله ظلم ايتدكد نصكره نهايتنده كندى
الكاسندن بسبتون يهوديلرى طرد و اخراج ايلدى
وكتدكارى مملكه لرك والىلىرىنى يهوديلره بوجمله ظلم ايدلمسى
اوزرينه تهيج و تحريك ايلدى . حاصلى بيچاره يهوديلر
آسيادن اوروپانك نهايته قدر بوجمله انواع ظلم وحقارته
دوچار اولديلر . بعده برمدتجك صكره اسپانيول الكاسنده
اوج شرطك بريسنى قبول ايتمكه مكلف اولديلر . برنجيسى
نصرانىلىكى قبول ايتمك . ايكنجيسى نصرانىلىكدن
قاچيندقلىرى حالده حبس دائمى . اوچنجيسى هرايكيسندن
قاچيندقلىرى حالده وطنلرندن نفى اولملىرى . وفرانسه
ممالكنده دنى كنديلرينه بومللو معاملهء ظليه اجرا اولنور

ایدی • و آسیای کبیره دخی کندیلری ایچون امنیت حاصل
اوله میوب اکثر اوقاتده بمالك افرنجیه ده اولدیغی کی قتل
اولنورل ایدی • حاصلی بیچاره یهودیلر اقلیمدن اقلیمه
طولاشوب هیچ بریرده کندیلرینه بر موضع قرار حاصل
اوله مدی • و بکرمی طقوزنجی صحیفه سنده دیمشدر که
(قتولک ملت یهودیلری کفاردن عد ایدرک کندیلرینه ظلم
ایدرلردی • شویله که ملتارینک پیوکلری عقد مجلس مشاوره
ایلیوب یهودیلر حقنده برطاق احکام ظلمه وضع ایتدیلر •
(۱) بر مسیحینک علیهنه اوله رق هرکیم بر یهودی بی حایه
ایدرایسه خطا صاحبی اولوب آفوروز ایدیلرک ملدن
خارج اولور (۲) هیچ بر دولته یهودیلره منصب و برلاملیدر
(۳) بر مسیحی یهودی کوله سی اولور ایسه آزادلیدر
(۴) هیچ بر کسه یهودی ایله طعام ایتماملیدر (۵) یهودی
چو جقلری انا و بابالردن آیریلوب خر ستمیانلرک ترییه سنده
اولمیلدر) و اوتوز ایله اوتوز برنجی صحیفه لرنده دیمشدر که
(فرانسز قراللری یهودیلر حقنده شویله بر امر تدبیر
ایتدیلر که یهودیلر کسب و تجارتله زنکین اولنجیه قدر کندی
حاللرنده براقیلوب صکره ماللرینی مصادره ایدرلردی •
واشبو ظلم قراللرک طمعلرند ناشی درجه نهاییه سنه قدر بالغ
اولدی صکره (فلیب اوک سطس) فرانسه قرالی اولنجیه
ابتدا فرانسز لک یهودیلره اولان بورچلرندن بشده برنجی
آلوب بعده باقیسنی دخی دتملرندن ابراء ایلیوب یهودیلره برجه
اولسون ویرمد کدنبشقه مملکتلرندن دخی طرد ونی ایلدی •


واند نصکره کلان قراللر دخی یهودیلری بر قاج دفعه لر
کتوروب نفی ایلدیلر و الحاصل فرانسه دن انواع حقارتله
یدی دفعه نفی اولمشلردر و اسپانیان نفی اولنان یهودیلر اقل
قلیل یوزیتش بیک کشیدر و نمچه الکاسنده دخی برچوق نفوس
قتل و برطانیانک ماللری مصادره اولندی • و تنصر ایدر لک آزی
قورتلدیلر ایسه ده آنلرده بشقه صورتلره اهلاک ایدلدیلر •
وانکلتیه ده دخی یهودیلره پک چوق حقارتلر ایدلمشدر •
حتی انکلیز امراسی قراللرینه عصیان ایدنجیه ناسه شوکت
وقدر تلرینی اظهار ایتک ایچون ید پیوز یهودینک ماللرینی
غصب ایتدکن صکره کندیلرینی دخی قتل ایتک مادتلرندن
ایدی • و برده انکلتیه قراللرندن (رچارد و جان) و اوچنجی
(هنری) بر قاج دفعه لر ظلم و شفقتسنز لکله یهودیلرک ماللرینی
مصادره ایلدیلر • خصوصیه هنری بر در جهده ظلم و غدر
ایدر دیکه قوم یهودک بکار اغنیاسنی فقیر ایلدی و حتی شدت
ظلمندن ناشی یهودیلر هجرت ایتکله را ضی اولوب رخصت
استدیلر ایسه ده آکاده مساعدده اولندی • و صکره سر بر
سلطنه برنجی (ادورد) جلوس ایدنجیه یهودیلرک بستیون
ماللرینی غصب ایدرک ایشلرینی بیتوروب اغایت مشقتله اون
بشیک نفوسدن زیاده یهود نفی ایلدی • و اوتوز ایکنجی
صحیفه سنده دیمشدر که پور تکال اهلایسی یهودیلره اول درجه ده
حقارت ایدرلر ایدیکه یهودیلری طوتوب آنشه آتار ورجان
ونسوانی طوبلا توب بیرام کونلرنده کی کی شنگلر ایدرلر اید
و اوتوز اوچنجی صحیفه سنده دیمشدر که قاتولیک فرقه سنک

یوکلری بولنان پایا قوم یهود حقنده غایت شدتلی بر طاقم قوانین ظلمیه وضع ایلدی . انتهى کلام کشف الانار .

{ قاتولیک فرقه سنک کندی لرندن غیری
عیسویلره ایتدکلری ظلم و حقارات }

۱۸۴۹ سنه میلادیه سنه بیروت شهرنده لسان عربی اوزره طبع اولنان (ثلث عشر رساله) یعنی اون اوج رساله دن عبارت اولان کتاب اون اوچنجی رساله سنک ۱۵ و ۱۶ صحیفه لرنده یازلمشدرکه (روما کلیسای پروتستانلرک ضدینه اولمق اوزره آوروپا مالکنده برچوق دفعه لر غایت فنا حالده ظلم و حقاراته قالدشملردر . وشویله ظن او انورکه حضرت عیسیایه ایمان ایله یالکز کتب مقدسه یی سبب هدایت و ایمان و اعماله سبب ارشاد اتخاذ ایدوبده پایایه ایمان ایتیانلردن ایکیوز او توز یک کشی قدر ساده آتشد یاقبله رق اهلاک ایدلمشدر . قلیج و حبس و تخلیع مفاصل و سا ثر تعذیبات متو عنک افطع و اشدیله دخی نیچه بیکرله انسانلر قتل اولنمشدر . وحتی فرانسه ده (مار یثولماوس) دیوتسمیه اولنان بریورطی کونده رجالدن اوله رق او توز یک کشی قتل اولنمشدر . اشته بواسلوب اوزره پایارک اتکلری قدیسین قانلریله قینه لنمشدر) انتهى کلامه . و کتاب مذکورک اون ایکنجی رساله سنه یازلمشدرکه (تولید و اسپانیاده مجمع ملتده وضع اولنان برقانونده دیورکه) بزبرقانوندن وضع ایدلم که بوندن صکره هرکیم بومملکته اقبال وتوجه ایدر ایسه ابتدا کندی الکاسنده قاتولیکدن غیری هیچ برفردک یشامامسی اوزرینه عین ایتز

ایسه کرسی حکمداری یه صعود ایتسنه اذن ورخصت و بریه لم . و بوجمله عین ایتدکن صکره عهدینه مخالفت ایده جک اولورسه آفوروز لایوب اله سرمدینک حضورنده محروم ونار ابدیه نک خطبی کبی اولسون) وینه رساله مرز بورده یازلمشدرکه (۱۵۵۱ سنه میلادیه سنه اوچنجی پایا (پوایویوس) ک تحت ریاستنده اوله رق پیسقیوسلرک ایتدکلری عینلرنده شوکلام وادرکه سیدیمز پایایه وشو خلفه لرینه ایمان ایتیان کسه لر معند و اهل انشقاق و عادی و مجرمدر لر وار قوتیزی صرف ایدرک آنلری لعن و طرد ایدرز . و مجمع قسطنطنیا دیرلرکه هرکیم بومملکو معند و عاصیلری اله کچورر ایسه هیچ برکسه طرفندن ممانعت اولنمسنین بتون مالی آلوب کندی نفسنه صرف ایتسنه اذن ورخصت واردر و پایا (اینوشنیسوس) دیمشدرکه بومملکو معندلرک حقنده قصاصک اجرا اولنسنی جمیع ملوک و حکامه امر ایدرز و بونی کلیساک قصاصلری تحته الزام و ادخال ایدرز . و اون برنجی (لویس) قرال اون سکر قانون وضع ایتشدر . برنجیسی شودرکه بزم الکامزده یالکز قتلایک دینی مأذون اولدیغنه امر ایدرز . و دین آخره تمسک ایدنلر مدت عمرلرنده کورکه وضع اولنسونلر . ایکنجیسی جله و اعظلمرکه جسا عتلمرینه قتلایک عقایدن غیری بر عقیده و آنلرک مذهبنه مخالف بر عبادت تعلیم ایدرلر موت ایله عقاب اولنلرینی امر ایدرز . و ۱۱۹۴ سنه سنه اسپانیاده اراغون شهرینک ملکی (دیفونسو) الکاسنده بولنان مخالفلرینک نفی اولنلرینی امر



ایلدی و ۱۲۰۶ سنه سنده پاپانک امریله فرانسه قرالی
(تولوس) شهرینه اوچیوز بیک عسکر کوندروب مذهبلرینک
مخالفلرینی نفی ایتکدن قاچندیغی ایچون (رایمون) نام امیر ایله
محاربه ایلیوب نیچه بیک نفوس قتل ایلدیلر . و طوئدقلری
اسیرلری کونا کونا عقوبتلر ایله تعذیب ایتدیلر . و ۱۴۴۰
سنه سنده دخی ساردنیا دولتی اداره سنده قتلایک مذهبنه
مخالف بولنان عیسویلر اوزرینه پاپانک آدمه لری هجوم ایلیوب
بیک چوق نفوس قتل و اعدام ایتدیلر . و ۱۵۶۰ سنه سنده
ایتالیا ممالککندن (کالا بریا) شهرنده برطاقی عسکرلر
طرفندن و برطاقی دخی محکمه بیت التفتیش طرفندن اوله رق
نیچه بیکلره پروتستانلر قتل اولدیلر و ۱۶۵۵ و ۱۶۸۱
سنه لرنده (اودیاید مونت) ده قوانین ظلمیه تجدد ایدرک
پاپانک اشارتیه اون دردنجی (لویس) آب آنسزین هجوم
ایلیوب اهالی غایت طمانینتله خانه لرده ساکن ایکن عسکرلر
بیک چوق خلقی بوغازلدیلر و اون بیک کشیدن زیاده سنی حبسه
آتوب بیک چوغی غلبه لک و آجلقدن تلف اولدی . و آجلقدن
تلف اولیانلری نفی اولمق اوزره غایت شدتلی برقبش کونده
محبسدن چیقاریلوب صغوقدن تلف اولدیلر . و حتی
چوجقلری قوجاغنده اوله رق بیک چوق قالدیلر دخی تلف
اولوب بوللرده سیریلوب قالدیلر و ۱۵۲۱ سنه سنده بشنجی
(قارلوس) فلمنک دیارنده بولنان پروتستانلری طرد ایتک
اوزره پاپادن برامر آلوب بوسبیلله بشیوز بیک نفر قتل
ایلدی . و ۱۵۷۲ سنه سنده فرانسه قرالی پروتستانلرک

علما و اشرافدن اولان امیر (نافار) نام مکسنه یه قیرقرنداشنی
عقدنکاح ایتکی وعد ایتسی اوزرینه امیر نافار و اصدقاسی
و کلیسا سنک ایمانی امر از دواجک ایتحامی ایچون پارس
شهرنده اجتماع ایتدیلر . ابرتسی کون صباح عبادتی ایچون
چاکلر چالینجه امیر مزبورک و اصحابنک و سائر پروتستانلرک
علیهلرینه اولان اتفاق سابقلری حسبیه بغته قاقوب
عبادت وقتی ایچون اون بشبیک نفر پروتستان بوغازلدیلر .
واشبوامر (رویت) و (لیون) و فرانسه نک اکثر شهرلرنده
اجرا اولندی . حتی مؤرخیندن بعضیلری دیمشدرکه اول
کون التمش بیک کشی قدر قتل اولمشدر . و بوجمله اولان
ظلم و حقارت پروتستانلر سلاحه طور انوب مقاومت چالشدقلری
ایچون تمام اوچ سنه قدر تمتد اولوب پروتستانلردن طقوز
بوز بیک کشی هلاک و تلف اولمشدر . و فرانسه قرالنک
(ماریرتولساوس) یورطیسنده پروتستانلره ایتدیکی ظلم
و حقارتلر (روما) شهرنده ایشیدیلنجه قلعه لرده شتاک
طوپلری آتیلدی . و پاپادخی قاردینالریله برابر (ماریطریس)
کاپسالرنده مز مورشکری تزیل و تلاوت ایتک ایچون کندی .
واشبو عملاک اجرا سیله روما کلیسا سنه قرالک ایتدیکی خیر
کثیر و فعل جمیلی اوزرینه شکران و تعظیمی بیان ایچون قراله
مکتوب یازدی . (انتهی عبارتیه مجمل و مترجا) (اخطار)
دها بونک کبی وقوعات بیک چوقدر . بوراده بیان اولنانلری
بر نمونه جزیه در . (حکایه) و قتیله حریفک بری ایاقلرینه
چینقر اقلر طاقوب کز رمش . کندیسندن سببی سؤال اولندقدنه

قلبه خوف الهی غلبه ایتسندناشی قرنجه وسائر حشراتی
اور کودوبده ایاقلری الشده چیکانامک ایچون اولدیغنی بیان
ایتمش . و او آراقسده برچوق خانه لر صویلوب هیچ
بروجهله سارقلری بولنه مدیغندن بوحریفدن شبهه اولندیغنه
مبنی هر نصلسه خانه سنک باصلسی اوزرینه سرقت ایتدیکی
اشیا ایله خانه سی قوسقوجه بریدستان هیئتیه کیرمش اولدیغنی
مشاهده اولمش . اشته بونک کی پاپار حضراتی دخی
لا یخطیلاک دعواسنده کزه یورلر عالمه قارش قارش جنت
صاتیورلر . چوق پاره ویرنلرک کاهلرینی عفواید یورلر .
حالبوکه خطا و معاصینک ال یوک و اشمنی اولان بلاجنه
بو قدر خلق قانلرینه کیرمکدن اصلا قاچمیورلر . عجبا
بو قدر انسا نلرک قانلریله قینه لنان اتکار یله کندیلری نرده
یانه جقلر . و بو مزراغی چو و اله نصل صیغدیبره جقلر . آفرین
مدیلر آفرین . سرزین کزی وعظ و نصیحتلر ایله نشر
ایده یورسکر بابار لیکیده مسلمانلر ایده یورلر .

پروتستانلرک قتلو کله ایتدکاری ظلم و حقارات

۱۸۵۱ سنه میلادیه سنده طبع اولنوب قتولیک علماسندن
(طامس) نام کشیشک انگلیز لسانندن اردو لسانی اوزره
ترجه ایتمش اولدیغنی (مرأة الصدق) نام کتابک ۴۱ و ۴۲
صحیفه لرنده دیمشدرکه پروتستانلر ابتدای امرده التیموز
قرق بش باب مسافر خانه و طقسان باب مدرسه و ایکیمیک
او چیوز یتیمش التی باب کلیسا و یوز اون باب خسته خانه
ضبط ایله یغما ایتدکد نصکره امراسی یلنده مقاسمه اولنوب

اما کن مزبور دن نیچه یک مساکین و فقرای چیقلاق
اوله رق طرد و اخراج ایلدیلر . و ۴۵ صحیفه سنده دیمشدرکه
(پروتستانلرک ید طمعلری امتداد ایدوب نوع عدیده بولنان
مزارده کی اولولرک جسدلرینه بیله اذیت ایدوب کفیلرینی
صویدیلر . و ۴۸ و ۴۹ صحیفه لرنده یازمشدرکه (بوقار غشه لقدمه
یک چوق کتبخانه لر ضایع اولدی . شویله که پروتستانلر
کابلرینی یغما ایدوب بر طاقنک کاغذلرینی کباب پیشورمک
و شمعدانلرینی تطهیر و قوندورلرینی سیلمک کی شیلرده
استعمال ایلدیلر . و برطاقنی دخی غایت اهون فیثاتله
عطار و بقال و صابونچیلره و مجدارله صا تدیلر . و کتب
مزبوره اویله یوز و یاخود الی جلد کتاب اولیوب بلیکه
بوکلر طولوسی ایدی . و حتی بو وجهله ضایع ایتدکارینه
اقوام اجنبیه بیله تعجب ایدوب حیرته قالدیلر . و ناجرلردن
برینک ایکی کتبخانه طولوسی کتاب بکرمی روبه یه صا تون
آلدیغنی یلورم . و بو مظالم ایله برابر کلیسارک خزینه لرندن
یالکز عریان اوله رق دیوارلرینی براقدیلر . و صکره ده
کندی نفسلرینی اهل و قاردن عد ایلوب کلیساری کندی
ملکریله طولدر دیلر . و الی ایکنجی صحیفه سندن الی التیجی
صحیفه سنه قدر یازمشدرکه (پروتستانلرک قتولیکلر حقنده
بوآنه قدر ایتمش اولدقلری جور و جفاری شمعی بز ملاحظه
ایده لم . چونکه عدل و مرحمتک خلافتنه اوله رق مجرد ظلم
ایتمک ایچون یوزدن متجاوز قانونلر وضع ایتشدر . اشته وضع
ایتدکاری قانونلرک بره قدرینی بیان ایده لم . (۱) هیچ برقتولیک

ابوينك تركه سینه وارث اوله من (۲) ياشي اون سكزي
متجاوز اولان قتوليكدن اراضى بهداثر هيچ كسه برشيء صاتون
آله ميه جقدر . انجق پروتستان اولور ايسه صانمسي جائز
اوله جقدر (۳) قتوليكلرك هيچ بريده مكيتي اوليه جقدر (۴)
قتوليكلردن هيچ برفرد تعليم علم و دين ايله مشغول اوله ميه جقدر
وبو حكمه مخالفت ايليان اولور سه دائما حبس اولنه جقدر
(۵) قتولك ملتدن اولنلر ايكي قات خراج ويره جكلردر
(۶) قتوليكل كشيپلرندن بري عبادت ايدنه جك اولور سه
مالندن اوچيوز اوتوز روبله جزاي نقدي ويره جكلر .
كشيپلردن غيري برفقتوليكل عبادت ايدر سه يديوز روبله
وبرد كد نصـ كره برسـ نه مدت حبس اولنه جقدر .
(۷) قتوليكلردن بري تحصيل علم ايچون انكلتره الكاسـ نك
خارجنه اوغلني كوندره جك اولور سه هم اوغلو و همده باباسي
قتل اولنه جقتلر وكافه ماللري غضب اولنه جقدر (۸)
طرف دولتدن قتوليكلره منصب ويرليه جكلر (۹)
پازار و ياخود يورطي كونلرنده قتوليكلردن پروتستان
كليساسنه كليان اولور سه هر آي ايكيوز روبله جزاي نقدي
ويـ ره جكندن بشقه كافر عد اولنه جق و كنديسنه منصب
ويرليه جكلر (۱۰) قتوليكلردن بري بش اميل مسافه بعدنده
كوندره دن بريـ ره كیده جك اولور سه يك روبله جزاي نقدي
ويـ ره جكلر (۱۱) حسب القانون حاكملرك عندنده قتوليكلردن
هيچ بريـ نك يا الوارمسي مسموع اوليه جقدر (۱۲) قتوليكلرك
نكاحلري وموتارينك تجهيز وتكفين والادرينك تعميدي كندى

آينلرنجه نافذ اولميوپ پروتستان كليساسـ نك آينلرنجه
اولور سه نافذ اوله جقدر (۱۳) قتوليكل ملتدن برفاين
قوجه به واره جق اولور سه طرف دولتدن جهازينك ايكي
ثلثي آلنه جق وقوجه سـ نك تركه سـ نه وارنه اوله ميه جق
وقوجه سـ ي تركه سـ نندن هيچ برشيء وصيت ايدنه ميه جك
و هر آي باشـ نده دولته اونرر وبه و ياخود اراضيسـ نك
ثلثي ويرمدكجه قاريلري حبس اولنه جقدر (۱۴) قتوليكلرك
جمله سي پروتستان اولمزلر ايسه زندانه آتيلور و صـ كره
مؤبد اوله رق وطنلردن نفي اولنورلر . اكر حـ كدن
وياخود امر سـ سـ زني اولندقلري محلدن رجوع ايدنه جك
اولورلر سه پك بيوك مسؤلينده قاله جكلردر (۱۵) قتوليكلردن
بري قتل اولندقه و ياخود وفات ايتدكه ياننده هيچ برپاس
بولنميه جقدر (۱۶) قتوليكلردن هيچ بريـ سـ نك خانه سـ نده
سلاح بولنميه جقدر (۱۷) قتوليكلردن هيچ برفرد قيمتي
اللي روبله دن زياده اولان بر آته يـ سـ نه ميه جكلر (۱۸)
هر قنغي بر كشيپش كندينه متعلق اولان خدمتلردن بريـ سـ ني
ادا ايدنه جك اولور ايسه مؤبد اوله رق زندانه آتيله جقدر
(۱۹) مولدي انكلتره و پروتستان اولميان بر كشيپش انكلتره ده
اوچ كوندن زياده اقامت ايدنه جك اولور ايسه غدار اولديغي
نصور اولنوب قتل ايديله جكلر (۲۰) كشيپش مزبوري
مسافر ليكه قبول ايليان كيمسه قتل اولنه جقدر (۲۱)
عدالته هيچ برفقتوليكل شهادتي قبول اولنميه جقدر .
اشته بوقوانين ظليه اوزره (البصابت) نام قرايچه زمانده

یوز دردی کشیش و باقیسی اهل ثروتدن اوله رق ابکیوز
درت کشی قتل اولندی . و بونلرک قتولیک اولدقلرینی
اقرار ایتلرندن غیرهی هیچ بر قباحتلری یوق ایدی . و طقسان
کشیش و بکاردن بر طاقم کسمنه لر زندانده اولدیله . و یوز
بش کشی مؤبد اوله رق نفی اولندیله . و پک چوق کسمنه لر
قر باج ایله ضرب اولندیله و اموال و املاکی مصادره
اوله رق اهل و عشیرتلی کلیا هلاک اولدی . و حتی
(الیصابت) کتیزه سی قیزی (اسکات) قرالچیه سی مشهوره
(میری) قتولیک ملتندن اولدیغی ایچون اودخی قتل اولندی
بوندنصکره ۶۵ و ۶۶ صحیفه لرنده یازلمشدر که (الیصابت)
قرالچیه نیک امریله قتولیک علماسندن و کشیشلرندن پک چوق
کسمنه لر کیلره طولدی ریلوب دکره اغراق اولندیله . و صکره
انکلیز عسکرلی (ایرلانده) اهلایسندن قتولیک اولنلری
پروتستان ایتیک ایچون شهر مزبورده کیدوب قتولیک
کلیسارینی یاقدیله و علماسنی قتل ایتدیله . و هیچ برکسه یه امان
و برمز ل ایدی . و ویرسه لر ییله ینه دونوب قتل ایدر لر
ایدی . و (سمروک) قلعه سنده بولنان عسکرلی
بوغازلیدیله . و قصبه و کویلرینی یاقوب حبوبات و حیواناتنی
دخی افساد ایتدیله . و یاشنه و رتبه سمنه حرمت ایتیه رک
بلا امتیاز اهلایسنی نفی ایتدیله . و آنصکره ۱۶۴۳ و ۱۶۴۴
سنه سنده (پارلمنت) مجلسی بلا امتیاز قتولیکلرک جمع
اموال و اراضیلرینی غصب ایتیک ایچون بر طاقم پاشا
کوندردی . و بیان اولدیغی وجهله انواع ظلم تابرنی (جیس)

نام قرالک زمانده قدر باقی اولوب آنک زمانده ظلمده بر مقدار
تحقیف حاصل اولدی . و صکره ۱۷۷۸ سنه سنده قرال
ترحم ایلیوب استراحتلرینی تأمین ایتیکه قالقشمسی اوزرینه
پروتستانلرک ناموسنه طوقنوب ۱۷۶۰ خزیرانده قرق درتیک
قدر پروتستان تجمع ایدوب قتولیک ملتی حقنده کافی السابق
قوانین ظلمه نیک مرعی الاجرا طو تلمسنی استدعا ایتدیله رسده
پارلمنت طرفندن استدعایرینه التفات اولمادی . بونک
اوزرینه لوندرده تمام یوزیک پروتستان طوبلانوب
قتولیکلرک کلیسارینی احراق و امکنه لرینی هدم ایتدیله .
و حتی حریق بره وضعدن یاقلدیغی حالده اوتوز اوچ محله
کورینور ایدی . و بوفتنه و قرغشده لق تمام الی کون قدر
امتداد ایلدی . آندنصکره ۱۷۹۱ تاریخنده قرال برقانون
آخر چیقاروب قتولیک ملتیک حقوقنی اعطا ایلدی .
(انهی عبارتیه مترجما) آفرین مسیونرلر نه کوزل و عظ
و نصیحتلره دینلرینی نشر و اشاعه ایتشلر . و هیچ کسمنه نیک
ضررینه دخی راضی اولوب مدنیت و عدالت قانونلریله
معامله ده بولمشلر فقط بو مزراغی قنغی چو و اله صیغدیرو بده
مسلمانلره بار بار دیه ییله جکر . یوقاروده ککی لحنه
خرسزینک حکایه سی تذکر اولنه . انسانده اوتانلق
عارلنلق اولدقدنصکره دیلده مکوک اولدیغی جهته هر شیئی
سویله ییلور . اما خرسزینلرک مسلمانلره ایتدکلری مظالم
و تعذبات انداس و بو دین و موره ودها بونلرک امنالی اولان
و قعه لر ایله مثبت و هر کسک معلومی اولدیغندن تطویلدن

احتراف از ذکر نندن صرف نظر اولندی . (امر خامس)
 شریعت محمدیه ده حکم جهاد شد و وجهله درکه ابتدا کفار
 موعظه حسنه ایله دین اسلامه دعوت اولنورل . قبول
 ایتدکاری حالده هیچ بر شیرینه طوقونلقسزین بزم کبی
 اولورل . قبول ایتدکاری حالده کفار مشرکین عربدن
 ایسه شریعت موسویه ده امم سبعه و مرتد و بت برستلرک
 حقنده اولدیغی کبی آنلرک حکمی قتل اولنقدور . مشرکین
 عربک غیر ایسه ایتدا جزیه و اطاعتی قبول ایتکلرک صلحه
 دعوت اولنورل . قبول ایدرلر ایسه قانتری و عرضلری و ماللری
 بزم قانمز و عرضلری کبی اولوب استراحتلری تأمین اولنور .
 قبول ایتدکاری حالده شریعت موسویه ده امم سبعه نک
 غیریلری حقنده اولدیغی کبی کتب فقهیه ده بیان اولنسان
 شروطه رعایتله محاربه اولنور . اما پروتستانلرک بومسئله
 حقنده نقل ایتدکاری خرافات بعضلری مفتریات و بعضیلرینک
 دخی هذیانات اولدیغنده قطعاً شبهه یوقدر . اشته دعوا مزه
 د ایل سر عسکر اهل اسلام خالد بن ولید رضی الله عنه
 حضرت نلرینک رستم زال و مهرانه کوندردیکی مکتوبک ترجمه سی
 (بسم الله الرحمن الرحیم خالد بن ولیددن جماعت فارسیده
 بولنسان رستم و مهرانه . هدایت تابع اولنلره جناب حقک
 سلامی اولسون بوند . نصکره معلوم اوله که بزمسزی دین
 اسلامه دعوت ایدرز . قبول ایتز ایسه کز ذایل و حقیر
 اوله رق جزیه و بریکز . بوندن دخی قاجینور ایسه کز بنم
 پانده برجاعت وارددرکه عجم شرابی سودکاری کبی آنلرده

فی سبیل الله مقاتله فی سورل . والسلام علی من اتبع الهدی .
 و برده حضرت عمر رضی الله تعالی عنه افندمز اسلامده
 نهایت درجه شدید و جهاد آنک الیوکی شام شریف
 و ایلانک محاصره سنده بالذات حاضر بولنش اولمسيله برابر
 عیسویلر جزیه و برمه که راضی اولنجه هیچ بریسی قتل و مسلمان
 اولمقلغه اجبار ایتدی و کلیسایرینک و صایبلرینک و وقفلرینک
 هیچ بریسنه ایلشمدی . و کندیلرینک استراحتلری تأمین ایله
 شروط حسنه اعطا ایلدی . و بوامرک بوجهمله اولدیغی
 عیسویلرک مؤرخ و مفسرلری دخی معترفدرلر . و برده
 دولت آل عثمان ایدهم الله الی آخر الزمان حضرت اندن
 غازی سلطان محمد فاتح و یاوز سلطان سلیم و سلطان سلیمان
 کبی قهرمانان جهنم بوقدر فتوحاته نائل اولمش و جهنم انکیر
 اولمق درجه لرینی احراز ایتش ایکن فتح و تسخیر ایتدکاری
 ممالکدن قنغی بر مملکتک رعایاسنی قتل عام و یاخود اموال
 و اشیاسنی یغما و یاخود دین اسلامه جبر و اکراه ایتدیلر .
 و امور مزبورنک اجرا سنده بولنه ایدیلر کندیلرینه کیم
 نه سوبلیه یلورایدی . اشته اهل انصاف اولانلر ایشی
 محاکمه اید و بده خرسنیا نلقمی قوه جبریه ایله تشکیل اولنش
 بوخسه مسلمانلقمی . شبهه بوقکه دین اسلامک طوغری و حق
 بر دین اولدیغی کون کبی آشکار اولدیغیچون عقلا و اولنلر محکمه
 انصافلرینه مراجعت ایدرک کنددی نفسلرینی کفر و ضلالدن
 قور تارمق ایچون دین اسلامی قبول ایتشلردر . عقلی اوایانلرک
 دخی کیمپسی حماقت و کیمپسی دخی عناد و استکبار لرند نشانی

وضلا تده قالمشاردره (استطراد) جهاد مسئله سی حقنده شریعت
 موسویه ایله شریعت محمدیه بیننده فرق ابکی وجهله در برنجیسی
 شریعت محمدیه ده ابتدا کفار موعظه حسنه ایله ایمانه دعوت اولنورلر
 بوا یسه شریعت موسویه ده یوقدر . وشوراسیده عقلا اولنلره
 خنی دکلدر که بو وجهله اولان دعوتده وامتناع اولندقدنصرکه
 قتل اولمقده اصلا بر قبح اولوب بلکه عین انصافدر .
 ایکنجیسی شریعت موسویه ده کفار ائم سبعة دن اولدقلرنده
 حکم قتل نسوان وصبیانه تعمیم ایدیلور ایدی . حالبو که
 کفار خاکسار مشرکین عربدن اولسه لر بیله شریعت محمدیه ده
 حکم قتل نسوان وصبیانه تعمیم اولمز . (نتیجه) اشته مقدمات
 خسه نک تمهید نصرکه اولاشونی دیرز که عقلا ونقلا جهاد
 اسلام مسئله سنده هیچ بر قبح وشاعت یوقدر . اما نقلا
 قبح وشاعتک اولماسی امور مذکوره ده مفصلا بیان
 اولندی . واما عقلا برهان صحیح ایله ثابتدر که قوه نظریه نک
 اصلاحی قوه عملیه نک اصلاحی اوزرینه مقدمدر . بوجهله
 اصلاح عقاید اصلاح اعمال اوزرینه مقدم اولدیغی ظاهردر
 واشبو قضیه بی ملیت دعواسنده بولناغلا کافه سی تسلیم
 ایدرلر . وبونک ایچونددر که اهل ادیان کوره اعمال صالحه
 ایمان اولمق سزین هیچ برفانده بی مفید اوله مز . وبوبابده
 عیسویلردخی بزه عناد ایده مز لر . زیرا آنلره کوره مسیحه
 ایمان ائدک سزین اعمال صالحه سبب نجات اوله مز . وجناب
 مسیحه ایمانی اولیان جو مرد و حلیم و متواضع بر کافر
 جناب مسیحه ایمان ایلیمان برنجیل و غضوب و متکبر اولان

مؤمندن دها کتودر . وثایا شونی دیرز که تجربه صحیح
 ایله ثابت اولمشدر که انسان قومنک و جاهت وشوکتدنتاشی
 اکثرا حقه اطاعت ایلز . وصنف آخر دن اولان کشینک
 سوزینه قولاق وبرمز . خصوصیه سویلیه جکی سوز صنفنک
 طبیعتلرینه و اصول وقاعده لرینه مخالف اولورسه قطعاً قبول
 ائمه جکی درکاردر . بوصورنده عبادات بدینه ومالیه نک
 اداسنی قبول ائمه جکی شبهه سزدر . اما قومنک و جاهت
 وشوکتی متکسر اولدقده انسان کاملاً سوزینی دیکلمک
 وقبول ائدکدن اصلا قاجینمز . وینه تجربه صحیح ایله ثابت
 اولمشدر که بردشمن کندی مخالفنک تنهاک وسکونتنی کورنجه
 ممالکته تسلط ائمه جکی طمع ایدر وحتی اکثر دول قدیمه نک
 سبب زوالی بودر . وتسلط ایدر کدنصرکه اوممالکته
 اهل بسنه دین ودنیاچه بیوک بیوک مضرترک حاصل اوله جفی
 بیاندن مستغیدر . بونک ایچونددر که خرسیتانلر متداول اولان
 انجیلارینه وعیسی علیه السلام (شره مقاومت ائیکز .
 بلکه صاغ بناغکه اورانه صول بناغکی چویروسه کا خصومت
 ایدوب ثوبکی آلمق استیانه مخالفت ائیبوب رداکی ور .
 وسنی بر میل مسافه قدریره کوتوروب قولاغوزلق ائددرمک
 استیانه مخالفت ائیبوب ابکی میل مسافه یره کوتور .
 وسندن برشی استیانه اسرکیوب استدیکی شیئی ویر) کلامنه
 مخالف اوله رق کلپسارلنده برطاقم قصاصلر اجرا اولنور .
 خصوصیه روما کلپساسنده اومعهود آفوروز سیمیه اجرا
 اولنان قصاصلردن تلف اولنلرک حدو حسابنی کیم ییلور .

وهمده عقاید دینیہ لرینک اوتوز یدنبی عقیده لرندہ مصرحا
بیان اولمشدر کہ حکامک اواصریلہ طوائف نصاری سلاحه
یا پیشوب محاربه به مباشرت ایتلری جائزدر . نتہ کیم اون اوج
رساله کتا بلربنک اون ایکنجی رساله سنک ۳۶۰ صحیفه سنده
بیان اولمشدر . بونکاه برا بر طوائف نصاری اوتا نمیبوب
(بنم مرقس و یوحنا نیک انجیل لرندہ محاربه به دائر هیچ برامر
یوقدر) دیهرک افتخار ایتلری زیاده سیله تعجب اولنه جق شی
دکلمدر . عجبا انا جیل اربعه دیدکلمری کتا بلرندہ بر طائف
حکایات غریبه دن ماعدانہ وار درکه محاربه به دائر هیچ
برامر یوغیمش . حق الانصاف ملاحظه اولندقادہ بداهت
عقل شونی اثبات ایدر کہ بر پیغمبرک ارسالندن مقصود
انسانلره عقاید دینیہ و اخلاق حسنه و عبادات بدنیہ و مالیه
تعلیمی ایلہ کنیدیلرینی دنیا و آخرتجه سعادت حاله ایصال
ایلمکدر . بونلره دائر انجیل لرندہ قنغی برامر ونهی وارد
وقنغی بر عبادت بیان اولمشدر . وهمده افتخار ایتدکلمری کبی
مذاهب باطله لرینی وعظ و نصیحتله می ترویج ایدہ یورلر .
هیہات هیہات . بلیکه قوه جبریہ نک درجه نہایه سنه قدر
چا لیشیورلر . نتہ کیم امر رابعده بر مقداری بیان اولندی .
(مثل) اوسته خرسنر خانه صاحبینی خرسنر ایدر . ایدر
اما خانه صاحبینی آوانق بر احق اولورسه . (لطیفه)
حربنک بری عفتی مشکوک برقا دینی نفسنه تزویج ایتمش .
حالبوکہ قادین بشقه سندن کبه بولندیغی جهته در دنجی آی
باشنده بر اوغلان طغورنجه بلا فتور قوجه سنه خطا با

بو اوغلانک آدینی نه قویہ لم دیمسی اوزرینه حریف (بویله
طقوز آیلق یولی درت آیدہ آلان چوجغه تاتار تسمیه اولنق
پک مناسبدر) دیمش . اشته بونک کبی پروتستانلر کنیدیلرینه
مدنیت و ظرافت و نزاکت وعدل و حقانیت سومی ویره رک
وایتدکلمری مظالم و تعدیات صاقلیه رق و مسلمانلره بار بار
دیهرک کنیدیلرینه نه اسم تسمیه ایدہ جکلرینی ییلورلر .
فقط علمای اسلامیه کنیدیلری کبی احق و جاهل دکلدزلر .
اوبله قولایقله آلدانزلر . و هر وقت جوابه حاضر درلر
وبر موجب قانون الکمی کنیدیلرینه نه تسمیه ایدہ جکلرینی
پک اعلا ییلورلر . (حکایه) پروتستان کشیشلرندن برقاچی
هندستانده انکلتزه دولتی محکمه لرندن برینه کیدوب ایچلرندن
بری اهل اسلامی غلطه دوشوروب پروتستان ایتک خلیای
باطلیله مفتی افندی به سؤاله تصدی ایدرک (ای مفتی افندی
حضرتلری بنم مسلمانلره بر سؤالم وارد درکه جواب ویره جک
آدمه برسندہ مهلت ویریرم) دیمسی اوزرینه جناب مفتی
جواب ویره که تنزل ایتیبوب محکمه ناظری بر ظریف آدم اولدیغی
جهته کنه دوسنه اشارت یورمش ناظر مومی الیه کشیشدن
سؤالنه نه اولدیغی صور دیغنده کشیش (سزک پیغمبریکز
جهاد ایلہ مأمور اولدیغی دعوی ایلدی حالبوکہ حضرت
موسی و حضرت عیسی جهاد ایلہ مأمور دکل ایدیلر) دیمسی
اوزرینه ناظر جوانینی تفکر ایتک ایچون برسندہ مهلت ویردیکک
سؤال بومیدر دینجه کشیش (اوت بودر) دیو تصدیق ایتسی
اوزرینه ناظر ایکی سبیدن طولانی سندن مهلت استمیر و شمعی

سکا جواب ویریم . برنجیسی بز انکلیز دو لئه منسوب
اولدیغیز جهتله ایام تعطیلدن غیری دو شونه جاک و قتمز
اولدیغیزدن برسنه نصل مهلت ویره ییلورسین . ایکنجیسی
بویله برسوالک جوابنی تفکره اصلاحاجت کوره مم . ای کشیش
(حج) یعنی محکمه قاضیسنک حقنده نه دیرسین برقا تلک فعل
قتلی ثابت اولدقده انکلیز قانونلرینک موجبجه قاتل مزبوری
قصاصا قتل ایده ییلورمی) سوائلنه جواباً کشیش قاضی
اجرا مأموری اولیوب بلکه آنک وظیفه سی اعلام ایدرک
قاتلی (شیشن حج) یعنی کنديسندن دهها بیوک برحاکمه
کوندرمکدر) دیمسی اوزرینه ناظر یک اعلام بوصورته اول حاکم
کیرک عندنده قتل ثبوت بولدقده بر مقتضای قانون قاتلی قتل
ایده ییلورمی . دیوسوالنک اوزرینه کشیش (حاکم کیر
دخی اجرا مأموری اولدیغیزدن اودخی قتل ایده مز بلکه آنک
وظیفه سی ایشی بردها تحقیق ایدوب اعلام ایدرک کنادوسندن
دهایوک برحاکمه کوندرمکدر) دینجه ناظر ای کشیش بو حاکمک
اوچیده بر انکلیز دو لئه متعلق دکلیدر لر سوائلنه جواباً
کشیش (اوت او یله در انجق منصبلرینک اختلافی حسبیه
اقتدار لری دخی مختلفدر) دیمسیله ناظر اشته شمعی سنک
کلامندن جواب ظاهر اولدی . شویله که حضرت موسی
و حضرت عیسی علیهما السلام اولکی ایکی حاکم منزله سنده
ویغمبر مز حضرت محمد علیه الصلاه والسلام حاکم ثالث اعلی
منزله سنده اولدقلرینی بیلمککک لازمدر . ایمدی برنجی وایکنجی
حاکمکک عدم اقتدار لرندن اوچنجی حاکمک دخی عدم اقتدار
لازمکمدیکی کی حضرت موسی و عیسانک دخی عدم اقتدار لرندن

آخر زمان نیسنک عدم اقتدار ی لازمکمز دینجه کشیش
اوزون قولاقلینک چاه ورده قالدیغی کبی خط
اولوب خائب وخاسر اوله رق همان محکمه دن طیشاری
چیقوب کتمش . اشته پروستانلرک سائر اعتراضلری دخی
بوملاوواهی شیلردن عبارت اولوب وتیزل ایدوبده شایان جواب
اولدیغیزدن کابیزه یازملری مناسب کورلیدی . (ومن الله
العصمة والتوفیق

(بشنجی باب) فخر عالم صلی الله تعالی علیه وسلم افندمز
حضر تکرینک غزوات و سرایاسی بیاننده در .
انجق رساله عاجزانه مزک اختصار ی مطلوب اولدیغیزدن
غایت مجمل اوله رق بیان اولنه جنجی اخطار اولنور .
تفصیلاتنه مطلع اولق استیانتلر کتب سیر و احادیثه مراجعت
یورسونلر .

واشبو باب ایکی فصل اوزره ترتیب اولنوب برنجی فصل
غزواتک تعدادی و تاریخلری و اجالاً کیفیتلری بیاننده در .
اولا معلوم اوله که اصطلاح اهل حدیث و سیرده محاربه
قصدیه حضرت فخر عالم افندمزک بالذات بولندقلری سفره
(غزا و غزوه) تسمیه اولنور . وذات همایونلرینک
غزالی اصح روایات اوزره بکرمی بش دفعه واقع اولوب
طقوزنده اصحاب کرام یله برابر نفس نفیس همایونلری دخی بالذات
مقاتله ایلشدر . و اول طقوز غزوه (بدر . احد .
مر یسمع . خندق . قریظه . خیبر . فتح مکه حنین .
طائف) غزالر بدر و اون الی دفعه سنده بالذات محاربه ایتیموب
بلکه قلبگاه اردوی همایونده بولنشاردر که بوند نصکره بیان

اولنه جقدر . (اخطار) سرور عالم افندمرك بعض
غزالى برى برى متعاقب اوله رق وقوعبولديغندن ارباب
سيرك برطالقى تداخل اعتباريله غزواتك دها آز اولدقلرى
وبرطالقى دخی تداخلرى اعتبارايتيوب يكرى بدی دفعه
اولدقلرىنى بيان ايتشلردر . و اشبو وجهله اولان اختلاف
ذات ماديه عائد اولمديغندن (ارباب سيرك سوزلى برى برینه
مخالقدر) ديه رك دخل وتعرض اولناملیدر . وارجم
روايات اوزره غزواتدن الك اول واقع اولان غزا (ودان
وابواء) غزاسيدركه مدينه منوریه تشریفلرينك اون ايكنجی
آبی اولان ماه صفرده (سعدبن عبادہ) حضرتلرىنى صالح
عبادی رؤیت ايتك اوزره مدينه منورده استخلاف و حرة
بن عبدالمطلب حضرتلرىنى علمدار نصب ايدرك كفار قريش
ایله بنی ضمیره قبيله سی تکثير جيوش وسلاح ايدرك اهل اسلامى
راحتسز ايتك نيتنده بولندقلرندن آنلرى اخافه و تأديب
ايتك مقصديله اصحاب كرامندن التمش قدر مرد بهادری
بالا انتخاب مدينه منوره دن چيقوب (ابواء) ديدكلرى محله
كانجه (بنی ضمیره) قبيله سنك رئيسى مصالحه ايچون استقبال ايليوب
رجا و نیاز ايتسى اوزرينه طرف رسالتنه اهيدين قبول
يوردله رق بردها اهل اسلام ايله محاربه و تکثير جيوش
واعدادى دين اسلامه اعانه ايتامك شرطيله عقد معااهده
ايديلوب محاربه اولقسزین ايکي هفته ظرفنده مدينه منوره يه
عودت يورلدى .

(تنبيه)

معلوم اوله كه حضرت فخر عالم صلى الله تعالى عليه وسلم افندمرك

مدينه منوره يه هجرت يوردقلرند نصكره كفرة قريش اهل
اسلامى اوراده دخی راحت براتمامق و تكثيرى منع ايتك
و موجود اولانلرى بتون بتون محوايتك افكارنده بولنوب
تجارت مقصديله شام طرفلرينه يوك يوك كار وانلرايله كلوب
كيدركن مدينه منوره اطرافنده بولنان قبائل عرب ايله اتحاد
و اتفاق ايدرك كنديلرىنى اهل اسلامدن تنفير ايتك
و بوجهله جمله سی بردن طوفان بلا كی مدينه منوره يه هجوم
ايتك عزم قويسنده بولندقلرى حضرت فخر عالم افندمرك
معلومی اولديغندن قريشك مدينه منوره طرفلرندن
اختلاطلرىنى كيمك و اجرای مفسدتلرينه ميدان و برمامك
نيت خيريه سيله كاروانلرىنى قورقتمق و اول جواره اوغراتماق
ايچون برقاج دفعه كاروانلرينه تعرض اولتمق اوزره مدينه
منورهدن چيقمشلردر . يوخسه پروتستانلرك ديدكلرى كی
مجرد يغما كرك و بغير حق قتل نفوس ايتك هيچ بروقت
كنديلرندن صادر اولمق شويله طور سون سیرت شريفه
نبويه لرینی ييلنلر نماظر و خياللرينه ييله ككتور مزلر .
والحاصل دين اسلامك تشككندنبرو واقع اولان محارباتك
تدافعى و تحفظى اولوب تجاوزى اولمديغى معلومات تاريخيه سيله
برابر عقل و انصافى اولانلرجه امور مسلمه دن اولديغى وارسته
قيد اشتباه اولوب تطويل مقاله اصلا حاجت يوقدر .
و بوسببدن بعض مؤرخين اسلاميه مسامحه ايليوب امر
مزيورى بديهيات جليه دن عد ايدرك تنبيهندن صرف نظر
ايتمشدر . اشته هر كس اكلامق ايچون تدافعى و تحفظى

محاربه نك نه ديمك اولديغنى بىز آچيق تعبير ايله بيان ايدم .
 شوبله كه حضرت پيغمبره امور يورلديغى وجهله ابتدا كفره
 قريشى دين حقه دعوت ايلدى . عقلو اولنلرى قبول
 ايليوب مسلمان اولديلر . احق ومعاوند اولنلرك كبرلر ينه
 طوقنوب مسلمانلرى يريوزندن قالدردمق افكاريله هجوم
 ابتديلر . مسلمانلرده كنديلرني محافظه ايتك ايچون باشلرني
 كسوب جانلرني جهنمه كوندرديلر . ساؤر كاقرله دخی
 نامه لر كوندريلوب دين حقه دعوت اولنديلر . برطالقنك
 كبرونخوتلرينه طوقنوب مسلمانلرك اوزلرينه هجوم ايدنجه
 مسلمانلر جانلرينك محافظه سيچون محاربه ايدوب مرادلرينه
 نائل اولديلر . (ايكنجي غزوه) بواط غزاسيدركه تاريخ هجرتك
 ايكنجي سنه سنك ربيع الاولنده سرور عالم افندمى حضرتلرى
 مدينه منوره ده سائب بن عثمان بن مظعون حضرتلرني خليفه
 نصب ايدوب و برياض سنجاق ترتيبيله سعد بن ابى وقاص
 حضرتلرني دخی سنجقدار ايدوب اصحاب كرامندن ايكيوز
 دلاور آلهرق كفار خاكسار قريشدين (امينه بن خلف الجمحي)
 نك رئيس بولنديغى كاروانه اورمق قصديله مدينه منوره دن
 چيقوب ودرت كونلك مسافه ده بولنان (رضوى) ناحيه سنده
 بواط تسميه اولنان محله واصل اولوب كفار خاكسار دن هيج
 برفرده ملاقى اوله مدقلرندن مدينه منوره به عودت يورلدى .
 (اوچنچى غزوه) عشيره غزاسيدركه ابوسفیان كفار قريشدين
 برجماعته شام تجارتى بهانه سيله قفادار پيدا ايتك اوزره
 كنديكى سمع نبوى به واصل اولسييله مدينه منوره ده (اباسلمه بن

عبدالاسد) حضرتلرني استخلاف يوروب و حضرت خزيمه
 دخی علمدار نصب ايدوب يوز اللى قدر و بر روايته ايكيوز
 اصحاب كراميله هجرت نبويه نك اون الشجى آبي اولان
 جادى الا وليده مدينه منوره دن چيغه رق اول كاروانى
 اورمق قصديله عشيره دينيلان محله واصل اولدقده كاروان
 مزبورك كذران ايتش اولديغى خبرى واصل اولسييله اول
 محله بولنان بنى مدجلدن برجماعته عقد صلح ايدرك مدينه
 منوره به معاودت يورلمشدر .

(دردنچى غزوه) بدر اولى غزاسيدركه غزوه عشيره دن
 برقاج كون صكره مدينه منوره اطرافنده او تلامقده بولنان
 دوه لرى (كزربن جابر الفهرى) برطالق اشقياييله نهى
 وغارت ايتديكى خبرى سمع نبوى به واصل اولسييله زيد بن
 حارثه بنى مقام خلافته نصب ايدرك اشقياي مزبوره بنى
 آرامق اوزره حضرت على افندمى علمدار اولديغى حالده
 برمقدار اصحاب كرام ايله مدينه منوره دن چيقوب بدر طرفنده
 (سفوان) دينيلان محله واصل اولدقلرنده اشقياي مزبوره نك
 كچوب كتمش اولدقلرى تحقيق اولسييله ينه مدينه منوره به
 عودت يورلدى .

(بشنچى غزوه) بدر كبرى غزاسيدركه غزوه عشيره نك سبب
 و باديسى اولان كاروانك شام شريفدن عودت ايتديكى خبرى
 حضرت فخر عالم افندمى واصل اولسي اوزرينه بعد
 التحقيق (ابن ام مكتوم) رضى الله عنه حضرتلرني مسند
 خلافته نعيمين يورهرق مهاجرين اصحاب كرامدن ايتش عدده

قریب و باقیسی انصار دن اولق اوزره اوچیوز بش دلاوردن
مرکب برجامتله متهمی حرب وجدال اولوب کاروان مزبور
قصیدله تاریخ هجرتک ایکنجی سنه سنک اون طقوزنجی آیی
رمضان شریفک اون ایکنجی کونی مدینه منوره دن عز
واقبال ایله چیقدیله . واشبو غزوه ده یالکز اونج عدد آتلی
ویش عدد دخی دوه لری بولوب نوبت ایله بیزلر ایدی .
رئیس کاروان کفره قریش ابوسفیان حضرت
رسالتناهیکنک مدینه منوره دن چیققدقلری خبر آلمس-یله
(ضمیم بن عمرو الغفاری) بی استیجار ایدرک امداد لرینه یتشمک
اوزره کفره قریشی دعوت ایتک ایچون مکهمه کوندردی .
کفره قریش دخی بو وقعه دن خبردار اولدقلری آنده غیرت
جاهلیه لری متحرک اولوب بیک نفره قریب مسلح برادر دو
ترتیب ایدرک آلات حرب و مغنیله لر ایله جنبش و آهنگ
ودرلو درلو هذیانلر ایدرک چیقدیله . و مکهمه ابو لهبدن
غیری رؤسای قریشدن هیچ برفرد قالیوب جمله سی کتدیله .
اول ملعون دخی یرینه بربدل کوندردی . و بونلرک
بوز آت ویدیوز دوه لری وار ایدی . فخر عالم صلی الله
تعالی علیه وسلم افندمن حضرتلری اصحابیله برابر (روحاء)
دیدکلی محله واصل اولنج کفره مکهمه دبدبه ودارات
ایله چیققدقلری خبری مسعود عالیلری اولدقده اصحاب
گرامبله استشاره ایدوب محاربه ایتکه قرار ویرلمسی اوزرینه
بدره قریب برمحله اردو قوریلوب رمضان شریفک اون

بدنجی جمعه کونی محاربه به شروع ایدیلرک جناب پروردگار
حضرتلرینک نصرت و اعانه سیله کفار خاکساری دوچار قهر
وانهزام ایلوب رؤسای مرقومه دن یتش نفری قتل ایله
لاشه مر دارلری قیولره طولدیریلرک نارنجیمه حواله
اولندی . ویش نفری دخی اسیر ایدیلرک تحت القهر
مدینه منوره به کتوریلوب هر برینک اقتدارینه کوره فدیله لری
آلندقدنصکره کتملرینه رخصت ویرلیدی . و سائرلری
دخی منهزم و مقهور اوله رق فرار ایدیلر . و اغتنام اولغان
دوهر و اسلحه و سائر اموال کفره طرف رسالتدن غزاة
مسلمینه مساوی اوله رق تقسیم اولندی . واشبو سفرده
آلتیسی مهاجر بندن و سکرزی دخی انصار دن اولق اوزره
اون درت نفر اصحاب کرام شهید اولمشلردر .
(فائده) معلوم اوله که هجرت نبویه دنصکره کفار خاکسار
اوج قسمه منقسم اولوب (برنجی قسمی) اهل اسلام ایله
محاربه و دشمنلرینه دخی اعانه ایتامک اوزره حضرت فخر
عالم افندمن ایله معاهده ایتش-لر ایدی که بونلر طوائف ثلثه
یهوددر (قریظه نصیرنی قینقاع) (ایکنجی قسم)
عداوتلرینی اظهار ایدرک اهل اسلام ایله محاربه ایلانلردر .
کفره قریش و بونلره مامشات ایدن کفره کبی
(اوچنجی قسم) متار که ایدرک احوال اسلامیه نیه منجر
اوله جفنه منتظر اولان کفره در . طوائف سائر
عرب کبی که بونلرک بعضیسی باطنده دین اسلامک ظهور
و غلبه سی استلرایدی خراعه قبیله سی کبی .

وبعضیاری بالعمکس ایدیلر بنی بکر کی . و بر طاقمی دخی
ظاهرأ مسلمان اولوب باطنأ معین کفره ایدیلر و بونلردخی
منافقیندر . (خذ لهم الله الى يوم القيام)

(التنبی غزوه) بنی قینقاع غزاسیدرکه بونک سببی اهل اسلام
بدر غزاسندن بمنون و مغنم اوله رق عودتلرنده بنی قینقاع
یهودیلرینک قلوب قاسیه لرینه نار حسد دوشه رک نقض
عهد ایلوب (مسلمانلر اصول محاربه بی بیلیان قریشیلر ایل
محاربه ایلوب مغنم اولدیلر . بزم ایل محاربه ایل سوئلرده
حرب نیجه اولور کورسونلر) دیوهذیان ایتکه باشلادیلر . و برکون
دخی اهل اسلامدن برخاتون برقیو بنی یهودینک دکانه کیدوب
خائن مرزبور خاتونک خبری اولمقسزین جامه سنک ایتکه بردو کم
باغلامش . خاتون دکاندن قالقجه محل مستوری آچیلسمیه اوراده
بولان قوم یهود قهقهه استهزایله کولکه باشملری اوزرینه خاتونک
ناموسنه طوقند یغندن فریاد و فغان ایدرک استمداد ایتدیکی
آنده بر مسلم غیوریتیشوب سل سیف ایتسمیه یهودینک جانی
جهنمه اعر لادی . و او آنده یهودیلر بریکوب مسلم مشارالیهی
شهید ایتدیلر . بونک اوزرینه حضرت فخر عالم افندمر
روئسای یهودی جمع ایتدیروب مسلمان اوللرینی تکلیف ایتسی
اوزرینه قبول ایتدکلرندن بشقه هذیان باشلایوب (یا محمد
(علیه السلام) سن بزی قوم قریش کی می ظن ایده یورسن
فن حربی بیلیان بر طاقم کسه لر ایل محاربه ایتدی بکرزدن بزه دخی
غلبه ایتک سوداسنده سکنه له حرب ایدیکرده کورر سکنر)
دیه رک حضور سعادتن دفع اولوب کتدکلرنده حضرت

فخر عالم افندمر بااراده الهیه اعلان حرب ایتد کدنصکره
تاریخ هجرتک بکر منجی آبی شوال شریفک نصفنده لوازم
سفریه بی بعدالتدارک (ابولبابه) رضی الله عنه حضرتلرینی
مدینه منوره ده مسند خلافته تعیین و حزه رضی الله عنه
حضرتلرینی دخی علمدار نصب ایدرک مقدار کافی اصحاب
کرامیله مدینه منوره دن چیقوب اول خائن دین اولان کفره
یهود طرفلرینه متوجه اولدی . و اول قوم ضلالت انجام
حصار لرنده تحصن ایدرک مقاومت چالشملر ایه ده اون
یش کون محاصره دنصکره فن حربی ییلدکلری و شجاعتلری
اکلا شیلوب حصار لرندن نزول و سلاحلرینی ترک ایل تسلیمه
مجبور اولدیلر . بونک اوزرینه حضرت فخر عالم افندمر کافه سنک
قتلنی اراده ایتملر ایه ده کروه منافقینک تصاحبیلر قتلدن
قور تار یلوب اموال و اشیا و اسلحه و ذریتلرینک اغتنامه
بین المسلمین تقسیم ایدیلرک کندیلری شام طرفنده (ازرعان)
دینیلان محله نفی اولندیلر . و بعض روایتلردن اکلا شلدیغنه
کوره طائفه مرزبوره یدیوز نفردن عبارت اولوب
یک آرز بروقت ظرفنده جله سی هلاک اوله رق دوزخ
قرار اولملردر .

(بدنجی غزوه) غزای سویق درکه ابوسفیان بدر غزا سنده
مقهور و منزم اوله رق مکعبه عودتده اهل اسلامدن اخذ
انتقام ایتدکجه قوقولی شیلر سورنمالمک و زوجہ سنی استفراش
ایتملمک اوزره عین ایلدیکندن خذله مشرکینی تحریک ایدرک
ایکیوز آتلاو ایل مکهدن چیقوب خیال باطلنک اجرا سی

قصیدله مدینه منوره طرفته طوغریلوب بریکجه وقت (بنی نضیر)
 قبیله سنه کلدکارنده حیمی ابن اخطبک خانه سنه مسافر اوراق
 استملر ایسده مساعده کوره مدکارندن سلام ابن مشکم
 خانه سنه قونوب تابصباح عیش وعشرت ایله اجرای شقاوت
 ایتدکن صکره ایرتسی کون علی الصباح اورادن قالقوب
 مدینه یه اوچ میل مسافده بولنان (عریضه) ناحیه سنه
 کلرک چفت سورن برصمابی پی خد متکاری ایله برا بر شهید
 ایتدکن صکره برایی خرما اغاجی یاقوب زعم فاسدنج
 ابغای نذر ایتش اولغله فراره قدم باصدی . اشبوخبر سمع
 نبوی یه واصل اولدیغی آنده ابولبابه حضرت تلمیسی مسند خلافته
 تعیین پیورد قد نصکره مهاجرین وانصاردن مرکب اوله رق
 ایکوز بهادری بالاستصحاب تاریخ هجرتک بکرمی ایکنجی آبی
 اولان ذی الحجه نک بشیجی بازار کونی ابوسفیانی تعقیب ایتک
 اوزره مدینه منوره دن اچیقوب (قرقره الکدر) دیدکلی
 محله قدر کتملر ایسه ده خذله مزبوره یه یتشه مدکارندن
 مدینه منوره یه عودت پیورلدی . واشبوسفر بوش کون ظرفنده
 تمام اولشدر . خذله مزبوره حضرت فخر عالم افند مرک
 تعقیب ایده جکئی سزد کلرندن یوکلرینک خفیقلنسبله قاقوب
 قور تلمریزه قولایلق اولق ایچون یانلرنده بولنان کایتلی سویقی
 (قاود حلو اسیدر که عربلرک سفردهدکلی برطعامدر) یولده
 دوکوب اهل اسلام غنیمت اولدیغندن اشبوسفره (غزوة السویق)
 تسمیه اولشدر (سکرنجی غزوه) قرقره الکدر غراسیدر که اهل
 اسلام ضرر و زیان ایتک قصیدله (بنی سلیم و غطفان) قبیله لرندن

برجاعت (قرقره) نام محله اجتماع ایتدکاری واصل
 سمع نبوی اولدقدده عبدالله ابن ام مکتوم رضی الله عنه
 حضرت تلمیسی خلافت کبرایه تعیین وحضرت علی رضی الله
 عنه حضرت تلمیسی دخی عمار نصب ایدرک اصحاب کرامدن
 ایکوز مرد بهادر ایله تاریخ هجرتک ایکنجی سنه سنک نهایتده
 محل مزبوره واصل اولدقلرنده کفره مزبوره دن هیچ
 برکسه بی بوله میوب فرار ایتدکاری اکلاشبله رق اوراده
 تصادف اولنان چوبانلر ایله (یسار) نام غلامدن قنغی
 طرفه فرار ایتدکاری سوال اولمش ایسده مر قوملر
 بیله مدکارندن تعقیب کفره میسر اوله میوب بشیوز عدد
 دوه لری اختتام اولنوب خسنک اخراجندن صکره باقیلری
 بین الاصحاب تقسیم ایدیلرک هرغازی یه ایکبشر دوه حصه
 دو شمشدر . واشبوسفر اون بش کون ظرفنده تمام
 اولشدر .

(طقوزنجی غزوه) غطفان غراسیدر و بونک سببی ایک
 قبیله ریتسی (غورث بن الحارث الحارثی) بنی ثعلبه و بنی
 محارب قبیله لر بنی مدینه منوره بی یغما ایتک اوزره تحریک
 وتشویق ایدرک نجد ولایتندن (ذی امر و انمار) تسمیه اولنان
 محله اجتماع ایتدکاری خبری واصل سمع نبوی اولسی اوزرینه
 عثمان ابن عفان رضی الله عنه حضرت تلمیسی مسند خلافته تعیین
 پیورد قد نصکره اصحاب کرامدن در تیوز الی آتو مردان
 دلاورانی بالاستصحاب تاریخ هجرتک اوچنجی سنه سی ربیع
 الاولنده محل مزبوره کتک قصیدله مدینه منوره دن چیقیدلر .

اشقیای مرقومه حضرت فخر رسالتك چیققدقلرینی ایشنلریله
طاغله فرار ایتدیلر . اردوی همایون اول محله یقین
(ذی القصه) دیدکلی موضعه ابرشدکلرنده بنی ثعلبه قبیله
سندن (حبان) نام بر شخصه تصادفله حضور سعادتله
چیقارلدقده دین اسلامه دعوت اولوب بلا توقف قبوله
مسارعتله شرف اسلامه نائل اولدی . وحضرت بلا حبشی به
ترقیق اولندی . واول کون زیاده جه رحمت نازل
اولدیغندن ثوب پیغمبری اصلا ثوب قورودلق ایچون براغاج
اوزرینه آصه رق کندیلری دخی اول اغاجه طیانوب بر مقدار
استراحت بیورمش ایدی . بونک اوزرینه پوصوده طوران
اشقیای سرور عالم افندمزك عساكر اسلامدن اوزاق ویالکز
قالدیغنی کوردکلی کی غورثی تشجیع وتحریک ایلوب
(اشته محمد) علیه السلام) عسکرندن اوزاق ویالکز
بر محله اولدیغندن بو فرصتی قوت ایتیوب بر چاره سینه
باقلبسین) دیلری اوزرینه غورث تبدیل چامه ایلوب
سرور عالم افندمزك اوزرینه هجوم ایله سل سیف ایدرك
(من یمنعك الیوم منی) یعنی بون کون سنی بنم المذن کیم
قورتا در دیمسنه جواباً سرور عالم افندمز (الله تعالی)
بیورمسیله (جبریل امین) نازل اولوب غورثك کو کسینه
بر بومروق اوردیغی آنده مرقومك عقلی باشندن کیدرك
آرقه سی اوستنه دوشوب انده اولان قلیج دخی ساقط اولدی .
سرور عالم افندمز مرقومك قلیجی آله رق مقابله بالمثل
قاعدہ سی اوزرینه (من یمنعك الیوم منی) بیورمسیله

مرقومك عقلی باشنده کله رك (لا احد وانا اشهد ان لا اله
الا الله وانك رسول الله) یعنی بنی قورتاده جق هیچ برکسه
یوقدر . وبن شهادت ایدرمکه معبود بالحق هیچ بر تکرری
اولوب انجق الله ذوالجلال حضرتلریدر وسن دخی اللهك
رسولیسین) دیه رك شرف اسلامی قبول ایتسی اوزرینه
سرور عالم افندمز قلیجی ینه کندوسنه اعطا ایلدی .
بونک اوزرینه سید عالمدن رخصت آله رق قومنی دین اسلامه
دعوت ایتك اوزره کندی . واشبو سفر اون بر کون
ظرفنده تمام اولوب مدینه منوره به عودت بیورلدی .
(اونی غزوه) احد غزاسیدر . وبونک سببی بدو
وقعه سنه سبب اولان کاروانی کفار قریش ساحل طریقیله
آشورمش اولدقلرندن مکده عودت ایتدکلرنده رؤسادن
بر قاجی بریکوب (مسلمانلر بزی فنا حالده دوچار هزیمت
ایلوب بتون یوکلرمزی قتل ایدرك اموال واسلحه مزی
یغما ایتدیلر . و بزی عار التنده براقیدیلر . اشبو انتقامی
آلق ایچون شامدن کلان کاروانده کی ماللرمزك ریح وکارینی
وقف ایدرك عسکر طو پلیمه لمده بو عاردن قورتیللم) دیه رك
بسط مقال ایتلری اوزرینه ابوسفیان وآنکله هم افکار اولنلر
بردنبه اظهار موافقت ایلوب سائر سرمایه صاحبلی دخی
اقتناع اولنده رق ماللرینك ریح وتمتعنی وقف ایتدیلر . وکاروان
مز بورده بولنان مال بیک دوه یوکلو الی بیک آلتونلق سرمایهدن
عبارت ایدی . وشام طرفندن کتوریلان مالک تمتعی
اولوقت سرمایهنك بر میلی ایدی . بونک اوزرینه اموال

مرزبوره صاحب سربا به سی صاحبزاده ویرلد کد نصره
 الی یك التون کار قالب بکرمی بش یك التونیه قبائل
 عربدن عسکر طوپلا مغه قرار ویرلدی . اش-بو قرار
 ویرلد کد نصره غزوه بدرده مقتول اولان کفره قریشی
 یاد ایله بر طاقم هر شه لر سو بیله رک خلقی محاربه به تحریک
 وتشویق ایتک اوزره جربزه نطقه مالک بطاقم شعرا انتخاب
 اولوب قبائل عربیه کوندردی . اش-ته بو وجهله اوج
 قبیله دن ایکیک قدر عسکر طوپلا نوب کنددی عسکر لر یله
 برابر اوج یك نفره بالغ اوله رق بدیوز نفری زر هلی
 وایکیزی آتلو و اوج یك عدد دوه لر اولدیغی حالده مکه دن
 چقیدیلر . ویا نلرنده رؤسای قریشک زوجه لرندن
 اون بش قدر خاتون بولوب عسکری غیرته کتورمک ایچون
 چالغی چاله رق قصائد و اشعار سوبلر لردی . رسول اکرمک
 عیسی عباس ابن عبدالمطلب حضرتلری بدر وقعه سنده
 فلا کته دوچار اولدیغی بیان ایله محاربه به کتمدیکندن
 بشقه اوج کونده مدینه منوره به واصل اولوق شر طیه
 (بنی غفار) دن اجرتله بر ساعی طوته رق کفره قریشک
 احوال و حرکاته دائر بر مکتوب یا زوب رسول اکرمه
 کوندردی . مکتوب مذکور رسول اکرمه واصل اولنجه
 محرمانه اوله رق (سعد ابن الربیع) رضی الله عنه حضرتلریله
 کیفیتی مذاکره دن صکره قریش اردوسنک احوالی تحقیق
 ونجسس ایتک اوزره (حباب ابن المنذر) رضی الله عنه
 حضرتلری کوندردی . واول دخی کدوب و مدینه به

برقوناق مسافه اولان (عریض) نام محله قریشک
 اردوسنی کوروب عباس حضرتلری کوندردی مکتوبه
 موافق صورتده اولدیغی رسول اکرمه عرض و بیان ایلدی .
 هجرت نبویه ک اوجنی سنه سی شوالنک سکنجی چهارشنبه
 کونی کفره قریش مدینه منوره حذا سنه کله رک (احد)
 طاغنک یاننده واقع (عینین) نام طاعنک یا نه قونوب
 پنجشنبه وجعه کونلری اوراده قالدیلر . حضرت فخر عالم
 افندهرک جعه کیجه سی کوردی رؤ یا نک اقضاسنه نظراً
 عسا کر اسلا میه نک مدینه منوره ده قالب تدافعی و تحفظی
 محاربه ایتلری طرف رسالتدن بیان ییورمش و اصحاب کرامک
 بعضلری ورئیس المنافقین عبدالله ابن ابی بن سلول دخی بورای
 عالی بی تصویب و مناسب کور مشر ایسه ده انجق بدر غراسنده
 بولنه میان بها دران اصحاب غزای مرزبوره بولنان غازیلرک
 نائل اولدقلری اجر و منوباتی و شهدای بدرک واصل اولدقلری
 درجائی سرور عالم افندهردن ایشتمکلی جهته اول
 غزاده بولنه مدقلرینه پک زیاده تأسف ایتدکلرندن فخر
 رسالتدن نیاز ایدرک (یا رسول الله بزجناب حقندن بو کونی
 طلب ایدرک بزی طیشارو چیقار که دشمنلریمزاله کوکس
 کوکسه غوغا ایدلم) دیملری و اصحاب کرامک بعضلری دخی
 (یا رسول الله طیشاری چیقما دیغز صورتده دشمن بزم
 ضعفزه و قورقا قلغزه حمل ایدرک شمارر) دیهرک میدان
 جنگنی ترجیح ایتلری و عم رسول الله (حمزه) رضی الله
 عنه حضرتلری دخی غایت شجیع و بهادر بر ذات عالیقدر

اولدیغندن مدینه ده قیانونب طورمغه حوصله سی تحمل
ایده مدیکی جهته همان چیقوبده کفار بدکردار اوزرینه
هجوم ایتمکی استمدیکی سرور عالم افندمک میدان جنگی
ایلمرینه قرار ویرمسنه سیدیت و بروپ و جمعه خطبه سنده
فضائل جهادی بیان یوروب ایکندی نمازینی دخی جاعتله
ادا ایتدکنصکره ابوبکر الصدیق و عمر الفاروق رضی الله
عنهما حضرتلریله برلکده حجره سعادت ته کله رک البسه
سفریه سنی وزرهنی کیوب و قلیجی قوشانونب ینه انلرایله
برابرجه حجره سعادتندن چیقدی . او آزالق اصحاب
گرام رسول اکرمک چیقملرینه منتظر ایکن انصار کرامدن
برایکی یونک ذات میدان جنگی استیانه ناره خطاباً (سر
رسول اللهم ایشنه مداخله ایتاملی ایدیکز) دهرک توبیح
ایلمری اوزرینه آنلردخی سویلدکلرینه نادم اولوب رسول
اکرم حجره سعادتندن چیقجه (یارسول الله بزسنک امر
شریفنه مداخله و مخالفت ایتیز دیلدیکک کبی ایشله) دهرک
اظهار ندات ایتشلر ایشه ده رسول اکرم سلاحلنوب آتیه یونک
اوزره اولدیغندن (سلاحلنقدن صکره محاربه ایتکسزین
کیودونمک پیغمبرله یاقشمز) دیویوروب ابن ام مکتومی
مقام خلافته تعیین ایدرک احد طاعنه طوغری عزیمت
ایتدیلر . او اخشام (شلخین) دنیلان محله کیجه لیوب
ایرتسی کون علی السحر اورادن قالقوب احد طاعنه طوغری
حرکت یورلادی . واهل اسلام اردوسنک مجموعی بیک کشی
قدوایدی . انجق رئیس المنافقین اولان (عبدالله ابن ابی ابن سلول)

خبیثی کندیسنه تابع اولان اوچیوز قدر منافقین ایله کیرو
دوندیکنندن اردوی همایونک مجموعی یدیوز کشیدن عبارت
قالوب آنلرک دخی یالکزیوز نفری زرهللی ایدیلر . ورسول
اکرم ایله (ابوبره) حضرتلرندن ماعدا کافه عساکر
اسلامیه پیاده ایدیلر . اردوی سعادت احد طاعنه آرقه
ویره دک مدینه قارشو صف اولوب طوردی . مشرکین
دخی اهل اسلامه قارشو صف اولوب طوردیلر . رسول
اکرم لازمکله جنگی وجهله عساکر اسلامیه بی تحت انتظامه
آلوب ترتیب یوردقدنصکره اردوی همایونک صول جانبنده
(عینین) نام بروادی اولوب اورادن دشمن سواریسنک
هجومی ملحوظ اولدیغندن عبدالله ابن جبیر رضی الله عنه
حضرتلرینی الی نفر کما نکش ایله سواری هجومی منع ایچون
اول وادینک اغزینه مأمور یوروب (و دشمن اردوسنک
کرک غالبیت و کرک مغلوبیتی حالنده بندن خبر کلدیکجه سر
بورادن صفین آیرلیه سکر) دیوامر قطعی ویردی .
اشته بووجهله تقابل صفین واقع اولدقدنصکره محاربه به
بدأ اولنوب کتب سیرده تفصیل اولندیغی کبی شجاعان اسلام
هربری برارسلان کسیره رک فوق العاده ابراز شجاعت ایدوب
کفار خاکساردن کندیسنه کووه نوبده میدانه چیقان بکتلرینی
قلیچدن چکور رک جانلرینی جهنمه اصمیرلادقدن بشقه کندیلرینی
ضبط ایده میان برطاقم بهادرلر دخی دال قلیج اوله رق
کوکره مش ارسلان کبی لشکر کفاره هجوم ایله تارومار
ایلیوب قریش اردوسی فنا حالده بوزلدی ایدی .

حتی کبروده چالغی چاله رقی اقصاء و اشعار سویلیان قادیلر
 بو حال کورنجه غزللری (و او یلا) یه تبدیل اولوب فریاد
 و فغان ایدرک طاعه طوغری فراره قرار و یردیله . عسا کر
 اسلامیه کفره بفره نک دو چار هزیمت اولد قلرینی کورنجه
 غارت و یغما یه قالشدیله . کاشکشلردخی بو حال مشاهده
 ایدنجه (عسا کر اسلامیه غالب اولوب دشمن بتون بتون
 یوزلدی نه طوره یورسکزهایدی غنیمت ایدم) دیه رک
 یغما کرلکه قالشملری اوزرینه عبدالله ابن جبیر حضرتلری
 رسول اکرمک امر قطع یسنی بیان ایله هر نقدر واز کچورمکه
 چالشدیسه ده موفق اوله میوب یدی سکر کشیدن ما عداسی
 طاغلدیلر . بونک اوزرینه قریش اردوسنک صاغ طرف
 قوماندانی خالد ابن ولید کاشکشلرک اوزرینه برشدنلی هجوم ایله
 کندیلرینی پریشان ایدد کد نصره عبدالله ابن جبیر حضرتلرینک
 اوزرینه دخی هجوم ایدرک کندیسنی ویاننده کی ارقداشلرینی
 شهید ایلدی . (رضوان الله تعالی علیهم اجمعین) اشته
 بو وجهله خالد ابن ولید اول موقعی ضبط ایدد کد نصره
 اردوی هما یونک صول قوئندن طولاشه رقی آرقه طرفدن
 هجوم ایله اهل اسلامی شاشردی . و ایچلرینه بریوک
 تفرقه دوشوردی . شویله که اهل اسلام غالب اولمش ایکن
 ایش برعکس اولوب غالبیت اسلام مغلوبیته منقلب اولدی .
 و حتی او ائساده ای جماعت آرقه کره باقیکز دیو برسرس
 ایشیدلسی اوزرینه اهل اسلامه برحیرت عارض اولوب
 ایلروسکرتمش اولنلر دهشت وتلاش ایله کبر و دوندکر نده

آرقه لرنده کی اهل اسلامی دشمنی ظنیله اوزرینه هجوم
 ایله رک بری برلرینی اورمغه باشلادیله . کفار خاکسار
 بو حال کورنجه بوزیلوب طاعش ایکن کبر و دونه رک جبهه سی
 بر آرایه طویلانوب اهل اسلام اوزرینه بردها هجوم
 ایدیلر . اشته بو قارغشه لقمه انصار کر آمدن پک چوق
 ذائل مجروح و شهید اولدیله . (رضوان الله تعالی علیهم
 اجمعین) کفره قریش بو وجهله فرجه بولنجه سرور
 جهان صلی الله تعالی علیه وسلم حضرتلرینک اوزرینه
 دخی هجوم ایله پک چوق او قلر و طاشلر آندیله . و ملعونک
 بری مبارک طوداغنی یاردی . و بر دیشنی دخی قیردی .
 و بر دیکری دخی مبارک یناغنک اوستنی چیردی . و زرهنک
 ایکی حلقه سی قیریلوب چیزیلان یرینه صاپلانیدی .
 حضرت فخر عالم افندمن دخی بو حاله مبتلا اولمش ایکن ینه
 کفار خاکساره مرحمت ایلیوب مبارک قانینک یر یوزینه
 طملا مسیله قومه عذاب آلهمی نازل اولماق ایچون یوزندن
 آقان قانی کندیسنی سبله رک (یارب بنم قومی هدایت ایله
 زیر آنلر جاهلدرلر . حقیقت حالی بیلمزلر) دیو اصلاح
 حاللرینه دعا ایلر ایدی . و آندن صکره مشرکیندن اوج
 فرقه نوبت ایله رسول اکرمک اوزرینه هجوم ایشلر ایدسه ده
 علی (کرم الله وجهه) حضرتلری اوج دفعه سنده دخی
 ارسلان کی قارشولرینه حیقوب رئیسارینک جانلرینی جهنمه
 اصهار ایله رقی کفره بفری طاعشدر .
 و بو هجوملرندن بشقه ده پک چوق دفعه لرکاه یالکزو کا

طاف طاف اولدقلری حالدده کروه کفره رسول اکرمک اوزرینه
شدتله هجوم ایشلایسهده اصحاب کرام (علیهم رضوان الملائک
العلام) حضراتی طاغلدقدنصکره برایشوب جانلرینی فدا
ایدرك رسول اکرمک اوزرینه آیلان اوق و طاشلره قارشو
طورمشلر ومدافعه ایدوب خیلوجه کفره بی نار سعیره
کوندرمشلردر .

کفار قریش دخی قوه اسلامیهک محو اولیه جغنی اکلامرله
محاربه یواشلادی . بعده اولیه آچیق و مخاطره لی اولان
برده طور مق مناسب کوريله مدیکندن فخر عالم افندمر
اصحاب کراميله برابر جبل احده آرقه ویرهرك برما من
وادی به کیردیلر . بوندنصکره کفره قریشک رئیسارندن
ودبن اسلامک ال پیوک دشمنلرندن (ابی ابن خاف) ملعونی
که مکدهه ایکن سرور عالمه تصادف ایتدیکنده (یا محمد بن
برآت بسلیورم که آنک اوزرنده بولندیغم حالدده سنی قتل
واعدام ایده حکم) دیرهرك هذیان ایتسنه جواباً سرور عالم
افندمر (ان شاء الله تعالی سن او آنک اوزرنده ایکن بن سنی
قتل واعدام ایدرم) یوردی ایدی . اشته اوصیره ده
کافرمر بور برنره اوزوب (یاسن یابن) دیرهرك سید عالمک
اوزرینه طولی دیزکین هجوم ایلدیکنده اصحاب کرامدن
بعضلری قارشولامق ایستملر ايسهده رسول اکرم (براقیکز
کلسون) دیویوروب مبارک الینه برحر به آلوب آتمسيله
ملعون مزبور اوریلوب اکه کموکی قیریلهرق قیمتلی آتندن
دوشدی . همان یایغره به باشلا یوب (محمد بنی اولدردی)

دیوفر یاد و فغان ایدرك قومک یاننه قاچدیغنده ابوسفیان
کلوب یاره سی اولدیغنی کورنجه برشی یوق دیوتسلیه
ویرمسی اوزرینه ملعون مزبور (محمد مکدهه ایکن بن سنی
اولدیررم دیرایدی ابدی بوضر به دن بن خلاص بولوب
قور تيله مام) دیو جواب ویرمش . فی الواقع مکدهه
کیدرکن اوکوز کبی باغیره رق کبروب حطب نار جهنم
اولمشدر . (لعنة الله عليه وعلى اعوانه)

بیان اولندیغنی وجهله سرور عالم افندمر اصحاب کراميله برابر
جبل احده اول وادیسنده طو پلاندقدن صکره حضرت علی
افندمر صوکتورب رسول اکرم مبارک یوزینی ییقادی
و آبدست آلوب اوکله نمازینی قیلدی . بعده مبارک یوزینه
صاپلا نمش اولان ایکی حلقه بی ابو عبیده ابن الجراح رضی الله
عنه حضرتلری دیشلريله طوتوب چیقاردی . بو ائساده
کفره قریشک قادینلری میدا نک خالی قالدیغنی کوردکلر تده
کلوب شهید اولانلرک برونلرینی وقولا قلرینی کسهرك ییلازک
وکردنلکلر یایدیلر . ابوسفیان وادتی مزبورده برجعت
اسلامیه پیدا اولدیغنی کورمسيله عونیه سنی جمع ایدرك بر بشقه
بولدن آنلرک اوزرلرینه چیقماق ایستمش ايسهده رسول اکرمک
چیقه ماملری حقنده واقع اولان دعاسی برکاتيله هر تقدیر
او غراشدیلر ايسهده یوقاری چیقه مادیلر . و بوجهته طوفان
حرب وجداله سکونت حاصل اولدی . و جناب حق قلوب
مشرکینه بر قورقو صالوب بسبتون محاربه دن فراغت ایدرك
مکه بولانی طوتوب کتدیلر .

بعده حضرت فخر رسالت شهدایی دفن ایتد کد نصر کره
اصحاب کر امیله برابر مدینه منوره یه عودت بیوردی
اشبو محاربه ده اصحاب کر آمدن یتش کشی قدر شهید اولوب
وبرخیلی کسه لر دخی یاره لندیلر . و شهدانک التبیسی
مهاجریندن اولوب باقبسی انصاردن ایدیلر . (رضوان الله
تعالی علیهم) و کفره قریشک تلفاتی اوتوز کشی یه قریب
وبرخیلیسی دخی یاره انوب مکه یولنده دوزخ قرار
اولشلردر . (لعنة الله علیهم)

(تنبیه) اشبو وقعه مده شده اهل اسلامه وقوعه ولان مصیبت
شان نبوت واصحاب اهل فتوت حقلرنده (حاشا وکلا) موجب
تحقیر اولیوب بلکه اهل سیرک بیان ایتد کلرینه کوره مصیبت
مزبوره پک یوک بر طاقم فوائدی و حکم ربانیه یی شاملدر .
(برنجی فائده) (عینین) نام وادینک محافظه سینه مأمور
اولان اصحاب کرام اراده قطعیة نبویه خلا فنده حرکت
ایتد کلری و ریسلرینک سوزنی دیکلمیه رک موقع مزبوری
ترک ایله مال غنیمت جعنه آلداند قلری هم کندیلرینک
همده سائرلرینک باعث شهادت لری اولدیغی قضیه سی بتون
اهل اسلامه برعبرت اولوب حطام دنیا یه آلدانه رق صادق
و مستقیم اولان قوماندانک رأیندن طیشاری چیقما ملیدر

(۲) الک یوک بلالر ایله مبتلا اولوق پیغمبران کرام حضراتی
حقنده بر عادت مستمره اولدیغی جهته سید الانبیاء محمد
مصطفی حضرتلرینک حق عالیلرنده دخی بومللو بلالر ایله
مبتلا اولسی اراده الهیه اقتضا سندنذر . و بونک فائده

و حکمتی شودر که دائما اهل اسلام منصور و مظفر اولسلر
ایدی کفره فجره یی خوف و خشیت استیلا ایلیموب نفاق
صورتیله اهل اسلام آره سنه کبره رک افساد دینه قالدیشورلر
ودوست ایله دشمنی فرق و تمیز ایتک ممکن اوله مز ایدی .
و همده دائما منهزم و منکسر اولسلر ایدی پیغمبرک دعوتندن
خلقک استفاده ایده مامسی لازم کلور ایدی . بو جهته
صادق اولانلر کاذب اولانلردن فرق و تمیز اولنق ایچون
حکمت الهیه اشبو ایکی امرک جمعنی اقتضا ایلشدر . تنه کیم
بو غروندن اول منافقینک نفاقلری غایت خفی اولوب بحسب
الظاهر اظهار صداقت ایدر لر دی انجق حقیقت حالده اعدای
اسلام ایله اتفاقلری اولدیغندن حیل و دسایس ایله اسرار
مسلمینه واقف اولوب کفره فجره یی آگاه و خبردار
ایلرلر ایدی .

واشبو غزانک وقو عندن نصر کره اهل نفاق مسرور اولوب
قلبلرنده کبرلر کلری کفرلرینی قوللا و فعلا اظهار ایتلری
اوزرینه اهل اسلام متنبه اولوب ایچلرنده دشمنلری حاضر
و موجود اولدیغنی ییله رک شزلرندن نحرز و محاسنبت ایتکه
باشلا دیلر .

(۳) دائمی صورتده نصرت و مظفریت واقع اولسه نفس
اماره شماروب عجب و غروره دوشه رک محافظه اسباب
صوریله ده تکاسل ایدیله جکندن کسر نفس ایچون بعض
مواقعه نصرتک تأخیرینی حکمت الهیه اقتضا ایلشدر .

(۴) جناب واجب الوجود حضرتلری مؤمن قوللری

ایچون جنت اعلاده برطاقم درجات و منازل عالیہ حاضر لامشدرکہ
اهل ایمانک اعمالی کند یلرینی درجات عزبوره یه ایصال
ایده میہ جکندن مراد و مقصود لرینہ و اصل اولق ایچون
بو مثلاً و بلیات و مختلر ایله مبتلا اولملرینی حکمت ازلیہ ربانیہ
اقتضا ایلمشدر

(۵) محافظه دین اسلام اوغورنده فدای جان و جہان
ایدرك رتبه شهادتہ نائل اولق مراتب اولیانك اك اعلاسی
اولدیغندن جناب واجب الوجود حضر تلرینك حکمتی اهل
اسلامی مرتبه شهادتہ سوق ایلمشدر .

(۶) اراده ازلیہ الہیہ کفرہ فجبره واعدای دینک اتلاف
واہلاکنہ تعلق ایلمدیکنندن کفر و طغیانلرنده اصرار ایدرك
حبیب اکرم و اصحاب کرامنه ایذا و جفاری سبیلہ اشد عذابہ
کرفتار اولملرینہ کسب استحقاق ایملری ایچون اشـ جو حالک
وقوعنی اقتضا ایلیوب مؤمنینك از هر جهت سبب سعادتنی
و کافرینك باعث نکبتی اولمشدر . واللہ تعالی اعلم
بحقیقہ الحال

(اون برنجی غزوہ) حمراء الاسد غراسیدرکہ اهل سیرك بیان
ایتدکلرینہ کوره کفرہ قریش احدثن دونوب کیدرکن ابوجہل
لعینك اوغلی عکرمہ رؤسای سائرہ یه خطایا (مسلمانلرہ
بو قدر غالب اولمش ایکن بسبتون بتور مکسزین کیرو
دوندیکنکز جہتلہ یوک خطایتدیکنز چونکہ آنلریقین وقته
طوپلانوب بزدن انتقام آلمغه کلورلر . ایددی کار عاقل
اودرکہ آنلر بوحان پریشانیتده ایکن بزکیرو دونوب مدینہ یی

باصدام و کافہ سفی قتل ایدرك اسلام نامنی قالدیرہلم (دیمسنہ
جواباً) صفوان ابن امیہ) اهل اسلامک شمدیکی حالده
بزہ غیظ و غضب لری زیاده اولدیغنی و اوس ایله خزر رج
قبیلہ لرندن محاربہ یه کلامش اولملری شمدی حاضر افوبده
جہلہ سی بردن اوزرینہ شدتلہ هجوم ایدرلرسہ بزنی پریشان
ایده جملکری ملحوظ اولدیغندن بوافکاردن صرف نظر
ایتملی بز) دیمش ایسه ده قبول ایتدیرہ مدیکندن کیرو دونوب
مدینہ یی باصغہ قرار ویرمشلر . بواشاده (عبداللہ ابن
عمر و المزنی) یانلرنده بولنوب ایتسی کون علی السحر مدینہ یه
کلوب کفرہ قریشک سـ و بیلدکلرینی فخر عالم افندیغزہ خبر
ویرمسی اوزرینہ رسول اکرم ابوبکر الصدیق و عمر الفاروق
رضی اللہ تعالی عنہما حضر تلری ایله استشارہ ییوردیغنده
مشار الیہما محاربہ سابقہ دنطولایی اهل اسلامک ضعیف
دوشمدیکی کوسـ ترک واعدای دینی قورقتمق اوزرہ کفرہ
خندلہ یی تعقیب ایتکی مناسب کوردیلر . بونک اوزرینہ
سرور عالم افندیغز جہتلہ صباح نمازینی ادا ایتد کدناکرہ
یالکز احد غراسـ ندہ بولنان اصحاب کرامک دعوت اولنوب
طوپلانملرینی امر ییوروب ابن ام مکتوم حضر تلرینی امر
خلافتہ تعیین ایدرك انتیوز اوتوز قدر احد غراسندہ بولنان
اصحاب کرامیلہ مدینہ منورہ دن چیقدیلر . و اودسره ده
یارہ لو و مجروح اولملریلہ یارہ لرینی صاروب کتدیلر ایدی .
اشـ تہ بوو جہلہ مدینہ منورہ یه سکر میل مسافہ سی اولان
(حمراء الاسد) نام محلہ کلہ رک اردو قورلادی . ابو معبد

خزاعینک اوغلی معبد (که اول وقت حالا شرف اسلامی قبول اتمامش ایدی انجق دائماً اهل اسلامک غیرت و معاونتند بولور ایدی) برایش ایچون مکّه یه کیدر کن حبیب اکرمک یاننه کلوب برکون اول واقع اولان احد غزاسنده اصحاب کرامنک مصاب اولسندن طولای تعزیه ایتد کدنص کمره قالقوب کتدی . (روحا) نام محمّدن پکر کن قریش اردوسنه اوغرا دیغنده ابو سفیان (کیروده نه وار مسلمانلردن نه خبر ایشدنک) دیو سوال ایتسی اوزرینه (معبد) دخی جواب اوله رق (اوس و خزر ج قبیله لرندن دونکی کون محاربده بولنه میانلر تأسف ایدر ک بو کون جله سی تجمع ایایوب سزدن انتقام آلق قصدیله محمد (علیه السلام) بریو ک اردو ایله کلیور) دید یکنده ابو سفیان (سن نه سو بلیور سن آنلرده حرب اید جک قدرت قالدیمی) دیمسنه جواباً معبد (انلر حراء الاسده کلدیلر ده! سز بورادن قالمق سزین آتلیزینک باشلرینی کور رسکنز) دینجه کفار . بر قور قو کلوب بردننه اردولرینی قالدیلر و ب کتدیلر .
و معبد بر آدم ار سالیه قریشک کتد کلرینی اخبار ایتسی اوزرینه رسول اکرم برقاج کون ده اقامت یورد قدن صکره بشنخی کون تمامنده مدینه منوره یه عودت ایلدی
(اون ایکنچی غزوه) بنی نضیر غزاسیدر . بنی نضیر مدینه منوره یه ایکی میل مسافه سی اولان بر ناحیه ده ساکن قوم یهوددن بریو ک قبیله اولوب کندیلری زنکین و حصارلری متین و ادوات حریبه لری او یغون و تمام بر قوم بدفرجام

ایدیلر . اش - بو غزائک سببی قوم مزبور اهل اسلام علیهنده بولماق و حین حاجتده معاونتده بولماق اوزره حضرت فخر عالم افند مزله معاهده ایتش اولد قلری جهته برکون سرور عالم افند مز برایش ضمننده اصحاب کرامندن برجاعت قلیله استصحابیله بنی نضیرک ساکن اولد قلری ناحیه یه کیدوب یوکسک برخانه ک صیباغی ایتنه کولکه اولان بر محله نزول ایدرک ایشی بیان یورسی اوزرینه قوم مزبور (یک کوزل یا ابوالقاسم استدیکنز ایشی تسویه ایدلم انجق بر مقدار نو قفله استراحت یوریکنر که براز طعام حاضر ایدلم) دیوب خلوتخانه لرینه کیرلنهرک (حبیبی ابن اخطب) نام بر جهود لعین قوم یهوده خطاباً (ای عشر یهود اشته شمعی وقت فرصتدر . بویه بر فرصت هیچ بروقت اله کچمز .
هر کیم طام اوزرندن برطاش یوارلیوب محمدی (علیه السلام) هلاک ایدرسه بتون جهانی هجوم اسلامیّه دن قورتارر) دیه رک قومی تشویق ایلدیکنده (عمرو بن حجاج) دید کلری خبیث آیاغه قالقوب طام اوزرینه چقمقده ایکن (س - سلام ابن مشکم یهودی) قوم مزبوره خطاباً (ای قوم سز بوفکر دن واز کچیکز . والله سزک بوفکر فاسد کز اکا طرف الهمیدن خبر ویریلور . و همده بوسه و قصدیکز بینم زده اولان معاهده بی نقض ایتدکن عبارتدر . صکره باعث نکبت و خرابی اوله جقسکنز) دیه رک نصیحت و برمش ایتده قبول ایتیوب اجرای مافی الضمیر قالمشملری اوزرینه جبریل امین نازل اولوب یهود خانلرینک اش - بو سوء قصد لرندن خبر

ویرنجه سید عالم افندمن اصحاب کرامتی خبردار ایتیه رک هیچ
 برشی سویلکسزین قضای حاجته کیدرجه سینه یا نلرندن
 قالقوب مدینه منوره یه طوغرلدی . رفیقلمری بولسان
 اصحاب کرام حضرت رسالتک اکلندیکنی کوردکلرند
 آدامق اوزره قالقوب کندیسته واصل اولنجه سرور عالم
 افندمن اصحاب کرامه حقیقت حالی خبرویردی . بونک
 اوزرینه (محمد ابن مسلمه) رضی الله تعالی عنه حضرتلرینی
 کوندروب کندیلرینه بلا سبب سوء قصد ایدرک نقض عهد
 ایتدکلرندن طولایی فیما بعد مدینه جوارنده بولنملری ممکن
 اوله یه جغی جهته اون کون قدر مهله له ترک دیار ایدوب
 کتملرینی و کتمدکلری حالده باشلرینک کسبله جگنی اعلام
 یوردی . کفره یهود باشلرینه کله جک بلیه بی اکلادقلرند
 ترک دیار ایدوب کتمکه حاضرلنق اوزره ایکن رئیس
 المنافقین عبدالله ابن ابی ابن سلول خبیثی کیز ایجه بر خبر
 کوندروب (صقین سز مملکتکزدن چیقیمه سکر بلکه
 حصارلر یکرده ثبات ایدوب طوریکز . زیرا یالکز بنم
 معتمده ایکی ییک کشی اولوب حصارلر کزه کلورامداد ایدرز .
 وقربظه و غطفان قبیله لری دخی امداد ایدرلر) دیمسی
 اوزرینه بنی نضیریهو دیلرینک رئیس سی حبیبی ابن الخطاب بوکا
 آلدانه رق (بزترک دیار ایدوبده و طنزدن چیقیمز الیکدن
 نه کلورسه کیروبراقه) دیوسرور عالم افندمنه خبر کوندردی .
 بونک اوزرینه سرور عالم افندمن اصحاب کرامی طویلایوب
 جهاده حاضرلندقدنصکره ابن ام مکتوم حضرتلرینی مقام

خلافته تعیین یوروب وعلی رضی الله عنه حضرتلرینه سنجانی
 شریفی و یروب همان اولکون که هجرتک در دینی سنه سی
 ربیع الاولنده حرکته ایکندی نمازینی بنی نضیر صحراسنده
 قیلدیلر . یهود خائنلری رسول اللهی کورنجه حصارلرینه
 کیروب او قلمرینی و طاشلرینی حاضرلادیلر . انجق رئیس
 المنافقین خبیثی قورقوسندن علنا معاوته جسارت ایده مدیکندن
 وعدنده تخلف ایلدی . کذلک قریظه و غطفان
 قبیله لری دخی معاوته جسارت ایده مدکلرندن بنی نضیر
 یهودیلری یالکز قالوب آنلرک معاوتلرندن . ابوس
 اولدیلر . حضرت فخر عالم افندمن بررواینده الی وروایت
 اخراده اون بش کون محاصره ایدنجه کفره یهود امانه کلوب
 ترک وطن ایله قائلرینک عفو اولمنسنی رجا ایتلری اوزرینه طرف
 رسالتدن رجاری قبول اولنوب کافه اسلحه لرینک ترکبله
 دوه لرینه یوکلده ییدکلری قدر اشیا آلهرق کتملرینه رخصت
 ویریلنجه الی یوزدوه یه اشیا لرینی یوکلده رک کیمی شام نواچسندن
 (ازرعان) طرفنه و کیمی دخی خیبر طرفنه و برطاقی ده
 بشقه طرفله دفع اولوب کتمدیلر . کروه منافقین معاونت
 ایده میوب کفره یهودک تارومار اولسندن طولایی کیز ایجه
 اجرای یأس و ماتم ایتدیلر . (خذلهم الله فی الدارین)
 کفره من بوره طاغلدقدن صکره باقی فلان اموال و اشیا
 و اسلحه حضرت رسالتک قالوب الی زره و الی دخی توغلغه
 یعنی تیمور طاس و اوچیوز قرق عدد قلیج اله یکدی . ابتدای
 هجرتدن تا اول وقتنه قدر انصار کرام یعنی مدینه منوره

اهالیسی مهاجرین اصحابی کندی خانه لرینه آلوب امر
اداره لرینی متعهد اولدقلرندن حضرت فخر عالم افند مز
انصار کرام حضراتی جمع ایدوب (ینه اولکی کبی مهاجرینک
امر تعیش لرینی متعهد اولق اوزره بنی نصیردن آلان اموال
غنائی جله کزه تقسیم ایده یم . یوق استرسه کز اموال
مز بوره بی یالکز مهاجرینه ویره یم ده سزدن آیریلوب برر
خانه تدارک ایدرک کندی امور معاش لرینک تحصیلیه مشغول
اولسونلر) دیه رک کندیلرینی مخیر قیلنجه انصار کرامدن
سعد ابن معاذ وسعد ابن عبادہ رضی اللہ عنہما حضرت تری
جوابنده (یارسول الله بزم کوکیز آئی استرکه مهاجرین کرام
حضراتی محبت دینیه دناشی وطن لرینی و اموال وعقار لرینی
فدا ایتدکلری جهته بنی نصیردن آلان اموال غنائی
یالکز آنلره تقسیم بیوره سکنز . و بزم اولریمزک برکتی
آنلرک بزی تشریف ایتلریله اولدیغندن ینه اولکی کبی بزم
اولریمزده قاله رق امر تعیش لرینه متعهد اوله لم) دینجه سائر
انصار کرام حضراتی دخی اول ایکی مرد بختیاره اقتدا
ایدوب (یارسول الله بزدخی جله مز بو طریقه راضی یر)
دیدکلرنده سرور عالم افند مز پک زیاه ممنون اولوب دعا
ایتدکن صکره اموال غنائی یالکز مهاجرین کرامه تقسیم
ایلدی . انجق انصاردن ابو دجانہ وسهل ابن حنیف
رضی اللہ عنہما حضرت تریینک فقر و احتیاج لری اولدیغی
حسیله آنلره دخی برر مقدار شی ویرلدی . و برده بنی
نصیرک رییسلرندن ابن ابی حقیقک غایت کوزلاکله مشهور

اولان قلیچی سعد ابن معاذ حضرت تریینه احسان بیورلدی .
(اون اوچنجی غزوه) بدر موعود غزاسیدر . و بوتک
سببی ابوسفیان احد غزاسندن دونوب کیدرکن (سزکله
کله جک سینه بدرده برلشوب جنگ ایدرز) دیسنه جواباً
رسول اکرمک امر شریفیه حضرت عمر افند مز (انشاء الله
تعالی) بیورمش ایدی . وقت موعود یا قلاشدقده ابوسفیان
اسلام ایله مقاتله ایتک اوزره اهل مکہ بی هر نقدر ظاهراً
تحریک وتشویق ایدر ایدیسده اهل اسلامک قلیچندن
قورقدیغی و اول سنه مکہ طرفلرنده قیتلق اولدیغی جهته
محاربه نک وقوعی ایستز ایدی . انجق خلف وعد آنک
طرفندن اولوبده قورقاقلغنه حل اولنماق و برده اهل
اسلام سوزنده طور و بده بدر صحرا سنه کلدکلری صورتده
شوکت اسلامیه نک زیاده لشه جکی و کندیلرینک صیت
وشهرت لرینک ضایع اوله جفی ملاحظه سنه مبنی بردسپسه ایله
شان و شوکتی اهلای مدینه یه بیلدیره رک مدینه دن طیشاری
چبقمغه قورقوبده خلف وعد اهل اسلام طرفندن اولق
ایچون قوه حریبه وعسکر تدارکیله مشغول اولمش ایدی .
اوانئاده مدینه اهالیسندن اولوب شرف اسلامی قبول ایتیان
نعیم ابن مسعود اشجعی مکہ یه کلمش اولغله ابوسفیان یاننه
چاغیروب (ای نعیم بدر موعود وقتی تقرب ایتدی .
کتمدیکمز حالده قورقاقلغمز حل ایله شوکت وشهرتمز پایمال
اولوب مسلمانلر فرجه بولورلر . و کتمدیکمز حالده قیتلق
اولق حسیله حیوانات مزه بیدیره جک شی بوله میوب پک چوق

مشقته دوچار اوله جغز . بوجهته شمدی سن مدینه به
 کیدوبده محمدی (علیه الصلاة والسلام) واصحابی قورقوده رق
 مدینه دن چیقما لری نه ک بر چاره سنی بولور و خلف وعدک
 کندیلری طرفندن وقوعه سبب اولور ایسه ک اوچر یاشنده اولمق
 اوزره سکا یکر می رأس دوه ویریرم دیمسی اوزرینه نعیم
 (اشته بن شمدی مدینه دن کلیورم . وشونی بیان ایتک ایچون
 کلامه محمد (علیه الصلاة والسلام) تدارکات حرییه ایله
 مشغول اولوب اوس وخررج قبيله لرندن اولقدر عسکر جمع
 ایتشدر که مدینه ایچی عصق انسان ایله طولشدر) دیدیکنده
 ابوسفیانک قورقوسی برقات دها زیاده اشوب نعیم کیدوب
 مسلمانلری قورقوده رق اغوا ویرمسنه ابرام والاحاح ایدنجه
 نعیم قالقوب مدینه به کادی . اهل اسلام نعیمی کوروبده
 ابوسفیانک احوال واطوارندن سؤال ایتدکلر نده نعیم
 ابوسفیان پک چوق عسکر جمع ایتشدر . وقبائل عربک
 اکثریسی کندوسيله اتفاق ایدوب سزکله محاربه ایتک اوزره
 مکهدن طیشاری چیقديلر . اولیه که سز پر یکزدن حرکت
 ایدوبده بدره کیده سکر . زیرا بودفعه آنلرایله باشه چیققیق
 سزک ایچون ممکن اوله مدقندن بشقه هیچ بریکزک سلامته
 قورتيله جغکز امید اولنه مز) دیوجواب ویردی . حتی اولقدر
 اهتمام ایتلش که بوسوزلری اصحاب کرامک اکثر یسنه سویلش .
 وحسب البشریه اصحاب کرامه تأثیر ایلوب مدینه دن
 طیشاری چیقغه خوشلانمز اولدیلر ایدی . اشبهو شایعه
 کاذبه واصحاب کرامک متأثر اولدیلری سمع رسول الله

واصل اولنجه بدر موعوده کیدلدیکی حالده اصحاب کرامدن
 پک چوق کسه لک موافقت ایتیه جکلری ملا حظه سنه بناء اقلب
 سعادتلرینه بر مقدار حزن عارض اولدیغنی ابوبکر الصدیق
 وعمر الفاروق رضی الله عنهما حضرتلری حس ایتلریله حضور
 سعاده چیقوب (یارسول الله جناب حق دین اسلامی اظهار
 و پیغمبری اعزاز ایده جکنده شهید مز یوقدر دشمنزه وعد
 اولنان وقت کله یور . محاربه دن کیرو قالوبده کندیمزه
 قورققلق صفت مذمومه سنک اسناد اولنسنی قبول ایده میز .
 همان جناب حق عوئله محل موعوده کیده لم) دیعلری
 اوزرینه سرور عالم افندمز منشرح اولوب (دین اسلام
 کوندن کونه کسب شرفله ترقی ایتک اوزره ایکن جیانت
 صفت مذمومه سنک اسنادیله کیرو قالسنی استمدیکمدن بکا
 هیچ بر فرد موافقت ایتسه بیله یالکزا اوله رق بدر موعوده
 کتمک بنم ایچون ضرور یدر) بیور مسیله اصحاب کرامک
 جمله سی مسرور اولوب القاءت شیطانیه قلبلرندن مندفع
 اوله رق جمله سی اظهار موافقت ایلدیلر . بونک اوزرینه
 سرور عالم افندمز (عبدالله ابن رواحه) حضرتلرینی
 قائم مقام خلافت نصیبیه علی ابن ابی طالب رضی الله عنه
 حضرتلرینه سنجاغ شریفی و یروب بیک بشیوز کشی ایله
 مدینه منوره دن حرکت ایدرک تاریخ هجرتک در دنجی سنه سی
 ماه ذی القعدة نک غره سنده بدره موصلت اولنوب اردو
 قورلدی . واصحاب کرام مدینه دن چیققدیلر نده یانلرنجه
 پک چوق مال تجارت آلوب بهر سنه اول موسعه صحرای

بدیده بنایر قورادیغندن اردوی اسلام اوراده برهفته قدر
اکاندکاری جهته پک کوزل آلیش ویرش اولوب خلیجه
تجارت ایدرک کمال فرحله مدینه منوره به عودت بیورلندی .
ابوسفیان دخی ایکی ییک کشیدن مرکب بر اردو ایله مکه دن
چیقوب (بحنه) دیدکاری محله کله رک عسا کراسلامیه نک
صحرای بدره کلدکرنی ایشیدیکنده رؤسای کفره بی
طویلا یوب (بوسنه اورتیه لقه قیتلق اولق مناسبتیه بدره
کیدلیدیکی حالده زخیره جه پک چوق مشکلاته دوچار اوله جعفر دن
کیرو دونکل کمز اقتضای حالنددر) دیه رک بیان معذرتله
قراری فراده تبدیل ایلیوب مکه به دوندیلر . عسا کر کفار
برایش کوره میوب یالکز سویق یعنی قاورلش اونی
صوایله قارشیدروب بدکرندن صکره مأیوساً مکه به عودت
ایتد کله ایچون اهل مکه استهزا واکلنجه طریقله
کندی عسکرلینه (چیش السویق) تسمیه ایدرلردی .
والحاصل کفار قریشک اهل اسلام ایله محاربه ایتکه جسارت
ایده مدکاری بین القبائل اکلاشلمدیغندن قریش مکدنک
اعتباری یوز یلوب اهل اسلام پک چوق شان وشرف
بولدی .

(اون دردنچی غزوه) ذات الرقاع غراسیدر . اشهبو
غزانک سببی قبائل نجددن غطفان قبیله سنک (بنی محارب
و بنی ثعلبه) جهاتلری مدینه منوره به هجوم ایتک اوزره
تدارکات حریه به قالشید قله سمع رسول الله واصل اولنجه
داماد محترم لری عثمان ذی النورین رضی الله عنه حاضر تلرینی

خلافت کبرایه نصب ایله اصحاب کرامندن پروایتده در تیوز
و روایت اخراده یدی یوز مردان دلاورانی استصحاب
ایدرک تاریخ هجرتک بشنچی سنه سی محرم الحرامک ایتداسنده
مدینه منوره دن حرکتله دیار نجد سفرینه قصد اولندی .
انجیق اردوی اسلام اراضی غطفاندن (ذات الرقاع وشدخ)
تسمیه اولنان محله واصل اولنجه اهل بیهسی اردوی سعادتک
حرکتی ایشیده رک قار شو طوره میوب طاغله فرار ایتدکاری
جهته محاربه وقوعیو لقسزین اون بشنچی کون مدینه منوره به
عودت بیورلشددر (ذات الرقاع) اطرافی پارچه پارچه
تارلاردن عبارت برطاغک اسمی اولدیغی ویاخود اولوقته
بولسان سنجاغ شریف الوان متعدده دن عبارت اولدیغی
ویاخود اصحاب کرامدن بعضیلرینک ایاق قابلری بیرتیلوب
ایاقلرینه بز پارچه لری صار دقلری مناسبتله غزوه مزبوریه
ذات الرقاع تسمیه اولمشدر .

(اون بشنچی غزوه) دومه الجندل غراسیدر . (دومه الجندل)
مدینه منوره به اون بش ویاخود اون التی کونلک وشام شریفه
بش کونلک مسافه سی بولنان بر بلده نک اسمیدر . اشهبو
غزانک سببی بلده مزبوره اهل بیهسندن برطاقم اشقیبا
یولجیلره تعرض ایدوب ظلم ایلدکاری خبری سمع رسول الله
واصل اولنجه آنلری تأذیب ایله طاغتمق واهل اسلامک
شام دیار یله تجارتلرینی تأمین ایتک مقصدیه مدینه منوره ده
(سباع ابن عرفطه) رضی الله عنہ حاضر تلرینی خلیفه لکه نصب
ایدوب تاریخ هجرتک بشنچی سنه سی ربیع الاولنده اصحاب

گرامدن بیک کشتی ایله مدینه منوره دن حرکت بیورلدی .
بلده منوره یه یاقلاشد قلرندده حیوانات سوریلرینه تصادف
اولنوب چوبانلرندن بعضیلری طوتلدی و بعضیلری دخی
فرار ایلدی . اشبو خبر بلده منوره اهاالسنه واصل
اولنجه کافه سی طاغیلوب فرار ایتدکلرندن اردوی اهل اسلام
بلده به کیردکلرنده برقاج کون اوراده اقامت اولنه رق
اطرافه برقاج قول عسکر چیقارلدیسه ده هیچ برکسه به
تصادف اولنه مدیغی حسبله حیواناتی اغتنام اولنه رق
محاربه وقوعبولقسزین ربیع الاخرک بکرمنجی کوننده
مدینه منوره به عودت بیورلدی .

(اون النجی غزوه) مریسع غزاسیدر . واشبو غزایه غزوه
خی المصطلق دخی دیرلر . مریسع بین الحرمین خزاعه دیارنده
قدید ناحیه سنده برصویک اسمیدر که فرع ایکی کونلک
مسافه سی اولرب فرع دخی مدینه منوره به اوتوز ایکی ساعت
بهدنده برمحلدر . اشبو غزائک سببی بی خزاعه قبیله سنک
رئیس حارث ابن ضرارک مشرکینی تشویق ایله قبائل عربدن
برخیلی عسکر جمع ایدرک اهل اسلام ایله محاربه ایتک اوزره
حاضرلندقلری سمع نبوی به واصل اولدقده بریده ابن الحصیب
رضی الله عنه حضرتلرینک واسطه سیله تحقیق ماده اولندقدن
صکره زید ابن حارثه رضی الله عنه حضرتلرینی مقام خلافت
تعیین ایدرک بیک نفر شجاعت اصحابی استصحاب ایله تاریخ هجرتک
بشجی سنه سی شعبان شریفنک اوچنجی کوننده مدینه منوره دن
خروج ایلدی . واشبو غزوه ده مهاجریندن اون وانصاردن

بکرمی کشتی آتلو ایدیلر . و مال غنیمته نائل اولمق آرزوسیه
بو غزوه ده منافقیندن دخی بک چوق کسه لر وار ایدی .
انسانای راهده جاسوسلرندن بری حضرت عمر رضی الله عنه
حضرتلرینک اینه کچوب نتیجه استنطاقدن تمامیه دشمنلرک
احوالی اکلاشلدقدن صکره دین حقه دعوت اولنوب
قبول ایتدیکی حسبله قتل و اعدام اولندی . بو خبری
کفار خاکسار ایشیدنجه قیلرینه زیاده سیله قورقو عارض
اولغله حارث ابن ضرارک کندیته منسوب اولنلردن ماعداسی
فرار ایلدیلر . حضرت فخر عالم افندمن مریسع دنیملان
محله واصل اولنجه کفار خاکسار میدان مبارزه به ظهور ایله
مقاتله به حاضرلندیلر . بوتک اوزرینه سرور عالم افندمن
حضرت عمر افندمنه امر بیوروب نفوس واموالی محفوظ
اولمق و هیچ برشیلرینه ضرر کلامک شرطیه دین اسلامه
دعوت اولندیلر . خذله مرقومه دن هیچ بریسی روی
موافقت کوسرمدکلری جهته مقاتله به مباشرت اولندی .
برنجی دفعه ده طرفیندن سلاح بوشالددقدن صکره حضرت
پیغمبرک امر به عساکر اسلام هیئت مجتمعه اوله رق برق خاطف
کبی کفره بخره اوزرینه هجوم ایلدیلر . کفار خاکسار تاب
آور مقاومت اوله میوب اون نفرینک جانلری مالک جهته
سپارش اولنه رق قتل اولنوب ویدیوز کشتی بی متجاوز اوله رق
باقیلری دخی اسیر ایلدیلر . و عساکر اسلامدن بالکر
برکشتی شهید اولدی . و اسرای مرقومه دن انجق برکشتی
شرف اسلامی قبول ایلدیلر . واشبو سفرده ایکبیک دوه

و بشبك قیون و بك چوق اشیا اغتنام اولمشدر و نسوانی دخی
اسیر قلنشدر و نسوان مر قومه آره سنده حارث ابن ضرارك
قیزی (جویریة) دخی اسیر قلوب شرف اسلامی قبول
ایله ازواج مطهرات عدادینه داخل اولدیغندن اصحاب کرام
(رسول اکرمك ازواج مطهراتك اقرباسنی اسیر اوله رق
طوتیق شان اسلامیة یاقشمنز) دیهرك كافه اسرای آزاد
ایتملردر و اشبو غزوه بکرمی سکر کون نمتد اولوب رمضان
شریفك غره سنده سرور عالم افند مزله برا بر عساكر اسلامیة
مدینه منوره یه کیر مشلردر .

(اون یدنجی غزوه) خندق غراسیدر . اشبو غزاتك سببی
سابقا بیان اولندیغنی و جمهله بنی قینقاع و بنی نضیر یهودیلری
مدینه منوره اطرافدن طرد و تبعید اولندقلری حسبیه اهل
اسلامدن انتقام آلمغه قیام ایله کفره قریش و سائر مشرکینی
داخل دائره اتفاق ایتمك اوزره رؤسای یهوددن بکرمی کشی
قدر مکه یه کیدوب ابوسفیان ایله کورشدکارنده نه ایچون
کدکلی سؤال اولندیغنه جواباً (سرکله محمدك) علیه الصلاة
والسلام) عدوانته اتفاق ایدوب آره دن قالدر مدقه
یکدیگر مزدن آیرلیهلم (دیملری اوزرینه ابوسفیان (مرحبا
بکم واهلایزہ خلقك اك سوکیلوسی محمدك) علیه الصلاة
والسلام) عدوانده بزه یاردم ایلیانلردر (دیهرك التفات
ایتد کدنصکره الی قدر رؤسای قریشی جمع ایدوب کعبه
اورتوسی آلتنه کیرهرك بره قدر قیریلوب جانلری چیققییه دك
اهل اسلام ایله مقاتله ایتمکدن آیرلماق اوزره قوتلی برمهاده

ایدوب عین ایتدیلر . طائفه یهود کفره قریش ایله بودرلو
معاهده ایدوب کوکلری راحت اولنجه اوردادن قالقوب
دیار نجه کیدرك بنی غطفان و دیگر بر طاق قبائلی داخل
دائره اتفاق ایتدیلر . بونك اوزرینه کفره قریش درت
یك کشیدن مرکب براردو تریدب ایدوب اوچیز آتلو
ویك بش-یوز دوه لری و ابوسفیان سرعسکرلری و عثمان
بن طلحه سنجقدارلری اولدیغنی حالدده مکهدن چیقیدیلر .
(مر الظهران) نام محله کدکلینده نجد طرفدن اسلام واشجع
و بنی مره و کانه و فزاره و غطفان قبیلهلری قریش اردوسنه
التحاق ایدرك یك نفری سواری اولق اوزره مجموعی اون
یك کشی اولدی (استطراد) احزاب جماعت و آلاهی
معناسنه اولان حزب کله سنك جمعی اولوب اسلام علیه جماعات
معدده طویلاندقلری جهته اشبو غزوه یه (غزوه احزاب)
دخی نسیمه اولمشدر . اشبو خبر حضرت فخر رسالته
واصل اولدقده اصحاب کرامنی جمع ایله استشاره یوردی .
کفار خاکسارک کثرتی و تدارکات حریرهلری دخی اولسبتده
اولدیغنی مناسبته میدان جنکته چیقلمیوب داخل مدینه ده
محسن ایدرك تدافعی و تحفظی محاربه ایتمک قرار ویریلنجه
سلمان فارسی رضی الله تعالی عنه حضرتلری بحسبستاندن
فرار ایله مدینه یه کلهرك او آراق شرف اسلامی قبول ایتمش
اولغین محل استشاره ده بولوب (یا رسول الله بزم
ملکتر مزدن برینه حدندن زیاده دشمن هجوم ایتدکده
اطراف مملکت خندق ایله احاطه ایدیلوب محافظه سنه اهتمام

اولدوغندن اهل اسلام خندق حفرنده يك چوق صقنديله
 دوچار اولمشلايدى . شويله كه كيجه سيله برابر اوج كون
 آج قالمشلا و صغوقدن طومق درجه سنده كمشلايدى .
 بونكه برابر كنديلرينه اصلا يأس و فتور كليوب دين حق
 او غرينه فداى جان و جهان ايدرك چالبشورلايدى
 (رضوان الله تعالى عليهم) اشته بوجهته خندق قازيلوركن
 آز طعام ايله بئون عسكرى طيورهق كى سرور عالم افندمر
 حضرتلرندن يك چوق معجزات صادر اولديغى كتب سير
 واحاديثه مسطوردر . و برده خندق قازيلوركن غايت
 يوك برطاش چيقوب اصحاب كرام كولنك وساير ادوات
 حفريله ايله قيروب چيقارمغه سعي و اهتمام ايتمشلايسه ده
 موفق اوله ميبوب عاجز قالملى اوزرينه سرور عالم افندمر
 مراجعتله بيان حال ايتدكرنده سيدرسل اوج كونك آج
 اولوب مبارك قارنده طاش باغلامش اولديغى حالده اورايه
 واروب مبارك الله كولنك آله رق بسملة شريفه دنصكره
 طاشه چارچمسيله برثلثي قيريلوب (الله اكبر بكا شامك
 انا خيرلى ويرلدى والله بن شمدى شوساعتمده شامك
 قرمزى كوشكلىنى كوره يورم) بيوردى . بعده ينه
 منوال سابق اوزره بردها چارچمسيله برثلث ديكرى قيريلوب
 (الله اكبر بكا فارس اقليمك انا خيرلى ويرلدى والله بن
 شوساعتمده كسرانك يياض كوشكلىنى كوره يورم) بيوردى .
 و اوچنچى دفعه سنده بسبتون طاش يرندن قوپوب قيريلنجه
 (الله اكبر بكا يمنك انا خيرلى ويرلدى . والله بن شمدى

اولور) ديويان ايتسى تحسين بيوريلوب خندق حفرينه
 قرار و برلمسى اوزرينه عبدالله ابن ام مكتوم رضى الله عنه
 حضرتلرني مقام خلافته تعيين و مهاجريندن زيد ابن حارثه بنى
 و انصاردن دخی سعد بن عبادہ حضرتلرني سنجقدار نصب
 ايدرك اوتوز التي كشي آتلا و باقيسى پياده اولمق اوزره
 اوج يك كشي بدن مركب براردوايله تاريخ هجرتك بشنچى
 سنه سى شوال شريفك اوآخرنده مدينه منوره دن چيقلدى .
 و خندقك جبل سلع دينيلان طاعك اوكنده قازلمسى مناسب
 كوريلوب عرض و عمق بشرزراع اولمق اوزره هربرق آرشون
 محلك قازلمسى اون نفر صحابه به تقسيم اولنهرق خندق حفرينه
 مباشرت اولندي . و مقدما بنى قريظه يهوديلرى اهل
 اسلام ايله عقد معاهده ايتش اولدقلى جهته اوصره ده
 عاريت اولهرق آنلردن دخی برخيلى ادوات حفريله آلندي
 ايدى . حضرت فخر عالم صلى الله عليه وسلم افندمر
 اصحاب كرامنى تشويق و تلطيف ايتك ايچون بعضا خندق
 قازمق و بعضا دخی طپراق طاشمق ايله مشغول اولور
 و اصحاب كرامنه خير دعالي ايدرايدى . بوسيدن اصحاب
 كرامه ده ازياده شوق و غيرت كلوب وارقوتى بازويه ويردرك
 چالبشوب چبالارلايدى . حتى سلمان فارسى حضرتلرى
 كو چلى قوتلى و بوملاو ايشاره آلبشق اولديغندن اون كشيك
 ايش كوردى . زمرة منافقين دخی ظاهرا چالشعده
 ايديسه لده يك كوشك طورانورلدى . و حكمت ربانيه
 اولهرق اوصره ده غايت شدتلى روزكار و صغوق و قيتاق

صنعناك قبولی کوره یورم) یوردی . یعنی بواوچ اقلیم
جسیمک قحح اولنوب ممالک اسلامیه الحاق ایدیله جگنی خبر
ویردی . وحتی سلمان فارسی اوراده بولنوب حضرت
پیغمبرک کوشهکاری تعریف یوردیغی کی واقع اولدیغی
بیان ایلدی . اشته بو وجهله کمال درجه سعی اولنورق
بش اون کون ظرفنده خندق تمام اولنجه قریش اردوسی
یتیشوب هر برقبیله مدینه جوارنده برمحله قونه رق مدینه
منوره پی تحت محاصره به آلدیلر . عساکر اسلامیه دخی
اولاد و عیال و اشیا و اموائی مدینه حصارلنده محفوظ قیلوب
امانت حقه تسلیم ایدرک و خارج شهره چیقوب (سلع) نام
طاغه آرقه ویره رک دشمنه قرشو طور دیلر . کروه کفره
اهل اسلامی بر هجومده بیتورمک زعم فاسدیله هر طرفدن
مدینه منوره به صالدر دیلر ایدیه اوکلرینه اصلا کورماش
اولدقلری غریب الشکل بر خندق چیقجه کفار خاکسار نظر
حیرتله باقوب طوره قالدیلر . وهرنه طرفه قوشدیلر ایدیه
اوزرلینه اوق و طاش یاغدیریلوب هیچ بر طرفدن کیره میه
جگاری تحقق ایدنجه چاره سز اوق و طاش جنکته قرار
ویردیلر . و مقدا سرور عالم افندمزله عقد معاهده ایلان
بنی قریظه یهودیلرینک بوصره ده نقض عهد ابتدکاری
ایشیدیلنجه کیفیتک تحقیقنه اصحاب کرامدن برقاج کشی
کوندریلوب صحیح اولدیغی تبیین ایدنجه حضرت فخر عالم
افندمز (حسبنا الله ونعم الوکیل) دیدی واصحاب کرامنک
فتوحات عظیمه به نائل اوله جقلری تبشیر یوردی . واول

قوم خبیثک نقض عهد ایتلری اهل اسلامه موجب اندیشه
اولدیغندن سرور عالم افندمز شهر مدینهنک محافظه سنده
بشیوز کشی تعیین ایلدی . و سائر اصحاب کرامبله برابر
اوله رق کندیسى صبا حله قدر خندق خطنک محافظه سیله
مشغول اولورلردی . کروه منافقین بر طرفدن آچلق
وصغوق دشمنی و بر طرفدن دخی دین دشمنلرینک اهل اسلام
اوزرینه هجوم ایله شدت مضایقه لرینی کورنجه فرصتی غنیمت
یلرک درلودرلوترهات و فساداته قالشیدیلر ایدیه هیچ
بر ایسته موفق اوله میوب خائب و خاسر اولدیلر . و خندقک
بر محلی لایق وجه اوزرینه قازیله مدیغندن بر کون کفره
فجره دن هر بری یوز کشی به مقابل طوتیلان یکیتلرندن الی
کشی هجوم ایلوب (بزم قارشومزه چیقیه ییله جک آدم واری)
دیه رک میدان طلب ایتلری اوزرینه ابتدا حضرت علی افندمز
ارسلان کی میدانه چیقوب الک مشهورلری اولان عربن
عبدودک جانی جهنمه آندقدنصکره زیرابن عوام حضرتلری
دخی کوکره مش فیصل کی میدانه چیقوب نوفل مخزومیکنک
اوزرینه هجوم ایله کندیسى ایکی پارچه ایندکدنصکره قلیجی
التدیه کی آکری ییله کسیدی . واندنصکره حضرت عمر
وعلی وزیر افندیلرمرک اوچی بردن هجوم ایدنجه میدان
آرایان پهلوانلره دنیا طارکلوب کندیلرینی شاشیره رق قرار
ایندیلر . بونک اوزرینه مسلمین پک زیاده مسرور اولوب کفار
خاکسار دخی مأیوس و مکدر اوله رق خندق جوارندن چکبلرک
اردوگاهلرینه کتدیلر . ایرنسی کون بنی قریظه یهودیلرله

برابر اوله رق بالمله مشرکین هر طرفدن اهل اسلامی احاطه
ایله اخشامه قدر کوز آچدره یوب اوق آتدیلر ایسه ده
مرادلرینه نائل اوله مدقلرندن اخشام اولجه ینه چکلدیلر .
اصحاب که ام صغوق و آچلقدن پک زیاده مضطرب اولدقلری
حسبیه ابرتسی کون نه پایه جقلرینی دوشونورلر کن جناب
کبریا حضرتلری اسبابی خلق ایلوب اشجع قبیله سی
اشرافندن فطانت و درایتله مشهور (نعیم ابن مسعود غطفانی
اردوگاه کفره دن قالقوب خندق کنارنده بولسان نو بتجیلرک
رخصتیه سرور عالم افند مرک حضوریته کله رک شرف
اسلامی قبول ایلد کدنصرکه (یار سول الله قبائل عرب بنم
مسلمان اولد یغنی یلمدکلرندن رخصت یوریلور ایسه حرب
بر خدعه اولدیغی جهته شمدیکی حالده دین اسلامه برخدمت
ایده یلورم) دیه رک سرور عالم افند مرکدن رخصت آلوب
بنی قریظه ناحیه سنه کتدی . اوراده بولسان رؤسای
یهوده خطابا (ای اشراف بنی قریظه سزی نقدر سودیکمی
یلور سکر قاج کوندو که سزک حالکزی دوشونیورم) دینجه
یهودیلر (اوت بزم سکامیت کامله مر وادد سویله یاقه لم)
دیدکلرنده نعیم (قبائل عربک بورایه کللرندن مقصود
مسلمانلری پتورمک ایسه ده زخیره لری توککندیکندن
وصغوغه طیان مدقلرندن و مسلمانلر شدناه مقاومت ایدوب
تسلیم اولیه جقلرند ناشی جانلری صقیلوب کیده جکلردر .
صکره سز نقض عهد ایتدیکر جهته مسلمانلرک اللرندن نصل
قورتیلور سکر بکا قالدورسه سز قبائلک اشرافندن برقاج

کشی بی رهن آلاملسکر که ایش بیتدیکجه کتملری ممکن اولیه)
دینجه یهودیلر (اوت سلطانم طوغری سویلیورسین) دیه رک
تصدیق ایتلری اوزرینه نعیم اورادن قالقوب ابوسفیانک
مجلسنه کله رک (طائفه یهود مسلمانلرایله نقض عهد ایتدکلرینه
پشیمان اولوب ینه تجدد معاهده ایشلر و قباحتلرینک عفو
اولمسیچون رهن صورتیه رؤسای عربدن برقاج کشی بی
آلوبده انلره تسلیم ایده جکلردر صقین و برمیہ سکر)
دیهرک رؤسای عربی قاندیرنجه ابوسفیان یهودیلرک
افکارینی اکلامق اوزره (عسکریمز و حیوانلریمز صغوق
و آچلقدن تلف اولمق اوزره اولدیغندن یارین جله مر
بردن شدتلو بر هجوم ایدرک مسلمانلری پتوروبده کیده لم)
دیهرک خبر کوندورمسی اوزرینه یهودیلر (یارین جمعه
ابرتسی اولمق مناسبتیه بزوغایه کیده میز . انجق سزدن امین
اولمق ایچون رؤسا کزدن رهن صورتیه بتش کشی قدر بزه
تسلیم ایتک شرطیه بازارکونی کیده ییلورز) دیهرک جواب
کوندرنجه رؤسای عرب نعیمک سوزینی تمامیه تصدیق ایدوب
یهودیلره (کندیکزی قورتارمق ایچون جانکر استرایسه بزمه
برابر کلوب محاربه ایدیکر یوخسه بزکندیکر حالده باشکره
کاه جک بلیه بی سز دوشونکر) دیهرک خبر کوندردکلرنده
قوم یهود دخی نعیمک سوزینی تصدیق ایلوب نقض عهد
ایتدکلرینه پشیمان اوله رق قور قورلندن حصارلرینه قباوب
قالدیلر . بوجهته یهودایله قبائل آره سنده بربرودت حاصل
اولمسیله ایش بشقه آشوب هر نقدر که برقاجکون دهامحاصره

مقدمه اولدیسه ده اولکی کبی شدتلو محاربه اولدی و بوسره ده
حضرت پیغمبر دعا ایله مشغول اولوب و جناب کبری یا حضرت تری
دخی دهاسنی قبول بیوروب جمال مبارکنده آثار بشارت
ظاهر و نمایان اوله رق طرف ربانیدن روزگار و ملائکه کرام
ایله امداد اولنسه جقلربنی اصحاب کرامنه خبر و بردی
لطف حق ایله همان اولکون ایکندی اوستی یا لکزمشرکین
طرفنه مخصوص اوله رق غایت دهشتلی برفورطنه ظهور ایلیوب
مشرکینک آشلیربنی سیوندردی و چادرلربنی قوپاروب
بر هوا ایلدی و کتدیجه کسب شدت ایدرک کوز کوزی
کورمز اولدی ایدی و اوسره ده طرف رسالتدن حذیفه
ایمانی حضرت تری کفار اردوسنه کوندرباوب احوال کفره به
واقف اولدی و شویله که کفار خاکسار کننیرینی شاشیروب
توبی دوشمش تیلیکی به دونمشلر و هله اردولری ایچنده ملائکه
کرامت کبیر صدالری و سلاح شاقردیلری ایله یلنجه
چیلدرمش میونه دوندیلر و ابوسفیان دخی مایوس اوله رق
(ای جماعت آرتق بورا ده بارینه حق برقالدی اشته بن کیده بورم
سزدخی کوچمنک چاره سنه باقیکن) دیهرک دوه سنه بینوب
کندی و آرقه سندن عونیه سی دخی حرکت ابتدیلر حضرت
حذیفه سرور عالم افندمره کلوب واقع حالی خبر ویرنجه
سرور عالم تبسم بیوردی و صکره کفار خاکسارک بردها
کله به جکلربنی اصحاب کرامنه خبر و بردی خلاصه کلام
عون ربانی ایله کفار خاکسار منهزم و مقهور اوله رق رجعت
ابتدیلر و اهل اسلام دخی برروایتده اون بش وروایت

اخرا ده بکرمی درت کون محاصره دنصکره مظفرو و منصور اوله رق
مدینه منوره به کادیلر و اشبو محاربه ده خلیجه ارزاق و اشبای
صائره وز خیره ایله خرما یوکلری بکرمی دوه اعتنام اولوب عساکر
اسلامیه قحط بلیه سندن دخی خلاص اولدی
(اون سکرنجی غزوه) بنی قریظه غزاسیدر و بو غزائک سببی
سرور عالم افندمر خندق غزا سندن عودتده زمانه سعادتلربنی
تشریف بیوروب و سلاحلربنی چیقاروب غسل ایتمکدن
صکره جبریل امین کلوب نقض عهد ایتمکدن نطو لابی
قبیله مزبوره او زربنه کتملری ایچون طرف الهیدن امر
کتورنجه فخر عالم افندمر بلال حبشی حضرت ترینه امر ایله
(جناب حقک امرینه مطیع اولنلر ایکنند نمازینی بنی قریظه
ناحیه سنده قیلسونلر) دیوندایتدردی و لواء شریفی حضرت
علی افندمره و بروب آنی مقدمه جیش اوله رق کوندردی
و صکره سرور عالم افندمر سلاحلنوب و عبدالله ابن ام مکنوم
حضرت ترینی برینه خلیفه لکه تعیین بیوروب (حبش) نام
آته بینه رک سنه مزبوره ذی القعدة سنک بدنجی کونی مدینه
منوره دن حرکتله بنی قریظه قبولندن بر قیوکارینه قوندی
و عساکر اسلامیه دخی اوتوز آلتیسی آتلو و باقیسی پیاده
اوله رق او چیک کشی مقداری طاقم یاقم یاقم یاقم قدر
سرور عالم افندمرک یاتنه طویلانه رق قریظه حصاری تحت
محاصره آلندی قوم یهود ابتدا حضرت علی افندمری
کورنجه فنا حالده سوککه باشلادیلر و انجق قلعه لرینک
تحت محاصره به آلندیغنی کوردکلرنده نقض عهدک شامتی

اکلا یوب نادم اولدیلر . و حتی ریشلری بولنان (کعب)
یهودیله طویلایوب اشته کابلیمزدن بوذاک آخر زمان
نیسی اولدیغی اکلا شلیدی . شمدی استرسه کز مسلمان اولدم .
و یاخود اولاد و عیالمزی کندی منزله هلاک ایده لمده شدتله
مقاومت ایده لم . و یاخود یارین جعه ایرتسی اولدیغندن
مسلمانلر بزدن امین اولدقلری حسن-بیلله حصاردن چیقوب
بغته اوزرلینه شدتلی برهجوم ایده لم (دیویسان رأی
ایتمش ایسه ده یهودیلر بواوچ رأیک هیچ بریسی قبول ایتموب
و بنی نضیریه یهودیلری کبی آله بیلدکلری قدر اشیا آلوب کتمک
اوزره رسول اکرمدن استدعا ایتدیله . انجق بو استدعاری
قبول اولموب و مدت محاصره بکرمی کونی پکدیکی جهته
آجلقدن تاب و توانلری کس-یلوب و حضرت علی افند منزله
زبیر ابن العوام حضرتلری ایلر و یوب هجوم ایتلری متیقن
اولدیغندن یهودیلر هیچ برشی شرط ایتیه رک تسلیم اولمقلغه
مجبور اولدیله . بونک اوزرینه حرب و ضربه مقتدر اولنلرک
الری ارقه لرینه باغلا تجمه مقدا خزر ج قبیله سی بنی قینقاع
یهودیله ننی قورتا ردقلری کبی بودفعه دخی اوس قبیله سی
بنی قریظه نک آزاد اولنلرینی استدعا و نیاز ایتلری اوزرینه
سرور عالم افند من کندیلرینک حسن رضالریله سعد ابن معاذ
رضی الله عنه حضرتلرینی حکم نصب ایلدی . حال بوکه
اول خائنلر اهل اسلامک غایت طار بزوقتنده نقض عهد
و حضرت پیغمبری سب ایلدکلرندن و اکثر اهل اسلام اعدام
اولنلری طرفنده بولندقلرندن سعد ابن معاذ حضرتلری حرب

و ضربه مقتدر اولان ارککلرینک قتل و اولاد و عیالری
اسیر اولنلرینی و ماللرینک غنیمت اولنمسی حکم ایلدی . و حکم
ایتدیکی وجهله اجرا اولنوب آلتیوز کشیدن زیاده سی قتل
و ماللری اغتنام و اراضیلری انصار کرامک رضالریله مهاجرینه
تقسیم اولندی .

(لاحقہ)

حضرت فخر عالم صلی الله تعالی علیه وسلم افند من زیارت
بیت الله نیت خیریه سیمله بیک بشیوز قدر اصحاب کرامینی
بالاستصحاب تاریخ هجرتک التبی سینه سی ذی القعدة سنه
مدینه منوره دن حرکته مکة مکرمه یه طقوز میل مسافه بعدنده
(حدیبیه) تسمیه اولنسان محله اردو قورلیدی . کفره
قریش حضرت فخر عالم افند منک مدینه دن حرکت ایتدیکی
خبر آلملریله قبائل عربی جمع ایدرک کایتمو عسکر ابله محاربه
ایتمکه حاضرلندیله . بونک اوزرینه طرفیندن مخابره
اولنه رق قریشدن هر قنغی برکسه مدینه یه کیدوب مسلمان
اولور ایسه قوم قریشه تسلیم اولنق و اول سینه مکة یه
کیره میوب ایرتسی سینه یه برا قلمق کبی بر طاقم آغر شرطلریله
اون سینه مدت ظرفنده هیچ بر طرف دیگرینه تعرض ایتمک
اوزره عقد مصالحه ایلدی . و اش-بو شرطلر هر نقدر
بحسب الظاهر اهل اسلام حقنده ضررلی کورینورسه ده
حقیقت حالده اختلاط سببیلله قوم قریش و قبائل سائر
محسنات اسلامیه بی اکلا یوب ایلورده شرف اسلامی قبول
ورؤسانک اهل اسلامه پک پیوک خدمت ایتلری و ذریلرینک

دخی مسلمان اولملری وائشای متار کده اهل اسلام کندیلرندن
امین اولوب مدینه جوار لرنده پک چوق قنوجا ته نائل اولملری
ودها بومللو بر چوق فوائد عظیمه حضرت پیغمبرک معلوم
عالی نبویلری اولدیغی ایچون قبول بیورلدیغی تفصیلا کتب
سیرده مسطور در

(اون طقوزنجی غزوه) بنی حیان غراسیدر . واشبو غرانک
سببی تعلیم دین و شریعت ایتک اوزره اهل هدیل اصحاب
کرامدن برقاج کسه بی قبیله لرینه کوتوروب غدو و خواتلکله
شهید ایتدکلرندن سرور عالم افندمز کندیلرینه شدتله غضب
ایلیوب اصحابنک انتقامی آلق ایچون یکریمی آتلو وبا قیسی
پیاده اوله رق ایکوز بهادر ایله تاریخ هجرتک التنجی سنه سی
ربیع الاولنده مدینه منوره دن حر کتله اصحاب کرامنک شهید
اولدقلری (بطن غران) دنیلان محله واصل اولانجه
کندیلرینه ترحم ایلیوب دعا واسـتغفار ایلدی . واول
خاتلر حضرت پیغمبرک کلدیکنی ایشدکلری آنده طاعلره
فرار ایلیوب هیچ بریسی اله کچمدیکندن سرور عالم افندمز
اطرافه برقاج قول عسکر طاعتد قد نصکره کندیسسی دخی حرکت
ایلیوب (عسفان) دنیلان محله کلدی . وابی بکر الصدیق
رضی الله عنه حضرتلری دخی اون آتلوایله (غیم) طرفنه
کوندردی انجق اورالده دخی هیچ بر فرده تصادف
اولنه منجه مدینه منوره به عودت بیورلدی . واشبو سفر
اون درت کون ظرفنده تمام اولدی
(بکر منجی غزوه) غابه غراسیدر و بوغرایه ذی قرد

دخی تسیمه اولور که مدینه منوره به اون ابکی میل مسافه
بعدنده برصوبک اسیدر . واشبو غرانک سببی سرور
عالم افندمزک یکریمی عدد سودلی دوه لری اول محله
اوتلا مقده ابکن (عینیه بن حصن الفزاری) فرق
آتلوایله کلوب ابوزر حضرتلرینک اوغلنی قتل ایله دوه لری
سوروب کوتورمش اولدیغی سمع نبوی به واصل اولانجه
اصحاب کرامندن بشیوز دلور ایله برروایتده التنجی سنه
هجریه نک ربیع الاولنده وروایت اخرا ده غرای خیبردن
اوج کون مقدم مدینه منوره دن حر کتله محل مزبوره
واصل اولدی . انجق اصحاب کرامدن برقاج کشی
دها اولجه یتیشوب بقیه اشقیادن ابکی کشی بی قتل ایلش
وسلمه ابن الاکوع حضرتلری دخی یالکز و پیاده اولدیغی
حالده جماعت اشقیایه یتیشوب فوق العاده ابراز شجاعته
برقاج کافرک جانلرینی جهنمه اصر لاملش وفور قولرندن اشقیای
خیلجه اشیا ترکیله فراره یوز طوتمش لرایسه ده سواری عسکری
امداده کلنجه آلدقلری دوه لک چوغنی ترک ایده رک بی
غطفانه قاچمش اولملری اوزرینه مشارالیه سلمه ابن الاکوع
حضرتلری حضور سعاده کله رک برقاج کشی دها آلوب
ایلو کتمکه رخصت استدیسده طرف رسالتدن (دشمنه
غالب کلنجه شدتله معامله ایتمه) دبه رک مساعده اولندی .
واواخشام اوراده قالوب ایرتسی کون حر کتله مدینه
منوره بی تشریف بیودیلر . واشبو سفر بش کون ظرفنده
تمام اولدی .

(یکریمی برنجی غزوه) خیبر غراس-یدر . خیبر مدینه
منوره به دوت قوناق اوزاقلا-قده و شام جهنده اون
ایکی حصاری ویک چوق خر مالتی و مزرعه‌لری شامل
واهالبسی قوم یهوددن عبارت بریوک مملکت ایدی .
واشبو غزانک سببی شهر مزبورک شام جهنده اولسی
و مدینه منوره جوارندن طرد اولنان یهودیلرک اوزایه
طوپلانلری و بنی غطفان قبیله سی و مدینه ده بولنان قوم
یهودوزمره خاسره منافقین ایله اتفاقلری اولدیغی و علی
الخصوص اهل اسلامک ال بیوک تجارتکاهی بولنان شام
شریفه کیدن اهل اسلامه قوم یهود خانلرینک اویله
بر موقعه بولنلری یک بیوک مخاطره یی مستلزم و تعرض
اولمقدن خالی اولدقلری حسیله اهل اسلامک سلامت
حاللری مقصد عالیه مبنی اول خانلرک وجود خیانت
آلودلرینک قالدیرلسی تصویب اولنوب یک درتیوزی پیاده
وایکبوزی آتلو اوله رقی یک التیوز کشیدن مرکب برار دو
ایله تارمخ هجرتک بدنجی سنه سی محرمی نهایتنده مدینه منوره دن
حرکتله برکون علی السحر خیبره واریله رقی تحت محاصره به
آلنوب واون کون مقداری محاصره دنصکره اهل اسلام
منصور و مظفر اولوب کاملاً حصارلری فتح اولندی ویک
چوق مال غنیمت آلندی . واشبو محاربه ده اهل اسلام دن
اون بش کشتی شهید اولوب و کفاردن طقسان اوچ کشتی
قتل اولنوب تارجمیمه کوندردیلر . و کندیلرندن روایت
اولندیغنه کوره قلعه لرنده اون یک قدر یهودی واریتمش .

و بنی غطفانه محصولات ارضیه لرینک نصفی وعد ایدرک
کندیلرندن استمداد ایتشلر و آنلردنخی قبول ایدوب حاضرلشلر
ایسده اهل اسلامک بغته کلدکلرینی ایشدکلری آنده
قلبلرینه خوف و دهشت عارض اوله رقی وازچکملردر .
و مدینه ده بولنان گروه منافقین ایله یهود خانلری خیبر
یهودیلرینه ارائه طریق ایدرک برطاقم افساداته قالدقشملر
ایسده موفق اوله میوب خائب و خاسر اولشلردر .
و حضرت فخر عالم افندمر خیبر دوشونده (وادی القری)
اها لیسنی دین حقه دعوت ایلوب قبول ایتدکلرندن بشقه
قارشو طوروب اچلرندن نوبت ایله اون برکشتی طبشاری
اوغرایه رقی میدانه چیقجه جق اردیلدیلر . بونک اوزرینه
جناب کبریا نک نصرت و اعانه سیله بهادران اصحاب کرام برربرد
جمله سنک جانلرینی جهنمه اصمردقد نصکره حصارلرینه
هجوم اولنهرقی ضبط اولنوب و خلیجه مال غنیمت آلنوب
غازیلره تقسیم اولندی . و اهالبسی چقچیلکله ایضا
اولندی . و برده مدینه منوره به ایکی قوناق مسافه
بعدنده بولنان (فدک) قریه سی اهالبسی خیبرک فتح
اولندیغنی ایشملریله قلبلرینه قورقو دوشوب اراضیلری
حضرت پیغمبرک اولمق شرطیله چقچیلکله ایضا اولنلرینی
استدعا اتملری اوزرینه طرف رسالتدن قبول اولنوب
اول صورتله ایضا اولندیلر . و مدینه ایله شام آره سنده
بولنان (نیما) بلده سی اهالبسی دخی جزیه ویرمک اوزره
رعیتی قبول ایتدیلر . حاصلی اطراف واکنافده بولنان

قبائل عرب سطوت اسلامیہ دن اور کوب و محسنات
اسلامیہ بنی اکلا یوب پیدر پی عرض انقیادہ باشلا دیلر .
و بوضورتله آرز وقت ظرفندہ ہیئت اسلامیہ کسب جسامت
ایلدی . و بودخی مصالحه حدیبیه نك فواندن اولدیخی
صکره دن اکلا شلیدی

(یکرمی ایکنجی غزوہ) مکہ مکرمہ نك قحیدر . و اشبو
غرائک سببی قریشدن ماعدا اولان قبائل عرب کندی
حالی رینه برا قیلوب اهل اسلام ایله قریش مکہ دن هر قنغیسنک
حایه سنه داخل اولق استرل ایسه مخیر اولماری حدیبیه ده
عقد اولنان معاهده نك شروطندن بری اولمغین خزاعه قبیله سی
اهل اسلام حایه سنه و بنی بکر قبیله سی قریش مکہ نك حایه سنه
داخل اولدیلا ایدی . و بوا یکی قبیله نك آره لرنده برعداوت
مستمره اولوب انجق اهل اسلام ک ظهور دندن حدیبیه
مصالحه سی زمانه قدر اهل اسلام ایله اوغراشد قلری جهته
بیلرنده اولان عداوت اونودلمش ایدی . مصالحه هر بوره
عقدند نصکره بنه عداوت قدیمه لری تجدد ایدوب جزئی بر بهانه
ایله بنی بکر قبیله سی بغته خزاعه قبیله سی اوزرینه هجوم
ایدوب ورؤسای قریشدن برقاج کشی جماعتلریله برابر امداد لرینه
یتیشوب خزاعه دن یکرمی اوچ کشی قدر قتل ایلدیلر .
بونک اوزرینه خزاعه طرفندن عمرو ابن سالم قرق نفر ایله
مدینه منوره یه کله رک حضرت فخر عالم افندمره شکایت ایدنجه
کفره قریش بو وجهله نقض عهد ایتدکلرندن سرور عالم
افندمر خزاعه قبیله سنه مأمول لرندن زیاده یاردم ایده جکنه

سوز و یردی . قریشیلردخی نقض عهد ایتدکلرینی دوشوندکجه
تلاشه دوشه رک دیکش طوته میوب تجدید معاهده ایتک اوزره
ابوسفیان مدینه یه کوندردیلر . و اول دخی مدینه یه کله رک
سرور عالم افندمره مراجعتله تجدید مصالحه خصوصنی استدعا
ایتد یسه ده سکوتدن بشقه هیچ بر جواب آله مامسی اوزرینه
بکار اصحابدن برقاج ذاته دخی مراجعت ایدوب بر جواب شانی یه
نائل اوله ماینجه مأموسا مکہ یه دونوب کندی . ابوسفیان
کتد کد نصکره سرور عالم افندمر خزاعه قبیله سنه خبر کوندروب
مکة یوللرینی و بوغازلرینی کوزله طوتوب هیچ بر طرفه قوش
اوچورتمازل ایدی . و برده نجد طرفیه مشغولیت کوسترمک
ایچون ابوقهاده حضرتلرینی برفرقه عسکر یه ایله (وادی اضم)
طرفنه کوندردی . اشته بوضورتله ایشی غایت مخفی طوته رق
آب آنسزین قریشیلر اوزرینه هجوم ایتک ایچون تدارکات
حریه کوروب و قبائل اسلامیہ دن عسکر طو بلا یوب و ابن ام
مکتوم رضی الله عنه حضرتلرینی مقام خلافته تعیین بیوروب
تاریخ هجرتک مرکز بنی سنه سی رمضان شریفک ایکنجی کونی
اون ییک کشی ایله مدینه منوره دن حرکتله (سقیاء) نام محله
وارلدقده سرور عالم افندمرک عجمی حضرت عباس مدینه
منوره یه هجرت ایتک اوزره مکہ دن حرکت ایتش اولمسیله
اوراده شرف ملاقات پیغمبری یه نائلیتی موجب ممنونیت جناب
پیغمبری اولوب اولادو عیالک مدینه منوره یه ارسالله کندوسنک
براکده مکہ یه کیدماسی تنسپب اولنهرق اورادن دخی حرکتله
مکة مکرمه یه درت فرسخ مسافه بعدنده بولنان (مر الظهران)

نام محله اردو قورلد قده عساكر اسلاميه دن ده ايكي بيك كشي
يتشوب مجموعي اون ايكي بيك كشي به بالغ اولنجه سطوت اسلاميه بي
قوم قريشه كوستروب كوزلرني ييلديرمق ايچون سرور عالم
افند مزك اراده عليه سيله عساكر اسلاميه نك هر بريسي برر محله
آتش ياقديلر . حقيقت حال دن غفلت او يقوسنده بولسان
قوم قريش حر كات اسلاميه بي اكلا يوبده ياندار كات حريه
ايله مشغول اولمق و يا خود تجديد مصالحه ايتك اوزره پتكرار
رؤسادن ايكي كشي ايله برابر ابوسففاني مدينه به كوندردكلرندن
آنلر اردوي همايونه يا قلا شو بده اولقدر آتشاري كور نجه
نظر حيرتله باقوب طوره قالديلر . وحضرت عباس بوقدر
سلاميه بغته مكه به عساكر اكر اكر دكلري حالده اهل
مكه نك اياق آلتنده قاله رق از يله جـكـلـرني دوشـوب
آجيد يغندن كند يلرينه سطوت اسلاميه بي ييلديره ر ك
حضرت فخر عالم افند مزه كلوب امان دبله مك و مقابله
ايتامك خصوصلرني توصيه ايتك اوزره بر آدم بولو بده
مكه به كوندرك نيتيله سرور عالم افند مزك استرینه پينه ر ك
اردودن طيشاري چيقوب طولاشور كن ابوسففانيك سـدـسـني
ايشديكنده يانه چاغروب كنديسنه حقيقت حال بيان ايله
نصبت ايدرك آرقه سـنـه آلوب وحضور نبوي به كتوروب
او قوسقوجه لات وعزادن واز پكوره ر ك شرف اسلامي
قبول ايتديردى . و او اخشام حضرت عباسك ياننده
مسافر اولوب ايرتسي كون بر پكيد يرنده او تورده رق برر برر
عساكر اسلاميه بلوكاريني كنديسـنـه كوسترنجه ابوسففانيك

كوزي تولدى . آندنصكره حضرت عباس ابوسففاني
صاليو يروب رفيقي حكيم ابن حرام ايله برابر مكه به كيدوب
حرم شريفده بجمتع اولان قريشه خطاباً (اي جماعت
قريش اشته كلان محمددر . والله اويله بر شوكت و قدر نه
كايور كه اكافارشو طور مق ممكن دكلدر . سلامت استرسه كز
مسلمان اوليكز) دينجه جماعت (سكا محمد نه سويلدى)
سؤالرينه جواباً (ابوسففانيك خانه سنه كيرن اميندر مسجد
شريفه كيرن اميندر خانه سنه قپا نوبده سلاحه طور انيمان
اميندر ديدى) ديهرك جواب و يرمنى اوزرينه ابوسففانيك
قاريسى (هند) همان قوجه سـنـك صقالنه صاريلوب
(اي آل غالب شومعتوه حريبي اولديريكز) ديهرك ياغره بي
قوپارنجه ابوسففاني (آقادين بني براق والله مسلمان اولماز ايسـكـك
سني دخی تپه لرلر هايدى اويكه كيت سـسـني چيقارمه) ديهرك
قاريسى صوصدردى و اودخی صاووشوب اوينه كـتـدى .
بونك اوزرينه اهالي مكه حيرته قالوب نه يابه جقلريني
شاشرديلر . و كيميسى ابوسففانيك اوينه و كيميسى حرم شريفه
وبرطاني خانه لرینه قوشوب كتديلر . وبرطاني دخی
سوقا قلرده طولاشورق كاه سلاحه نور و كاه سلاحلريني
آتارل ايدى . والحاصل رئيس القوم ابوسففانيك ايمان كلسيله
ايشك رنكي دكيشوب يك چوغى اسلامه ميل ايتديلر . انجق
رؤسادن اوچ درت كشي برمهقدار عسكر طوپلا بوب
مكه نك آلت طرفنده (خندمه) نام محله محاربه به حاضر ايتديلر .
حضرت فخر عالم افند مز دخی عساكر اسلاميه بي قول قول

ترتیب ایلیوب (قریش طرفندن تعرض اولمقده محاربه
ایتمکسز . و مککه به کمال تعظیم و آداب ایله کیریکنز) دیو
تنیه ایدرک هر بر فرقه سنی بر طرفه سوق ایلدی . خالد ابن
ولید رضی الله عنه حضرتلری خنده طر فندن کتمکه مأمور
یورلدیغی جهته او رایه یا قلاشد قلرنده اولجه مجتمع اولان
عسا کر قریش تعرض ایدوب یوللرینی کسدر مککه قالمیشجه
حضرت خالد نصیحت ایتدیسده قبول ایتیب همان حرب
و ضربه مباشرتله اصحاب کر آمدن کر زابن جابر الفهری ایله
حیش ابن الاشعری حضرتلرینی شهید ایتلری اوزرینه
حضرت خالد مدافعه به مجبور اولوب شدتله بر هجوم ایدرک
یکرمی اوج کشی قدر مشرکینی قتل ایتدی و سائرلری دخی
فرار ایلدیلر . بشقه طرفلردن تعرض اولمیب محاربه
وقوعبولمقسزین عسا کر اسلامیه فوج فوج مککه مکرمه به
داخل اولدیلر . و سرور عالم افندمنز مککه مکرمه به داخل
اولدقده طو غریچه بیت شریفه عزیمت ایلوب کعبه معظمه
کوردن کده سید عالم تکبیر کتور مسیله جله اصحاب کرام
کندوسنه موافقت ایدرک تکبیر کتورنجه طاغیر طاشلرایکلدی .
بعده سرور عالم افندمنز بیت شریف قیوسنده طوروب
بر طاقم اشقیادن ماعد اهل مککه نک کافه سنی آزاد ایلدی
واموال و املاکنه اصلا تعرض ایتدی . اشته بو وجهله اهل
مککه به امان ویرلدن کد نصکره سرور عالم افندمنز اصحاب کرام ایله
برابریدی کره بیت شریفی طواف ایلدی . و کعبه مکرمه ده
کفار قریشک او چیوز التمش بتلری اولوب همان اولکون

بیت اللمی آنلردن تطهر ایله جله سی پارچه پارچه ایدیاوب آتلدی .
و سرور عالم افندمنز حرم شریف قیوسنده طوردیغی حالده
ابو طلحه دن کعبه معظمه نک انا خترینی آلوب کندوسی قیوی
آچه رق ایچرو کیردی و نماز قلمدی و نقدر رسوم و تصاویر وار
ایسه جله سنی قالدردندی و آندنصکره سید عالم صفا اوزره
چیقبوب اوتوردی و مککه اها لیبی ذکور و اناث اللهم ورسولنه
انقیاد ایتک اوزره رسول اکرمه بیعت ایتدیلر . و اوکله وقتی
کلدکده حضرت بلال حبشی کعبه اوستنه چیقبوب اذان
او قودی . (فسبحان الله العظيم) نه بیوک انقلابات حسنه
ونه کوزل عدالت الهیه درکه کفره فجره آزوبده نقض عهد
ایدرک او باشاغده قالمیشجه سیوف اسلامیه ایله بلالرینی و یروب
و آن واحدده بتلر ایله طولدیریلان بر محلی تیزلدوب او قوسقوجه
لات و عزیزی به وهبله سجده و پرستش ایلان قوللرینی کندیسنه
سجده و عبادت ایتدیلر . بورالری دوشونمیبوده خرسیمانلرک
مسلمانلره بار بار دیملری نه تحف مسخره لق و عارسنزلقدر .
الله عقل و انصاف احسان ایلسون اشته بو وجهله کعبه معظمه نک
تطهرندن صکره جوار مککه ده بولنان بتلرک هدمنه دخی اصحاب
کر آمدن بعض ذوات تعیین یوریلوب جله سی پارچه لنه رک
آتلدی . و اشبو قتح مککه مکرمه امام بخاری حضرتلرینک
بیاننه کوره اون بئش کون طرفنده وقوعبولمشدر
(یکرمی او چنجی غزوه) حنین غراسیدر . حنین طائف ایله
مککه مکرمه آره سنده بروادینک اسیدر . و اشبو غرانک
سببی مککه مکرمه نک فتح اولمسیله قوم قریشک ایاک چوغی

و آنلرک طرفدارلری بولسان اکثر قبائل دین حق قبول ایدہ
کلدکلرندن دین اسلام هر طرفده شان و شهرت بولدی .
انجق هوازن ایله ثقیف قبیلہ لرینک کثرت جماعتی و شان
و شهرتلری اولمق مناسبتیلہ ایکی قبیلہ نک رئیسلمی برلشوب
(مسلمانلر فی حربی بسلامان برطام قبیلہ لر ایله محاربه ایلیموب
غالب اولدقلرندن شمعیکی خالدہ بنم اوزریمزه دخی کللمی
ملحوظ بولندیغی جهتلہ همان بزیشین طورانوبده آنلری
باصلم) دیواتفاق ایدرک کلیملو عسکر جمع ایله حنین
وادیسنه طویلاندیلر . وحتی محاربه دن فرار ایتمامک
و غیرته کلک ایچون چولوق و چوجقلرینی ییله موقع حربہ
کتوره شلر ایدی . سرور عالم افندمز کفار خاکسارک
بو وجهله اولان اتفاق و اجتماعلرینی استماع ایتمی اوزریمه
تدارکات عسکریمه سنی کوروب و فتح مکہ دنصکره اسلام ایله
مشرف اولان اشراف قریشدن عتاب ابن اسید رضی الله
عنه حضرتلرینی مکہ قائم مقاملکنه واهل مکہ به احکام دینیہ
تعلیمه معاذ ابن جبل رضی الله عنه حضرتلرینی تعیین بیوروب
اون ایکی ییک کشیدن مرکب بر اردو ایله شوال شریفک
یدنجی کونی دلدل نام استریمه راکب اولدیغی حالده مکہ
مکره دن حرکت ایدرک شوالک اون برنجی کونی وادی
مزبورہ قریب بر محله اردو قورلدی . اوراده بر کیجه
یتوت اولنوب ایرتسی کون ترتیب صفوف اولنه رق وادی
مزبورہ حرکت اولندی . انجق حنین وادیسی چقور
بر محله واطرافنده بولنان بولار غایت طار اولمق مناسبتیلہ

بالضروره عسا کر موجوده برقاج فرقده نفریق اولنه رق
هر بر فرقہ نک برر بولدن کیرمسی اقتضا ایلدیکندن
و کیریلہ جک بوللری عسا کر کفار بوصویه طوتمش اولدقلرندن
بنی سلیم قبیلہ سبیلہ مقدمه جیش اوله رق خالد ابن ولید
رضی الله عنه حضرتلری وادی حنینه کیرمسیله بوصولرده
کیرلنان هوازن قبیلہ سی آب آنسرین شدتلی بر هجوم ایدنجہ
بنی سلیم قبیلہ سی مهاجمه کفارہ طیمانه میوب کیر و چکللمی
اوزریمه عسا کر مکہ دخی آنلره تبعیتله کیر و چکلنجہ بو حال
بتون اردوی اسلامه سرایتله جهله سی کیر و چکلیموب طاغلدیلر .
اشمه بوصورده رسول کبریا علیه من الصلوات ازکیها افندمز
حضرتلری اصلا یأس وفتور کتور میوب کال صبر و شجاعتله
دلدلنی سوروب و (بن نجیم یلانجی دکلم و عبدالمطلب
اوغلوبم) دیهرک کفار اوزریمه هجوم ایدردی . طالبوکه
یا تنده حضرت عباس و ابوسفیان ابن حارث و ابوبکر و عمر
وعلی و اسامه ابن زید و فضل ابن عباس رضوان الله تعالی
علیهم حضراتدن غیری کسه قالمیوب سرور عالم افندمز
کفارہ واصل اولوبده بر ضررلری طوقنامق ملاحظه سیله
حضرت عباس دلدلک دیزکننی و ابوسفیان رکابی طوتوب
منع ایتمک چالیشورل ایدی . و حضرت عباس سرور عالم
افندمزک امریلہ (ای معشر انصار ای شجره رضوان
آلنده کیر و دونامک اوزره سوز ویرن اصحاب) دیو
چاغیرنجہ کندیسنک سسی غایت کور اولمق مناسبتیلہ اصحاب
کرام ایشدکلری آنده لیک لیک دیو کیر و دونوب قوشه رق

سرور عالم افندمرك يانته طويلانديلر . وحقی دوه لری
 سرکشك ایدنلر دوه لری نی براقوب پیاده اوله رق سکر تدیلر .
 وحضرت پیغمبرك امر یله كفار خاك سار اوزرینه هجوم
 ایلوب شدتله مقاتله یه باشلادقلری کوریلنجه حبیب اکرم
 (اشته شمدی تنور قیزشدی) بیوروب ویردن بر آوج
 طپراق آلوب (شاهت الوجوه) دیه رك كفارك اوزرینه
 آتمسینه اثر مجزّه پیغمبری اوله رق او طپراقدن هر بر كفارك
 کوزلری طولدی . وحقی محاربه دنصکره بو حالی کندیلری
 اعتراف ایلدیلر . ونظم جلیله بیان بیورلدیغی وجهله
 ملائکه کرام حضراتی دخی امداده یتیشوب كفار خاك سار
 فنا حالده مغلوب ومقهود اولدیلر وفراره یوز طوتدیلر ایسه ده
 اهل اسلام آرقه لرندن یتیشوب یتش کشیدن زیاده سنی قتل
 ویک چوغنی اسیر وكافه اموال و اولاد و عیال لرینی یغما ایتدیلر .
 اهل اسلامدن ایسه یالکز درت کشی شهید اولدی .
 (حکمت) اصحاب کرامدن بعضیلری عسا کر اسلامیه نك
 کثرت وقوتی کورنجه مقتضای بشریتله (بزبو کون آزلق
 جهتیه مغلوب اولیز) دیه رك نفسلرینه برعجب حاصل اولمش
 وبرده مکه مکرمه یه کیرلرلده سرور عالم افندمرك هیچ
 برکسه نك نائل اوله مدیغی بویله بر فتح عظیمه غایت قولایلقله
 نائل اولسنی مجرد جناب کبریا حضر تلرینك بر لطف جز یلی
 اولدیغنی ییلدیکنندن مبارک باشنی اوکته اکرلک کمال تواضعله
 مکه مکرمه یه کیرمشدر . انجق اهل اسلامدن بعضیلری
 مقتضای بشریتك غلبه سینه حضرت فخر عالم افندمرك کی

کمال تواضعه رعایتله مکه مکرمه یه کیره مامشاردر . اشته
 بوجهتله تدارکات حریره وعسا کر وفیره هر نقدر
 بحسب الظاهر اسباب غلبه دن ایسه ده انجق حقیقت حاله نظراً
 دشمنه غلبه ایتك وكافه امور وخصوصنی استحصال ایتك مجرد
 جناب کبریا نك نصرت واعانه و امر و اراده سیله اولدیغنی
 ییلدرمك و اهل اسلامی غفلتدن ایقاظ و ارشاد ایتك ایچون
 حکمت الهیه سی اول امرده اهل اسلامك بو انهرامنی اقتضا
 ایلمشدر . ومکه نك فتحیه طاقم طاقم انسانلرک دین اسلامه
 کیرملریله دین حق ادیان سائرّه باطله اوزرینه غالب وحبیب
 اکرمی عزیز قیلقلغنی وكفره بفره نك ماللرینی غنیمت قیله رق
 اهل اسلامی مندار شکران ایلکلاکی جناب کبریا حضر تلرینك
 مقتضای وعدی حسیه حکمت الهیه سی بعد الانهرامینه اهل
 اسلامك غلبه سنی اقتضا ایلمشدر . واشبو غزاده طوتیلان
 اسیرلرک ارکک و دیشی اوله رق مجموعی التی یك نفوسدن
 عبارت وآلئان اموال غنیمت یکر می درت یك دوه و فرق
 ییکدن زیاده قیون و درت یك و قیه کوش ایدی
 (یکرمی ادردنجی غزوه) طائف غزاسیدر . طائف مکه
 مکرمه نك شرق جهتنده و اوج قوناق بعدنده اوزم و بیوه سی
 کنبر و هواسی لطیف بر شهر کبیرک اسمیدر . واشبو غزانك
 سببی حنین غراسندن فرار ایلیمان زمره اشقیا وطنلری
 بولئان طائفه عزیمتله بر سنه لك زخیره ولوازم حریره لرینی
 تدارک ایدرک قلعه لرینه قیانونوب محاربه یه حاضر لملری
 اوزرینه سرور عالم افندمرك اسرا و اموال غنائمی (جعرا نه)

نام محله محافظه ایتک اوزره بر مقدار عسکره براقوب مکه
مکره به عودت ایتکسزین شهر مزبوره کیدرک قلعه لرینک
محاصره سنه اهتمام بیوردی . وحتی سلمان فارسی حضرت لرینک
واسطه سیله منجینق دخی استعمال اولنوب براقاج کافر قتل
اولندیسده اشقیانک قلعه لری مستحکم وادوات حریره لری
مکمل اولدیغی جهته شدتلی مدافعه ایدوب یغورکی اوق
یاغدر دقلرندن اصحاب کرامدن اون ایکی کشی بی شهید
وبرقاج کسه بی مجروح ایتدیله . بونک اوزرینه حضرت
پیغمبر اوزملرینک کسیلوب یاقلسنی امر بیوردی وبر مقدار
کسیلوب یاقلینجه کفار خا کسار الله رضا سیچون مرحمت
ایدوبده اوزملرینک کسلماسنی استرحام ایتدیله . طرف
رسالتدن دخی رجالی قبول اولنوب اصحاب کرام منع اولندی .
واند انصکره سید عالمک امریله (هر قنخی برکوله حصاردن
اینبوده بزه کلورسه آزاد لیدر) دیه رک ندا اولغسی اوزرینه
یکرمی اوج قدر کوله قاچوب اردوی اسلامه داخل اولدقلری
آنده طرف رسالتدن آزاد اولنوب هر بری اصحاب کرامدن
برذاتک یاننه ویرلدی . اشته بووجهله اون سکر کون قدر
حصارلری محاصره اولنوب ایلموده اهل طائفک بلا محاربه
شرف اسلامی قبول ایده جککری حضرت پیغمبره طرف حقندن
خبر ویرلدی جهته دهه زیاده اوغراشمقندن واز کچه رک
کیرویه عودتله اموال غنائم تقسیم بیوردقدنصکره ذی القعدةک
اون طقوزنجی کونی اورادن دخی حرکتله عمره دهه احرامه
داخل اوله رق مکه مکره به کیدلدی و صکره دخی مدینه

منوره بی تشریف بیوردیلر . واشبو سفر ایکی آی واونالی
کون ظرفنده تمام اولمشدر
(یکرمی بشنجی غزوه) تبوک غراسیدر . تبوک مدینه منوره
ایله شامک آره سنده برمحاک اسمیدر . واشبو سفرده قیتلق
وهو! لرک شدت حرارتی سببیه اهل اسلام زیاده مشقت
چکدکلرندن غزوه مزبوره به (غزوة العسرة) وزمره
منافقینک ردیل ورسوای اولملرینه باعث اولدیغی مناسبتله
(غزوة الفاضله) دخی تسمیه اولمشدر . وبوغرائک سببی
هرقل روم وزراسندن برینی شامه کوندروب قرق بیک کشیدن
مرکب براردو تجهیز ایله مدینه منوره بی باصمق اوزره اهل
اسلام علیه نه حاضرلندقلری سمع نبوی به واصل اولنجه کافه
قبائل اسلامیه به خبر کوندروب تدارکات حریره و اعانه
عسکریه ایتلرینی امر ایلدی . واول سنه بیان اولندیغی
وجهله قحط و غلا و شدت حرارت و صومسزلق اولق مناسبتله
لوازمات سفر به نک لایقیه تدارک ایدلمسیچون حضرت فخر رسالت
عادت شریفه لرینک خلافتنه اوله رق قنخی محاربه به
کیدیلجه کنی اصحاب کرامنه اعلان ایلدی . بونک اوزرینه
اصحاب کرام علیهم رضوان الملك العلام حضراتی اعانه
عسکریه اوله رق هر کس قدر تنه کوره برر مقدار شیء
ویردیله . و بعضیلری مالک ربغنی و کیمسی ثلثی وبر طاقی
نصفی و ابوبکر الصدیق رضی الله عنه حضرت لری دخی تکمیل
مالی ویردی . و عثمان رضی الله عنه حضرت لری تجارتله شام شریفه
کوندرومک اوزره ایکی وزدوه حاضر لامش اولغله اوصیره ده

هر طایفه ایکیوز بیلده دوه بی وایکیوز و قبه التون دخی حضور
 هادته کوتوزوب هومات عسکر بهیه صرف اولنق اوزره تسلیم
 ایلدی . و فیما بعد کندوسته هیچ برکاهک ضرر ویرمیه جکئی
 حضرت پیغمبر تبشیر یوردی . بو صوره ده گروه منافقین
 هر قل رومک عظمت و شوکت و عسکرینک کثرت و قوتندن
 و یوللرده چکیله جک محن و مشاقدن بختله اهل اسلامی
 تغیر ایدرک محاربه دن منع ایتکه چالیشورلر ایدیه ده اهل
 اسلامک عقیده لری غل و غشیدن سالم اولدیغی جهتله
 چالشدقلرینک هیچ حکمی یوغیدی . و همده الله ایلده رسولک
 امرینه آچیقندن آچیغنه مخالفته محاربه یه کتمدیلر . و ذم و تقبیح لری
 حقنده آیات جلیله نازل اولدی . اشته بو وجهله اون بیکی
 سواری و باقیمسی پیاده اوله رق بر روایتده اوتوزیک و روایت
 اخراده قرق ییک عساکر اسلامیه ایلده تاریخ هجرتک طقوزنجی
 سنه سی رجب شریفنده مدینه منوره دن حرکتله تبوک دنیلان
 محله واربله رق اردو قورلدی . انجق کفره روم و آنلره
 تابع اولان قبائل عرب اهل اسلامدن خوف ایلدکلری
 جهتله کندیلرندن بر حرکت کورلدیکی ایچون محاربه وقوعبولدی
 ایسه ده عساکر اسلامیه نک شام حدودینه قدر کلوب
 هر قل رومه قارشو طور مسی هر طرفه حیرت و دهشت
 ویردیکندن (ایلده) نام بلده نک حکمداری و (جرباوا زرخ)
 نام بلده لک اهلایی جزیه ویرمک اوزره رسول اکرمدن
 عهد و امان طلب ایتلری اوزرینه استدعاری قبول اولنوب
 طرف رسالتدن امان نامه لریا بله رق کندیلرینه ویرلدی .

واوصره ده حضرت فخر عالم افندمن خالده ابن ولید رضی الله
 عنه حضرتلرینی در تیوز قرق آتلو عساکره سردار نصب
 ایدرک (دومه الجندل) قرالی (اکیدر ابن عبدالملک)
 نصرانی اوزرینه کوندروب و بر موجب اراده پیغمبری
 حضرت خالد شهرمن بوره قریب بر محله وارد قده اکیدر
 قرنداشی حسان ایلده برابر کیجه آیدینلغنده بقرو حشی اولامق
 خلیاسیله چیقداقلری مناسبتله حضرت خالد اکیدری دیری
 طوته رق و قرنداشی حسانی قتل ایدرک ایکیسنی دخی
 آولا ییجه معیتلرنده بولسان کافر لر فراره قرار ویردیلر .
 بعده حضرت خالد اکیدری حضور سعادتله کتوروب ایکیبیک
 دوه و سکر یوز آت و در تیوز زرخ و در تیوز مزراق و جزیه
 ویرمک اوزره عقده صالحه اولنده رق کندیسنه امان ویرلدی .
 و سرور عالم افندمن تبوک موقعنده اون کوندن زیاده
 اکند کدنصرکه اصحاب کرامیه استشاره ایدوب مدینه منوره یه
 عودت یورلدی . و اشته و غزاد نصرکه شوکت اسلامیه
 هر طرفه یایلدیغی مناسبتله قبائل عرب فوج فوج کلوب
 شرف اسلامی قبول ایلدیلر

✽ ایکنجی فصل حضرت فخر عالم صلی الله تعالی علیه ✽

✽ و سلم افندمنک بعوت و سرایاسی بیاننده در ✽

(بعث و سربیه) ظلمت کفر و ضلالتده قلانلری نور ایمان
 و هدایتده دعوت و یاخود اشقیای کفره یی تأدیب و تنکیل ایتلک
 مقصدیله سید عالم افندمن بالذات حاضر اولیبوب بلکه
 بحرب الاحوال اصحاب حیتنداندن بر ذات عالمقدری

انتخاب ايله سر عسکر ايدرك اصحاب كرامندن برجساعتی
و يا خود يالكنز بر كشي بی میدان . معرکه به سوق بيوردیغی
وقعه به اطلاق اولنور . و اصح روایات اوزره سرور
عالم افندرك بعوث و سرایاسی الی یدی دفعه واقع اولمشدر
(برنجی سریه) عم رسول الله جزه رضی الله عنه حضرتلرینك
سریه سیدر . و بونك سببی ابتدای غزوات بحشده بیان
اولندیغی و جهله كفار مکه اطراف و انكافده قفسادار پیدا
ايدرك اهل اسلامی محو ايتك افكار فاسده سنده بولندقلردن
تجارت بهانه سیه مدینه جوارندن كچه رك شام طرفلرینه
يوك ييوك قافله لر ايله كيدوب كللری صحیحاً اهل اسلامك
موجب پریشانیتی اوله جنی و آره صره اشقیافرقه لری اهل
اسلامی بولدقلری یرده قتل ايتكه جرأت و اموال و حیوانانی
یغما و بعضیلری دخی اهل اسلامی هجو ايدرك دشمنلرینی
حربه تحريك ايتدكلری حسبيله اجرای مفسدتلرینه میدان
ویر مامك نیت خیریه سنه مبینی سرور عالم افندرك محافظه
حدود و اشقیای كفره بی اول جواره اوغرا تمامق ضمننده
بعض كره سریه ترتیب ايدر و بعضاً دخی بالذات حاضر
اولورلر ایدی

بوکابناء اهل اسلامك اك يوك دشمنی ابو جهل لعینك تحت
ریاستنده بولنان اوچیوز آتلودن مرکب ایرقا فله بی قورقتمق
مقصدیله برنجی سنه هجریه سنك یدنجی آبی رمضان شریفنده
عم رسول الله جزه رضی الله عنه حضرتلرینه برسنباق و بروب
مهاجریندن اوتوز كشي به رئیس نصب ايدرك كوندردی .

عساكر اسلامیه قافله قریشه یاقلا شوب تعرض ايتكه
باشلاينجه (محمد ابن عمرو الجهمی) آره لرینه كروب صلح
ایتدی . بونك اوزرینه غوغا اولمقسزین مدینه منوره به
عودت اولندی

(ايكنجی سریه) عبیده ابن الحارث رضی الله عنه حضرتلرینك
سریه سیدر . كه ابو سفیان ابن حربك تحت ریاستنده
اوله رق ايكیوزكشیدن مركب بر قافله بی حدوددن دفع و تنکیل
ايتك مقصدیله سنه هجریه نك سكرنجی آبی شوال شریفنده
عبیده حضرتلری آلتش كشي به رئیس نصب اولنده رق
(بطن رابع) دینیلان محله كوندردی . عساكر اسلامیه
محل مزبورده قافله كفار ايله برلشنجه ايكی طرفدن دخی
اوق آتمغه قالدیشلادیسه ده كفارك فرار ايتلری اوزرینه قلیج
جنکی اولمقسزین مدینه منوره به عودت اولندی .

(اوچنجی سریه) سعد ابن ابی وقاص رضی الله عنه حضرتلرینك
سریه سیدر . كه ینه كاروان قریشی دفع و تنکیل ايتك
مقصدینه مبینی یكرمی نفر مهاجرین ايله مشار الیه سعد
حضرتلری (خرار) دینیلان محله كوندردی . انجق اورایه
واردقده كفره قریشك بركون مقدم كچوب كتمش اولدقلری
خبر آلینجه غوغا اولمقسزین مدینه منوره به عودت اولمشدر
(۴) عبدالله ابن جحش الاسدی رضی الله عنه حضرتلرینك
سریه سیدر . كه ینه كاروان قریشه تعرض اولمق اوزره
اصحاب كرامدن اون ايكی كشي ايله سنه هجریه نك اون یدنجی
آینده مدینه منوره دن حیقوب (نخله) دینیلان محله قافله به

تصادف ایدنجه کفره دن برکشی بی قتل وایکی کشی بی اسیر
ومالیرنی یغما ایدوب باقیلرینه ک فرار ایتلری اوزرینه آمانا
وسالما مدینه منوره یه عودت اولندی

(۵) عمیر بن عدی رضی الله عنه حضرتلرینه ک سریه سی
اولوب مروانک قیزی (عصماء) دیدکلری بر ملعونه یهودی
قاریسی اهل اسلامی ذم و تقبیح و سرور عالم افندمره اذیت
واعدا ی دینی محاربه یه تشویق ایلکله کی کندینه عادت
ایدینوب نصیحت قبول ایتدیکندن مشار الیه عمیر حضرتلری
هجرتهک اون طقوزنجی آینده برکیجه وقتی خانه سینه کیدوب
کو کسنه بر قلیج صابلیه رق جانی جهنمه کوندردی

(۶) سالم بن عمر رضی الله عنه حضرتلرینه ک سریه سی
اولوب (ابو علفک) دیدکلری بر ملعون یهودی شعر
سویلیه رک دائما اعدای دینی محاربه یه تشویق ایلدیکندن
مشار الیه سالم حضرتلری برکیجه خانه سینه کیروب جکرینه
بر قلیج صابلیه رق جانی نار سعیره کوندردی

(۷) محمد ابن مسلمه رضی الله عنه حضرتلرینه ک سریه سیدر
وبونک سببی (کعب ابن الاشرف) دیدکلری بر ملعون یهودی
دائما حضرت پیغمبر و اهل اسلامی ذم و تقبیح ایلک و اهل
اسلام علیه کفره فجریه تحریک و تشویق ایلکله کی معتمد
ایتدیکندن نصیحت قبول ایتدیکندن سرور عالم افندمرک
امر یله مشار الیه محمد ابن مسلمه حضرتلری اصحاب کرامدن
برقاج کشی بی آله رق تاریخ هجرتهک یکر می بشنجی آینده برکیجه
وقتی ملعون مزبورک حصارینه واروب باشنی کسه رک حضور
رسول الله کتوردیلر

(۸) ابوسلمه رضی الله عنه حضرتلرینه ک (فید) ناحیه سنده
جبل قطنه واقع اولان سریه سی اولوب اشقیای کفره دن
خویلدک اوغللری طلیحه وسلمه بی اله کچورمک اوزره اصحاب
کرامدن یوز الی نفر بهادری آله رق تاریخ هجرتهک او توز
بشنجی آبی محرمنده محل مزبوره کیدوب آره دقلری شقیلری
بوله منجه دوه وقیونلرینی اغتام ایدوب آمانا وسالما مدینه منوره یه
عودت ایلدیلر .


(۹) عاصم ابن ثابت رضی الله عنه حضرتلرینه ک رجیع سریه سیدر
رجیع مکه ایله عسفان اره سنده هذیل قبیله سنک اصولردن
برصویک اسیدر . وبووقعه نک سببی سفیان ابن خالد
هذلی (عضل وقاره) قبیله لردن برقاج کشی ایله مکه یه
کلوب کفار قریشک (احد) جنکنی تبریک ایتد کد نصره
مقتول اولنلرک اقر باسنک اغلیوب فغان ایتلرینی و (سلافه)
نام برقارینه ک اوغللرینی قتل ایدنلرک باشلرینی کسوب و یاخود
کندیلرینی طوتوب کتوردنلر یوز دوه ویره جکنی ایشملری
اوزرینه غیرت جاهلیه و طمع طمرلری حرکت کلوب بوایشک
اجراسنی تعهد ایدرک ارقداشلرینی مدینه منوره یه کوندروب
کندو سیده ایککیوز کشی ایلر رجیع دینیلان محله کلدی .
آرقداشلری اولان خاشر مدینه یه کلوب کندیلری صورنا
مسلمان اولدیلر . وبرقاج کونلر مدینه ده اقامت ایتد کدن
صکره سرور عالم افندمره قبیله لرینه ک مسلمان اولدقلرینی بیان
ایلر احکام دینی تعلیم ایتک اوزره اصحاب کرامدن برقاج
کشی ک کوندرلمسنی استدعا ایتلری اوزرینه فخر عالم افندمر

عاصم مشار الیهک تحت ریاستنده اوله رق او چنجی سنه
هجریه سنک اواخرنده اصحاب کرامندن اون کشی کوندردی .
اصحاب کرام او خاتلر ایله برابریه یاقلا شجیه سفیان ابن
خالد دیدکلری خبیث ایکپیوز کشی ایله قارشولرینه چیقهرق
یلاندن عهد و امان و پرویده طوغه چالشدیسه ده عاصم
مشار الیه (بزمسلمان بولندیغمز حالد اولومدن قورقوبده
مشرکلرک امانه کیرمیز بلکه اولنجیه قدر حرب ایدرز)
دیهرک جواب و یروب برقاج ساعت محاربه ایتد کدنصکره
عاصم مشار الیه ایله برابریدی کشی شهید اولدی . و اوچ
کشی کفره بخره نک امانی قبول ایله تسلیم اولوب انواع
حقارتله مکله یه کوتوردیلر . و قریش مکله دخی برچوق اذیتئر
ایتد کدنصکره آنلریده شهید ایتدیلر . رضوان الله تعالی
علیهم اجمعین

(۱۰) عبدالله ابن انیس رضی الله عنه حضرتلرینک (عزنه)
دیدکلری وادی به واقع اولان سریه سیدر . و بونک سببی
سفیان ابن خالد هذلی وقعه مزبوره یه سبب اولدیغندن
بشقه سرور عالم افند مز ایله محاربه ایتک اوزره برطاقم اشقیای
کفره بی طوبلادیغی سمع نبوی به واصل اولسی اوزرینه
هجرتک اوچنجی سنه سی اواخرنده یالکز اوله رق مشار الیه
عبدالله حضرتلری کافر مز بورت قتلنه تعین بیورلدی .
بونک اوزرینه حضرت عبدالله مدینه دن قالقوب اول کافرک
عونه سنه قارشدیغنده خائن مز بور عبدالله کورنجه (بو آدم کیمدر)
دیو سوانه جوابا عبدالله (بن خزاعه دن برکشی یم سنک

محمد (علیه السلام) ایله محاربه ایتک اوزره حاضرلندیغی
ایشتدیگمدن برلکده بولنق ایچون یانکره کادم (دیه رک
یا ننده قالب همان او اخشام هیچ کسه نک خبری اولقسزین
کله سنی آلهرق جاتی جهنمه اصهر لدقدنصکره کوندزلی
کیزلنوب کیجه لری یورویه رک مدینه دن چیقدیغی کوندن
حساب ایله اون سکرزنجی کونده کله سنی حضور نبوی به
کتوردی

(۱۱) منذر ابن عمرو رضی الله عنه حضرتلرینک (بزمعونه)
یه واقع اولان سریه سیدر . بزمعونه بلاد هذیلده مکله ایله
عسفان آره سنده برحکاک اسیدر . و بوقعه نک سببی
اهل نجدن (ابوبراء عامر ابن مالک) حضور نبوی به
کلوب (تلقین دین ایتک اوزره اصحابکزدن برقاج کشی اهل
نجده کوندریلور ایسه پک چوق کسه لرک شرف اسلامی قبول
ایده جکلرینی مأمول ایدرم) دیمسی اوزرینه رسول اکرم
(اهل نجدک اصحابه سو قصد ایده جکلرندن قورقارم)
بیورمسنه جوابا ابوبراء (بن آنلری عهد و امانه آلدیغم
حالد هیچ کسه برشی پایه مز) دینجه سرور عالم افند مز
مشار الیه منذر حضرتلرینک تحت ریاستنده اوله رق اوچنجی
سنه هجریه سنک اواخرنده یتیش نفر اصحاب کرامنی محل
مز بوره کوندردی . اصحاب کرام بزمعونه یه کلدکلرند
ایچلرندن برینی رسول اکرمک نامه سنی کوتورمک اوزره
عدوالله (عامر ابن طفیل عامری) یه کوندردیلر . ملعون
مز بور نامه رسول اللهی کور مسیله چیلدیرمش کو پکه دونه رک



نامه سعادت کورتورن ذاتی قتل ایتد کدنصر . قبائلدن برچوق
اشقیای بنی حیا بنی جع ایلده اصحاب کرامک اوزرلرینه هجوم
ایدرك هر طرفلرینی احاطه ایتدیلر . اصحاب کرام دخی
نهایت درجه یه قدر مقالتله ایتدیلر ایسه ده کثرت کفره و موقع
حربك قتالغی سبب ظاهرلرندن ناشی ظفر یاب اوله میوب
کعب ابن زید رضی الله عنه حضرتلرندن ماعداد جله سی
شهید اولدیلر . اشبو ایکی وقعه مؤلمه نك خبری وقت
واحدده سمع نبوی یه واصل اولنجه پك زیاده محزون اولوب
جمله سنه خیر دعار ایتدی

(۱۲) محمد ابن مسلمه رضی الله عنه حضرتلرینك مدینه یه
یدی قوناق مسافه ابعندنه (ضریه) دنیملان محله واقع
اولان سریه سیدر . و بو وقعه نك سیدی (بنی بکر ابن کلاب)
قبیله سندن بر طاقم اشقیای کفره محل مزبوره کلوب اجرای
شقاوت ایتکده بولند قلرندن تا ریخ هجرتك التبحی سنه سی
محرمنده مشار الیه محمد ابن مسلمه حضرتلری او توز آتلاوایله
کوندریلوب کفره نك برقاج کشیلری قتل اولندی . و باقیلرینك
فرار ایتلری اوزرینه یوز الی دوه و اوچبیک قدر قیونلری
اغتنام اولنه رق آما و سالما اون طقوزنجی کونده مدینه
منوره یه عودت اولندی

(۱۳) عکاشه ابن محسن الاسدی رضی الله عنه حضرتلرینك
(غمر) نام محله اشقیای بنی اسد دن بر جها عتك اوزرینه
واقع اولان سریه سیدر . شویله که مشار الیه عکاشه
حضرتلری آلتبحی سنه هجریه سنك ربیع الاولنده اشقیای

مزبوره نك تأدیجی ضمننده قرق نفر اصحاب کرام ایلده
کوندریلوب اشقیای عکاشه حضرتلرینك کادیکنی خبر آلر بله
طاعلره فرار ایلوب محملرنده هیچ برکسه نك بولماسی
اوزرینه ایکیوز قدر دوه لری اغتنام اولنه رق مدینه
منوره یه عودت ایدلدی

(۱۴) محمد ابن مسلمه رضی الله عنه حضرتلرینك مدینه
منوره یه بکر می درت میل مسافه ابعندنه (ذی القصه) نام محله
بنی ثعلبه اشقیای اوزرینه واقع اولان سریه سیدر .
شویله که مشار الیه محمد ابن مسلمه آلتبحی سنه هجریه سنك
ربیع الاولنده اون نفر صحابه ایلده موضع مزبوره مأمور بیوریلوب
بر کجه وقتی محل مأموریتلرینه واصل اولدیلر . انجق
کفار خاکسار اولجه خبر آلدقلرندن یوز کشی قدر تجمع
ایلیوب بر ساعت مقداری اوق جنبی ایدلد کدنصرکده اشقیای
کفره براو غوردن هجوم ایدرك سونکو ایلده محمد ابن مسلمه
حضرتلرندن ماعداسنی شهید ایتدیلر . و مشار الیه دخی
یاره لو اوله رق دوشوب قالمش ایدی . بعده اهل اسلامدن
بری یانسه اوغرایوب اوموزینه آله رق مدینه منوره یه
کتوردی . بونك اوزرینه عبیده ابن الجراح حضرتلری
ربیع الاخرده قرق نفر صحابه ایلده مأمور بیوریلوب محل
مزبوره وارمسایله اشقیای کفره طاعلره فرار ایدیلر .
آند نصکره ماللری و دوه لری اغتنام اولنوب عودت ایدلدی
(۱۵) زید ابن حارثه رضی الله عنه حضرتلرینك بطن فحله
جوازنده (جوح) دنیملان محله بنی سلیم اوزرینه واقع اولان

سریه سیدر . شویله که سنه مزبوره ربیع الآخرنده
اصحاب گزیندن برقاج کشی ایله محل مزبوره واروب کفره
دوه و قیونلری اغتنام و برقاج کشیلری اسیرایدیله رک عودت
اولندی

(۱۶) ینه زید ابن حارثه حضرتلرینک مدینه به درت میل
مسافه بعدنده (عیص) دنیلان محله واقع اولان سریه سیدر .
و بونک سببی قافله قریشک شامدن عودت ایتدیکی سمع نبوی به
واصل اولنجه سنه مزبوره جادی الاولیسنده یتش نفر آتلوایله
مشار ایله حضرتلری کوندریلوب قافله ده بولنان کافه اموال
کفره اغتنام و برقاج کشیلری اسیرایدیله رک عودت اولندی

(۱۷) ینه مشار ایله حضرتلرینک مدینه به اوتوز الی میل
مسافه بعدنده (طرف) دنیلان محله واقع اولان سفریدر .
شویله که سنه مزبوره جادی الآخراسنده محل مزبوره کائن
بنی ثعلبه اشقیاسی اوزرینه اون بش نفر اصحاب کرام ایله
امور بیویلوب اورایه وارمسایله اشقیانک فرار ایتلری
اوزرینه دوه و قیونلری اغتنام اولنه رق هجج برضرد
کوره کسزین در دنجی کون باشنده مدینه منوره به کلدیله

(۱۸) ینه مشار ایله حضرتلرینک (حسمی) دنیلان محله واقع
اولان سفریدر . و بو وقعه نک سببی دحیه ابن خلیفه الکلبی
حضرتلری قبصر روم طرفندن کلورکن (هنید) دیدکلری
برکافر اهل جذامدن بر جهاتله محل مزبوره یولنی کسدیروب
و بنی ضیبیدن برقاج کشی یتیشوب آنلره قاتله رق دحیه
حضرتلرینک متاعنی آلدیلر . بعده دحیه مدینه به کلوب

رسول اکرمه واقع حال بیان ایدنجه مشار ایله زید حضرتلرینک
تحت ریاستنده اوله رق سنه مزبوره جادی الآخراسنده
بشیوز کشی کوندردی . مشار ایله زید حضرتلرینک
تدبیریه کوندزلری کیزلنوب کجهلری یوله چیقهرق محل
مزبوره واصل اولنجه آب آنسزین برصباح وقتی هجوم
ایلیوب برچوق کشیلری قتل و مجروح وهنید و اوغلنی دخی
قتل ایتد کدنصکره بیک قدر قیون اغتنام و بیک قدر نسوان
وصعیان اسیرایتدیله . بونک اوزرینه (زید ابن رفاعه الجذامی)
جاعتندن برقاج کشی ایله کلوب رسول اکرمک کندوسنه
وقومنه کوندرمش اولدیغی مکتوبی ویره رک استرحام ایتسی
اوزرینه رسول اکرم علی رضی الله عنه حضرتلرینی زید
مشار ایله کوندروب اموال و اهل و عیالری کندیله

رد ایتدردی

(۱۹) ینه مشار ایله حضرتلرینک وادی القریبه واقع اولان
سریه سیدر . شویله که سنه مزبوره رجب شریفنده
برفرقه عسکر به ایله محل مزبور اشقیاسنک تربیه سنه مأمور
اولوب اورایه وارنجه اشقیاهرطرفدن احاطه ایدوب عساکر
اسلامیه دن برخیلی کسه لر شهید اولدی . و مشار ایله حضرتلری
دخی زیاده جه مجروح اولوب آزجان ایله معرکه دن چیقار یله
یلدی

(۲۰) عبدالرحمن ابن عوف رضی الله عنه حضرتلرینک
دومه الجندل شهرینه واقع اولان سریه سیدر . شویله که
حضرت پیغمبر عبدالرحمن مشا ایله حضورینه دعوت ایلوب

نصایح لازمہ بی بعدالایضا شهر مزبورده کائن بنی کلب
قبیلہ سنی دین اسلامہ دعوت ایتک اوزره التبی سنی
هجریہ سی شعبان شریفندہ کوندردی . و مشار الیہ
حضرتلری دخی محل مزبورہ کلوب قبیلہ مزبورہ اہالیسنی
دین حقہ دعوت ایدرک اوج کون قدر اقامت ایتد کدنصرکرہ
قبیلہ مزبورہ نک رئیس (اصبح بن عمرو) نصرانی شرف
اسلامی قبول ایتسی اوزرینہ جاعتندن پک چوق کسہلر دخی
اسلام ایلہ مشرف اولدیلر . دین حق قبول ایتیانلرہ دخی
جزیہ اقامہ اولندی . و مشار الیہ عبدالرحمن حضرتلری
رئیس مرقومک قیزی نی نفسہ تزویج ایلوب مدینہ منورہ یہ
عودت ایلدی . و اول قیزدن فقہای سبعہ واکا برتابعیندن
ابو سلمہ حضرتلری دنیا یہ کلشدر

(۲۱) علی ابن ابی طالب رضی اللہ عنہ حضرتلرینک (فدک)
دینلان محلدہ ساکن بنی سعد بن بکر قبیلہ سی اوزرینہ واقع
اولان سمریہ سیدر . و بونک سببی قبیلہ مزبورہ خلقی
عسکر طویلایوبدہ خیبر یهودیلرینہ اعانہ ایدرک اهل
اسلام ایلہ محاربہ ایدہ جکری سمع رسول اللہ واصل اولنجہ
مشار الیہ حضرتلرینی یوز نفر ایلہ سنی مزبورہ شعبان
شریفندہ اشقیای مرقومہ اوزرینہ کوندردی . و مشار الیہ
حضرتلری کوندزلری اختفا ایدرک و کجہلری یول آلہرق
آب آنسزین اوزرینہ هجوم ایدنجہ اشقیای منہزما طاغلرہ
فرار ایتلری اوزرینہ بشیوز دوه وایکیبیک قیون اغتام
اولندرق عودت اولندی

(۲۲) زید ابن حارثہ رضی اللہ عنہ حضرتلرینک وادی القری
طرفندہ واقع اولان سمریہ سیدر . و بونک سببی مشار الیہ
زید حضرتلری اصحاب کرامک برطاقم اما ناتی حامل اولدیغی
حالدہ تجارت ضمنندہ شام شریفہ کیدرکن وادی القریہ
کلنجہ بنی فزارہ قبیلہ سندن برطاقم اشقیای کفرہ یولنی
کسدیروب حقارت ایدرک ماللرینی آملری اوزرینہ زید
مشار الیہ اورادن فرادایلہ رسول اکرمک حضورینہ کلوب
بیان حال ایدنجہ معیتہ اصحاب کرامدن برجماعت تعیین
پیوریلہرق سنی مزبورہ رمضان شریفندہ کوندردی .
و آنلرک اوزرینہ دخی آب آنسزین هجوم اولنوب برطاقمی
قتل و برطاقمی اسیر ایدیلہ رک انتقام آلدقندنصرکرہ عودت
اولندی

(۲۳) عبداللہ بن عتیک رضی اللہ عنہ حضرتلرینک سمریہ سیدر .
و بونک سببی رؤسای یہود دن ابورافع دیدکلری برملعون
یہودی داتما اسلام علیہندہ کزوب اطراف واکافی تحریک
و افساد دن کیر و طور مدیغندن وجود خیانت آلودینک روی
زمیندن قالدیرلمسیچون مشار الیہ عبداللہ حضرتلرینک
معیتہ اصحاب کرامدن درت کشی تعیین پیوریلہرق سنی
مزبورہ رمضان شریفندہ خیبر طرفندہ کوندردی . و مشار الیہ
برموجب ارادہ اورایہ واروب آرقداشلرینی خارج حصارده
براقہرق یالکزجہ بر اخشام اوزری حصارہ داخل اولوب
بر محلدہ کیرانہ رک قلعه قبولری قیاناوبدہ اناخترلرک وضع
اولندیغی محله واقف اولدقندنصرکرہ براز دها بکلیوب بکجیلر

او یقویه طانجه اناختری آلوب حصارك قبولی آجدی
و بعده برتقریب ایله ملعون مزبورك خانه سنه کیروب کوکسنه
برقلج صاپلیه رق جانی جه نه ایدرلد قدنصکره خارج حصاره
چیقبوب آرقداشترینه ملاقات ایدرلد عودت اولندی
(۲۴) عبدالله بن رواحه رضی الله عنه حضرت تهرینك خیبر
اهالیندن (اسیران رزام) دیدکاری یهودینك اوزرینه
واقع اولان سریه سیدر . و بونك سببی ابورافعك قتل
اولمسی قوم یهودك کوچنه کتدیکندن اسیر هر سوم غطفان
وقبائل سائریه مراجعتله اسلام علیهنه تدا رکات حریه به
قالقشدیدیخی سمع نبوی به واصل اولدقدن کیرلیجه تحقیق ماده
ایدلمك اوزره سنه مزبوره رمضان شریفنده مشار الیه
عبدالله حضرت تهرینك معیتنه اوچ کشتی ویریله رك خیبره
کوندردی . مشار الیه بر موجب اراده اورایه واروب
حقیقت حالی اکلا قدنصکره رسول اکرمه کلوب خبر ویردی .
بونك اوزرینه مشار الیه عبداللهك معیتنه اوتوز کشتی
ویریله رك ماه شوالده بتکرار خیبره کوندردی . واورایه
واردقلرنده خیبت مزبوری بولوب (سن طرف نییدن خیبر
ریاستنه تعیین اولنه جقسین هایدی کیده لم) دینجه یهودینك
قولتوقلری قباروب عسکرندن اوتوز کشتی آله رق حصاردن
چیقدی . قدره نام محله کلنجه عبدالله ابن ایدس حضرت تهری
لعین مزبورك باشنی کسمسبله دوه سندن دوشدی . و معیتنده
بولانان یهودیلردن یالکز بریسی قور تیلوب سائرلری قتل
اولندیلر . و اهل اسلامه هیچ برضرر کلیکسزین مدینه
منوره به عودت اولندی

(۲۵) کوزین جابر الفهری رضی الله عنه حضرت تهرینك
سریه سیدر . و بونك سببی (عزینه) قبیله سندن برجاعت
حضور نبوی به کلوب شرف اسلامی قبول ایتدکد نصکره
مدینه نك آب و هواسی مزاجلرینه موافق کلیوب خسته لکه
دوچار اولدقلرندن بختله دیگر بر محله کوندرلمرینی استدعا ایتلری
اوزرینه طرف رسالتدن قباتوا بعدن (ذی الجدر) نام محل تعیین
اولوب شقایاب اولنجیه قدر اوراده اوتلامقده بولانان
حضرت پیغمبرك اون بش قدر دوهلرینك سودلرینی و بوللرینی
ایچمك اوزره کوندردیلر . خائنلرك قارنلری طویوب
اکسهلری قالینلا شجه مرید اوله رق آلققللرینی اظهار ایله
دوهلری سوروب کورتوردیلر و رسول اکرمك کوله سی
یسارك اللرنی وایاقلرینی کس-وب آغزیننه وکوزلرینه دیکن
طولدیره رق شهید ایتدیلر . بونك اوزرینه سرور عالم
افند مزشار الیه کرز ابن جابرک تحت ریاستنده اوله رق
یکرمی نفر آتلوسنه مزبوره ذی القعدده سنده کوندردی .
و آنلردنخی سرعتله واروب دوهلری آلدقدنصکره اول خائنلرك
جمله سنی طوتوب باغایه رق حضور نبوی به کورتوردیلر .
وقصاصا جمله سی اعلام اولندی .
(۲۶) عمر و ابن امیه الضمری رضی الله عنه حضرت تهرینك
سریه سیدر . و بونك سببی رئیس قریش ابوسفیان بن حرب
حضرت فخر عالم افند مزری قتل ایتك اوزره مدینه به بر آدم
کوندردی . و او آدمی سرور عالم افند مز کوردیکی آنده
(بو آدمك بر غدر ایتك تصویری وارد) بیورمسی اوزرینه

اسید بن حضیر همان اول ساعت حریفی یاقه لبوب اوزرنده
برخنچر چیه مسیله حریف پوصله بی شاشردی . بونک اوزرنه
طرف رسالتدن استنطاق اولنوب غدر ایتک تصورنده
بولدیغنی اقرار ایدنجه کندیسی آزاد اولنوب عمرو ابن ابیه
ایله سلمه ابن اسلم رضی الله عنهما حضرتلری سنه ۳۰۰ هجری
اواخرنده ابوسفیان قتل ایتک اوزره مکعبه کوندردیلر .
مشار الیه عمرو حضرتلری کجه بیت شریفی طواف ایدرکن
ابوسفیانک اوغلی کوروب نه ایچون کلدیکنی حس ایدرک قوم
قریشه خبر ویرنجه کندیلرینی طوتمق اوزره قوم قریش نجیم
ایتمسوله مشارالیهما مکهدن صاوشدیلر . وکندیلرینی آراغنه
چیقان ابکی کافره راست کلوب مشارالیه عمرو حضرتلری
برینی قتل ویرینی اسیر ایلیوب مدینه به کتوردی

(۲۷) عمر بن الخطاب رضی الله عنه حضرتلرینک (تربه)
دینیلان محله واقع اولان سریه سیدر . شویله که هوازن
قبیله سی حد شقاوتی آشور دقلرندن مشارالیه حضرت
عمر افندمرک تحت ریاستنده اوله رق یدنجی سنه ۳۰۰ هجریه سی
شعباننده اوتوزکشی کوندربلوب اشقیای مزبوره بوخبری
ایشیدنجه طاغله فرار ایتدیلر . عساکر اسلامیه اشقیانک
ساکن اولدقلری محله کلوبده هیچ برکسه بی بوله مدقلری کبی
کیرو دونوب مدینه منوره به کلدیلر

(۲۸) ابوبکر الصدیق رضی الله عنه حضرتلرینک نجد
نواچیسندن (ضریه) نام محله واقع اولان سریه سیدر .
شویله که بنی کلابدن رجاعت حد طغیان آشور دقلرندن

مشار الیه حضرتلری تربیه لرینه ما مور یوریلوب سنه
مزبوره شعبان شریفنده محل مزبوره کوندربله رک برطاقی
قتل و برطاقی دخی اسیر ایدلدیلر

(۲۹) بشیر بن سعد الانصاری رضی الله عنه حضرتلرینک
(فدک) جوارنده ساکن بنی مره اشقیای اوزرنه واقع
اولان سریه سیدر . شویله که سنه ۳۰۰ هجری مزبوره شعبان شریفنده
اوتوزکشی ایله محل مزبوره کوندربلوب اشقیایه تصادف
اولندقدنه برخیاچه وقت محاربه اولندیسده اشقیانک کثریله
برابر تدارکات حریه لری مکمل اولدیغنی جهته عساکر
اسلامیه نک اکثری شهید اولدی و مشارالیه بشیر حضرتلری
دخی یاره لنوب مدینه به کلدی .

(۳۰) غالب بن عبدالله لبی رضی الله عنه حضرتلرینک نجد
نواچیسندن (مبغه) دیدکلری محله واقع اولان سریه سیدر .
شویله که (بنی ثعلبه و بنی عوام) دن برجاعت اشقیای اعدای
اهل اسلام ایله متفق بولندقلری جهته مشارالیه غالب
حضرتلرینک تحت ریاستنده اوله رق ایکیوز اوتوزکشی
یدنجی سنه سی رمضان شریفنده اشقیای مر سومه نک تکمیلی
ضممنده محل مزبوره کوندربلوب اشقیایه هجوم ایله برطاقی
قتل اولندی . و برطاقی اختیار فرار ایتلری اوزرنه
خیلیجه دوه و قیونلری اغتام ایدیلرک مدینه منوره به عودت
اولندی

(۳۱) بنه بشیر بن سعد الانصاری رضی الله عنه حضرتلرینک
عین وجبار طرفلرینه واقع اولان سریه سیدر . شویله که

مدینه منوره بنی باصوب یغما ایتک افکار یله اول طرفده بر طاق
اشقیای کفره نک حاضر لند قلی واصل سمع نبوی اولسی
اوز رینه سنه مزبوره شوالنده مشار الیه بشیرک تحت ریاستنده
اوله رق اوچوز بهادر کوندر لدی . اشقیای کفره بشیرک
کله جکندن خبردار اولند قلی آنده دیکش طوته میوب
قراره قرار ویرنجه پک چوق دوه لری اغتنام وایکی کشی
طوتیلوب اسیر اید یله رک مدینه منوره یه عودت اولندی .
و او ایکی کمسنه حضور نبوی یه داخل اولنج شرف اسلامی
قبول ایلدیلر .

(۳۲) ابن ابی عوجاء سلمی رضی الله عنه حضرت تارینک بنی سلیم
قبیله سی اوز رینه واقع اولان سریه سیدر . بنی سلیم
دائما اهل اسلام علیمنده بولند قلی حسبیه سنه مزبوره
ذی الحجه سنده مشار الیه ک تحت ریاستنده اوله رق قبیله
مزبوره اوز رینه الی کشی کوندر لدی . انجق اشقیای کفره
اولجه خبر آلوب اطراف واکنا فدن کیتلی اشقیای مجتمع
اولد قلدن مقاتله شدید اولند یسه ده اهل اسلام ظفر یاب
اوله میوب جمله سی شمید اولدیلر . و مشار الیه ابن ابی عوجاء
دخی فنا حالد یاره لنوب سکر نبی سنه سی صفر نده مدینه یه
کله یلدی .

(۳۳) غالب ابن عبد الله لیتی رضی الله عنه حضرت تارینک
بین الحرمین (کدید) دیدکاری محله واقع اولان سریه سیدر .
شویله که سنه مزبوره صفر نده اشقیای کفره اوز رینه بر کجه
وقتی هجوم ایلوب کفار خاکسارک مقاومت ایده ماماری

اوز رینه خیالجه دوه لری اغتنام اولنوب عودت ایدلدی .
(فائده) اشبو آیده خالد بن ولید و عثمان ابن ابی طلحه و عمرو ابن
عاص مدینه منوره یه کله رک شرف اسلامی قبول ایتلردر
(۳۴) ینه غالب مشار الیه رضی الله عنه حضرت تارینک (فدک)
طرفنه واقع اولان سریه سیدر . شویله که یکر می بدی
سریه ده بیان اولند یغی و جهله بنی مره اشقیای بشر ابن
انصاری حضرت تارینک یاره لد قلی و معیتنده بولنلرک کافه سی
قتل ایتدکار ند نطولابی اشقیای مرسومه دن اخذ انتقام
اولنق اوزره سنه مزبوره صفر نده مشار الیه غالب حضرت تارینک
تحت ریاستنده اوله رق ابکیوز کشی کوندر یلوب بر صبح
وقتی اشقیای کفره اوز رینه هجوم ایله پک چوغی قتل اولنوب
و خیالجه دوه اغتنام اولنه رق عودت اولندی
(۳۵) شجاع بن وهب الاسدی رضی الله عنه حضرت تارینک
مدینه منوره یه بیش قوناق مسافه بعدنده هوازدن بر جماعت
اشقیای اوز رینه واقع اولان سریه سیدر . شویله که سنه مزبوره
ربیع الاولنده مشار الیه ک تحت ریاستنده اوله رق یکر می
درت کشی کوندر یلوب بر صبح وقتی بغته اشقیای مرقومه
اوز رینه هجوم اید یله رک اشقیای طرفندن مقاومت اولنه مدیغی
جهله پک چوق دوه وقیون اغتنام ایله اونن بشنجی کوباشنده
مدینه منوره یه عودت اولندی
(۳۶) کعب بن عبد الغفار رضی الله عنه حضرت تارینک
(ذات اطلاق) نام محله واقع اولان سریه سیدر . شویله که
سنه مزبوره ربیع الاولنده مشار الیه ک تحت ریاستنده

اوله رق اون کشی کوند ریلوب محل مز بوره واصل اولنجه
اشقیای کفره حدندن زیاده طویلاندقلری جهته هر نقدر
شدله مقاتله اولندیسه ده اصحاب کرامک کافه سی شهید
اولدیله . یالکیزبر کشی شهیدا آره سنده یاره لی اوله رق
قالوب کیجه اولنجه یواش یواش بورویه رک مدینه یه کلوب
واقع حالی حضرت پیغمبره عرض ایدنجه رسول اکرم پک
زیاده محزون اولوب تکرار عسکر سوقنی مراد ایتدیسه ده
اشقیانک فرار ایتدکلی خبر آلسنجه صرف نظر اولندی

(۳۷) شام دیارنده بلقایه تابع (موته) نام محله واقع اولان
سریه در . بونک سببی حضرت فخر عالم صلی الله تعالی
علیه وسلم افندمر (حارث ابن عمیر ازدی) رضی الله تعالی عنه
حضرت لرینی نامه سعادت ایل (بصری) ملکینه کوندروب
مشار ایله موته یه واصل اولنجه قیصر روم امراسندن
(شرحبیل بن عمرو غسانی) نام خبیث مشار الیه تصادفله
سرور عالم افندمرک ایلیچی اولدیغنی اکلا یه رق قتلنه
جرات ایتسی حضرت فخر عالم افندمرک غایت کوجنه کلوب
سنه مز بوره جمادی الاول سنده او چبیک کشیدن مرکب
براردو ترتیب وزید ابن حارثه رضی الله عنه حضرت لرینی
سر عسکر لکه تعیین وزید شهید ایدیلور ایسه جعفر بن
ابی طالبه و او دخی شهید ایدیلورسه عبد الله بن رواحه یه
واودخی شهید ایدیلورسه اهل اسلام آره لرندن برینی انتخاب
ایله اکایعت ایتلرینی و حارث ابن عمیرک قتل اولدیغنی محله
کیدوب اورادن کفار خاکساری دین اسلامه دعوت ایتلرینی

و قبول ایدر لسه واز یکملرینی و قبول ایتدکلی صورتده
جناب حق استعانه ایدرک مقاتله ایتلرینی تنبیه بیورد قدنصره
کندیلرینی (ثنیة الوداع) دنیلان محله قدر تشییع ایلدی .
عسا کر اسلامیه مدینه دن آیریلنجه کفار خاکسار اسلامک
کله جکنی ایشیدوب (شرحبیل) مرسوم هرقل رومدن
وقبائل عربدن استعانه ایدرک یوز بیک کشیدن زیاده عسکر
طویلادی . و اهل اسلامه قارشو کلک اوزره بر مقدار
عسکر ایله قرنداشی کوندروب وادی القرا ده عسا کر
اسلامیه ایله مقاتله یه قالدشیدسه ده عسکری یوزلادی
و کندیسی دخی قتل اولندی . بعده عسا کر اسلامیه
(معان) دنیلان محله کلدکلرنده کفارک یوز بیک کشیدن
زیاده اولدقلرینی ایشیدنجه اوراده ایکی کیجه قالوب (حضرت
پیغمبره یازه رق واقع حالی بیلدیره لم نه جواب کلورسه اکا
منتظر اوله لم) دیدکلرنده عبدالله بن رواحه حضرت لری
(بزشمدی یه قدر کفاره کثرتله غالب اولدق بلکه جناب حق
نصرت و اعانه سیله و دینزک قوتیله غالب اولدق . غالب
اولور ایسه کده کارلی یز مغلوب اولور ایسه کده ینه
بزرکارلی یز . نه طوره یوزر هایدی کیده لم) دیه رک
تشجیع ایتسی اوزرینه عسا کر اسلامیه غیرته کلوب متوکلا
علی الله ایلرویه حرکنله موته یه واصل اولنجه صف حرب
اولوب کفار خاکسار ایله مقاتله یه کیرشدیلر . زید مشار
الیه النده سنجاغ شریف اولدیغنی حالد بر خلیجه مقاتله
ایتدکدنصره شهید اولنجه حضرت جعفر سنجاغ شریفی

آلوب آتندن اینه رك بر خیلجه مقاتله دنصکره بر اینك
کسلمی اوزرینه سنجاغ شریفی اوته کی اینه آلدی .
و اودخی کسینجه سنجاغ شریفی قوجا قلدی . حاصل
شهید اولنجیه قدر غیر ایتدی و حتی وجودنده طقساندن
زیاه قلیج و اوق و سونکو یاره سی مشاهده اولندی . بعده
عبدالله بن رواحه حضرتلری سنجاغ شریفی آلوب اودخی
شهید اولنجیه قدر محاربه ایتدی . آندنصکره سنجاغ شریفی
(ابن اقرم بحلانی) رضی الله عنه حضرتلری برکسه به
ویرمک اوزره آلدی . انجق عساکر اسلامیه سرعسکر سر
قالنجیه طاعنه یوز طوتدیلر . و بوصره ده اون کشی قدر
شهید اولدی . و حضرت خالد هر نقدر کیر و چویرمه که
چا لشدیسه ده موفق اوله مدیغندن کنیدیسی کوزله بر موقع
طوتوب شدتله مدافعه به یا شلادی . بونك اوزرینه
(قطبه ابن عامر) رضی الله عنه حضرتلری عساکر اسلامیه به
خطابا (ای امت محمد فراراید رکن اولمکدن ایسه دشمن ایله
دوگشه دوگشه اولمک دها خیر لودر) دیو غیرت ویرنجه
جمله سی کیر و دونوب حضرت خالدك یانه طوبلانه رق
و کندوسنه بیعت ایدرك سنجاغی شریفی تسلیم ایتدیلر .
بعده حضرت خالد دها زیاده شدت کوستروب اخشامه قدر
مقاتله ایتدیلر و اولکون حضرت خالد اولقدر شجاعت
ابراز ایلدی که انده تمام طقوز عدد قلیج قیرلدی . اخشام
اولنجیه هر ایکی طرف کیر و چکلدیسه ده اهل اسلامك قلعه
برابر و وجهله جانسپارانه میدان محاربه ده ابراز شجاعت

ایتلری کفارك کوزلرینی ییلدردی . فقط کفار خا کسار
اهل اسلامه نسبتله پك چوق زیاده اولدقلرندن ایرتسی کون
هر طرفدن احاطه ایدوبده بیتورمک نیتنده اولدقلری
جهتله حضرت خالد علی الصباح صفلری ترتیب ایتدیکی صره ده
عسکرک وضعی دکشدیروب صاغ طرفه بولنا نلری صول
طرفه و آرقه ده بولنا نلری اولك طرفه کچوردی . کفار
خا کسار اهل اسلامك بو وضعی کورنجه هر فرقه سی دونکی
کون کور دکلمی عسکری کوره میوب بشقه لرینی کوردکلرندن
اسلامه امداد ایچون یکی عسکر کلش دیه رك ایچلرینه
برولوله دوشوب نظر حیرتله باقارلر ایکن حضرت خالد
شدتلی بر هجوم کوسترنجه کفار خا کسار بوزلدی و میدان
محاربه ده پك چوق اسلحه و امتعه براقوب منهنما رجعت
ایتدیلر . اشته بوصره ده یعنی دشمنك آرقه سی کلیتی
اولدیغی حالده فن حربجه مسلم اولان فطانت و درایت
عسکری اویله بر دریای فلا کتدن تخلص ایتك اولدیغی
جهتله حضرت خالد کفار خا کسارک بوانهرامنی فرصت
وغنیمت بیلرک عساکر اسلامیه یی کیر و چکوب یواش یواش
آمنه و سالما مدینه منوره به کتوردی . رضی الله عنه وارضاه
(۳۸) عمرو بن عاص رضی الله عنه حضرتلرینك سریه سیدر .
بونك سببی (قضاعه) طوائفندن برجم غفیر مدینه منوره
حیواناتنی یغما ایتك اوزره اجتماع و اتفاق ایتدکلری سمع
رسول الله واصل اولنجیه مشارالیه حضرتلرینك تحت
ریاستنده اوله رق مهاجرین و انصار دن اوتوزی آتلا

و با قبسی پیاده اوله رق او چیوز کشیدن مرکب براردو
تشکیلله سنه مزبوره جهادی الاخر اسنده ذات القرائك اوتنه
یائنده مدینه منوره یه اون قونا قلق مسافه بعدنده ذات السلاسل
دنیلان محله کوندردی . و بوسریه یه ذات السلاسل
تسمیه اولمسنك بروجهی گروه مشرکین مقاتله اسلامیه دن
قاچما مق ایچون بری برلینه باغلاندقلیدر . وجه دیگر
اول محله (سلسل) نام برصویک بولندیغیدر . عساکر
اسلامیه کفار یاقلا شجیه کلیتی اولدقلری تحقیق اولمسی
اوزرینه رسول اکرم دن استمداد اولمق اوزره (رافع ابن
مکیث جمنی) رضی الله عنه حضرتلری مدینه یه کوندردی .
بونک اوزرینه حضرت فخر عالم افندمن (ابو عبیده ابن الجراح)
رضی الله عنه حضرتلرینك تحت ریاستنده اوله رقینه
مهاجرین و انصار دن دها ایکیوز کشی کوندروب و امامتده
اختلاف ایتملرینی تنبیه بیوردی . و ایکنجی فرقه عسکریه ده
ابوبکر الصدیق و عمر الفاروق رضی الله عنهما حضرتلری
دخی وار ایدیلر . اورایه واردقلرنده ابو عبیده حضرتلری
عسکره امام اولقلخی مراد ایدنجه عمرو بن عاص حضرتلری
(سن بنم امدادیمه کوندردك عسکرک امیری بنم) بیورمسی
اوزرینه ابو عبیده حضرتلری مخالفت ایتموب آنک ریاستنه
راضی اولدی . و عمرو بن عاص حضرتلری هر نقدر بکار
اصحاب کرام دن ایدیه ده کندیسندن دها بیوک و شرفلی
اولان اصحاب کرامه رئیس اولمسی مجرد فن حربی و اصول
عسکر په پی کوزلجه بیلدیکی ایچون ایدی . و حتی کفار

خاکسار اهل اسلامك آزلغنه واقف اولماق ایچون هر نقدر
شدتلی صغوق ایدیه ده (هرکیم بوکجه آتش یاقه جق
اولورسه کندیسنی آتسه آتارم) دیه رک شدتلی برتنیه ایله
عسکری آتش یاققدن منع ایلدی . اشته بو صورتله ایشی
غابت مخفی طوته رق برصباح آب آنسزین گروه مشرکین
اوزرینه دهشتلی برهجوم ایدنجه کفره جفره سرسم کوپکه
دونوب با غلرینی قویه ره رق همان قراری فراره تبدیل
ایندیلر . و خیلجه دوه لری اغتنام اولنه رق عساکر اسلامیه
سلامت حال ایله مدینه سکینه یه عودت ایندیلر . و مشارایه
عمرو حضرتلری یکی مسلمان اولدیغنی حالدده کندینک ریاستله
اهل اسلامك بویله منصور و مظفر اوامی پک زیاده موجب
سروری اولدی ایدی . رضی الله تعالی عنه
(۳۹) ابو عبیده ابن الجراح رضی الله عنه حضرتلرینك
سواحل طرفنه واقع اولان سریه سیدر . شویله که سنه
مزبوره ده کفار قریش نقض عهد ایندکلی وجهینه قبیله سی
دخی اجرای شقاوتده بولندقلری جهته قریشک اولطرفده
بولنان دوه لرینه تعرض و قبیله مزبوره ایله محاربه ایتک
اوزره او چیوز کشیدن مرکب سواری بر فرقه عسکریه ترتیب
اولنوب سنه مزبوره رجب شریفنده مشار الیهک ریاستی
تختنده اوله رق اولطرفه سوق اولندی . و اولوقت
زخیره نك قلتندناشی بوللرده اصحاب کرامك بیه جملری
توکنوب برقاق کونلر اغاجلرک یایراقلرینی سیکوب صوابله
ایصلاده رق بییرل ایدی . و اوصره ده قیس ابن سعد

رضی الله عنه حضرتلری یولده برچوبانه راست کلوب
مدینه کندی طرفندن تأدیه ایتک اوزره برقاج دوه صاتون
آلوب برقاج کونلر عسکری اداره ایتدی . وسوا حله
وارلدقده جناب حقلک لطف واحسانی اوله رق عنبر تسمیه
اولنور دکزدن غایت بیوک بر حیوان چیقوب اون بش کون
قدر کافه عسکری طویور دقدنص کمره بر مقدارینی دخی
مدینه منوره یه کتوردیلر . اشته بو وجهله محل ماریتلرینه
کتدیلر ایسه ده کفار خاکسار دن هیچ برفرده ملاقی
اوله مدقلری جهته آما وسالما عودت ایتدیلر

(۴۰) ابوقتاده رضی الله عنه حضرتلرینک سریه سیدر .
شویله که نجد طرفنده (خفره) تسمیه اولنسان محمله کائن
عطفان قبیله سندن برفرقه باغیه نک تنکیللری ضمنده سنه
مزبوره شعبان شریفنده مشار الیه ابوقتاده حضرتلری
اون بش کشی ایله کوندریلوب برقاج کشیلری قتل وبرقاجی
اسیر وایکوز دوه ایله ایکیبیک قیون اغتام ایدیلر رک
عودت اولندی

(۴۱) ینه مشار الیه ابوقتاده حضرتلرینک (بطن اضم)
طرفنه واقع اولان سریه سیدر . وبونک سببی حضرت
فخر عالم افندمرک اکثر یا عادت شریفه لری شویولده ایدی که
منافقینک افساد اتندن و کفار خاکسار خبر آلوده تدارکات
کلیه ایله برابر حیل و خدعه ایتلرندن احتراز ایدیه جکلری
محل عامه یه خبر ویرمیوب یالکزا اصحابنک تدارکات حرییه ده
بولملرینی تنبیه بیوز ایدی . بودفعه دخی مکه مکرمه

فتحه عزم ایتدیکلری جهته بشقه برطرف ایله مشغولیت
کوسره رک کفاری شاشرمق ایچون سنه مزبوره رمضان
شریفنک ایتداسنده سکسان کشیدن مرکب برفرقه عسکریه
تشیکیلیله مشار الیه ابوقتاده حضرتلرینی (وادی اضم)
طرفنه کوندردی

(۴۲) خالد بن ولید رضی الله عنه حضرتلرینک (نخله)
دنیلان محله واقع اولان سریه سیدر . شویله که فتح
مکه دنصکرد جوارده بولنان بترک هدمی لازمکمله سنه
مزبوره رمضان شریفی نهایتنده اوتوز آتلودن عبارت بر
فرقه عسکریه ریاستیله مشار الیه حضرت خالد (عزی) نام
بتک هدمه مأمور بیوریلوب وبرموجب اراده اورایه
واریلوب هدم اولندی

(۴۳) عمرو بن عاص رضی الله عنه حضرتلرینک سریه سیدر .
شویله که مکه مکرمه یه اوچ میل مسافه بعدنده هذیل قبیله سنک
(سواع) نام بترلرینک هدمی ایچون ینه رمضان شریفنک
نهایتنده برقاج کشی ایله برابر مشار الیه عمرو حضرتلری
کوندریلوب بیتخانه نک یانه واردقلرنده بیتخانه خادمی نه ایچون
کلدکلرینی سؤالنه جوابا مشار الیه (بیتخانه نک تخریبی
ایچون کلدک) دیمسی اوزرینه خادمک (سواع طرفندن منع
اولنورسکر بواشی یا په مزسکر) دیومقابله سنی رد ایله
(وای سنک باشنه بت ایشدر وکوردی) دیدکدنصکره
بتک یانه واروب پارچه لیجه کافرک عقلی باشنه کلوب
(اسلمت الله) دیدی

(۴۴) سعد بن زید الاشجلی رضی الله عنه حضرت تریزینک
سریه سیدر • شویله که (مثل) نام محله اوس و خزرج
وغسان قبیلہ لرینک قدیمی (منات) نامندہ بر بتلری اولوب
ماه مزبورده مشار الیه سعد حضرتلری بکرمی نفر آتلو ایله
اول بتک هدمنه مأمور بیوریلوب اورایه وارنجه بتخانه
خادمی نه ایچون کلدکلرینی اکلا دقدنصکره تهدید یوللو
(اشته سزاشته منات) دیمسی اوزرینه مشار الیه حضرت
سعد بته طوغری یوروینجه باشی آچیق هلاک ایله دعا ایدرک
وکوکسینی دوکدرک قارشوشنه برسیاه قاری چیقمسيله حضرت
سعد برکره اوروب جانتی جهنمه کوندردکدنصکره بتی دخی
پارچه لیه رک عودت ایلدی

(۴۵) خالد بن ولید رضی الله عنه حضرتلریزینک مکه به
برقوناق مسافه بعدنده (یلم) ناحیه سنده ساکن بنی جذیمه
قبیلہ سنه واقع اولان سریه سیدر • وشو وجهله واقع
اولمشدرکه قبیلہ مزبوره ایله محاربه ایتمیوب یا لکنزدین حقه
دعوت ایتک اوزره سنه مزبوره شوال شریفنده مشار الیه
حضرت خالدک عهدہ ریاستنده اوله رق اوچبوز اللی کشی
کوندریلوب اورایه وارنجه قبیلہ مزبوره اهل البسی اهل اسلام
قارشوشنه مسلح اوله رق چیقوب حضرت خالد کندیلرینه
خطابا (سزنه سکز) دیوسو الله جوابا بزدین آخره میل
ایتک معناسنه اولان (صبا نا) دیملری اوزرینه حضرت
خالد بولفظی دین اسلامدن عدول ایتدکلرینه حل ایدرک
الترینک یا غلامسيله اسیر ایدلملرینی امر ایدوب اول صورتله

جمله سی تحت اسارتہ آلدیلر • بعده سحر وقتی حضرت
خالد طرفندن برکسنه اصحاب کرامه خطابا (هر کیمک
یاندہ اسیر وار ایسه قتل ایلسون) دیوندا ایلنجه بنو سلیم
قبیلہ سی کندی اسیرلرینی قتل ایتدیلر • انجق مهاجرین
وانصار اشبو امرک قبولندن قاجینه رق کندی اسیرلرینی
صالیو یردیلر • سرور عالم افندمز بو وقعه دن خبر دار
اولنجه (یا رب العالمین بن خالدک ایتدیکی ایشدن بری یم)
بیوردی • وسویلدکلری لفظدن مرادلرینک نه اولدیغنی
اکلا مقسزین حضرت خالدک بو ایشده عجله ایتدیکنی تقبیح
ایلدی • و حضرت علی افندمزی برچوق مال ایله کوندروب
جمله سنک دیت و ضررلرینی تضمین ایدرک خاطرلرینی
تطیب ایلدی

(۴۶) ابو عامر اشعری رضی الله عنه حضرتلریزینک هوازن
دیارنده (اوطاس) دینیلان محله واقع اولان سریه سیدر •
و یونک سببی حنین محاربه سندن فرار ایلان هوازن
قبیلہ سندن بر طاقی محل مزبورده اجتماع ایتدکلری خبری
ایشیدیلنجه مشار الیه ابو عامر حضرتلری بفرقه عسکریه ایله
تعقیبلرینه مأمور بیوریلوب اورایه واردقلرنده مقاتله به
کیریشوب و مشار الیه ابو عامر حضرتلری طقوز کشینی برر
برر دین اسلامه دعوت ایلیموب کندیلرندن قبول کورمدیکندن
جمله سنی قتل ایلدی • و صکره کندیسی دخی براوق ایله
اوریلوب فنا حالده یاره لندیغندن قرنداشی ابو موسی الاشعری
رضی الله عنه حضرتلرینی ریاسته تعیین و حضرت پیغمبره

سلامتک تبلیخی ایله کندوسنه خیرایله دعا لرینک رجا ایدلمسنى
وصیت ایلدی و براز وقتدنصکره وفات ایلدی . بعده
ابوموسی حضرتلرینک یوزندن ایش فتح اولنوب کفار
خاکسار مغلوب اولدی . و پک چوق اسیرلر ایله اموال
غنایم آلنه رق عودت ایلدی . و مشارالیهک سلام و نیازى
حضرت پیغمبره تبلیغ اولندقد ه آبدست آلوب کندوسنه
و قرنداشنه خیردعالر ایلدی . و اسیرلرک ایچنده حضرت
پیغمبرک س-ود قیز قرنداشی بولنوب حضور سعادتلرینه
کتورده رک کندوسنه پک چوق رعایتلر ایتدکدنصکره برکوله
و برجاریه و ایکی دوه و بر مقدار قیون احسان ایلوب
قوم و قبیله سنه کوندردی

(۴۷) طفیل بن عمر والدوسی رضی الله عنه حضرتلرینک
سریه سیدر . شویله که سرور عالم افندمز طائفه کتمکی
مراد ایتدکده مشارالیه حضرتلرینی اغا جدن یا بله
(ذوالکفین) دیدکاری برتک هدمنه مأمور بیوروب سنه
مزبوره شوالنده سریعا اورایه واروب تی هدم ایدرک
یاقدقدنصکره سرور عالم افندمز یتیشوب طائفه کتمدی
(۴۸) قیس بن سعد بن عباده رضی الله عنه حضرتلرینک
عن طرفنه واقع اولان بعثیدر . شویله که سنه مزبوره
اواخرنده مشارالیه قیس حضرتلری درتیوز آتلودن مرکب
برفرقه عسکریه قوماندانی اولوب عن طرفنه کوندریله رک
یولده دخی (صداء) قبیله س-یله مقاتلهیه مأمور قلندی .
واوصره ده (زیاد بن حارث صدائی) حضور سعادتیه

کلوب حقیقت حالی اکلامسیله (یارسول الله بن قومک مسلمان
اوللرینی متعمدم . عسکری کیرودوندی) دینجه سرور
عالم افندمز عسکری کیرو چویردی . و فی الواقع قبیله
مزبوره اون بش کوندنصکره کلوب مسلمان اولدیلر
(۴۹) عیپنه بن حصن الفزاری رضی الله عنه حضرتلرینک
سریه سیدر . شویله که طقوزنجی سنه هجریه سی محرمنده
(سقیما) نام محله ساکن بنی تمیم اشقیاسنک تکلمنه مأمور
بیوریلوب الی نفر آتلوایله محل مأموریتنه کیدرک
آب آنسزین اوزرلرینه هجوم ایله خیلجه اسیرومال غنیمت
آلهرق سالما و غانما عودت ایلدی

(۵۰) قطبة بن عامر بن حدیده رضی الله عنه حضرتلرینک
سریه سیدر . شویله که سنه مزبوره اوائلنده مکه نواچیسنده
ساکن (خنم) قبیله سی اشقیاسننه مأمور بیوریلوب بکرمی
کشی ایله محل مأموریتنه کیدرک آب آنسزین اشقیما اوزرینه
هجوم ایله برخیلجه محاربه ایدیلوب طرفیندن برقاج کشی
یاره لندی . و نهایت نصرت و مظفریت اسلام طرفنده
وقوع بولوب برقاج اسیر وخیلجه دوه و قیون آلنه رق
مدینه منوره به عودت اولندی

(۵۱) ضحاک بن ابی سفیان الکلابی رضی الله عنه حضرتلرینک
سریه سیدر . شویله که سنه مزبوره ربیع الاولنده (قرطاء)
دنیملان محله کائن بنی کلاب قبیله سنک تربیه سنه مأمور
بیوریلورق برفرقه عسکریه ایله کوندریابوب محل مأموریتلرینه
وارنجه ابتدا کفار خاکساری موعظه حسننه ایله دین حقیه

دعوت ایتدیه ده کفره بخیره اورالره یناشیموب هیچ بریسی
قولاق ویرمجه مقاله به کیریشه رک عون حق ایله کفره بی
تارومار ایتدکد انصکره برخیاچه مال عنیت آله رق مدینه به
عودت ایتدیلر

(۵۲) علقمة بن مجرز مدجلی رضی الله عنه حضرتلرینه
سریه سیدر . وبونک سببی اهالی حبشه دن برطاقم اشقیا
(جده) طرفلرینه کلوب اهالی بی راحتسز ایتدکاری
ایشیدیلجه مشارالیهک تحت ریاستنده اوله رق سنه مزبوره
صفرنده او چیوز کشی کوندریلوب جزیره داخل اولدقلری
آنده اشقیا قراری فراره تبدیل ایتدکارندن عودت اولندی
(لطیفه) اثنای عودتده عسکر دن بعضلری عجله ایدوب
آرقداشلرندن آیرلدقلری جهته عبدالله بن حذافه حضرتلری
کندیلرینه رئیس نصب اولندی . و مشارالیهک طبیعتی
مزاحمه مائل اولدیغندن عسکر برمحله قونوبده آتش یاقدقلرنده
(بن سزک ادیرکز بولندیغم جهته بکا اطاعت ایتدکز لازمدر
هایدی آتسه کیریکز) دیمسی اوزرینه برطاقی امثال امره
قالقیشجه (اوتوریکز بن سززه لطیفه ایتدم) دیدی .
واشبو امری حضرت پیغمبره خبر ویردکلرنده (هرکیم سززه

برمعصیت ایله امر ایدرسه اطاعت ایتدیکز) بیوردی
(۵۳) علی بن ابی طالب کرم الله وجهه حضرتلرینه
سریه سیدر . مشارالیه حضرتلری سنه مزبوره ربیع الاخرنده
یوز الی کشی ایله (طی) قبیله سنک (فلس) دیدکاری
بتک هدمنه مأمور بیوریلوب محل مأموریتلرینه وارنجه

آپ آنه سزین هجوم ایله بتخانه بی تخریب ایتدکد انصکره
برخیلیجه اسیرومال عنیت آله رق عودت ایلدی . واسرای
مرقومه آره سنده مشهور حاتم طیک قزی اولوب حضور
رسول الله کتورلدکده پدرینک جودوسخا سنه حرمة
کندیسنه خیالیجه احسانلر ایدرک آزاد ایدوب قومنه
کوندردی . وقرنداشی عدی بن حاتم شامه فرار ایتش ایکن
سرور عالم افندمزک بولطف و مروتی ایشیدیلجه مدینه
منوره به کلوب شرف اسلامی قبول ایلدی
(۵۴) ابوموسی الاشعری ومعاذ بن جبل رضی الله عنهما
حضرتلرینه یمن قطع سنه واقع اولان بغلریدر . قطعه
مزبوره اهالیسنه احکام دینیة اسلامیه تعلیم ایتک اوزره
اوتنجی سنه هجریه سنده هربری برطرفه مأمور ایدیلر رک
کوندردی . وکندیلرینه خطابا (ایشی قولای طوتک
کو چلشدیرمیک . و تبشیر ایدیکز تنفی ایتدیکز) دیوتنبه
اولندی . ایکبسی دخی مأمور بیورلدقلری وجهله کیدوب
یمن قطع سنی اهالیسنه احکام شرعیة بی تعلیم ایله دین اسلامی
نشر ایتدیلر . وبو ائنده سرور عالم افندمز طرف طرف
امیرلر و والیلر نصب و تعیین ایلدی

(۵۵) خالد بن ولید رضی الله عنه حضرتلرینه نجران
طرفنده (بنی عبدالمندان) قبیله سنه واقع اولان بعثیدر .
شویله که سرور عالم افندمز مشارالیه حضرتلرینی برفرقه
عسکریه به رئیس نصیبه سنه مزبوره ربیع الاولنده قبیله
مزبوره خلقنی دین حقه دعوت ایتدکه مأمور بیوروب

ودین حقدن اعراض ایتدکاری صورتده مقاتله ایتکی دخی
اراده ایلدی . مشار الیه حضرتلری بر موجب اراده اورایه
واروب موعظه حسنه ایله خلقی دین حقه دعوت ایتسی
اوزرینه جله سی عرض انقیاد ایدرک شرف اسلامی قبول
ایتدیلر . و بر طاقی دخی عساکر اسلامیه ایله برلکده مدینه
منوره یه کلوب سرور عالم افندمز ایله کورشدیلر . و طرف
رسالتدن مملکتلرینه بر والی نصب اولندی

(۵۶) علی بن ابی طالب رضی الله عنه حضرتلرینک یمن
طرفنه واقع اولان سریه سیدر . مشار الیه حضرتلری
اولحوالیه بولنان بقیه اشقیانک تأدینه مأمور اولوب سنه
مزبوره رمضان شریفنده اوچیوز نفر آتلو ایله محل مأموریتنه
کیدرک کندوسی بر موقع انتخاب ایله عسکرینی اطرافه
طاغیدوب بر خلیجه اسرا و اموال غنیمت کتوردیلر . بعده
جماعت اشقیایه تصادف اولندقدن دین اسلامه دعوت اولوب
قبول ایتدکلرندن بشقه اوق آتمغه قالدقشملری اوزرینه
حضرت علی افندمز شدتلی بر هجوم ایدنجه بکرمی کشیلری
قتل اولنسیله باقیلری منهزما طاغیدیلر . بونک اوزرینه
عساکر اسلامیه کندیلرینی تعقیب ایتدوب بتکرار دین اسلامه
دعوت ایدنجه طرف حقدن هدایت ابریشهرک دین اسلام ایله
مشرف اولدیلر . آندنصکره عساکر اسلامیه عودت ایدوب
سرور عالم افندمز اول سنه حجه کتدیکی جهته مکّه ده
کندیسنه یتشدیلر

(۵۷) اسامة بن زید بن حارثه رضی الله عنه حضرتلرینک

(بلقاء) نواحیسنندن (شرقات) نام ناحیه ده کائن کفره
روم اوزرینه واقع اولان سریه سیدر . شوبله که سرور
عالم صلی الله علیه وسلم افندمزک پک سوکیلو اصحابندن
مشار الیهک پدری زید بن حارثه حضرتلری مقدا اولطرفه
شهید اولوب پدرینک انتقامنی آلق و مدینه اشقیانک تجارتلری
اک زیاده شام طرفیه اولدیغندن اشقیای رومی دفع و تنکیل
ایدرک یوللری تأمین ایتدک مقصدیله اون برنجی سنه هجریه سنک
صفری نهایتنده مشار الیه اسامه حضرتلرینی سرعسکرلک
منصب جلیله تعیین ایله ناحیه مزبوره یه کوندرمک اوزره
مکمل براردو ترتیب بیوریلهرق خارج مدینه ده (جرف)
نام محله قورلدی . و اشبوسفر ایچون وجوه مهاجرین
و انصار کرامک جله سی حاضر لندقلری جهته بر طاق
کسه لر وظیفه سزلک ایدرک اسامه حضرتلری غایت کنج
اولدیغندن (بو قدر وجوه و اشراف اوزرینه بویه برچوق
سرعسکر ایلدی) دیوسویلدکاری حضرت پیغمبرک
معلوم نبویلری اولنجه کوجنه کیدوب ربیع الاولک اوننجی
جعه ابرتسی کونی خسته اولدیغنی حالدّه منبره چیقوب بومقوله
سوزلرک تفوهی لایق اولدیغنی بیان ایله خلقی ابقاظ ایدرک
نصیحت بیوردقدنصکره ینه خانه سعادتلرینه تشریف ایتدیلر .
وسفره کتمک اوزره حاضر لنان اصحاب کرام بلوک بلوک حضور
سعادتلرینه کله رک و داعلشوب اردو کا هارینه کتدیلر .
پازار کونی کلنجه سرور عالم افندمزک خسته لکی زیاده لشدی
واو آراق اسامه حضرتلری دخی حضور سعادتّه کله رک

وداعلا شفق ایستد یسه ده سرور عالم افند من خسته لیکنک
شدنندن کند یسه هیچ برشی تکلم ایده مدی . انجق مبارک
المرینی سمایه طوغری قالدیرر و صکره اسامه حضرتلرینک
اوزرینه وضع ایدردی . اشته بو حال شریفندن
اسامه حضرتلری کند یسه دما اولندیغنی و حضرت
بیمبرک خوشنودیتی اکلا یوب بویوزدن منون اولدیسه ده
سرور جهانک اودرجه ده خسته لیکنی کوردیکنندن
پک زیاده محزون و مکدر اوله رق یانندن آیریلوب
اردوگاهه کتدی . ایرتسی کونی حبیب اکرم بر مقدار
افاقت بولوب مسجد شریفه کیدرک حضرت ابی بکر الصدیق
آرقه سنده نماز قیلدی . واسامه حضرتلرله وداعلشوب
محل ماموریتنه کتسنی تنبیه بیوردقدن صکره یسه خانه
سعادتلرینی تشریف ایلدی . بونک اوزرینه حضرت
اسامه اردوگاهه واروب عسکرک بازار ایرتسی کونی حرکت
ایملرینی امر ایلدی . وعسکر دخی حاضرلنوب یوله چیقیمق
صره لرنده ایکن حضرت اسامه نک والده سی ام ایمن حبیب
اکرمده موت علامتلرینی کورده سیله اوغلنه خبر کوندر .
در عقب اسامه وعمر وابوعبیده رضی الله عنهم حضراتی
بتیشوب همان اول کون یعنی ربیع الاولک اون ایکنجی
بازار ایرتسی کونی کونش قاشمغه میل ایتدیکی صره ده
اول حبیب کبریا علیه من الصلوات اوفیه افند من حضرتلری
دار فنادن هجرتله دار بقای تشریف بیوردیلر .
حضرت فخر رسالت دار آخرتی تشریف بیورنجه اردوگاهه

بولنان عسا کر اسلامیه مدینه منوره به کلدیلر . وسنجقدار
(بریده) رضی الله عنه حضرتلری دخی سنجاغ شریبنی
کتوردوب حبیب اکرمک قیوسی اوکنه دیکدی . بعده
ابوبکر الصدیق رضی الله عنه حضرتلری خلیفه رسول الله
اولوب اهل اسلام کندوسنه بیعت ایدنجه یسه مشار الیه
اسامه حضرتلری سر عسکرک منصب جلیله تعیین بیوربله رق
سنه من بوره ربیع الآخرینک غره سنده محل ماموریتلرینه
کوندرلدی . و خلیفه رسول الله ابوبکر الصدیق حضرتلری
بیاده واسامه حضرتلری آتلو اولدقلری حالد شهرک
خارجنه چیقاربله رق برخیلجه مسافه بره قدر تشیع اولندی .
اشته بوجمله محل ماموریتلرینه کیدنجه جناب واجب الوجود
حضرتلری نصرت ومظفریت احسان ایلوب کفره جفره
اوزرینه هجوم ایله برخیلجی قتل و برخیلجی دخی اسیروخانه
وخرمالری احراق بالئار واسامه حضرتلرینک پدرینی شهید
ایلیان کافر دخی قتل ایدیلرک عسا کر اسلامیه به هیچ بر ضرر
وکدر اصابت ایتکسزین سالما وغانما مدینه منوره به عودت
اولندی . و ابوبکر الصدیق حضرتلری اهالی ایله برابرجه
عسا کر اسلامیه نک استقباله چیقایلر . اشته بوسریه
حبیب اکرمک الک نهایت و خلیفه سنک الک اول ترتیب ایتمش
اولدقلری بر سریه در . والله تعالی اعلم بحقیقه الحال
(اخطار) حضرت فخر عالم صلی الله تعالی علیه وسلم
افند منک دار آخرتی تشریف لرنده صکره اصحاب کرامک
غزواته وسرایا سی و فتوحات عظیمه لری پک چوق اولوب

کتابک حجی بوکا تحمل اولدیغندن تحریدن صرف نظر
اولمشدر . مطلع اولسی آرزو ایدنلر معیر اولان کتب
سیره مراجعت ایلسونلر . انجیق اصحاب کرامک آده لرنده
اولان بمض وقوعات شیععه و روافضک سوزلریله مخلوط
اولدیغندن شایان اعتماد و امنیت اولدیغنی اخوان دینه
اخطار اولنور

ایکی مقصدی شامل اولوب مقصد اول اصحاب کرام

حضراتک بعض احوالی بیانده در

(اصحاب) صاحب لفظنک جمعی اولوب حسن الفت و معاشرت ایتک و یار و همدم اولوق معناسنه اولان صحبت کلمه سندن مأخوذدر . و صحابه کلمه سی دخی هر نقدر اسم مصدر ایه ده اصحاب لفظی کبی مقام جمعه استعمال اولنور . اما اصطلاح اهل حدیث و سیره (اصحاب) اهل اسلامدن اوله رق حبیب اکرم صلی الله تعالی علیه و سلم افند مرز حضرت تریله حسن الفت ایتش و یاخود جلال دلاراسنی کورمش و مرتد اولوب اولنجیه قدر اسلامیت اوزره ثبات ایتش اولان ذوات کرامه اطلاق اولنور . ایدی بو صورتده مسلمان اولدقدنصکره (العیاذ بالله) مرتد اوله رق وفات ایلیا نلره بالا تفاق اصحاب اطلاق جائز اولمز و روایتلرینه دخی قطعاً اعتبار اولمز .

عبدالله بن جحش و ابن خطل کبی . انجیق بعدالارتدادینه شرف اسلامی قبول ایدنلر قول صحیح کوره اصحاب کرامدن عد اولدقلری کتب سیره مسطوردر .

(اما اصحاب کرامک اعدادی) حضرت فخر عالم افند مرزک زمان بعثتدن دار آخرتی تشریف ایلدیکی زمانه دکین اطراف واکافده یک چوق قبائل و سائر خلق شرف اسلامی قبول ایتدکلری جهته جناب حقندن غیری نه مقدار اولدقلری یقیناً هیچ کسه نك معلومی دکدر . بو کابناء بعض کسه لرك (حضرت یغمبر دار آخرته انتقال ایلدیکی صوره ده اصحاب

کرامک موجودی یوز یکرهی در تیمک کشیدن عبارت ایدی) دیدکلری تخمینی اولدیغندن بر قول معتبر اولدیغنی آشکاردر .

(اما اصحاب کرامک فضائلی) جناب واجب الوجود حضرت تریله ک قرآن جلیله حسن ثلرینه و کندیلرندن راضی اولدیغنه دائر یک چوق آیات جلیله انزال بیورمه سیله ثابتدر . ازان جمله سورده فتحده حبیب اکرمک رسالتی احسن وجهله تصدیق بیوردقدنصکره اصحاب کرامک علوقدر و شالری حقنده اشد . بو آیات جمله بی انزال بیورمشدر (والذین معه اشداء علی الکفار رجاء بینهم) یعنی محمد علیه الصلوة والسلام حضرت تریله اولان اصحاب کرام کفار خاکسار اوزرینه غایت شدتلی وبری برلرینه مرحمتلوردر . (تریمم رکعاً سجداً یبتغون فضلاً من الله ورضواناً) جناب اللهم دن فضل ورضوان طلب ایتدکلری حالده سن آنلری راکع و ساجد اوله رق کوررسین . (سماهم فی وجوههم من اثر السجود) آنلرک علامتلی سجود اثرندن یوزلرنده ثابتدر . شو وجهله که کثرت صلات و کیمه اویقولرینی ترک ایتدکلری جهته یوزلری نور کیدر که هر کورن کندیلرینه میل و محبت ایدر . (ذلك مثلهم فی التوریه) اشته

شویان اولسان وصف آنلرک توراتده کی وصفیدر . (و مثلهم فی الانجیل) اما انجیلده کی وصفلری (کزرع اخرج شطأه فأزره فاستغلظ فاستوی علی سوقه یحب الزراع) اصحاب کرام اول براکین کیدر که ابتدا فلیرلرینی چیقارر و عقبنده اکا تقویت و یرد بعده قالبلاشه رق ساقی اوزرینه

طوغریلوب طورر واکینک بو وجهله اولان اوضاعی
 زرائک عجب وحیرتی موجب اولور . (لیغیظهم الکفار)
 اصحاب کرامک بو وجهله اولان اوصافی کفاری غیظ
 و غضبه کتورمک ایچوندور . فی الواقع دین مبین اسلام بدایت
 تشکلهده بره اکیلان بر تخم کبی قلیل اولوب صکره جناب
 حقک لطف و کریمه اصحاب کرامک شرف اسلامی قبول
 ایلری اوزرینه هر طرفه شعبه لهرک عجب وحیرتی موجب
 اوله حق درجه ده تکرار ایله اوله بر منظر لطیف و شکل
 نظیف پیدا ایلدی که کفره فخره نک حسد لر ند ناشی
 تا حکر لرینه تأثیر ایلوب و کوز لرینه دیکن اولوب ظاهرا
 و باطنا بصیرتلی قیاندی . و صکره دخی طیب حاذقه
 مراجعت ایتدکار ندن فلاح و ظفر بوله میوب نار سعیره قدر
 کیدرک بسبتون هلاک اولدیلر . واشبو حال فلاکت اشغال
 اولاد و احقادینه دخی سرایتله نیچه نیچه میلیونلر نفوس انسانیه
 کفر و ضلالتده قاله رق هلاک اولدی و الان اولمده در .
 (وعد الله الذین آمنو و عملوا الصالحات منهم مغفرة واجرا عظیما)
 اصحاب کزیندن اولوبده ایما نلرنده ثبات ایله اعمال صالحه
 ایشلیا نلره جناب الله مغفرت و اجر عظیم وعد ایلدی .
 اشته بو آیات جلیله اصحاب کرامک تمامیه اوصاف جلیله لرینی
 شاملدر . شویله که اصحاب کرامک اعدای دین اوزرینه
 شدید و غلیظ و بری بر لرینه رحیم و شفیق اولدقلری و کثرت
 عبادت و حسن نیتلری و اعظم مطالب انسان اولان جناب حق
 طرفندن کاهلرینک عفو بوله مغفرت و اجر عظیمه نائل اوله جقلری

بیان اولندی . و حتی امام مالک (رحمه الله) حضرتلری
 بو آیات جلیله ایله استدلالات ایلوب اصحاب کرامه عداوت
 ایلیمان روافضی تکفیر ایلشدور . و حاصل استدلالی دخی
 شو وجهله در . اصحاب کرامک اوصاف جلیله لری روافضی
 غیظ و غضبه کتورر . و هر کیم که اصحاب کرامک اوصاف
 جلیله لری کندوسنی غیظ و غضبه کتورر کافر در . ابدی
 رافضی لر دخی کافر درلر اما صغیرانک بیانی کندی اقرار لر ایله
 ثابتدر . و اما کبری (لیغیظهم الکفار) آیت جلیله سیه
 ثابتدر . نتیجه ساینده کندیلری دوشونسونلر . و برده سوره
 توبه ده (والسابقون الاولون من المهاجرین والانصار
 والذین اتبعوهم باحسان رضی الله عنهم و رضوانه واعد لهم
 جنات تجری تحتها الانهار خالدين فیها ابدًا ذلک الفوز العظیم)
 آیت جلیله سیه مهاجرین و انصارک حق عالیرنده درت
 امر بیان اولندی . (برنجیسی) جناب اللهم کندیلرندن
 راضی اولدیغی (۲) آنلرک جناب اللهم راضی اولدقلری
 (۳) جنات عالیات ایله تدشیر اولملری (۴) جنات عالیه
 مخلد اولملری در . و شوراسیده جای اشتباه دکدر که
 ابی بکر الصدیق و عمر الفاروق و عثمان ذی النورین
 و علی بن ابی طالب رضی الله عنهم حضراتی مهاجرینک
 سابقین اولمندن اولدقلری جهته کندیلرنده امور اربعه
 مذکورده ثابتدر . بو جهته کندیلرینه دیل اوزادانلرک
 خطای عظیمه واقع اولدقلری شبهه کتوررشی دکدر .
 وینه سوره جلیله مزبورده ده (الذین آمنو وهاجروا

وجاهدوا في سبيل الله باموالهم وانفسهم اعظم درجة عند الله
 واولئك هم الفائزون * يبشرهم ربهم برحمة منه ورضوان
 وجنت لهم فيها نعيم مقيم خالدين فيها ابدان الله عنده اجر
 عظيم) آيت جليله سبيله مهاجرين كرام حقنده درت امر
 بيان اولندي (برنجیسی) جناب اللهك عندنده درجه لرینك
 الك بيوك اولديغي (۲) مراد لرینه فائز و نائل اولملى
 (۳) رحمت و رضوان و جنت عاليات ايله تبشير اولندقلرى
 (۴) جنت عالياتده مؤيد اولدقلرى در . هله بو آيت
 جليله ده اولان تاكيدات جالب دقتدر .

وينه سورة جليله من بوره ده واقع (لكن الرسول والذين
 امنوا معه جاهدوا باموالهم وانفسهم واولئك لهم الخيرات
 واولئك هم المفلحون * اعد الله لهم جنات تجري من تحتها الانهار
 خالدين فيها ذلك الفوز العظيم) آيت جليله سنده مؤمنين
 مجاهدينك اوصاف جيله سندن درت وصف ذكر اولندي .
 (برنجیسی) خيرات و حسنات صاحبلى اولدقلرى (۲)
 اهل فلاح و نجات اولدقلرى (۳) جنت عاليات ايله موعود
 اولدقلرى (۴) جنت عالياتده مخلص اولدقلرىدر .
 و خلفاء راشدينك مؤمنين مجاهدين اولدقلرى شبهه سز
 اولديغندن اوصاف اربعة مذكوره ده داخل اولدقلرى
 بديهيدر .

و برده سورة آل عمرانده (كنتم خيرامة اخرجت للناس
 تأمرون بالمعروف وتنهون عن المنكر وتؤمنون بالله) آيت
 جليله سبيله اصحاب كرامك اوج درلو مدح و ثنلارى بيان

بيورلمشدر (۱) اصحاب كرامك الك خيرلى امت اولدقلرى
 (۲) كمال استقامت و عدالت لرينه دلالت ايليان امر بالمعروف
 و نهى عن المنكر ايتدكلرى (۳) الله ذوالجلال حضرت لرينه
 مؤمن اولملى . و برده سورة حجر اتده (ولكن الله
 حبيب اليكم الايمان وزينه في قلوبكم وكره اليكم الكفر
 و الفسوق و العصيان اولئك هم الراشدون) آيت جليله سبيله
 اصحاب كرامك محب ايمان اولدقلرى و كفر و فسق و عصيانندن
 خوشلا نمدقلرى و راشدين اولدقلرى بيان بيوريله رق
 ثنا اولتمشدر . بوجهله اصحاب كرامك حق عاليارنده
 اوصاف مز بوره لك اضدادى اعتقاد ايليانلرك وادى
 ضلالتده قالدقلرى شبهه ايديله جك شى دكلدر . و آنلرك
 حسن ثنلارى حقنده دهايك چوق آيات جليله وار ايسه ده
 مدعا مزك اثباتى خصوصنده مع زياده بو مقدارك كافى
 اولمىندن كتب تفاسير و سيره احاله ايدرك مقدار مز بور ايله
 اكتفا اولتمشدر

(حكم شرعى) حضرت فخر عالم افند مزك اهل بيت و ازواج
 و اصحابنى سب ايلك و قدر عالي لرينى نقصان ايتك حرامدر .
 و بوفعل قبيحه جرئت ايليان ملعوندر . زيرا سنده متصل ايله
 حضرت پيغمبردن روايت اولتمشدر كه (بنم اصحابك حقنده
 اللهم دن قور قيكز بنم اصحابك حقنده اللهم دن قور قيكز) و اشبو
 وجهله واقع اولان تاكيداتده كى مبالغه جاي دقتدر (بندن صكره
 اصحابى محل طعن اتخاذايتيكنز . بنم اصحابى سون بكا اولان
 محبتى سبيله سورة . و بنم اصحابه بغض و عداوت ايليانلر

بکا اولان بغض و عداوتلری سببیه در . اصحابه اذیت
ایلیانلر تحقیق بکا اذیت ایتشلدرد . و بکا اذیت ایلیانلر جناب
الله اذیت یعنی رضای شریفنه مخالفت ایتدکاری جهته
دنیا و عقباده مؤاخذه اولنه جقلری شبهه سزدر (یور مشدر .
و بردها حدیث شریفنه (بنم اصحابی سب ایتیکز . هر کیمکه
بنم اصحابی سب ایدرسه آنک او زینه جناب الله و ملائکه
کرام و کافه ناسک لغتلی واقعدر و جناب الله آنک هیچ
بر فعل خیرینی قبول ایلز) یور مشدر . و بردها حدیث
شریفنه (بنم اصحابی سب ایتیکز . و تحقیق بندن صکره
آخر زمانده بر قوم سوء کله جکدر که بنم اصحابه سب ایدرلر .
بومثلا و کسه لک جنازه لرینی قبله کز . و قز آلوب و برهیکز .
و ضرورتسز کندیلر یله کورشمیکز . و خسته اولدقلرنده
عیاده لرینه کتمیکز) یور مشدر . اشته بو احادیث شریفه ایله
حضرت پیغمبر امتنه شونی بیلدر دی که اصحاب کرامنه
سب و اذی ایدنلر کندوسنه اذی ایتش اولورلر حا ابو که
حضرت پیغمبره اذی و جفا ایتک حرام و بلکه کفر در .
بو کابناء اهل اجتهادک بیانلرینه کوره انبیای کرامدن
هر قنغی بر پیغمبری سب ایلیان ملعونلرک قتل اولملری
لازمدر . و اصحاب کرامی سب ایتکه جرئت ایلیان
فاجرلرک شدتلی ضرب و تنکیل و حبس مدید ایله تعذیب
و تأذیب اولملری لازمدر . انجق حکم مذکور عادی
اوله رق سب ایلیانلر حقنه اولوب یوخسه اصحاب کرامدن
ارتدادی ظاهر اولیان هر قنغی بر صحابی بی (العیاذ بالله) کفر

و ضلاله نسبت ایلیانلر نص قرآنه مخالفلری سببیه تکفیر
اولنه رق قتل اولملری واجبدر . و کذلک حضرت عایشه
صدیقہ رضی الله عنها والده مرک نهمت زنادن بری اولدیغی
(سبحانک هذا بهتان عظیم * يعظکم الله ان تعودوا لمثله ابدا
ان کنتم مؤمنین) نص جلیلله ثابت اولد یغندن کند و سنه
دیل اوزادن فاجرلرک دخی جانلری مالک جهنمه سپارلش
اولنه رق قتل ایدملری واجبدر . و خصوصیه شیخین
یعنی ابوبکر الصدیق و عمر الفاروق رضی الله عنهما حضرتلرینه
اطاله لسان ایله بغض و عداوت ایلیانلری تکرار تکرار
ضرب ایتک و موتلرینه قدر حبس ایتک واجبدر . انجق
توبه صحیحه ایله توبه ایده جک اولورلر ایسه حبسدن
چیقاریلورلر . و تواریخ معتبره ده یازلمشدر که حضرت عمر
افندمرک اوغلی عبید الله اصحاب کرامدن مقداد بن الاسودی
سب ایلدیکی مشارالیه حضرتلرینه بالغ اولتجه سیاست اوغلبنک
دیلنی کسمکه قالقشمسی اوزرینه اصحاب کرام توسط ایدوب
کوج حال ایله قورتاره بیلدیلر . و برده امام اعظم
(رحمه الله تعالی) حضرتلرینک وقتنده روافضدن بری
حضرت عثمان افندمره زیاده سیله دیل اوزادوب (نعوذ بالله)
یهودی دیمکه قدر جرئت ایلدیکنندن بر کون امام مشارالیه
حضرتلری رافضی مزبورک یاننه واروب کندوسنه خطابا
(ای کشی سنک قیزینی فلان یهودی صرافنه نکاح ایتک استرم
نه دیر سین) یور مسی اوزرینه رافضی جوابنده (سن
امام المسلمین ایکن بنم قیزی بر یهودی صرافنه و بر مملکی

لایق کورده یسین) دینجه حضرت امام (ای کشی سن حضرت پیغمبر دن دها بیوکیسین) دیوسو الله جوابا را فضی (حاشا بن حضرت پیغمبر دن دها بیوک فصل اوله بیلورم) دیدی . بونک اوزرینه حضرت امام (ای کشی سنک اعتقاد فاسد نجه حضرت عثمان (العباد بالله) یهودی اولدیغی حالده حضرت پیغمبر ایکی کریمه محترمه لرینی کندوسنه تزویج ایلدی) دینجه شاشقین رافضینک عقلی باشنه کلوب همان اول ساعته تائب و مستغفر اوله رق مسلمان اولدی .

(تنبيه) معلوم اوله که اهل سنت و الجماعة علماسنک اتفاقلری شوونک اوزرینه ثابتدر که کاذبه اصحاب کرامک افضل واک بیوکی ابو بکر الصديق حضرتلریدر . بعده عمر الفاروق حضرتلریدر . انجق بعض علمای اهل سنت علی بن ابی طالبک عثمان ذی النورین اوزرینه تفضیل اولمسنه و بعضلری ایکیسنک مساواتنه ذاهب اولمشلر ایسه ده جمهور علمای و محدثینک تحقیقاتنه کوره اصحاب کرامک افضلینلری خلاقلرینک ترتیبی اوزره اولدیغندن عثمان ذی النورین حضرتلرینک علی بن ابی طالب حضرتلرندن افضل اولدیغی آشکار اولمغله انلرک ذاهب و قائل اولدقلری قول شایان اعتبار اوایوب بری برلرندن افضلینلری خلاقلرینک ترتیبی اوزره اولدیغی دها زیاده قبوله شایاندر . و جمهور علمانک دلیللری صحیح بخاریده بیان اولدیغنه کوره ابن عمر رضی الله عنهما حضرتلری دیمش که (بزحیب اکرمک زمان سعادتده اصحاب کرامک الک زیاده خیر لوسی ابو بکر الصديق صکره عمر الفاروق

وصکره عثمان بن عفاندر . دیرایدک) و روایت اخراده (بز حضرت پیغمبرک زمان سعادتده افضل امت محمد ابو بکر الصديق بعده عمر الفاروق و صکره عثمان ذی النوریندر دیرایدک) و حضرت پیغمبر بزم دیدیکمزی ایشدیکنده انکار اینز ایدی) واقع اولمشدر . و برده جناب الله خلفاء راشدین حضرتانی حبيب اکرمک خلافتنه و دین اسلامک اقامه سنه اختیار ایتدیکندن عندالممیسنده رتبه و منزله لری خلاقلرینک ترتیبی اوزره اولدیغنده اصلا شبهه یوقدر . و مشارالیههم خلفاء راشدیندن صکره افضل امت التي کشی اولوب یعنی طلحه و زبیر و سعد و سعید و عبد الرحمن بن عوف و ابو عبیده عامر بن الجراح حضرتلریدر که خلفاء راشدین ایله برابر بوذوات کرام جنت ایله تبشیر اولندقلرندن مجموعنه عشره مبشره اسمیه اولنور . (رضی الله عنهم و نفعنا الله بشفاعتهم آمین)

(تنبيه) خلفاء اربعه رضی الله عنهم حضرتانک افضالینلری بیان اولندیغی و جمهله ترتیب معلوم اوزره اولمغین دینجه دخی اولو جمهله کندیلرینه محبت ایتمک لازمدر . بوصورته برکسنه ترتیب مذکورى انکار ایله حضرت علی افندمری جمهله سنک اوزرینه تفضیل ایدرسنه اهل سنت و الجماعة مذهبندن خارج اولوب فرق ضالهدن اولدیغی شبهه سزدر . و برده افضلیتجه ترتیب مزبوری اقرار ایدوبده دینجه حضرت علی افندمری زیاده محبت ایده جک اولورسنه اعتقادنده تناقض ایدوب نه فرق ضالهدن عد اولنور . انجق سلسله

نسبی حضرت علی افند مرک سلاله طاهره سنه منتهی
و یا خود دیگر بر جهته کند و سنه مناسبت تاهه سی بولند یغی
جهته زیاده محبت ایدرسه محبت مرز بوره بر امر دنیوی
اولد یغندن اعتقادنده تناقض ایتمی لازم کلیموب اهل سنت
مذ هبندن خارج اولمز (والله تعالی اعلم بحقیقه الحال)
امام طبری حضرت تلرینک (ریاض) کتابنده بیان اولد یغی
وجمله انس رضی الله عنه حضرت تلرینک روایتنده واقع اولمشدر که
حبیب اکرم صلی الله علیه وسلم افند مرمت مر حومه سنه خطابا
(ای امت و اصحابم تحقیق جناب الله سزک اوزر یکزه صلات
و زکات و صوم و حجی فرض قیلد یغی کی ابوبکر و عمر و عثمان
و عاینک محبتلرینی فرض قیلمشدر . ایددی هرکیم انلرک فضل
و کماللرینی انکار ایدرسه کند یسندن صلات و زکات و صوم
و حج عبادتلری قبول اولمز) بیورمشدر . وینه مشارالیه
حضرت تلرینک روایتنده واقعدر که حبیب اکرم (ابوبکر)
محبت ایتمک بنم اتمک اوزرینه واجبدر) بیورمشدر .
(تمشیل) بر قورد ایله تیلکینک بری اولادقلرینی برابرجه یتک
اوزره عقد مرافقت ایلوب کونک برنده برقیون اولادقلرنده
قورد انک اعلی یرلرندن یتکه با شلامش . مسکین تیلکی
ایسه قوردک یا نه صوقلمغه جسارت ایده مدیکندن برکاره
چکیلوب اشکبه دن یتکه قالقشمسی اوزرینه قورد کند و سنه
خطابا (ارقداش نیچون ات یتکه کلیمورسین) دیمسنه جوابا
تیلکی (حکمدان ایشندیکه کوره اشکبه دنک چوق خاصیتلری
واردد اکا بناء ات یتیمورم) دینجه قورد قهقهه استمزا

ایله کوله رک (پهی مسکین یوزک و کوز یکک نجاسته
بولاشدیغنه باقیوبده علم حکمتدن بحث ایده یورسین) دیمش .
اشته بونک کی مسائل اعتقاد و طهارت و سایر احکام دینییه دن
بی خبر بر طاقم اقوام جهله عرفان دعوا سنده کزوب اهل
سنه منکر دیه رک و کندیلرینه محب خاندان عنوانی ویره رک
اصحاب کرامک حق عالیلرنده اطاله لسان ایله درلودرلو
هذیانلر ایدرلر . و بر طاقی دخی هر نقدر جاهل دکللر ایدسه ده
بومتللو کروه ابلهانه واقع اولان ریاستلرند نطولای (العیاذ بالله)
جاده استقامتدن آیریلهرق عنادا واستیکار اهم ضال و همد
مضل اولورلر .

ای امت محمد میزان انصافی اله آله لم . عقلمزی باشمزه طویلایوب
کوزلجه دوش-ونه لم . اصحاب کرام فدای جان و جهان
اید رک صوک نفسلرینه قدر بودین مبین احمدینک نشرینه
چالشدیلر . و همدده موفق اولدیلر . اجداد مرزی کفر
و ضلالدن قورتاروب سبب هدایت اولدیلر . آنلرک
بوهم عالیه سی اولمیدی عجب بزی دینسزلکدن کیم
قورتاده بیلوردی . بویله بریوک افندیلکلرینی اونودوبده
آنلره دیل اوزاتمق شان انسانیتیه دوشمری . قوم یهود ایله
انصارادن عبرت آلملی که وقتیه احکام دینییه لرینی محافظه
ایده جک اصحاب حیتلری بولنه مدیغندن بیچاره لر بد اغیاره
دوشوب کتابلری تبدیل و تحریف اولندی . و قطعاً دینه
مناسبتی اولمیان بر طاقم عادات باطله عبادت اتخاذ ایدیه رک
دنیوی و اخروی سبب هلاکلی اولدی . بونلر کوزلریمز

اوکنده طور در کن بر طاقم یلانچی مردار لک سوزلرینه
قایله رق جمعیت اسلامیہ آرسنه تفرقه دوشور مک و جاده
استقامتدن آیرلق لایقیدر . بو مثالو اعتقادات فاسده
ضیای نور اسلامدن کوزلری قاشمش بر طاقم حسود و دین
دشمنلرینک القات شیطانیه لرندن اولدیغنی شبهه ایدیه جک
شی دکادر . اما اصحاب کرامک آرهلرنده بعض کونا وقوعات
اولمش ایسه ده هر برینک بر حجل صحیحی اولقله برابر بز انلرک
تحقیقه . امور دکیلز . باخصوص که شیعه ور و افضک
سوزلریله طولدیرلش تاریخله صحیح نظر یله باقوبده محققین
علمای دینک تحقیقاتنی از دل و جان قبول ایتمک قنغی بر عقل
سلیمک ایسیدر . و الحاصل هر کس کندی وظیفه سنی بیابوب
حدنی تجاوز ایتمایدر . ونقطه اتحاد اسلامدن آیرلما ییدر .
والسلام علی من اتبع الهدی

﴿ مقصد ثانی مجتهدین عظام حضراتک ﴾

﴿ بعض احوالی بیاننده در ﴾

(مجتهد) بذل مقدور ایدرک چالشقی معناسنه اولان اجتهاد
کله سندن مأخوذ در . معنای شرعی حکم شرعی
حقنده ظن غالب تحصیل ایتک ایچون فقیه اولان ذاتک
تمامیله وسع و قدرتنی بذل ایتمسندن عبارتدر . اول بر درجه ده که
آنک اوزرینه زیاده ایتک خصوصنده کندی نفسندن
عجز حس ایله . و اجتهادک شرطی مجتهد اولان ذاتک
امور ثله به آشنا اولسیدر . (۱) قرآن عظیم الشانک
معانی لغویه و شرعیه سنی یعنی مفردات و مرکباتک معانی سنی

و افاده ده اولان خواصنی بیلمسیدر . (۲) متن حدیث
وسندلرینی یعنی تواتر و شهرت و آحاد طریقلرندن قنغی
طریق ایله حدیث شریفک بزه و اصل اولدیغنی و راویلرینک
احوالنی و جرح و تعدیل اصولنی بیلمسیدر . (۳) شرائط
و احکام و مقبول و مردود یله برابر و جوه قیاسی بیلمسیدر .
(اما اجتهادک حکمی) خطاء اوزره واقع اولق احتماله
برابر غلبه ظن حاصل اولمقدور . بو صورتده اهل سنت
و الجماعته کوره مجتهد اولان ذات بعضا خطاء و بعضا دخی
حقه اصابت ایدر .

و بر حکمک دایمی خفی اولمسندن ناشی مجتهد اولان ذات حقه
نائل اوله مدیغنی حالده اجتهادنده واقع اولان خطاسی
سببیه ضلالتیه نسبت اولنده رق عقاب اولمز . بلکه وظیفه
مأمو رینی بالایفا وسع و قدرتنی بذل ایله دعواسنه دلیل
اقامه ایلدیکنسن معذور طویلمور و همده بر درجه اجر و ثوابه
نائل اولوب کندوسنه مکافات اولمور . انجق اصول و عقابه
دینییه ده خطاء ایلیان درجه خطاسنه کوره هم تضلیل و همده
تکفیر اولمور . عالمک قدمنه قائل اولانلرایله بر طاقم بدعت
سپنه لری عبادت و اعتقاد ایلیانلرک کفر و ضلاله نسبت
اولندقلری کی . امام اجتهادنده حقه اصابت ایلیان ذاتک ایکی
درجه مکافاتیه نائل اوله جغنی (ان اصاب فله اجران
وان اخطأ فله اجر واحد) حدیث شریفیه نایندر .
و همده داود علیه السلامک زمان حکومتنده بر جاعلک
قیونلری کجه وقتی برتر لایه کپروب اکیلرینی افساد ایتدکلرندن

اكن صاحبلى حكومه مراجعت ايتدكلرنده حضرت
داود قيونلرك اكن صاحبلىنه ويرلسنى اجتهاد ايله حكم
ايتديسه ده اوغلو سليمان عليه السلام حكم مزبوره راضى
اوليوب اكنلرك اصلاحنه دكين قيونلرك سود و يونلرى ايله
انتفاع ايتك اوزره قيونلرك اكن صاحبلىنه ويرلسنى
واصلاح ايدنجيه قدر اكنلرك قيون صاحبلىنه تسليم اولمىسنى
حكم ايلدى . حالبوكه حضرت داودك اجتهادنده وقوعبولان
خطاسى سببيله طرف الهميدن لوم وتوبىخ اولمىوب بلكه
جناب الله داود وسليمان عليهم السلامك (هربرينه علم وحكمت
ويردك) ديوقرآن جليلنده كنديليرنى مدح و ثنا بيورمشدر .
واشبو قاعدهك قانون عقله دنى موافق اولديغى آشكاردر .
مثلا افنديك برى احبابندن برى آرامق اوزره خدمه بنندن
برقاج كشى بى مأمور ايتديكى حالده خدمهك هر برى امره
امثال ايله مواضع متعدده يه طاعيله رق و آرامقده قصور
ايتمه رك كز دك كنصكره مطلوب اولان ذاتى يالكز
بريسى بولوب كتوردىكى وسائرلى بوش كلكلىرى صورته
شبهه يوقدركه مطلوب اولان ذاتى كتورن خادمه زياده سبله
اكرام اولنور و بوش كلانلر دنى تكدير وتعذير اولمىوب
بلكه امكلىرى مقابلنده كنديليرنه بر مقدار احسان ايديلور .
اما معين اوله رق زيدى كتورمكه مأمور اولوبده قطعا
مطلوب اوليان عمروى كتوردرلر ايسه تكدير وتعذير
اولنه جقلىرى بيانندن مستغيدر .
وبرده صادق ومدير و فنى حربه آشنا بر اردو قوماندانى

فن مزبوره تطبيقا واقع لازمه يه عسكر سوق ايدوبده بعض
موقعلرده عسكرى بوزيله رق اجتهادنده خطا ايتسه قطعا
مسؤل طوتليه جنى آشكاردر . وبرده برهيت عسكرى به
دشمن ايله محاربه ايدوب ايتامك خصوصنده مباحنه ايدوبده
محاربه ايتك طرفنى التزام ايليان مجرب الاحوال برذاتك
دليلى واضح كورنديكندن كنديسنه بفرقه عسكرى به تابع
اولوب محاربه يه كيدرك منصور و مظهر اوله ميوپده بوزلسدر
اول ذاتك اجتهادنده واقع اولان خطاسى سببيله مجازات
اولمىه جنى شبهه سزدر . اشته بو وجهله اصحاب كرام عليهم
رضوان الملك العلم حضراتك پك چوغى مجتهد ايديلر .
بو كا بناء بعضيارينك آره لرنده واقع اولان اختلافات
اجتهاده مبنى اولديغى جهتمله بعض ارادل ناس روافض
و شيعه سوزلر يله طولديريلان برطالم تاريخلره باقه رق اطال
لسانه قالملىرى پك بيوك خطالرينى و چاه ضلالتنه دوشملىرى
موجب اولديغى اذنى ملاحظه ايله معلوم اولور . بوئلاو
يادكار احقرلك حقنده (الله اصلاح ايلسون) دعا شنندن
بشقه برشى سويلملىكى عبت ايله اشتغال كورديكز دن
صرف نظر ايلدك .
وشوراشى دنى معلوم اوله كه اصحاب كرام حضراتندن
صكره ملت اسلاميه ده پك چوق اهل اجتهاد كلش ايسه ده
علم و عمل وزهد و تقواده جله سنك ريس و شيخلىر ائمه اربعه
(رحمهم الله) حضراتى اولمغه زنادقه دن بشقه كافه امت
مرحومه محمدية مسائل اعتقاديه ده متفق اولوب باب اجتهادده ائمه

اربعه مشار الیهم حضرتانہ تابع اولدقلری حسبیلہ کندیلرینک
سیر و احوال شریفه لرندن برر نبذه جک بیان اولغق مناسب
کورلمشدر . وباللہ التوفیق

✽ امام همام اقدم حضرت امام اعظم نعمان بن ثابت ✽

✽ کوفی (رحمه الله) حضرت تلمیذک بعض ✽

✽ مناقب شریفه لری ✽

معلوم اوله که امام مشار الیه حضرت تلمیذ سنه هجریه دن
سکسان تار یخنده صحرا ی عدمدن عالم دنیا به کلوب یتیم سنه
معمر اوله رق یوزاللی تار یخنده عالم عقبایه انتقال ایلشدر .
اول چراغ شرع و ملت و شمع دین و دولت نعمان حقایقدان
حضرت تلمیذک ریاضت و مجاهده و خلوت و مشاهده سی
درجه عالیه ده و اصول طریقت و فروع شریعت و فراست
و یکا سنده یکانه و فتوت و مروته اعجوبه و کریم جهان
و جواد زمان اولسایله برابر عهدینک افضل و وقتنک
اعلی ایدی . و مالک بن انس حضرت تلمیذ بیورمشدر که
ابوحنیفه بی علم و کمالده اولدرجه ده ~~کوردم~~ که اگر
بر دیرک التون اولدیغنی دعوی ایدی دی دلیل کنوره
بیوردی . و امام شافعی حضرت تلمیذ بیورمشدر که علم
فقهده جله علمای عالم ابوحنیفه حضرت تلمیذک عیالیدرلر .

و علم تعبیرده دخی اولدرجه ید طولی صاحبی ایدی که بر کجه
خلیفه وقت ملک الموتی رؤیاسنده کوروب بنم عمرمدها نه مقدار
قالمشدر دیوسؤال ایلدکده ملک الموت بش پادشاه قالدیروب
اشارت ایلدی . و یورویایی هر کجه سؤال ایتدیه

تعبیرندن عاجز قالملری اوزربنه امام اعظم حضرت تلمیذ
مراجعتله واقع اولان سؤالرینه جوابا (بش علمه اشارندر .
یعنی بوبش علمی جناب واجب الوجوددن غیری هیچ برکسه
بیلز و اوبش علم جناب اللهم فرقان مبینده کله جک اولان
آیت جایله ایله بیان بیوردیغی علملردر . استعید بالله .
ان الله عنده علم الساعة و ينزل الغيث و يعلم ما فی الارحام
و ماتدری نفس ماذا تکسب خدا و ماتدری نفس بای ارض
تموت . صدق الله العظیم

و تحصیل علم و کمال ایدوب بر چوق سنه لاختیار عزتله زهد
و تقوانک درجه نهاییه سنه واصل اولدقدنصرکه روضه پاک
جناب پیغمبری زیارتنه کتدی . و بر کجه سرور عالم
افندمری عالم رؤیاده کوردیکنده رسول اکرم (یا اباحنیفه
سن بنم سنت و شریعتی اظهار ایدوب عزاتی ترک ایتلیسین)
امر شریفنه امتثالاعلم فقهه مقید اولوب سنن رسولی عالمه
اظهار ایلدی . و زهد و تقوانی دخی اولدرجه ده ایدی که
بر کون شاگردانندن بری وفات ایلایوب جنازه سنه حاضر
اولان جماعت هوانک شدت حرارتندن ناشی بر دیوارک
کولکه سنده اوتورمقده لر ایکن امام اعظم افندمرک کلمسیله
اورایه اوتورمسی تکلیف اولندقدده (بودیوارک صاحبندن
بنم آله جغم اولوب حالبوکه (کل قرض جر منفعة فهو ربا)
منطوق منبئی اوزره هر بر قرض که بر منفعتی جرایلیه آنک
ربا اوله جخی در ~~کار~~ او بلغله صاحب دینک دیواری
دیننده اوتوروب مستظل اولدیغم حالده ربا احتما لشدن

قورتيله ميه جغه نسا ابو يابده بنى معذور طوتارسه كنز)
 بيوردي . و صاحب ديوارى چاغىروب اقراض ايلديكى
 اچقدي كندوسنه نجش ايله حقنى اسقاط ايلد كد نصكره جماعتك
 خاطر لرنى تطيب اچون يانلرينه اوتوردى . و عبادات
 و طاعاتى اولدرجه كثر اوزره ايدى كه بهر كچه اولق اوزره
 برقاج وقت او چوز و صكره يد يوز ودها صكره لى يك
 ركعت نافله نماز قيلار ايدى . و كثر سجودندناشى
 ديزلى دوه ديزى كى قاس قى اولمش ايدى . و تمام
 اوتوز سنه مقدارى يتسو نمازى نيك آبدستيله صباح نمازنى
 قيلدى . و حقى شاكردانى بو حالنى تحقيق ايتك اچون
 يتسو نمازنى قيلد كد نصكره پاپوچلرينك اچنه چاقيل طاشلىرى
 طولديروب كيدرلر و صباح نمازى نيك كلد كلرنده طاشلىرى
 قودقلىرى و جهله بولورل ايدى . و اوتوز اوج دفعه دخی
 زيارت بيت الله كيدوب اداى حج شريف ايلمشدر .
 و جناب حق ايله اولان آداب و معامله سى دخی اول مرتبه ده
 ايدى كه كبار علما و اهل الله دن داود طائى حضرت تلىرى
 بيور مشدر كه (بن تمام اوتوز سنه ابو حنيفه حضرت تلىرىك
 مصاحبته بولندم هيچ بروقت خلا و ملاده باشك اچيق
 اولد يغنى و استراحت اچون آياق اوزا تد يغنى كورمدم
 و حتى بر دفعه يا امام المسلمين بو حال خلوتده استراحتكر
 اچون اياقلىرى نچون اوزا تميورسين ديد يكجه جوابا
 (خلوت و انجمنده جناب حق ايله ادب اوزره اولق اولى در

ديدى) و حضرت امام غزالى (رساله التفرقة بين الاسلام
 و الزندقة) نام كك بنده بيورلر كه ائمه اربعه نك هر برى علم
 و عمل و نهايت صفای باطن ايله سلوك و مجاهده لرايدوب
 كبار اولياء الله اولد كد نصكره يك چوق كرامات عاليه ايله
 مقام اعلاى قطبيته واصل اوله رق مقبول حق اولد قلدنندن
 مذهبلىرينه بو قدر مؤمنين داخل اولمشلردر . يو خسته تى
 كسه يه اقتدا امر محالدر . و امام اعظم حضرت تلىرىك كالات
 انسانيه و كرامات عاليه سندناشى مجلس انورلرينه اولياء كرام
 حاضر اولورل ايدى . ابراهيم ادهم و داود طائى و ابو مطيع
 بلخى و عبدالله بن مبارك حضرتانى كى . و كنديسى اعجاب
 كرامدن عبد الله بن حرا و انس بن مالك و جابر بن عبد الله
 و عبد الله بن ابى اوفى و واليد بن الاشفع و عايشه بنت عذر
 حضرت تلىرينه يتشمدر . بو جهته مجتهدين عظامك جهله سندن
 اقدمدر . ودها بولرد نبشقه مناقب شريفه و كرامات عليه لى
 يك چوقدر . انجق اطنا بدن احتراز ابو مقدار ايله اکتفا
 اولندى . (رضى الله عنه و نفعنا ببركته علومه آمين)

مجتهد ثانى امام مالك بن انس بن مالك (رحمه الله) حضرت تلىرىك

بعض احوال شريفه سى

امام مشار اليه حضرت تلىرى طقسان بشنچى سنه هجرىه سنه
 هجرى اى عدمدن و جوده كلوب سكسان درت سنه معمر
 اوله رق يوز يتش طقوز تاريخنده مدينه منوره ده عالم عقبايه
 روان اولمشدر . و امام مشار اليه حضرت تلىرى كندى
 عصرنده يكانده دوران و علم و فضيلت ايله مقبول جهان و از دل

و جان شاهراه شریعت سالک و علم و کماله فنون شتی به
مالک ایدی . و امام شافعی حضرت تلمیذ استاد و معلمی
ایدی . و سن شریفی سکسان ایکی به بالغ اولوب اختیار
اولنجه لایق و جهله تحریء مسائیل ایده ما مستند تاشی
هر و یردیکی فتوایه امام شافعی حضرت تلمیذ نظر ایلوب
بعضیسنی قبول ایدر بعضیسنی حضرت امامه کوندروب
بو مسئله ده احتیاط ایلد و نردیر ایدی . و حتی روایت
اولمشدر که بر کون وضع حلی قریب برقادین وفات ایلوب
تنه شویه قوندقده دروننده کی ولد حرکت ایتکه باشلا بینه
امام مالک حضرت تلمیذ مرا جعت ایدرک استفتا ایتد کلرنده
وادی ایله برابر دفن ایدلسون دیو فتوی و یرمسی اوزرینه
امام شافعی حضرت تلمیذ استفتا ایدنلرک عقبنده امام مالکک
خبری اولمقسنین جماعته حاضر اولوب جناره نک و لیلرینه
خطا با امام مالک حضرت تلمیذ عورتک قارنی یار یلوب
چوجغک چیقارلمسینی امر یوردی دیدی . و لیلری دخی قبول
ایلوب چوجغی چیقاردیلر . و بر سودا ناسنه و یروب
بیوتدیلر . و چوجق یدی یاشنه بالغ اولدقده امام شافعی
حضرت تلمیذ یاننه آلوب و تعلیم قرآن کریم ایلوب قرائت
عشره بی دخی تکمیل ایلد کد نصکره برکون چوجغی امام
مالکک یاننه کورتوروب قرائت عشره اوزره بر مقدار
تلاوت قرآن کریم ایتدردی . بعده امام مالک
حضرت تلمیذ خطایا یا امام المسلمین بونک قمتلنه بلا سبب شرعی
فتوی و یرن کسه یه نه لازم کلور دپدیکنده امام مالک حاله

مناسب فتوی و یرمسی اوزرینه امام شافعی واقع حالی بیان
ایدنجه امام مالک کندوسنه تشکر ایلوب (یا محمد انت شافعی)
دیو تلقیب ایلدی . (رحمة الله علیهما رحمة واسعة)

بجتهد ثالث امام شافعی حضرت تلمیذ

بعض مناقب علیه لری

امام مشارالیه حضرت تلمیذ یوز الی تاریخنده سخن عدمدن
عالم دنیا به کلوب الی درت سنه قدر معمر اوله رق ایکیوز
درت تاریخنده عازم دار جنان اولمشدر . اول خادم دین
و شریعت ناظم امور ملت مفتی اسرار الهی مهدی اطوار
نامتناهی وارث ابن عم بنی شافعی مطلبی حضرت تلمیذ که شعبه
دوحه نبوی و مویه شجره مصطفویدر . فهم و فراست و عقل
و کمال سنده بکانه دوران و مروت و قوتنده مدوح جهان
واجوبه زمان اولمسيله برابر عهدینک افضل و وقتک
اعلمی ایدی . حتی امام احمد بن حنبل حضرت تلمیذ که امام زمان
و مرجع جهان و او چوز بیک حدیث شریف حفظنده
اولدینغی مشهور اولمسيله برابر امام شافعی حضرت تلمیذ
تلمیذی اولوب مجلس شریفلرندن ایرلازدی . و خلق عالم
بو حالنه تعجب ایلوب (بو قدر فضائل و کمالات ایله برابر نیچون
امام شافعی یه شاگرد اولمقلغی اختیار ایلدک) دیو اعتراض
ایلد کلرنده احمد حضرت تلمیذ جوابنده (بزم حفظنده هر نه که
وار ایدسه امام شافعی حضرت تلمیذ معانی غامضه و اسرار
لا یقه سنه عارفدر . و امام شافعی عالم ایچره آفتاب کی
اولوب نور علمی ایله بتون خالق ضیا و یردیکی محل اریاب

دکدر . و بلال خواص حضرت تری دیشدر که خضره
ملاق اولدیغده شافعی حقه نه دیر سین دیو واقع اولان
سواله جوابا امام شافعی اوتادندر بیوردی . و محی الدین
عربی دخی فتوحات مکیه سنده بویه اولدیغنی تصریح
بیور مشدر . و شافعی حضرت تری بیور مشدر که بر کجه
سرور عالم افندمری عالم منامده کوردیکده (ای چو جق
سن کیمسین) دیو واقع اولان سوال شریفه جوابا یار رسول الله
سنک امتندن بر عاجزم دینجه (بکایقین کل) امر شریفه امتثالا
حضور سعادتلرینه واردیغده مبارک اغزینک یارندن بنم
آغزیمه و دیلمه سوردی و هایدی کیت جناب حق سکا یار
و معین اولسون بیوردی . و اول ساعتده علی المرتضی
حضرت تری دخی کورددم مبارک پار مغندن بر یوزک چبقاروب
بنم پار مغیمه طاقدی حتی بوسیدن بکا علم نبی و علم علی سرایت
ایلدی . و بویه اولدیغنی آثار جلیله سیله مشیدر . نته کیم
بعض کتب متبره ده واقع اولمشدر که خلیفه وقت اولان هرون
رشید زوجه سی (زبیده) نام خاتون ایله چکیشوب زبیده
(ای جهنمک کشی) دیو کندوسنه خطاب ایدنجه هرون
رشید (اکر بن جهنمک ایسه م سنده بندن بوش اوله سین)
دیه رک بری برلندن آیرلدیلر . انجق هرون رشیدک
زبیده به زیاده محبتی اولدیغندن مفارقتنه تحمل ایده میوب
کافه علمای بغدادی احضار ایله مسئله بی اورتهیه قویه رق
استفتا ایدنجه جله سی هرونک جهنمک و یا خود جهنمک اولدیغنی
اللهمدن غیری کسیه بیلر دیه رک هیچ بر جوابه مقتدر

اوله مدیلر . بونک اوزرینه شافعی حضرت تری حالا مکتب
چو جق اولدیغنی حالدده آره لردن چیقوب بوسواله جواب
ویریرم دیسمیله جله خلقک استغرابی موجب اولوب بوقدر
علمناک جواب ویره مدیکی برسواله بو چو جق نصل جواب
ویره ییلور مطلقا دلی اولمیدر دیدیلر سنده هرون رشید
آنلرک دیدکلرینه باقیوب شافعی بی یانه چاغیره رق سوء الک
جوابی سویله باقمدم دیدیکنده شافعی هرون رشیده خطابا
شمیدیکی حالدده بنم سکا احتیاج اولمیوب سنک بکا احتیاجک
اولدیغندن سن اوتور و بده بن ایاقدده بولندیغم حالدده جواب
ویرمک لایق دکدر دیسمیله هرون تختندن اینوب شافعی بی
تخت اوزرینه اوتور دینجه شافعی جای علمابالا اولور
بیوردقد نصرکه هرون رشیده خطابا (ای امیر المؤمنین
ابتدا بنم سکا برسوالم وارد) دیدیکنده هرون سوء الکزل
نه اولدیغنی بیان ایدیکزدیسمی اوزرینه شافعی (هیچ
واقع اولمشیدر که نفسک برکاه ایشمک آرزو سنده بولنوب
و مانع و مزاحم بولنمیوبده خوف الهی غلبه ایدرک اول کاهی
ایشلمکدن صرف نظر ایلیه سین) دیسمنه جوابا هرون رشید
اوت واقع اولمشدر دیسمیله شافعی حضرت تری (بن سنک
اهل جنت اولدیغکه حکم ایلدم) دیدوکی کبی علمای حاضره
قنغی دلیله استنادا بویه حکم ایده یور سین دیملرینه بجواب
اوله رق (و اما من خاف مقام ربه ونهی النفس عن الهوی
فان الجنة هی المأوی) آیت جلیله قرآنیه ایله حکم ایلدم
بیوردی . که معنای منی هر کسه که برکاه ایشمکه قصد

ایدرده قلبه خوف الهی غلبه سیه نفسی اوکا هدن
 وازچوره تحقیقا جنت اعلی آنک کانیدر . بونک اوزرینه
 جله حصار بحاس تحسین و آفرین ایدیلر و حال طفولیتده
 بویله اولان بر چوجغک بیودیکی زمان نه ذات عالیقدر
 اوله جغی قیاس اولنه دیدیلر . واول ذات عالیقدر کرامات
 مشهوره سندندر که بهر سینه بلاد رومدن هرون رشیده
 برچوق مال کوندر لر ایکن بر سینه مال عز بور کوندر لیوب
 مباحث دینه ایدلمک اوزره بر قاج کشیش کوندر یله رک
 زعم فاسد لر نجه اهل اسلامی خبط ایدوبده بردها مال
 کوندر میه جکلر ایمش . بونک اوزرینه هرون رشید علمای
 بغدادک دجله نه ری نگارینه اجتماع ایملرینی امر ایلدی .
 وره بانلردخی اول محله حاضر اولوب برجعت عظیمه تشکل
 ایلد کدنصکره هرون رشید امام شافعی به خطایا (بوکشیشلره
 جواب ویرمک لازمدر) دینجه شافعی حضرتلری سجاده سی
 دجله یه آتوب اوزرینه جالس اولدقدنصکره . (بزم ایله
 مباحثه ایتمک استیانتلرک بورایه کللری لازمدر) دیمسی اوزرینه
 کشیشلر بو حال مشاهده ایملر یله معیتلرنده بولسان آدم لریله
 برابر که جله سی در تیوز کشیدن عبارت اولوب شرف اسلامی
 قبول ایلدیلر . وایشه بو خبر قیصر رومه واصل اولدقدنه
 (تشرک ایدرمکه او آدم بودیاره کلامش اکر کله ایدی
 رومده زنادار قالمیوب جله سی مسلمان اولور زردی) دیمشدر
 (رضی الله عنه و نفعنا ببرکة علومه)

﴿ مجتهد رابع احمد بن حنبل حضرتلرینک بعض
 مناقب شریفه لری ﴾

امام مشار الیه حضرتلری بغدادده یوزالتمش درت تاریمخنده
 کتم عدمدن وجوده کلوب یمش یدی سنه قدر معمر اوله رق
 عازم دار جنان اولمشدر .
 اول صاحب تیغ زمانه وصاحب ورع یکانه اول سنی آخر
 واول امام محق احمد حنبل رحمه الله علیه حضرتلری که
 شیخ اهل سنت و امام دین و دیانت و اهل زهد و ریاضت
 و مظهر عقل و فراست و محافظه عزت دین اوغورنده نائل
 رتبه شهادت بر ذات بلند همت ایدی . وعلوم و فنونده مالک
 ید طولی و خصوصیه علم احادیثه واصل درجه اولی ایدی .
 وزهد و اتقاسی اول درجه ده ایدی که کندیس ی بغدادده
 ساکن ایکن (امیر المؤمنین عمر رضی الله عنه بوملکتی غازیله
 وقف ایتمشدر) دیه رک بغدادک اتمکنی یحییوب تا موصل
 طرفلرندن کتورده رک بیر ایدی . وبردفعه سفیان بن عتبه
 حضرتلرندن استماع اخبار ایتمک اوزره مکه مکرمه یه کیدوب
 کندیس یله کورشدی . ایرتسی کون جامه شویخی یبقا تمغه
 ویردیکندن حجره سنده چبلاق قالب کیده منجه سفیان
 حضرتلری امام احمدک نه ایچون کلدیکنی اکلامق اوزره
 یاننه بر آدم کوندر . واوزات حقیقت حاله واقف
 اولمسیله (حوایج ضروریه کزه صرف ایتمک اوزره سکا
 شوقدر آلتون ویره یم) دیونکلیف ایدی . و امام احمدک
 قبول ایمامسی اوزرینه عاریت اوله رق برقات البسه و برمکی

تکلیف آید پس ده آنی دخی قبول آید یوب رد آید نجه اول ذات
اصرار ایدرک بو ایشک چاره سنی بولد چقه بن بورادن کیده مام
دید بکنده امام احمد اشته بن برکتاب یازیورم تمام اولنجه
صا تو بده اچقه سنک یاری سنی فقرايه تصدق ایدر و یاری سیله
اثواب آ لورم دیدی .

و کتب معتبره ده بیان اولمشدر که طائفة خذله معتزله غلبه
آید نجه قرآن جلایله مخلوق دیدر تمک و بونک اوزرینه فتوی
آلمق افکار باطله سیله امام احمد حضرتلرینی خلیفه نک سراینه
کو تور دیلر . خلیفه دید کلری یادکار برخاثن بد کر دار
اولمغین حضرت امامک بو فکر فاسده قطع امیل آیمه جکین
اکلام سیله اللهم دن قورقز ظالم غدار بویله بر اختیار ییره
یا تبر و ب تمام یلک قیر باج اوردردی . و بو کاده قناعت
آیموب مبارک اللری نی ایپ ایله باغلاده رق زندانه آتدردی .
بونک اوزرینه غیب دن برال ظاهر اولوب حضرت امامک
الری نی چوز دیکنی اهل اعتزال مشاهده آیتلریله زنداندن
چیقاروب صالیویر دیلر . و بو المدن افاقت بوله میوب
شهمید اوفات آیشدر . و بیان آیتد کلرینه کوره وفاتی
زمانی قریب اولد قده مبارک پار مقلریله اشارت ایدر کن
او غلو (ای پدری محترم و عز و کرامتله مکرم بو نه حالدر) دیو
سو آنه جوابا حضرت امام (ای پسر ارجند وای باغ دلمده
سرو بلند بو وقت بروقت خطر در . محل غفلت دکلدرد .
خیر دعا یه مشغول اول . زیرا عین و یسار مده جالس
اولانک پییری شیطاندر . خاک ادباری باشنه صاحب

بکا دیور که ای احمد کندی کی بنم مکر و حیل مدن قور تاردک .
بنده جواب اوله رق دیدم که بوق اویله دکل بلکه بر نفس
قالنجه یه دک جای خطر اولوب جای امن دکلدرد) دیدی .
و جنازه قالدیرلد قده نیچه قوشلر هوا ده او چار ایکن
کندی لرینی تا بوتنه چار بوب ولسان حال ایله اغلا یوب ماتم
ایدر لردی . و اولکون بو حال مشاهده ایلیانلردن ایکی بیکی
متجاوز کبر و ترسانعه و صیحه ایدرک زنا لرین آتوب شرف
اسلامی قبول و کلمه منجیه مبارکه (لا اله الا الله محمد رسول الله) ی
ورد زبان آتدیلر . (رحمة الله علیه رحمة واسعة و نفعنا الله
بشفاعته يوم الندامة)

(نتیجه مقصد و مرام) اول ارکان دین مبین و خدمه حبل
متین ائمه اربعة مجتهدین حضرت تنک آفتاب جهات تابدن
بر ذره مقداری اوله رق بعض مناقب شریفه لرینک بیانیله
قدر و شرفلرینک نه درجه لده عالی اولدیغی معلوم اولنجه
بر طاق روافض بوز و نتیسی آفیون سر سملری جهله متصوفه نک
آیین باطللرینه تعرض اولنوب عبادت دیو یا بقدده اولد قلی
لعبیات مذاهب اربعة نک خارجنده در دینلر کده افکار
فاسده لر نجه کویا اهل سنته جواب ویرمه که قالقیشوب ائمه
دین مبین حضرتانه دیل اوزاده رق (مجتهدلر علوم ظاهره
اصحابدن اولوب بزم پییر لریمز کی مرتبه وصاله ابره مد کلرندن
آنلر بو اسراره واقف دکلدردلر) دیو سو یلد کلری ترهات
و هذیانات ودها بو مثللو آفیون سر سملر کندن نشئت آیمه
اقاویل سخیفه ایلهمقر بیانه لری عقول سلیمه اصحابی قتنده

القاء شیطانیه و دسایش نفسانیه اولدیغی کونش کبی
میدانه چیقار . و بومثلاو ابدالان نمدپوشانه شونی دخی
دیرز که صحیح پیر طریقت اولوبده مراتب کماله واصل اولان
اولیای کرامک مذاهب اربعه دن برینه تقلید ایله دخالتلری
ضرورات دینییه دن اولدیغی حالده متبوع معظملرندن ده
بیوک اولملری نه وجهله تصور اولنه بیلور . و کندیلرندن
دها کوچک اولنله نصل تقلید اید بیلورلر . و بو تقلید
ناقصک مرتبه کمالی انتاج ایتسی نه یولده اوله بیلور .
الله عقل سلیم و فکر مستقیم احسان ایله . ای اخوان دین
انسانک انجق قوللق ایچون یرا دلدیغی معلومکز در .
و خلاق عالمه قوللق ایتک دخی انجق علم ایله اولوب جهل ایله
اوله میه جغی شبهه کتورر شی دکلدر . و فضائل علم
ور ذائل جهلی بیان ایتک پک چوق مقدمات و مقاصده
توقف ایلیوب رساله عاجزانه مزک ججمی متحمل اولدیغندن
اورالری کتب مطوله به احاله ایدیله رک صرف نظر اولنوب
بالکز شوراسی اخطار اولنور که نور علمدن اعراض ایله ظلمات
جهلی رهبر ایدرک قوللق ایتک ممکن اولیدی کتب مقدسه
سماویه ارسالنه و دور آدمدن زمان سعادت اجدیه به قدر
یوزیککی متجاوز پیغبران عظامک کوندرملرینه و عباد الله
تعلیم دین و شریعت ایتک ایچون فدای جان و جهن ایدرک آنلرک
اوغرا شملرینه نه حاجت قالوردی . و فائده سبز بر فعل عبث
اولق لازمکلم می ایدی . حالبوکه افعال الهیه ده فعل عبثک
وقوعی دکل امکانی بیه محال اولدیغی اظهر من الشمسدر .

دیمک اولیور که ازاله جهل ایدرک نور علم ایله ضیاء المنقصرین
ظلمات نفسانیه دن قور تیلوبده سعادت ابدیه به نائل اولق
قطعا ممکن اوله میه جغی آشکار در . بو جهته بویله براساس
متین و حص رصین اولان شرع پاک اجدیدن آیریلوبده
وادی جهالت و ضلالتده قاله رق اوله بر طاقم بینسز
سرسم حریفله تقلید ایله اکا براسلا میه به دلیل اوزا تمقده
سعادت آرامق کار عاقل اولدیغی خالصانه و عاجزانه اخوان
دینه اخطار اولنوب حسن تأثیری جناب واهب المعطایادن
نیاز اولنور

(و منه الهدایة والتوفیق)

(فنعم الهادی ونعم الرفیق)

الحمد لله المتم للامور والصلوة والسلام علی سیدنا محمد
مدی الدهور وعلی آله واصحابه الذین هم شافعی یوم النشور
و نعوذ بالله تعالی من الحساد الذین لا ینالون من المجالس
الا المذمة والذل و مخالفه الآداب ولا من الله تعالی الا العذاب
والعقاب و اقول متذللًا و متضرعًا ربنا لا ترغ قلوبنا بعد
اذهدیتنا وهب لنا من لدنک رحمة انک انت الوهاب

۳۸۴

تاریخ ختم کتاب

- (مجرد لطف حق و عون ربانیدر اسلامه)
(که سیف خامه سندن دائماً مقهور اولور کفار)
(کلام تیغ محض اولمشدر اهل شرک و الحاده)
(زبان طعنه اهل حسد دن صاقله یا ستار)
(قولک حافظ بوخدا متله امید مغفرت ایلر)
(که ختم و نشرینه تاریخ موافق کلدی (یا غفار)

* (یا غفار) لفظ شریفنک *

* حروف مکتوبه سی *

* ی ا غ ف ا ر *


۱۰ ۱۰۰۰ ۸۰ ۲۰۰

(یکونی)

۱۲۹۲

م

م



مکتب فنون حریری حضرت شاهانه مطبعه سمنده طبع
و تمیل اولمشدر

سنة ۱۲۹۲

فی ۲۵ شوال